

সামাজিক চুক্তি  
বা  
রাষ্ট্রীয় অধিকারের মূলকথা

[ *J. J. Rousseau*-র *Contrat Social*-এর মূল ফরাসী  
হইতে অনুবাদ—রুশোর সংক্ষিপ্ত জীবনী সহ ]

প্রথম খণ্ড

শ্রীনন্দমাধব চৌধুরী এম. এ.

প্রাপ্তিস্থান

ডি. এম. লাইব্রেরী

৪২নং কর্ণওয়ালিশ স্ট্রীট, কলিকাতা

মূল্য দুই টাকা

পরিচয় প্রেস,  
৮ বি, দীনবন্ধু লেন, কলিকাতা হইতে  
শ্রীকুন্দভূষণ ভাট্টা কর্তৃক  
মুদ্রিত ও প্রকাশিত

# উৎসর্গ

শ্রীযুক্ত প্রমথ চৌধুরী

শ্রীচরণেষু-

১লা মার্চ, ১৯৪২



## অনুবাদকের বিভ্রাণ্ডি

অনেকদিন আগে শ্রীযুক্ত প্রমথ চৌধুরী মহাশয় ও শ্রীযুক্ত অতুলচন্দ্র গুপ্ত মহাশয়ের অনুরোধে রুশোর *Contrat Social* (সামাজিক চুক্তি) অনুবাদ করা হইয়াছিল। সেই সময় ইহাও স্থির হইয়াছিল যে Aristotele-এর *Politics* ও Machiavelli-র *Prince* মূল ভাষা হইতে তর্জমা করিবার ব্যবস্থা হইবে। এই কল্পনা অবশ্য কার্যে পরিণত হয় নাই। *Contrat Social* তর্জমা শেষ হইয়া এতদিন পড়িয়াছিল। এই গ্রন্থ চার খণ্ডে বিভক্ত। ইহার মধ্যে প্রথম তিন খণ্ড ছাপা হইবার পরে কাগজের অভাবে ষষ্ঠ খণ্ডের মুদ্রণ আপাততঃ বন্ধ রাখিয়া প্রথম তিন খণ্ড একত্রে “সামাজিক চুক্তি, ১ম খণ্ড”, নামে প্রকাশ করা হইল, বাকী অংশ পরে সময়মত ২য় খণ্ডে বাহির হইবে।

*Contrat Social* এর রাষ্ট্রতত্ত্ব ও রাষ্ট্রনীতি সংক্রান্ত ফরাসী কথাগুলির অনুবাদে বাংলায় যে সকল কথা ব্যবহার করা হইয়াছে তাহার এতটা মোটামুটি তালিকা পরিশিষ্টে দেওয়া হইল।

রুশোর জীবনী ও তাহার রচিত সাহিত্য সম্বন্ধে একটি সংক্ষিপ্ত বিবরণ দেওয়া হইল। ইহার অল্প পরিসরে সমসাময়িক কালের যুরোপের সমাজনীতি, রাষ্ট্রনীতি ও সাহিত্যের উপর রুশোর গ্রন্থগুলির অসাধারণ প্রভাবের কোন বর্ণনা দেওয়া গেল না। *Contrat Social*-এ প্রতিপাদিত তত্ত্বসমূহের কোনগুলি রুশোর নিজস্ব ও কোনগুলি অপরের নিকট গৃহীত এবং বর্তমান যুগে এইগুলির কতখানি মূল্য আছে তাহার কোনরূপ আলোচনাও এই বিবরণে নাই। একজন অননুসাধারণ সৃজনী প্রতিভাশালী যুগ-প্রবর্তক লেখকের বিশ্ববিখ্যাত গ্রন্থের মূল হইতে বাংলা অনুবাদমাত্র হিসাবে পাঠক ইহা গ্রহণ করিতে পারেন।

প্রফ দেখিবার দোষে পুস্তকে কতকগুলি ভুল রহিয়া গিয়াছে  
ইহার মধ্যে কতকগুলি ফরাসী ও বাংলা কথার বানান ভুল উল্লেখ-  
যোগ্য। এজন্য ক্রটি স্বীকার করিতেছি।

২৭, বালিগঞ্জ প্লেস

কলিকাতা

শ্রীমাননীমাধব চৌধুরী

১লা মার্চ, ১৯৪২

জে. জে. রুশো

১৭১২ খৃষ্টাব্দের ২৮শে জুন জেনেভা প্রবাসী এক প্রোটেষ্টান্ট ফরাসী  
পরিবারে রুশো (Jean Jacques Rousseau) জন্মগ্রহণ করেন।  
তাঁহার জন্মের পরেই তাঁহার মাতার মৃত্যু হয় এবং আত্মীয়দের হাতে  
রুশোর পালনের ভার পড়ে। তাঁহার পিতার ঘড়ি তৈয়ারীর ব্যবসায়  
ছিল। রুশোর দশ বৎসর বয়সের সময় পুত্রকে আত্মীয়দিগের নিকট  
ফেলিয়া রাখিয়া পিতা জেনেভা হইতে চলিয়া যান। আত্মীয়গণ  
বালককে কাজকর্ম লাগাইয়া দিবার চেষ্টা করেন কিন্তু উহা ভাল না  
লাগায় ১৬ বৎসর বয়সে বালক গৃহ হইতে পলায়ন করিয়া নানা স্থানে  
ঘুরিয়া বেড়াইতে আরম্ভ করে। রুশোর এই সময়ের ভবঘুরে জীবনের  
বিচিত্র কাহিনী *Confessions* নামক পুস্তকে বর্ণিত হইয়াছে। এই  
সময়ে তিনি প্রথম Madame de Warens এর সংশ্রবে আসেন। কিছু-  
দিন পরে তাঁহার প্ররোচনায় Turin-এ এক আশ্রমে থাকিয়া ক্যাথলিক  
ধর্মে দীক্ষিত হন। তারপর কখন ভৃত্য কখন বা সেক্রেটারী যে কাজ  
জুটিল তাহাই করিতে থাকেন ও অবশেষে Madame de Warens এর  
নিকট ফিরিয়া আসিয়া নয় বৎসর তাঁহার গৃহে বাস করেন। নয় বৎসর  
তাঁহার গৃহে বাস করিবার পর তাঁহার সঙ্গে বিবাদ করিয়া Lyons-এ  
চলিয়া যান ও গৃহ শিক্ষকের কাজ যোগাড় করিয়া লন। সেখান হইতে

১৭৪১ খৃষ্টাব্দে পারীতে উপস্থিত হন, একখানি স্বলিখিত পুস্তক (*Narcisse*), নিজের উদ্ভাবিত স্বরলিপির নূতন প্রণালী ও পনেরটি মুদ্রা সম্বল লইয়া। স্বরলিপি নকল করিয়া রুশো কোনপ্রকারে জীবিকা-নির্বাহ করিতে থাকেন। এই সময়ে Diderot, Fontenelle, Marivaux, কয়েকজন নাম করা ব্যক্তির সহিত তাঁহার পরিচয় ঘটে। Diderot Encyclopoediaর জন্ত কিছু কাজও তাঁহাকে সংগ্রহ করিয়া দেন। অবশেষে তিনি Madame Dupinএর সেক্রেটারীর কার্যে নিযুক্ত হন ও তাঁহার অবস্থা কতকটা সচ্ছল হয়।

১৭৪২ খৃষ্টাব্দে l'Academie de Dijon, Science ও Arts এর উন্নতির ফলে মানবচরিত্রের উৎকর্ষ বা অপকর্ষ হইয়াছে,—এই সম্বন্ধে আলোচনার জন্ত একটি পুরস্কার ঘোষণা করেন। প্রতিযোগিতায় রুশোর প্রবন্ধ পুরস্কার লাভ করে। ১৭৫৩ খৃষ্টাব্দে তাঁহার *Le Discours sur l'inegalite'* প্রকাশিত হয় ও তাঁহার খ্যাতি ছড়াইয়া পড়ে। পারীর অভিজাত Salonগুলিতে তিনি সম্মানিত অতিথি হিসাবে পরিগণিত হন। কিন্তু রুশো পারীর সুসভ্য, মার্জিত চলন বলনের কায়দা আয়ত্ত করিতে পারেন নাই; তাঁহার গ্রাম্য, আড়ষ্ট চালচলনের জন্ত পাছে উপহাসের পাত্র হন এই ভয়ে তিনি ইচ্ছা করিয়া লোকের সঙ্গে রুঢ় ব্যবহার করিতেন। মোটের উপর পারীর মার্জিত সমাজ তাঁহার প্রীতিপদ হয় নাই। তিনি প্রকৃতির ক্রোড়ে মানুষ হইয়াছিলেন, আবাল্য ভবঘুরে জীবন প্রকৃতির প্রতি তাঁহার আকর্ষণ নিবিড়তর করিয়াছিল। পারীর বন্ধ আবহাওয়া হইতে বাহির হইবার জন্ত তিনি ব্যাকুল হইয়া উঠিয়াছিলেন। এই সময় Madame d'Épinayর Montmorencyর বনভূমির উপকণ্ঠে তাঁহার কুটীর রুশোকে বাস করিবার জন্ত দেন। কিছুকাল পরে এই বাড়ী ত্যাগ করিয়া ঐ অঞ্চলেই লুক্সেমবুর্গের ড্যুকের একটি কুটীরে তিনি উঠিয়া যান। এই বাড়ীতে (Montlouis) রুশো স্থিরভাবে কয়েক বৎসর বাস করেন। এই বাড়ীতে বাস করিবার সময় তাঁহার *Nouvelle Héloïse* (১৭৬০)

*Contrat Social* (১৭৬২) এবং *Émile* প্রকাশিত হয়। *Contra Social* ফরাসী সেন্সরকর্তৃপক্ষের ডরে Amsterdam হইতে প্রকাশিত হয়, *Émile*ও সেখান হইতে প্রকাশিত হয়। *Nouvelle Héloïse* প্রকাশিত হইলে নাগরিক-জীবনের প্রতি বিরক্ত, বনবাসী গ্রন্থকারের নাম সমগ্র য়রোপে ছড়াইয়া পড়ে, সমসাময়িক য়রোপীয় সাহিত্যের প্রধানগণের মধ্যে তাঁহার স্থান নির্দিষ্ট হয়। *Émile* প্রকাশিত হইলে রাজা, শাসনতন্ত্র ও ধর্ম সম্বন্ধে গ্রন্থকারের স্বাধীন মতামত ফরাসী সরকার ও চার্চের প্রীতিকর হইল না; Sorbonne হইতে এই গ্রন্থের নিন্দা হইল, পাল্লামেন্ট উহা পুড়াইবার আদেশ দিলেন ও রুশোর গ্রেপ্তারের আদেশ বাহির হইল। লুক্সেমবুর্গের ডুক তাঁহাকে বিতাড়িত করিতে বাধ্য হইলেন। রাত্রির অন্ধকারে রুশো Montlouis হইতে পলায়ন করিলেন। ফ্রান্সের বাহিরে ও *Émile*-এর এই প্রকার অভ্যর্থনা হইল। বার্ন, হলাণ্ড ও জেনেভায় এই পুস্তকের প্রচার রহিত হইল, পলাতক গ্রন্থকারের কোথাও আশ্রয় মিলিল না। অবশেষে Frederick the Great এর অনুগ্রহে Neuchâtel এর Motiers-Travers-এ Madame Boy de La Tour এর গৃহে তিনি আশ্রয় পাইলেন। এখানে উদ্ভিদবিজ্ঞান চর্চা করিয়া ও লেস বুনিয়া সময় কাটাইতেন। এখান হইতে *Lettres écrites de la Montagne* বাহির হয়। অবশেষে এক পাদরী (Pasteur) গ্রামের লোকদের তাঁহার বিরুদ্ধে ক্ষেপাইয়া তুলিল। তাহাদের উৎপাতে Motiers হইতে পলায়ন করিয়া Lake Bienne-এর Sanit-Pierre দ্বীপের একটি বাড়ীতে তিনি আশ্রয় লইলেন। বার্নের সরকার তাঁহাকে অভিযুক্ত করিবার আদেশ জারি করিলেন। সেখান হইতে পলায়ন করিয়া ১৭৬৬ খৃষ্টাব্দে তিনি ইংলণ্ডে উপস্থিত হইলেন। বন্ধু David Humeএর সহায়তায় Staffordshire-এ Wootton-এর একটি বাড়ীতে কতকটা শান্তিতে দেড় বৎসর কাল বাস করিলেন। স্থান হইতে স্থানান্তরে এইভাবে বিতাড়িত হইয়া ও বহু ভিত্তি অভিজ্ঞতার ফলে সংসারের সকলের



উপরেই রুশোর মনে সন্দেহের ভাব আসিয়া গিয়াছিল, মেজাজ খিট-গিটে হইয়াছিল। Hume এর সঙ্গে কলহ বাধিল। রুশোর সন্দেহ জন্মিল যে ইংরেজ সরকার তাঁহাকে হত্যা করিবার অভিপ্রায় পোষণ করেন। ইংলণ্ড হইতে পলায়ন করিয়া তিনি Mirabeau ও Prince de Conti-র আশ্রয় লইলেন। অবশেষে :৭৭০ খৃষ্টাব্দে তিনি পারীতে ফিরিয়া আদিলেন ও পূর্বের মত স্বরলিপি নকল করিবার কাজ করিতে লাগিলেন। এই সময়ে *Rousseau juge de Jacques* নামে একখানি পুস্তক রচিত হয়। পুস্তকখানি কথোপকথনের সমষ্টি। ইহাতে Rousseau তাঁহার নিজের আচরণ সমর্থনের প্রয়াস পাইয়াছেন। *Rêveries du Promeneur Solitaire* নামে আরেকখানি পুস্তকও এই সময়ে রচিত হয়। পারীতে Plâtrière নামক রাস্তায় একটি গৃহে রুশো নিঃসঙ্গভাবে বাস করিতেন। কাহারও সঙ্গে তিনি দেখা করিতেন না; কেহ দেখা করিতে আসিলে মারমূর্তি ধরিয়া তাহাকে তাড়াইয়া দিতেন। তাঁহার বিরুদ্ধে কুৎসা রটনা করিয়া অথবা অযাচিত-ভাবে অনুগ্রহ দেখাইয়া তাঁহাকে অবমানিত করিবার ও হয় প্রতিপন্ন করিবার ষড়যন্ত্রে সকলে লিপ্ত, এই সন্দেহ তাঁহাকে এমন ভাবে পাইয়া বসিয়াছিল এবং তাঁহার আচরণে ইহা এমন ভাবে প্রকাশ পাইত যে উহা মস্তিষ্ক-বিকারের পর্য্যায়ে পৌঁছিয়াছিল। পৃথিবীতে সকলেই তাঁহার শত্রু হইয়া দাঁড়াইয়াছিল,—Hume, Diderot, Grimm, তাঁহার সকল বন্ধুই শত্রু হইয়া তাঁহার বিরুদ্ধে ষড়যন্ত্র করিত।

তাঁহার মানসিক অবস্থা যখন এইরূপ M. de Girardin Ermenonville-এ নিজের একটি কুটার রুশোকে বাস করিবার জন্ত ছাড়িয়া দেন এবং :৭৭৮ খৃষ্টাব্দে তিনি সেখানে বাস করিবার জন্ত চলিয়া যান। সেই কুটারেই ঐ বৎসরের ২রা জুলাই তারিখে তাঁহার মৃত্যু হয়। কেহ কেহ সন্দেহ করেন যে রুশো আত্মহত্যা করেন।

রুশোর সকল রচনার তালিকা দেওয়া এখানে নিম্নয়োজন। এই সকল রচনা বিভিন্ন শ্রেণীর; ইহার মধ্যে উপন্যাস, নাটক, রাষ্ট্রনীতি,

অর্থনীতি, সমাজনীতি ও ধর্মনীতির আলোচনা, শিক্ষা প্রণালীর আলোচনা, পত্রাবলী, বিভিন্ন বিষয়ক প্রবন্ধ, সঙ্গীত ও উদ্ভিদ বিজ্ঞান অভিধান প্রভৃতি আছে। রুশোর যে সকল গ্রন্থ বিশেষ বিখ্যাত সেগুলি ১৭৪৯ হইতে ১৭৬২ এই বারো বৎসরের মধ্যে রচিত হইয়াছিল। কতকগুলির উল্লেখ ইতিপূর্বে করা হইয়াছে। ইহার মধ্যে *La Nouvelle Héloïse*, *Contrat Social*, *Émile* প্রভৃতি সমধিক পরিচিত। প্রসিদ্ধ *Profession de foi du vicaire savoyard*, *Émile*-এর একটি অংশ। *Confessions*, *Émile et Sophie*, *Rêveries du Promeneur Solitaire* প্রভৃতি তাঁহার মৃত্যুর পরে প্রকাশিত হয়। *Nouvelle Héloïse* দুই প্রেমিকের পত্রাবলীর আকারে রচিত উপন্যাস। এক কথায় এই গ্রন্থকে যুরোপের রোমান্টিক কথা-সাহিত্যের প্রবর্তক বলা যায়। এই উপন্যাসের একটি সংক্ষিপ্ত, সুন্দর সমালোচনা George Brandes-এর *Main currents in nineteenth century Literature* এ (vol i) পাওয়া যাইবে। *Contrat Social*-এ সর্বসাধারণের ভোটের অধিকার ও সাধারণতন্ত্রের দাবী করা হইয়াছে এবং পরে ফরাসী বিপ্লবের যাহা মূল মন্ত্র হয় সেই *Liberty, Equality* ও *Fraternity*-র নীতি প্রচার করা হইয়াছে। *Émile* নূতন ধরণের শিক্ষানীতি সম্বন্ধে গ্রন্থ। ইহাতে তৎকালীন সমাজে প্রচলিত ছেলে-মেয়েদের প্রতি অবহেলা, তাহাদিগকে শিক্ষা দিবার কৃত্রিম প্রণালী প্রভৃতির প্রতিবাদ করা হইয়াছে ও নূতন প্রণালীর ব্যাখ্যা করা হইয়াছে। Lord Morley এই গ্রন্থকে “One of the seminal books of the world’s literature” বলিয়াছেন। ফরাসী দেশে *Contrat Social* ও *Émile*, এই দুইখানি গ্রন্থই ফরাসী বিপ্লবের ক্ষেত্র প্রস্তুত করিতে সমানভাবে সাহায্য করে। ফরাসীদেশের বাহিরেও প্রসিদ্ধ শিক্ষাবিদগণ রুশোর প্রণালী কার্যে পরিণত করিবার চেষ্টা করিয়াছেন।

রুশোর বিখ্যাত রচনাসমূহের মূল প্রতিপাদ্য বিষয় এক। প্রকৃতি

মানুষকে যে ভাবে গড়ে ও যে উদ্দেশ্যে গড়ে সমাজের দোষে তাহা ব্যর্থ হইয়া যায়। রুশোর নিজের কথায় (*Dialogue*) *J'y vis partout le développement de son grand principe, que la nature a fait l'homme heureux et bon, mais que la société le déprave et le rend misérable.* অর্থাৎ, সকল রচনার মধ্যে এক মূলনীতির ব্যাখ্যা করা হইয়াছে,—প্রকৃতি মানুষকে সুখী ও সৎ করিয়া গড়িয়াছিল কিন্তু সমাজ তাহাকে নষ্ট ও দুর্দশাগ্রস্ত করিয়াছে। লেখক-রুশোর মূল উদ্দেশ্য মানুষের উদ্ধার সাধন করা ও তাহার উপযুক্ত স্থানে তাহাকে স্থাপন করা। এই কার্যের দুইটি অংশ আছে,—ব্যক্তির উদ্ধার ও সমাজের উদ্ধার। ব্যক্তির উদ্ধার করিতে হইবে প্রথমতঃ শিক্ষার দ্বারা। কি ভাবে এই কাজ করিতে হইবে তাহা দেখান হইয়াছে *Émile*-এ। সমাজের উদ্ধার সাধন সম্ভব হয় মানুষ যদি সমাজ-বন্ধনের গোড়ার কথা মনে রাখে। ব্যক্তি তাহার নিজস্ব স্বাধীনতার খানিকটা বিসর্জন দেয় সমাজ ও রাষ্ট্র গঠনের জন্ত, সে কাহারও গোলাম নহে। বৈষম্য, অর্থাৎ মৃষ্টিমেয় লোকের প্রভুত্ব সকল অত্যাচার, শোষণ ও অত্যাচারের মূল। সমাজ ও সমাজবদ্ধ মানুষের নিজের প্রয়োজনে যে রাষ্ট্রের উদ্ভব হয় তাহার উদ্ধার সাধনের উপায় দেখান হইয়াছে *Contrat Social*-এ।

## ভূমিকা

বহুদিন পূর্বে আপনার শক্তির পরিমাণ না বুঝিতে পারিয়া একখানি বড় গ্রন্থ রচনায় হাত দিয়াছিলাম এবং সে প্রয়াস অনেক দিন হইল পরিত্যক্ত হইয়াছে ; এই ক্ষুদ্র পুস্তকখানি উহারই একটি অংশ । যাহা লিখিত হইয়াছিল তাহার বিভিন্ন অংশের মধ্যে যে গুলি উদ্ধার করা যাইতে পারিত ইহাই সেগুলির মধ্যে সর্বাপেক্ষা দীর্ঘ এবং আমার মতে সাধারণের নিকট উপস্থিত করিবার সর্বাপেক্ষা কম অনুপযুক্ত ; বাকী অংশগুলি নষ্ট হইয়া গিয়াছে ।

# সামাজিক চুক্তি বা রাষ্ট্রীয় অধিকারের

## মূল কথা ।

### প্রথম খণ্ড

আমার অনুসন্ধানের বিষয়, মানুষকে যেমন দেখা যায় সেই ভাবে ও ব্যবস্থা-বিধি যে রূপ হইতে পারে সেইরূপে লইলে, সমাজে শাসন-পরিচালনের কোন বৈধ ও নিশ্চিত নিয়ম পাওয়া যাইতে পারে কি না । অধিকার বলে যাহা করা যায় ও স্বার্থের নিমিত্ত যাহা করা আবশ্যিক, বর্তমান প্রকল্পে আমি সর্বদা এই দুইটির সমন্বয় করিবার চেষ্টা করিব যাহাতে, যাহা ণায়ানুমোদিত ও যাহা হিতকর, পরস্পর হইতে তাহারা বিযুক্ত হইতে না পারে ।

আলোচ্য বিষয়ের গুরুত্ব প্রতিপন্ন না করিয়াই আমি সে সম্বন্ধে আমার বক্তব্য বলিতে প্রস্তুত হইলাম । লোকে আমাকে জিজ্ঞাসা করিবে, আমি কি শাসন-কর্তা না ব্যবস্থা-কর্তা, যে রাষ্ট্র-নীতি সম্বন্ধে লিখিতে বসিয়াছি ? আমার উত্তর এই যে, আমি দুইয়ের কোনটি নহি এবং ঐ কারণেই রাষ্ট্র-নীতি সম্বন্ধে লিখিতে বসিয়াছি । যদি আমি শাসন-কর্তা বা ব্যবস্থা-কর্তা হইতাম তাহা হইলে যাহা করিয়া দেখাইতে হয় তাহা লইয়া কথা বলিয়া আমার সময় নষ্ট করিতাম না ; হয় কাজ করিতাম, না হয় চুপ করিয়া থাকিতাম ।

## সামাজিক চুক্তি

আমি স্বাধীন রাষ্ট্রে জন্মিয়াছি এবং আমি তাহার রাজ-শক্তির একটি অংশ ; কাজেই রাষ্ট্র-সংক্রান্ত ব্যাপারগুলিতে আমার কথার প্রভাব অতি সামান্য হইলেও তদুপলক্ষে আমার ভোট দিবার অধিকার আছে বলিয়া সে সম্বন্ধে আলোচনা করা আমার কর্তব্য ; এবং বিভিন্ন শাসন-ব্যবস্থা সম্বন্ধে আমি যত চিন্তা করি, আমার স্বদেশে প্রতিষ্ঠিত শাসন-ব্যবস্থার প্রতি অনুরক্ত হইবার তত নূতন নূতন কারণ আমার আলোচনা প্রসঙ্গে দেখিতে পাইয়া আমি আপনাকে সুখী বিবেচনা করি !

### প্রথম অধ্যায়

প্রথম খণ্ডের বিষয় ।

মানুষ জন্মে স্বাধীন হইয়া, কিন্তু সর্বত্র সে শৃঙ্খলে আবদ্ধ । একজন মনে ভাবে সে আর সকলের প্রভু কিন্তু সে স্বয়ং তাহাদের অপেক্ষা অধিক পরাধীন থাকিয়া যায় । এ পরিবর্তন কি করিয়া হইল ? আমি জানি না । ইহাকে বৈধ করিয়া তুলে কিসে ? এ প্রশ্নের উত্তর আমি দিতে পারি বলিয়া মনে হয় ।

যদি আমি কেবল বল ও তাহা ব্যবহারের ফলাফলের কথা ধরিতাম তবে বলিতাম : “যতদিন একটি জাতিকে আদেশ

## সামাজিক চুক্তি

পালনে বাধ্য করা যায় এবং তাহারা আদেশ পালন করে, ততদিন তাহারা ভালই করে ; যত শীঘ্র ঐ জাতি যোগাল ফেলিয়া দিতে পারে এবং ফেলিয়া দেয়, তাহারা আরও ভাল করে ; কারণ, যে অধিকারে তাহাদের স্বাধীনতা অপহৃত হইয়াছিল সেই অধিকারে সেই জাতি তাহা পুনরুদ্ধার করিলে মানিতে হইবে হয় এই উপায়ে স্বাধীনতা পুনরুদ্ধার করিতে তাহাদের অধিকার আছে, না হয়, তাহা অপহরণ করিবার অধিকার কাহারও ছিল না। কিন্তু সামাজিক শৃঙ্খলার দাবী মানুষের পবিত্র অধিকার, উহা আর সকল অধিকারের ভিত্তি-স্বরূপ। কিন্তু তাহা হইলেও এ অধিকার প্রকৃতি হইতে আসে নাই ; ইহার প্রতিষ্ঠা হইয়াছে কতকগুলি চিরায়ত প্রথার উপর। এই প্রথাগুলি কি তাহা জানা প্রয়োজন। তৎপূর্বে আমি যাহা বলিলাম তাহা আমাকে প্রমাণ করিতে হইবে।

## দ্বিতীয় অধ্যায়

আদি সমাজসমূহ।

সকল রকম সমাজের মধ্যে প্রাচীনতম এবং একমাত্র স্বাভাবিক সমাজ-বন্ধন হইতেছে পরিবার ; এমন কি পরিবারের ভিতরেও, সন্তান ততক্ষণই পিতার সহিত আবদ্ধ থাকে, যতক্ষণ আত্মরক্ষার জন্য উহা আবশ্যিক। যে-মাত্র এই

## সামাজিক চুক্তি

প্রয়োজন শেষ হয় সেই মুহূর্তে উক্ত স্বাভাবিক বন্ধন ভাঙ্গিয়া যায়। সন্তান, পিতার প্রাপ্য যে আদেশানুবর্তিতা, তাহা হইতে মুক্ত হয়; পিতা, সন্তানের প্রাপ্য যে রক্ষণাবেক্ষণ প্রযত্ন, তাহা হইতে মুক্ত হইয়া উভয়ে সমান ভাবে স্বাধীনতা পুনর্লাভ করেন। তার পরেও যদি উভয়ে একত্রই থাকেন তাহা আর প্রাকৃতিক কারণবশতঃ নয়, ইচ্ছা করিয়া; এবং পরিবার-বন্ধন টিকিয়া থাকে কেবল প্রথার উপরে।

উভয় পক্ষের এই স্বাধীনতা মানুষের স্বভাব হইতে উদ্ভূত। মানুষের পক্ষে প্রথম আইন হইতেছে তাহার আত্মসংরক্ষণের উপায় বিধান করা; নিজের জন্ম যাহা সে করিতে বাধ্য তাহাই তাহার প্রথম ভাবনার বিষয়, এবং যখন সে বুদ্ধি বিবেচনা করিবার বয়সে আসে, তখন কেবল স্বয়ং আত্ম-সংরক্ষণের উপায় নির্দ্ধারণের সক্ষম বলিয়া সে আপনি আপনার অভিভাবক হয়।

তাহা হইলে বলা যাইতে পারে যে রাজনৈতিক সমাজ সমূহের প্রথম আদর্শ হইতেছে পরিবার; রাজার সহিত পিতার তুলনা চলে, প্রজাবৃন্দের সহিত সন্তানগণের তুলনা চলে এবং সকলে সমান এবং স্বাধীন হইয়া জন্মিয়া কেবল স্বকীয় কল্যাণার্থে আপনাদের স্বাধীনতা ক্ষুণ্ণ করে। প্রভেদ এইমাত্র যে, পরিবারের ভিতরে সন্তানের প্রতি পিতার স্নেহ সন্তানের জন্ম তাঁহার সকল শ্রম সার্থক করিয়া দেয় এবং রাষ্ট্রে প্রভূত



করিবার সুখ এই স্নেহের স্থান অধিকার করে ; কারণ, প্রজাবৃন্দের প্রতি রাজার ঐরূপ স্নেহ থাকে না ।

মানুষের সকল ক্ষমতা যে যে-সকল ব্যক্তি শাসিত হয় তাহাদের অনুকূলে প্রতিষ্ঠিত গ্রোটিয়ুস (Hugo Grotius) তাহা স্বীকার করেন না ; দৃষ্টান্ত স্বরূপ তিনি দাসত্ব প্রথার উল্লেখ করেন । তিনি সচরাচর যে যুক্তি-প্রণালী ব্যবহার করিয়াছেন তাহা হইতেছে সর্বত্র দৃষ্ট ঘটনার সাহায্যে অধিকারকে প্রমাণ করা । (১) ইহা অপেক্ষা উৎকৃষ্ট, যুক্তি-সঙ্গত প্রণালী ব্যবহার করা যাইতে পারে, কিন্তু স্বেচ্ছাচারী শাসকগণের পক্ষে সেটি অধিক অনুকূল করা সম্ভব নয় ।

তাহা হইলে গ্রোটিয়ুসের মতে ইহা সন্দেহের বিষয় যে সমগ্র মানব জাতি একশত মানবের সম্পত্তি, না ঐ একশত জন মানুষ সমগ্র মানব জাতির সম্পত্তি ; এবং দেখা যায় যে, তাঁহার পুস্তকের সর্বত্র তিনি প্রথমোক্ত মতের দিকেই বুকিয়াছেন ; হব্‌সেরও (Thomas Hobbes) ঐ প্রকার মত । তাহা হইলে দাঁড়াইল যে, সমগ্র মানব জাতি

---

“জনসাধারণের অধিকার সম্বন্ধে পাণ্ডিত্যপূর্ণ গবেষণা সচরাচর পুরাতন জুলুম জবরদস্তির ইতিহাস ব্যতীত আর কিছু নয় । ঐ সব লইয়া বেশী মাথা ঘামান কেবল অকারণ মাথা খাড়াগ করা ।” ( *Traité des intérêts de la France avec ses voisins—le marquis d'Argenson.* ) গ্রোটিয়ুস ঠিক ঐরূপ করিয়াছেন ।

## নামাজিক চুক্তি

গোমেযাদির মত বিভিন্ন পালে বিভক্ত, এবং প্রত্যেক পালের একটি করিয়া শাসক আছেন যিনি গ্রাস করিবার জন্য পালের রক্ষণাবেক্ষণ করেন।

মেঘপালক যেমন তাহার পালের মেঘ অপেক্ষা উচ্চতর শ্রেণীর জীব, সেইরূপ মনুষ্যপালকগণও, অর্থাৎ যাহারা শাসন কর্তা তাহারা, তাহাদের প্রজাবৃন্দ অপেক্ষা উচ্চতর শ্রেণীভুক্ত। ফিলো (Philo) বলেন যে সম্রাট কালিগুলা (Caligula) ঐ ধরণে তর্ক করিতেন এবং ঐ উপমা সুন্দররূপে বজাইয়া রাখিয়া প্রমাণ করিতেন যে হয় রাজন্যবর্গ দেবতা, না হয় প্রজাবৃন্দ পশু। কালিগুলার তর্ক-প্রণালী হব্‌সের এবং গ্রোটিয়ুসের তর্ক-প্রণালীর সহিত মিলে। তাহাদের উভয়ের পূর্ববর্তী আরিষ্টটলও (Aristotle) বলেন (১) যে সকল মানুষ কখন স্বভাবতঃ সমান নহে; কতক জন্মে দাসত্ব করিতে এবং কতক জন্মে প্রভুত্ব করিতে।

আরিষ্টটল সত্য বলিয়াছেন; কিন্তু যাহা ফল তাহাকে তিনি কারণ ধরিয়াছেন। যে ব্যক্তি দাসত্বের মধ্যে জন্মিয়াছে সে ব্যক্তি দাসত্ব করিতে জন্মিয়াছে, ইহা অপেক্ষা ধ্রুব আর কিছু নাই। তাহাদের শৃঙ্খলের ভিতরে দাসগণ সব কিছু হারাইয়া কেলে, এমন কি শৃঙ্খল ছাড়িয়া বাহির হইবার ইচ্ছা পর্যন্ত; তাহাদের গোলামিকে তাহারা ভালবাসে যেমন ইউলীসেস-এর সঙ্গীগণ আপনাদের পশু অবস্থাকে ভালবাসিত

(২)। সুতরাং এমন মানুষ যদি থাকে যাহারা স্বভাবতঃ গোলাম, তাহার কারণ কতকগুলি লোককে স্বভাবের বিরুদ্ধে গোলাম করা হইয়াছে। প্রথম গোলাম দলের সৃষ্টি হয় বল প্রয়োগের ফলে, তাঁহাদের ভীকৃত্য তাঁহাদিগকে গোলাম করিয়া রাখিয়াছে।

আমি রাজা আদম বা সম্রাট নোয়া সম্বন্ধে কিছু বলিলাম না যদিও তাঁহার বংশ হইতে তিন জন বিখ্যাত ভূপতি জন্ম পরিগ্রহ করিয়া বিশ্ব-জগৎকে আপনাদিগের মধ্যে স্যাটার্নের (Saturne) পুত্রগণের দৃষ্টান্ত অনুসরণে ভাগ করিয়া লইয়াছিলেন (১) এবং কেহ কেহ তাঁহাদিগকে স্যাটার্নের পুত্র বলিয়া বলিয়াই মনে করিতেন। আশা করি এই সংঘমের জন্ত আমি ধন্যবাদ পাইব। কারণ, আমি এই ভূপতিগণের একজনের, হয়ত বা জ্যেষ্ঠেরই, সাক্ষাৎ বংশধর; কে জানে যে স্বত্ব প্রমাণ করিতে বসিয়া আমি মানব জাতির আইন

২। “পশুগণের বুদ্ধির ব্যবহার” ( Que les bêtes usent de la raison ) প্লুটার্কের এই নামীয় প্রবন্ধটি দেখ।

১। প্রাচীন রোমক দেবতা Saturnus ও প্রাচীন গ্রীক দেবতা Cronos অভিন্ন, Cronos-এর তিন পুত্র, Hades বা Pluto, Zeus বা Jupiter, Poseidon বা Neptune. Zeus ও তাঁহার ব্রাতৃদের নিজেদের মধ্যে পৃথিবীর শাসনভার ভাগ করিয়া লইবার সময় Poseidon-এর ভাগে সমুদ্র, Hades এর ভাগে পাতাল এবং Zeus-এর ভাগে আকাশ ও পৃথিবীর উপরের অংশ পড়ে। ( অনুবাদক )

## সামাজিক চুক্তি

সমস্ত রাজা বলিয়া বাহির হইয়া পড়িব না ? যাহা হউক, কেহ অধীকার করিতে পারিবেন না যে আদম পৃথিবীর অধীশ্বর ছিলেন, যেমন রবিন্সন ক্রুসো ছিলেন (Robinson Crusoe) তাঁহার দ্বীপের, যতক্ষণ তিনিই তথাকার একমাত্র অধিবাসী ছিলেন ; এবং এ রাজত্বের এই সুবিধা ছিল যে রাজা স্বস্তিতে সিংহাসনারূঢ় থাকিতেন, কারণ বিদ্রোহ, যুদ্ধ বা ষড়যন্ত্রকারী হইতে তাঁহার ভয় ছিল না ।

## তৃতীয় অধ্যায়

শ্রেষ্ঠ শক্তিমানের অধিকার ।

শ্রেষ্ঠ শক্তিমান ব্যক্তিও কখন এত শক্তিমান হয় না যে সে চিরকাল প্রভুত্ব বজাইয়া রাখিতে পারে, যদি সে বলকে অধিকার ও আদেশানুবর্তিতাকে কর্তব্যে পরিবর্তিত না করে । ইহা হইতে শ্রেষ্ঠ শক্তিমানের অধিকারের উদ্ভব ; এবং বাহ্যতঃ, ব্যঙ্গচ্ছলে এই অধিকার স্বীকার করা হইলেও প্রকৃত পক্ষে ইহাই কিন্তু মূলনীতি বলিয়া গৃহীত হইয়াছে । কিন্তু আমরা কি কখনও এ কথাটির ব্যাখ্যা শুনিতে পাইব না ? বল দৈহিক শক্তি ; তাহা ব্যবহারের ফল যে কি উপায়ে নৈতিক হইতে পারে আমি তাহা ভাবিয়া পাই না । বলের নিকট আত্মসমর্পণ করা হয় দায়ে পড়িয়া, ইচ্ছা করিয়া নয় ;

নিতান্ত পক্ষে, সুবিধার খাতিরে। কোন অর্থে ইহা কর্তব্য হইতে পারে ?

এক মুহূর্তের জন্য এই তথাকথিত অধিকার মানিয়া লওয়া যাউক। আমার মতে তাহার একমাত্র ফল হইবে অব্যাখ্যেয় হযবরল। কারণ বল হইতে যদি অধিকারের উৎপত্তি হয় তাহা হইলে কারণের সঙ্গে সঙ্গে তাহার ফলও বদলাইবে। যে বল প্রথম বলকে অতিক্রম করিতে পারিবে সেই তাহার অধিকার পাইবে। যখন অবাধ্যতা করিলে শাস্তির আশঙ্কা থাকে না তখন বৈধভাবে অবাধ্যতা করা সম্ভব হয়। এবং যেহেতু শ্রেষ্ঠ শক্তিমান ব্যক্তি সর্বদা অত্রান্ত হইয়া থাকেন, কাজের একমাত্র লক্ষ্য হইয়া দাঁড়ায় যাহাতে লোকে শ্রেষ্ঠ শক্তিমান হইতে পারে। কিন্তু এই যে অধিকার যাহা বল অন্তর্হিত হইবার সঙ্গে সঙ্গে বিলুপ্ত হয়, এ কেমন অধিকার ? যদি বলপ্রয়োগের ফলে লোককে বাধ্য হইতে হয়, তবে লোকের কর্তব্য জ্ঞান হইতে বাধ্য হইবার আবশ্যক করে না ; এবং যদি কাহাকেও বাধ্য করিবার জন্য বল প্রয়োগের সম্ভাবনা না থাকে তবে বাধ্য হওয়া তাহার কর্তব্যের মধ্যে নয়। তাহা হইলে দেখা যাইতেছে যে “অধিকার” এই শব্দটি বলকে কোনরকমে বিশেষিত করিতেছে না ; এই সম্পর্কে ইহার কোন অর্থই সূচিত হয় না।

শক্তিমানের আদেশ মান্য করিবে। যদি এতদ্বারা বলা

সামাজিক চুক্তি

হয় : বলের নিকট বশ্যতা স্বীকার করিবে, উপদেশটি খাঁটি, তবে বাহুল্যমাত্র ; আমি বলিয়া দিতে পারি এটি কখনও লজ্জিত হইবে না। সব শক্তি ভগবানের দেওয়া, আমি স্বীকার করি ; কিন্তু সব ব্যাধিও তাঁহার দেওয়া ; ইহার অর্থ কি এই যে বৈজ্ঞানিক ডাকা নিষিদ্ধ ? যখন বনপ্রান্তে একজন দস্যু আমাকে হঠাৎ আক্রমণ করিল, তখন বাধ্য হইয়াই ত টাকার থলি ছাড়িতে হইবে ; কিন্তু যদি আমি সেটি সরাইয়া ফেলিতে পারি বিবেক-বুদ্ধিতে সেটি ধরিয়া দিতেও কি আমি বাধ্য ? কারণ, যে পিস্তলটি সে ধরিয়া রাখে তাহাও একটি শক্তি বটে।

তাহা হইলে আমরা মানিয়া লইতে পারি যে বল হইতে অধিকারের উৎপত্তি হয় না এবং লোকের কর্তব্য কেবল বৈধ শক্তিকে মান্য করা। এক্ষেত্রে আমার প্রথম প্রশ্নই পুনরায় উঠিতেছে।

## চতুর্থ অধ্যায়।

দাসত্ব।

যখন কোন মানুষের তাহার স্বজাতীয় কাহার উপর কোন সহজ প্রভুত্ব নাই এবং যখন বল হইতে কোন অধিকারের উৎপত্তি হয় না, তখন দাঁড়াইতেছে যে চিরায়ত প্রথাগুলিই মানুষের মধ্যে সকল বৈধ-ক্ষমতার ভিত্তিস্বরূপ।

গ্রোটিয়ুস বলেন, যদি কোন একজন ব্যক্তি তাহার স্বাধীনতা ত্যাগ করিয়া প্রভু বিশেষের গোলাম হইতে পারে, তবে একটি সমগ্র জাতি তাহার স্বাধীনতা ত্যাগ করিয়া কোন রাজার অধীন হইতে পারিবে না কেন? ইহার ভিতর বহু দ্ব্যর্থক শব্দ আছে যেগুলি ব্যাখ্যা করা প্রয়োজন; কিন্তু আমরা “ত্যাগ করা” (aliéner) কথাটির অর্থই দেখিব। ত্যাগ করা অর্থ দান করা বা বিক্রয় করা। এখন যে ব্যক্তি অপরের গোলাম হয় সে আপনাকে দান করে না; সে আপনাকে বিক্রয় করে অন্ততঃ পক্ষে জীবিকার জন্য; কিন্তু একটা জাতি আপনাকে বিক্রয় করিবে কেন? রাজা তাঁহার প্রজাগণের জীবিকা সংস্থান করা দূরে থাকুক, তাঁহাদের নিকট হইতে নিজের জীবিকা সংগ্রহ করেন এবং রাবেলের (Rabelais) মতে, কোন রাজার বড় অল্পে পেট ভরে না। তাহা হইলে কি প্রজাবৃন্দ রাজার হস্তে আপনাদের স্বাধীনতা বিসর্জন করে এই সর্তে যে তিনি তাহাদের সম্পত্তিও গ্রহণ করিবেন? আমি খুঁজিয়া পাই না তাহাদের নিজের জন্য রাখিবার কি অবশিষ্ট থাকিতেছে।

কেহ বলিবেন, জ্বরদখলিকারী শাসক (le despote) প্রজাদিগকে আভ্যন্তরীণ শান্তি দেন; ভাল কথা; কিন্তু তাহাদের কি লাভ হয় যদি তাঁহার উচ্চাভিলাষের ফলে যে সমস্ত যুদ্ধবিগ্রহ তাহাদের ঘাড়ে চাপে তাহা, যদি তাঁহার অতৃপ্ত লোভ, যদি তাঁহার মন্ত্রীর উপদ্রব প্রজাদিগের গৃহ

## সামাজিক চুক্তি

বিবাদের ফলে যেরূপ হইতে পারে তদপেক্ষা গুরুতর দুর্দশা তাহাদের ঘটায় ? তাহাদের কি লাভ হয় যদি যে আভ্যন্তরীণ শান্তি তাহারা ভোগ করে তাহাই তাহাদের বহুবিধ দুর্গতির অন্ততম একটি হয় ? বন্দীশালার মধ্যেও লোকে শান্তিতে বাস করিতে পারে ; তাহাই কি সেখানে ভাল থাকিবার পক্ষে পর্যাপ্ত ? সাইক্লোপের ( Cyclopes ) \* গহ্বরে আবদ্ধ গ্রীকগণ শান্তিতেই বাস করিত কখন তাহাদিগকে ভক্ষণ করা হইবে সেই প্রতীক্ষায় ।

কোন মানুষ আপনাকে অমনি দান করিবে ইহা যুক্তি-বিরুদ্ধ ও অচিন্তনীয় ব্যাপার ; এরূপ কাজ অবৈধ ও বাতিল, শুধু এইজন্যই যে যে ব্যক্তি ঐ কাজ করে তাহার মাথা খারাপ হইয়াছে । একটি সমগ্র জাতির সম্বন্ধে এরূপ বলার অর্থ ধরিয়া লওয়া যে একটি জাতি পাগলের সমষ্টি ; উন্নততা হইতে কোন অধিকারের উৎপত্তি হয় না ।

প্রত্যেকে যদি আপন স্বাধীনতা হস্তান্তর করিতে পারিত তবুও তাহার সন্তানগণের স্বাধীনতা হস্তান্তর করা চলিত না ;

\* "Odysseus comes first (in the course of his voyage in the Western Sea) to the country of the Cyclopes where, with twelve of his comrades, he is shut up in a cavern by Polyphemus. The monster has already devoured half of Odysseus' companions before the latter intoxicates him, deprives him of his one eye, and by his cunning escapes with his comrades."—A Dictionary of Classical Antiquities by Dr. O. Seyffert. Translated by Nettleship and Sandys.

( অনুবাদক )



তাহারা মানুষ ও স্বাধীন হইয়া জন্মে ; তাহাদের স্বাধীনতা তাহাদের হাতে, সে সম্বন্ধে কোন ব্যবস্থা করিবার অধিকার তাহাদের ব্যতীত অপর কাহারও নাই। তাহারা বয়ঃপ্রাপ্ত হইবার পূর্বে পিতা তাহাদের রক্ষণাবেক্ষণ ও সুখস্বাচ্ছন্দ্যের জন্ত আবশ্যিক মত সর্ভ করিতে পারেন, কিন্তু একেবারে ও বিনা সর্ভে তাহাদিগকে দান করিতে পারেন না। কারণ, এরূপ দান প্রকৃতির উদ্দেশ্যের বিপরীতগামী এবং পিতার অধিকার অতিক্রম করে। তাহা হইলে স্বেচ্ছাচারী শাসন-ব্যবস্থা বৈধ হইতে হইলে এইরূপ হওয়া দরকার যে প্রত্যেক পুরুষে প্রজাগণের উপর নির্ভর করিবে ইহা তাহারা গ্রহণ কিংবা ত্যাগ করিবে কি না ; কিন্তু এরূপ ব্যবস্থা হইলে শাসন-শক্তি আর স্বেচ্ছাচারী থাকিবে না।

স্বাধীনতা ত্যাগ করা অর্থ মনুষ্যত্ব ত্যাগ করা, মানুষের সকল অধিকার এবং সকল কর্তব্য ত্যাগ করা। যে সর্বস্ব-ত্যাগ করে তাহাকে কোনরূপ উপযুক্ত ক্ষতি-পূরণ দেওয়া সম্ভব নয়। এই প্রকারের ত্যাগ মানুষের স্বভাববিরুদ্ধ ; ইহাতে মানুষের ইচ্ছার স্বাধীনতা অপসারিত করা হয়, কাজেই তৎকৃত কর্মের ভালমন্দের দায়িত্বও তাহার থাকিতে পারে না। ফলতঃ এটি একটি অসার ও স্ববিরোধী প্রথা যাহা একদিকে অপ্রতিহত প্রভুত্বের ও অপর দিকে অপরিমিত আজ্ঞানুবর্তিতার স্থাপনা করে। একথা কি! স্পষ্ট নয় যে লোকে যাহার নিকট হইতে সব আদায় করিতে পারে তাহার

## সামাজিক চুক্তি

সহিত কোনরূপ বাধ্যবাধকতা-বোধ দ্বারা আবদ্ধ থাকে না ? কিন্তু লেনদেন ও বিনিময় সম্বন্ধ যেখানে অবর্তমান সেখানে কেবল এই ব্যবস্থাই কি ঐ কার্যকে বাতিল করিয়া দেয় না ? কারণ, যখন দেখা যাইতেছে যে দাসের যাহা কিছু সমস্ত আমার তখন আমার কাছে তাহার আর কি অধিকারের দাবী থাকিতে পারে ; এবং তাহার অধিকারও যখন আমার, তখন আমার কাছে আমার অধিকারের দাবী, এই কথাটিরই বা কি অর্থ হইতে পারে ?

গ্রোটিয়ুস প্রভৃতি লেখকগণ যুদ্ধ হইতে দাসত্বের এই তথাকথিত অধিকারের উদ্ভবের আরেকটি কারণ খুঁজিয়া বাহির করেন। তাঁহাদের মতে বিজিতকে হত্যা করিবার অধিকার জেতার থাকায়, বিজিত আপন স্বাধীনতা-মূল্যে জীবন ক্রয় করিতে পারে ; এ প্রথাটি বেশী করিয়া বৈধ এই কারণে যে ইহাতে উভয় পক্ষেরই লাভ হয়।

কিন্তু ইহা স্পষ্ট যে বিজিতকে হত্যা করিবার এই তথাকথিত অধিকার যুদ্ধের অবস্থা হইতে কোনক্রমে উদ্ভূত হয় না। মানুষের প্রথম স্বাধীনতার অবস্থায় বাস করিবার কালে, তাহাদের পরস্পরের ভিতর এমন কোন স্থায়ী সম্বন্ধ প্রতিষ্ঠিত হয় না যাহার ফলে শান্তি বা যুদ্ধের অনুকূল অবস্থার সৃষ্টি হইতে পারে ; শুধু এই কারণেই মানুষ স্বভাবতঃ পরস্পরের শত্রু হইতে পারে না। বস্তু সমূহের পরস্পরের সম্বন্ধ লইয়া যুদ্ধের সৃষ্টি হয়, মানুষের পরস্পরের

সম্বন্ধ লইয়া হয় না ; এবং সেহেতু সাধারণ ব্যক্তিগত সম্বন্ধ হইতে যুদ্ধের উদ্ভব হয় না, শুধু বস্তুগত সম্বন্ধ (relations réelles) হইতেই হয় সেহেতু ব্যক্তিগত (la guerre privée) বা একজনের সহিত অপর একজনের যুদ্ধ সহজ-প্রাকৃতিক অবস্থায় হইতে পারে না ; কারণ, ঐ অবস্থায় স্থায়ী সম্পত্তির অস্তিত্ব থাকে না ; আর সমাজ-বদ্ধ অবস্থাতেও হইতে পারে না, কারণ, ঐ অবস্থায় সকলই আইনের হাতের ভিতর ।

ব্যক্তি বিশেষের লড়াই, দ্বন্দ্বযুদ্ধ ও ঐ প্রকার অন্ত্র যুদ্ধাদি ক্ষণস্থায়ী বিরোধ, ঐগুলি সামরিক অবস্থা প্রবর্তিত করে না ; আর যে ব্যক্তিগত যুদ্ধ, ফ্রান্সের রাজা নবম লুইয়ের ব্যবস্থা দ্বারা স্বীকৃত ও ভগবানের শান্তি-ব্যবস্থায় রহিত হয়, উহা সামন্ততান্ত্রিক (foédal) শাসন প্রণালীর অনাচার মাত্র, যতদূর সম্ভব অর্থোক্তিক ব্যবস্থা এবং স্বাভাবিক অধিকার ও সকল সুষ্ঠু সমাজ ব্যবস্থার বিরোধী ।

তাহা হইলে দাঁড়াইল, যুদ্ধ মানুষের সহিত মানুষের কোন সম্বন্ধের ফল নয়, রাষ্ট্রের সহিত রাষ্ট্রের সম্বন্ধের ফল ; ইহা ব্যক্তিবর্গকে হঠাৎ পরস্পরের শত্রু করিয়া তুলে, মানুষ হিসাবে নয়, নাগরিক হিসাবেও (১) নয়, সৈনিক হিসাবে ;

১। রোমকগণ যুদ্ধের অধিকার পৃথিবীর আর সকল জাতি অপেক্ষা বেশী বৃদ্ধিত ও মান্য করিত ; তাহাদের এই বিষয়ে দ্বিধা এতদূর বৃদ্ধি পাইয়াছিল যে কোন নাগরিককে স্বেচ্ছাসেবক হইতে দেওয়া হইত না যদি

## সামাজিক চুক্তি

কোন একটি দলের অন্তর্ভুক্ত লোক বলিয়া নয়, ঐ দলের রক্ষক হিসাবে। এখন দেখা যাইতেছে যে কোন রাষ্ট্রের শত্রু মানুষ নয়, কেবল অন্যাণ্য রাষ্ট্রই হইতে পারে, যেহেতু বিভিন্ন স্বভাববিশিষ্ট বস্তুর মধ্যে কেহ কোন সম্বন্ধ স্থাপিত করিতে পারে না।

অধিকন্তু এই নীতি সর্বকাল-প্রচলিত নিয়ম কানুন ও সকল সভ্যজাতির সর্বদা অনুষ্ঠিত আচরণের সহিত মিলে

---

সে শত্রু সম্বন্ধে, ও তাহাদের মধ্যে বিশেষ বিশেষ ব্যক্তি সম্বন্ধে স্বয়ং বিরুদ্ধভাব পোষণ না করিত। পপিলিয়ুসের (Popilius) অধীন যে সৈন্যদলে কেটোর (younger Cato) যুদ্ধবিজ্ঞায় হাতে খড়ি হয়, তাহা পুনর্গঠিত হইবার সময় তাহার পিতা পপিলিয়ুসকে লিখিয়াছিলেন যে যদি পপিলিয়ুসের অভিপ্রায় থাকে যে তাঁহার পুত্র তাঁহার অধীনে যুদ্ধ করিবে তবে তাহার নূতন করিয়া যুদ্ধ-শপথ গ্রহণ করা আবশ্যিক ; কারণ, তাহার প্রথম পণ রক্ষিত হওয়াতে সে আর শত্রুর বিরুদ্ধে অস্ত্র গ্রহণ করিতে পারে না। এবং এই কেটোই তাঁহার পুত্রকে লিখিয়াছিলেন যে নূতন শপথ গ্রহণ না করিয়া সে যেন কোনমতে যুদ্ধে যোগদান না করে। আমি অবগত আছি যে ক্লুসিয়াম (Clusium) অবরোধ ও অন্যাণ্য ঘটনা বিশেষের উল্লেখ করিয়া লোকে আমার কথার প্রতিবাদ করিবে ; কিন্তু আমি আইন ও আচার ব্যবহারের কথাই বলিতেছি। জাতি-সমূহের মধ্যে রোমকগণই আপনাদের কৃত ব্যবস্থা-বিধি অল্পই লঙ্ঘন করিয়াছে ; অধিকন্তু, আর কাহারও তাহাদের মত চমৎকার ব্যবস্থা-বিধি ছিল না।

যুদ্ধ ঘোষণা দ্বারা যে খবর দেওয়া হয় তাহার লক্ষ্য রাষ্ট্র অপেক্ষা প্রজাবর্গই বেশী। যে বিদেশী রাজা, ব্যক্তি বিশেষ বা একটি জাতি কোন রাজার বিরুদ্ধে যুদ্ধ ঘোষণা না করিয়া তাঁহার অধীন প্রজাবর্গের সম্পত্তি লুণ্ঠন, তাহাদিগকে হত্যা বা কয়েদ করে সে শত্রু নয়, সে দস্যু। বাস্তবিক যুদ্ধের সময়েও যে নৃপতি ঞায়পরায়ণ তিনি শত্রুদেশে যে সমস্ত সম্পত্তি সর্বসাধারণের তাহা আত্মসাৎ করেন, কিন্তু ব্যক্তিবিশেষের জীবন ও সম্পত্তিতে হস্তক্ষেপ করেন না; যে অধিকার সমূহের উপর তাঁহার স্বীয় জীবন ও সম্পত্তি প্রতিষ্ঠিত সে অধিকারকে তিনি মান্য করিয়া চলেন। যুদ্ধের উদ্দেশ্য প্রতিপক্ষ রাষ্ট্রের ধ্বংস সাধন; এ কারণ যতক্ষণ পর্যন্ত উহার রক্ষকদিগের হাতে অস্ত্র থাকে ততক্ষণ তাহাদিগকে হত্যা করিবার অধিকার আছে; কিন্তু যখন তাহারা অস্ত্র ত্যাগ করিয়া আত্মসমর্পণ করে তাহারা আর শত্রু বা শত্রুর যন্ত্র থাকে না, তখন পুনরায় তাহারা কেবল মানুষ হিসাবে পরিগণিত হয় এবং তাহাদের জীবনের উপরে হস্তক্ষেপ করিবার অধিকার কাহারও আর থাকে না। কখন কখন রাষ্ট্রের অন্তর্ভুক্ত একটি প্রাণীকেও হত্যা না করিয়া রাষ্ট্রকে ধ্বংস করা সম্ভবপর; কিন্তু যুদ্ধের উদ্দেশ্য সাধনের জন্য যাহা অপ্রয়োজনীয় এমন কোন অধিকার যুদ্ধ কাহাকেও দেয় না। এ সকল সত্য গ্রোটিয়ুসের নিরূপিত সত্য নয়; ইহাদের প্রতিষ্ঠা কবিগণের প্রদত্ত

সাাাজিক চুক্তি

প্রমাণের উপরে নয় ; বস্তু সমূহের প্রকৃতি হইতে এ সকল মৃত্যু উদ্ভূত এবং বিচার বুদ্ধির উপর প্রতিষ্ঠিত ।

বিজ়েতার ( du droit de conquête ) অধিকার সম্বন্ধে এই কথা বলা যায় যে শ্রেষ্ঠ শক্তিমানের অধিকার ছাড়া তার অপর কোন ভিত্তি নাই । যুদ্ধ যদি বিজ়েতাকে বিজ়িত জাতিগুলিকে হত্যা করিবার অধিকার না দেয়, তবে যে অধিকার তাহার নাই তার বলে তাহাদিগকে দাসত্বে আবদ্ধ করিবার অধিকার প্রতিষ্ঠিত হয় না । শত্রুকে হত্যা করিবার অধিকার কেবল তখনই থাকে যখন তাহাকে গোলাম করিতে পারা যায় না, শত্রুকে গোলামিতে আবদ্ধ করিবার অধিকার তাহাকে হত্যা করিবার অধিকার হইতে জন্মায় না ; এক্ষেত্রে তাহাকে স্বাধীনতার মূল্যে জীবন ক্রয় করিতে বাধ্য করান অসঙ্গত বিনিময়ের ব্যবস্থা করা ; কারণ, তাহার জীবনের উপর কাহারও কোন অধিকার নাই । এইরূপে গোলামিতে আবদ্ধ করিবার অধিকারের উপর জীবন ও মৃত্যুর অধিকার প্রতিষ্ঠিত করা, ইহা যে অনন্যাত্ম্য দোষহুঁষ্ট তাহা কি স্পষ্ট নয় ?

সকলকে হত্যা করিবার এই যে ভয়ানক অধিকার, যদি ইহা মানিয়া লওয়াও যায়, আমি বলিব যুদ্ধে বন্দী হইয়া যে ব্যক্তি দাস হইয়াছে কিংবা কোন বিজ়িত জাতি, বল প্রয়োগে যতটুকু মাত্র প্রভুর আদেশ পালন করিতে বাধ্য হয় তদতিরিক্ত কোন কিছু দ্বারা প্রভুর সহিত বাধ্য-

বাধকতা সম্বন্ধে আবদ্ধ নয়। তাহার জীবনের তুল্যমূল্য বস্তু গ্রহণ করিয়া বিজেতা ত তাহাকে কিছুমাত্র অনুগ্রহ করে নাই, নিষ্ফল হত্যা না করিয়া তাহাকে সে লাভজনক ভাবে হত্যা করিয়াছে। গোলামের উপর প্রভুর যে বেশী গায়ের জোরের অধিকার তদতিরিক্ত কোন প্রকার অধিকারের উদ্ভব হওয়া দূরে থাকুক, পূর্বের মতই তাহাদের উভয়ের ভিতর যুদ্ধের অবস্থা ( l'etat de guerre ) বর্তমান থাকে ; তাহাদের পরস্পরের সম্বন্ধও এই অবস্থার ফল ; এবং যুদ্ধের অধিকার হইতে যে আচরণের উৎপত্তি তাহাতে কোনরূপ সন্ধির সত্ত্ব বুঝায় না। সকলে মিলিয়া এই একটা প্রথা সৃষ্টি করিয়াছে ; ভালই ; কিন্তু এই প্রথা যুদ্ধের অবস্থা নষ্ট করা দূরে থাকুক, ঐ অবস্থার স্থায়ীত্বই সূচনা করে।

তাহা হইলে যে অর্থেই এই বিষয় বিবেচনা করা যাউক না কেন গোলামিতে আবদ্ধ করিবার অধিকার টিকে না, শুধু ইহা অবৈধ বলিয়া নয়, ইহা অযৌক্তিক ও অর্থহীন বলিয়া। “দাস” ও “অধিকার” এই দুইটি কথা পরস্পর বিরোধী ; উহারা পরস্পরের সম্পর্কবিরহিত। কোন ব্যক্তি অপর এক ব্যক্তিকে বলুক অথবা কোন ব্যক্তি একটি জাতিকে বলুক, উভয়ত্র এ কথাটি চিরকাল নির্বুদ্ধির পরিচায়ক হইবে : “আমি তোমার সঙ্গে একটি চুক্তি করিতেছি যাহার সকল দায় তোমার এবং সকল লাভ আমার ; আমি এ

## সামাজিক চুক্তি

চুক্তির যতটুকু খুসী মানিব এবং তুমি এ চুক্তির আমার যতখানি খুসী মানিবে।”

### পঞ্চম অধ্যায়

আদি চুক্তিতেই ফিরিয়া যাওয়া যে জন্য প্রয়োজন।

আমি যাহার প্রতিবাদ করিয়াছি তাহার সবখানি মানিয়া লইলেও স্বেচ্ছাচারের সমর্থকদিগের বেশী সুবিধা হইত না। কতকগুলি লোককে বশতা স্বীকার করান ও একটি সমাজকে শাসন করা এ দুইটির মধ্যে অনেকখানি প্রভেদ আছে। পরস্পর হইতে বিচ্ছিন্ন কতকগুলি লোক, তাহাদের সংখ্যা যতই বেশী হউক না কেন, পর পর এক ব্যক্তির অধীনতায় আবদ্ধ হইল; এখানে আমি কেবল একদল প্রভু ও তাহার বহুসংখ্যক দাস দেখিতেছি, একটি জাতি ও তাহার শাসনকর্তাকে দেখিতেছি না; ইচ্ছা হইলে এটিকে সমষ্টি বলা যায় কিন্তু সমাজ বলা চলে না। ইহার ভিতর না আছে সর্বসাধারণের কল্যাণ বলিয়া কোন কিছু না আছে রাষ্ট্রীয় সংহতি। ঐ ব্যক্তি অর্ধেক পৃথিবীকে আপন অধীন করিলেও একজন বিশেষ ব্যক্তি মাত্রই থাকে; তাহার স্বার্থ অপর সকলের স্বার্থ হইতে আলাদা হওয়াতে সেটা বরাবর ব্যক্তিগত স্বার্থই থাকিয়া যায়। ঐ ব্যক্তির মৃত্যু হইলে, তাহার সাম্রাজ্য, বিচ্ছিন্ন ও ঐক্যবন্ধন শূন্য হইয়া পড়ে, যেমন



একটি ওক বৃক্ষ অগ্নিদগ্ন হইবার পর বিল্লিষ্ট হইয়া ভস্মরূপে পরিণত হয়।

গ্রোটিয়ুস বলেন একটি জাতি আপনাকে কোন রাজার হাতে ধরিয়া দিতে পারে। কিন্তু গ্রোটিয়ুসের মতানুযায়ী কোন জাতি আপনাকে কোন রাজার হাতে এইরূপে ধরিয়া দিবার পূর্বে তাহার একটি জাতি হওয়া আবশ্যিক। এই দান কার্যটি পাঁচজনে মিলিয়া করা ব্যাপার; ইহাতে সকলে মিলিয়া একটি সিদ্ধান্ত করা বুঝায়। যে কার্যের দ্বারা কোন জাতি রাজা মনোনয়ন করে তাহা পরীক্ষা করিবার পূর্বে যে কার্যের দ্বারা কোন জাতি একটি জাতি হয় তাহা পরীক্ষা করা উচিত; কারণ, এই কার্যটি অপরটির আগে হইয়া থাকে বলিয়া ইহাই সমাজের প্রকৃত ভিত্তি।

বাস্তবিক পক্ষে, এইরূপ কোন পূর্ববর্তী চুক্তি না থাকিলে, নির্বাচন যদি সর্ববাদীসম্মত না হয় তবে কম সংখ্যার পক্ষে বেশী সংখ্যার নির্বাচন মানিয়া লইবার আবশ্যিকতা কোথায় থাকে? এবং যে একশত ব্যক্তি প্রভু চাহে তাহাদের, যে দশজন কোন প্রভু চাহে না তাহাদের হইয়া ভোট দিবার অধিকার কোথায় থাকে? সংখ্যাগরিষ্ঠ ভোটের যে আইন আছে উহা চুক্তিরই একটি ফল এবং উহাতে বুঝা যায় যে অন্ততঃ একটি উপলক্ষে সকলে একমত হইয়াছিল।

## ষষ্ঠ অধ্যায়

সামাজিক শক্তি ।

আমি ধরিয়া লইলাম যে মানুষ এমন জায়গায় উপনীত হইল যে তখন স্বাভাবিক অবস্থায় বাস করিবার পক্ষে যে সকল বাধা আছে তাহা প্রতিবন্ধকতা দ্বারা, প্রত্যেক ব্যক্তি ঐ অবস্থায় বাস করিবার জন্য যে শক্তি প্রয়োগ করিতে সমর্থ, সেই শক্তিকে ব্যর্থ করিতে লাগিল । ফলে এই আদিম অবস্থা আর টিকিতে পারিল না ; তখন মানব জাতি আপন জীবন যাপন প্রণালী না বদলাইলে লুপ্ত হইত ।

কিন্তু মানুষ নূতন নূতন শক্তি সৃষ্টি করিতে পারে না, পারে কেবল যে সকল শক্তি আছে তাহাই একীভূত করিয়া পরিচালনা করিতে ; ঐ সকল শক্তি একীভূত করিয়া প্রতিবন্ধকতা ব্যর্থ করিবার উপযোগী শক্তি-সমষ্টি গঠন করা, একই লক্ষ্যাভিমুখে ঐ সকল শক্তিকে চালিত করা এবং সংহত শক্তি প্রয়োগ করা ছাড়া তাহার আত্ম-সংরক্ষণের আর কোন উপায় নাই ।

কেবল বহুলোকের ঐক্য বন্ধন হইতে এই শক্তি-সমষ্টির জন্ম হইতে পারে ; কিন্তু শক্তি ও স্বাধীনতা প্রত্যেক মানুষের আত্মরক্ষার প্রধান উপায় ; আপনার ক্ষতি ও আপনার প্রতি কর্তব্য অবহেলা না করিয়া লোকে ঐ দুইটি কি করিয়া বাঁধা রাখিতে পারে ? আমার বক্তব্য বিষয়ের প্রতি লক্ষ্য রাখিয়া এই সমস্যা এইরূপে বিবৃত করা যাইতে পারে :

“সমাজ-গঠনের এমন একটি আদর্শ বাহির করিতে হইবে যাহাতে সমাজভুক্ত প্রত্যেক ব্যক্তির ধন ও প্রাণ সকলের সমবেত শক্তির সাহায্যে নিরাপদ ও রক্ষিত হইবে এবং যাহাতে প্রত্যেক ব্যক্তি সকলের সঙ্গে একীভূত হওয়ায় আপন আদেশই পালন করিবে এবং পূর্বের মতই স্বাধীন রহিবে।” ইহাই দাঁড়াইতেছে প্রধান সমস্যা যাহার মীমাংসা সামাজিক চুক্তি (Contrat Social) হইতে পাওয়া যাইবে।

চুক্তির প্রকৃতি দ্বারা তাহার সর্ত্তগুলি একরূপ ভাবে নিরূপিত যে অতি সামান্য মাত্র পরিবর্তন করিলেই সেগুলি বৃথা ও অকর্মণ্য হইয়া যায়; এই সকল সর্ত্ত প্রকাশ্যভাবে কখন বিবৃত না হইলেও সেগুলি সর্বত্র একই প্রকার, সর্বত্রই বিনাবাক্যে স্বীকৃত ও পালিত হইয়া থাকে যতক্ষণ না ঐ সামাজিক সন্ধি (le pacte social) ভঙ্গ হইবার দরুণ প্রত্যেকেই নিজ আদি অধিকারে ফিরিয়া যায় এবং যে কৃত্রিম স্বাধীনতার জন্ম সে আপন স্বাভাবিক স্বাধীনতা ছাড়িয়া দিয়াছিল, সেই কৃত্রিম স্বাধীনতা নষ্ট হওয়াতে উহা পুনর্প্রাপ্ত হয়। এই সর্ত্তগুলি ভাল করিয়া বুঝিলে দেখা যাইবে যে তাহাদিগকে একটি সর্ত্তে পরিণত করা যায়: যথা, সমাজের নিকট সমাজভুক্ত প্রত্যেক ব্যক্তির ও তাহার সকল অধিকারের সম্পূর্ণ হস্তান্তর: কারণ, প্রথমতঃ, প্রত্যেক ব্যক্তি সম্পূর্ণভাবে আত্মসমর্পণ করিতে সকলের অবস্থাই

## সামাজিক চুক্তি

সমান দাঁড়াইতেছে ; আর অবস্থা যখন সকলেরই সমান তখন অপরের অবস্থা ক্রেশকর করিয়া তোলায় কাহারও কোন স্বার্থ থাকে না ।

অধিকন্তু, বিনা সর্ভে হস্তান্তর করিবার ফলে ঐক্য যতদূর সম্ভব অটুট হয় এবং সমাজভুক্ত কোন ব্যক্তির দাবী করিবার কিছু থাকে না । কারণ, লোকের হাতে কোন কোন অধিকার অনশিষ্ট থাকিলে, তাহাদের ও জনসাধারণের মধ্যে সালিশের জন্ম কোন একজন উপরওয়াল না থাকার দরুণ প্রত্যেকে অন্ততঃ একটি বিষয়ে নিজেই নিজের বিচারক হওয়ার দাবী এবং এইরূপে সকল বিষয়েই বিচারক হওয়ার দাবী করিত ; স্বাভাবিক অবস্থা এইরূপে বাহাল থাকিত এবং একতা-বন্ধন কাজেই অত্যাচারের কারণ বা বৃথা হইয়া পড়িত ।

শেষ কথা এই যে, প্রত্যেকে সকলের নিকট আপনাকে দান করায় কোন ব্যক্তি বিশেষের হাতে দান করে না ; এবং সমাজের সকলে কোন ব্যক্তির উপর এমন কোন অধিকার লাভ করে না ঠিক যে অধিকার উক্ত ব্যক্তি আর সকলের উপর লাভ না করে ; কাজেই দেখা যাইতেছে যে যাহার যতখানি যাইতেছে তাহার তুল্যমূল্য বস্তু সে পাইতেছে এবং আরও পাইতেছে তাহার যাহা আছে তাহা রক্ষা করিবার বেশী শক্তি ।

যদি সামাজিক সন্ধি হইতে যাহা উহার সারবস্তুর

অস্বভূক্ত নয় তাহা বাদ দেওয়া যায় তাহা হইলে দেখা যাইবে যে উহা নিম্নলিখিত রূপে আসিয়া দাঁড়ায় : “আমাদের প্রত্যেকে সমানভাবে তাহার দেহ ও সমগ্র শক্তি সাধারণ ইচ্ছার (volonté générale) একমাত্র কর্তৃত্বে নিয়োজিত করে ; এবং আমরা প্রত্যেক সভ্যকে পুনরায় সমষ্টির অবিভাজ্য অংশ স্বরূপ পাই।”

ঐক্যেই প্রত্যেক চুক্তিকারীর পৃথক ব্যক্তিত্বের জায়গায় এইরূপ সম্মেলনের ফলে একটি নৈতিক ও মিলিত সমবায় (un corps morale et collectif) উদ্ভূত হইতেছে যাহার সভ্যসংখ্যা পরিষদের ভোট সংখ্যার তুল্য এবং যাহা উক্ত সম্মেলনের কার্যের ফলে তাহার ঐক্য, সকলের সহিত তাহার অভিন্ন সম্বন্ধ, (son moi commun) তাহার জীবন ও ইচ্ছাশক্তি প্রাপ্ত হইতেছে। এই জনসমষ্টি (persoune publique) যাহা অপর সকলের একতাবদ্ধ হইবার ফলে আবির্ভূত হইল, প্রাচীন কালে তাহার নাম ছিল নগর (:) (cité) এবং এখন তাহার নাম হইয়াছে

---

১। আধুনিক সময়ে এই শব্দের প্রকৃত অর্থ এক রকম লুপ্ত হইয়াছে ; অধিকাংশ লোক শহরকে নগর বলিয়া ভুল করে। তাহারা জানে না যে কতকগুলি বাড়ী ঘরে শহর তৈয়ারী হয়, কিন্তু নগরের বেলায় নাগরিক আবশ্যিক। প্রাচীনকালে এই ভুল কারণে জবাসিগণের পক্ষে মারাত্মক হয়। কোন রাজার অধীন প্রজাবর্গকে নাগরিক নাম দিবার কথা আমি কখন পড়ি নাই, এমন কি প্রাচীনকালের মাসিডোন-

## সামাজিক চুক্তি

সাধারণতঃ ( *republique* ) বা রাষ্ট্রীয় সমবায় ( *corps politique* )। যখন ইহা নিষ্ক্রিয় থাকে তখন স্তম্ভগণ ইহার নাম দিয়া থাকেন রাষ্ট্র ( *état* ); যখন সক্রিয় হয় তখন রাজশক্তি ( *souverain* ), এবং উহার সদৃশ অন্ত্যায় স্বতন্ত্রের সহিত তুলনা করিবার কালে ইহার নাম হয় শক্তি ( *puissance* )।

আমার সমষ্টির অন্তর্ভুক্ত যে সকল ব্যক্তি, তাহারা সমবেত

---

বাসী বা আধুনিক ইংরাজগণকেও নয়, যদিও অপর কাহার অপেক্ষা তাহারা স্বাধীনতার বেশী নিকটে গিয়াছে। কেবল ফরাসীরাই সর্বত্র বিবিচারে নাগরিক নাম গ্রহণ করে, তাহাদের অভিধানগুলি দেখিলে বুঝা যায় যে ইহার কারণ এই যে তাহাদের ঐ শব্দের অর্থের কোন ধারণাই নাই; তাহা না হইলে এই শব্দ অনধিকার ব্যবহার করায় তাহারা রাষ্ট্রদ্রোহ অপরাধে ( *le crime de lèse-majesté* ) অপরাধী হইত; তাহাদের নিকটে ঐ শব্দে একটি গুণ বুঝায়, অধিকার বুঝায় না। বোদ্যা (Bodin) যখন আমাদের নাগরিক ও শহরবাসিগণের কথা বলেন তখন তিনি এক শ্রেণীর লোককে আরেক শ্রেণী বলিয়া গ্রহণ করার মহা ভ্রমে পতিত হন। মঁসিয় দ'আলাঁবের্ত (M. d'Alembert) তদীয় ছেনেভা সম্বন্ধীয় প্রবন্ধে এই ভ্রমের হাত এড়াইয়াছেন এবং বেশ স্পষ্ট করিয়া দেখাইয়াছেন যে আমাদের শহরে চার শ্রেণীর লোক বাস করে ( অথবা পাঁচ, যদি সম্পূর্ণ বিদেশীয়গণকে ধরা যায় ) এবং তাহাদের মধ্যে কেবল দুইটি শ্রেণীই সাধারণতঃ গঠন করিয়াছে। আমার জানার ভিতরে আর কোন ফরাসী লেখক নাগরিক কথাটির প্রকৃত অর্থ বুঝিতে পারেন নাই।

ভাবে জাতি (peuple) নাম গ্রহণ করে, এবং ব্যক্তিগত ভাবে প্রত্যেকে, রাজশক্তির অংশীদার হিসাবে নাগরিক (citoyen) ও রাষ্ট্রীয় ব্যবস্থা-বিধির অধীন বলিয়া শ্রজা (sujet) নাম গ্রহণ করে। কিন্তু এই সকল নাম প্রায়ই গোলমাল হইয়া যায় এবং একের পরিবর্তে আরেকটি ব্যবহৃত হয়; ঐগুলি যখন যথাযথ ব্যবহার হয় তখন তাহাদের পৃথক অর্থ বুঝিতে পারিলেই যথেষ্ট।

## সপ্তম অধ্যায়।

### রাজশক্তি (Souverain)

এই ব্যাখ্যা হইতে দেখা যাইতেছে যে সমাজবন্ধন ক্রিয়ার মধ্যে জাতি ও ব্যক্তিবর্গ এই দুই পক্ষের একটা বোঝাপড়া আছে এবং প্রত্যেক ব্যক্তি এই রকমে নিজের সঙ্গে চুক্তিবদ্ধ হওয়ার ফলে আপনাকে দুই দিক দিয়া সম্বন্ধে আবদ্ধ করে; যেমন, রাজশক্তির অংশীদার-রূপে ব্যক্তিবর্গের সহিত তাহার সম্বন্ধ দ্বারা এক রাষ্ট্রের সভ্যরূপে রাজশক্তির সহিত তাহার সম্বন্ধ দ্বারা। কিন্তু নাগরিক অধিকারের (droit civil) এই সূত্র যে আপনার সঙ্গে চুক্তিবদ্ধ হওয়াতে কেহ দায়াবদ্ধ হয় না, তাহার ঐয়োগ একেত্রে চলে না; কারণ, নিজের কাছে কাহার দায়বদ্ধ

## সামাজিক চুক্তি

হওয়া ও কোন সমষ্টি, সে যাহার একটি অংশমাত্র, তাহার কাছে দায়াবদ্ধ হওয়ার মধ্যে বিস্তর প্রভেদ আছে।

এই উপলক্ষে বলা কর্তব্য যে সাধারণের সিদ্ধান্ত সকল প্রজাকে রাজশক্তির আনুগত্য স্বীকার করাইতে সমর্থ, কারণ প্রজাগণের প্রত্যেককে দুইটি বিভিন্ন রকমের সম্বন্ধে আবদ্ধ বলিয়া বিবেচনা করা যাইতে পারে; কিন্তু ইহার বিপরীত কারণে উক্ত সিদ্ধান্ত রাজশক্তিকে আপনার কাছে দায়াবদ্ধ করিতে পারে না; সেহেতু, ইহা রাষ্ট্রীয় সমবায়ের প্রকৃতি-বিরুদ্ধ যে রাজশক্তি নিজের সম্বন্ধে এমন কোন আইন প্রণয়ন করিবে যাহা সে লঙ্ঘন করিতে পারিবে না। রাজশক্তি আপনাকে কেবল একপ্রকারের সম্বন্ধে আবদ্ধ বলিয়া বিবেচনা করিতে সমর্থ; সুতরাং তাহার অবস্থা আপনার সহিত চুক্তিতে আবদ্ধ ব্যক্তির মত। এখন ইহা হইতে দেখা যাইতেছে যে মূলে এমন কোন বাঁধাধরা আইন নাই বা থাকিতে পারে না যাহা কোন জাতি বা সমাজ মানিতে বাধ্য, এমন কি সামাজিক চুক্তি পর্য্যন্ত নয়। ইহাতে বুঝায় না যে ঐ জাতি বা সমাজ স্বচ্ছন্দে অপরের সঙ্গে লেনদেন করিতে পারে না, যতক্ষণ পর্য্যন্ত চুক্তির সর্ব ভঙ্গ না হয়, কারণ, বিদেশীর বেলাতে সে সহজ জিনিষ হইয়া দাঁড়ায়, তখন সে একজন ব্যক্তি মাত্র।

কিন্তু রাষ্ট্রীয় সমবায় বা রাজশক্তির জীবন সম্পূর্ণরূপে চুক্তির পবিত্রতার উপর নির্ভর করায় অপরের বেলাতেও



সে এমন কিছু করিতে পারে পারে না যাহা গোড়াতে নিষ্পন্ন কার্যের হানিকর, যেমন, আপনার কোন অংশকে হস্তান্তর করা অথবা কোন রাজশক্তির নিকটে বশতা স্বীকার করা। যে কাজের ফলে তাহার উদ্ভব হইয়াছে তাহা লঙ্ঘন করিবার অর্থ আত্মবিনাশ করা; এবং যাহার নিজেরই অস্তিত্ব থাকিতেছে না তাহা কোন কিছু করিতে পারে না।

যখন হইতে জনসমূহ এইরূপে সমবায় সূত্রে মিলিত হয়, কেহ তখন সমবায়ভুক্ত কোন ব্যক্তির বিরুদ্ধাচরণ করিলে তাহাতে সমবায়কে আক্রমণ করা হয় এবং সমবায়ের বিরুদ্ধাচরণ করিলে, তাহাতে উহার সভ্যগণ কম করিয়া রুষ্ঠ হয় না। তাহা হইলে দেখা যায় যে কর্তব্য ও স্বার্থ চুক্তিবদ্ধ দুই পক্ষকে সমানভাবে পরস্পরের সাহায্য করিতে প্রণোদিত করে; এবং আপনাদিগের এই দুইপ্রকার সম্বন্ধের বলে যে সকল সুযোগ সুবিধা পাওয়া যায়, সেগুলিকে আয়ত্তে আনিবার জন্ত তাহাদেরই সচেষ্ঠ হওয়া উচিত।

অধিকন্তু, রাজশক্তি কেবল তাহার অধীন ব্যক্তিবর্গকে লইয়া গঠিত হয় বলিয়া তাহার এই সকল ব্যক্তির স্বার্থের বিরোধী কোন স্বার্থ নাই বা থাকিতে পারে না; সে কারণে প্রজাবর্গের অনুকূলে রাজশক্তির কোনরূপ বিশেষ দাবীদাওয়ার অঙ্গীকার করিবার প্রয়োজন হয় না, কারণ, ইহা অসম্ভব যে দেহ আপন অঙ্গপ্রত্যঙ্গের অনিষ্ট করিবার ইচ্ছা করিবে; এবং আমরা ইহার পরে দেখিব যে সে কোন-একজনের

## সাংস্কৃতিক চুক্তি

অনিষ্টও করিতে পারে না। রাজশক্তি বর্তমান আছে ইহা হইতেই বুঝা যায় যে তাহার যেরূপ হওয়া উচিত সে সেইরূপে বর্তমান আছে।

কিন্তু প্রজাবর্গের রাজশক্তির সঙ্গে ব্যবহারের বেলায় একথা খাটে না, যদিও উভয়ের স্বার্থ এক ; তাহাদের তরফের সর্বগুলি পালিত হইবার পক্ষে কোনই নিশ্চয়তা নাই যদি রাজশক্তি তাহাদের বিশ্বস্ততা সম্বন্ধে নিশ্চিত হইবার জগ্য কোন উপায় অবলম্বন না করে।

ইহা সম্ভব যে প্রত্যেক ব্যক্তির, মানুষ হিসাবে, একটি নিজের অভিপ্রায় থাকিতে পারে যাহা নাগরিক হিসাবে তাহার সাধারণ অভিপ্রায়ের বিরোধী বা তাহা হইতে ভিন্ন ; তাহার বিশেষ স্বার্থ সাধারণের স্বার্থের ঠিক উল্টা সুর গাহিতে পারে ; স্বতন্ত্র ও স্বভাবতঃ স্বাধীন জীবন যাপনের ফলে সাধারণ হিতার্থে যাহা তাহার দেয় তাহা সে স্বেচ্ছাপ্রবৃত্ত দান বলিয়া বিবেচনা করিতে পারে, যাহা না দিলে আর সকলের তেমন ক্ষতি হইবে না কিন্তু দিতে হইলে তাহার পক্ষে গুরুভার হইয়া উঠিবে ; রাষ্ট্র অর্থে যে নৈতিক সম্মান-সম্পন্ন পুরুষ (personne morale) বুঝায় তাহা কোন মানুষ নয় বলিয়া কাল্পনিক বস্তু (être de raison) মাত্র বিবেচনা করিয়া সে প্রজার কর্তব্য সমূহ পালন না করিয়াই নাগরিকের সকল অধিকার ভোগ করিতে চাহিতে পারে ; এইরূপ অন্যায় চাহিতে থাকিলে রাষ্ট্রীয় সমবায় ধ্বংস না হইয়া পারে না।

সেই কারণে, এই সামাজিক সন্ধি যাহাতে ফাঁকা অনুষ্ঠান মাত্র না হইতে পারে সেজন্য এই সন্ধি গোড়াতেই বিনাবাক্যে এই ব্যবস্থা মানিয়া লয় যে যে-কেহ সাধারণের অভিপ্রায় অনুসারে চলিতে অস্বীকার করিবে, সমগ্র সমবায় ঐরূপে চলিতে তাহাকে বাধ্য করিবে ; কারণ, এই ব্যবস্থা চলিলে তবে চুক্তির অপর সকল সর্ব কার্যকরী হইতে পারে। ইহার একমাত্র অর্থ এই যে লোকে তাহাকে স্বাধীন হইতে বাধ্য করিবে ; কারণ, এই ব্যবস্থায় প্রত্যেক নাগরিককে তাহার জন্মভূমির হাতে সমর্পণ করিয়া সকল স্বকম ব্যক্তিগত অধীনতা হইতে তাহাকে রক্ষা করিবার উপায় হইতেছে ; এই ব্যবস্থার মধ্যে রহিয়াছে রাষ্ট্রীয় যন্ত্র চালানিবার কল কৌশল এবং ইহাই শাসন সম্পর্কীয় বিধিব্যবস্থাগুলিকে বৈধ করিয়া থাকে ; ইহার অভাবে সেগুলি নিরর্থক, নিপীড়ক এবং ঘোর অপব্যবহারের সম্ভবনায় পূর্ণ হইত।

### অষ্টম অধ্যায়

সমাজবদ্ধ অবস্থা ( l'etat civil )

সহজ প্রাকৃতিক অবস্থা হইতে সমাজবদ্ধ অবস্থায় উপনীত হইবার ফলে মানুষের ভিতরে অতি আশ্চর্য্য পরিবর্তন দেখা যায় ; তাহার কাজ সংস্কারের ( instinct ) জায়গায় ন্যায়ের ( justice ) আমলে আসে এবং তাহার সকল

## সামাজিক চুক্তি

কর্মের নৈতিক দায়িত্বের প্রতিষ্ঠা হয়, যাহা পূর্বে ছিল না। যখন দৈহিক প্রবৃত্তি ও বুদ্ধির অধিকারের (le droit à l'appétit) জায়গায় কর্তব্যবুদ্ধির নির্দেশের স্থান হয় কেবল তখনই মানুষ, যে তখন পর্যন্ত কেবল আপনার কথাই ভাবিত, অন্তরকর্মের ধারণাসূত্রে কাজ করিতে বাধ্য হয় এবং স্বীয় প্রবৃত্তির কথা শুনিবার পূর্বে বিবেকবুদ্ধির সহিত পরামর্শ করিতে বাধ্য হয়। যদিও এই অবস্থায় মানুষকে তাহার সহজ প্রাকৃতিক অবস্থার অনেকগুলি সুবিধা ছাড়িয়া দিতে হয়, পরিবর্তে সে যাহা পায় তাহা এত বড়, তাহার মনোবৃত্তি সকলের একরূপ অনুশীলন ও বিকাশ হয়, তাহার চিন্তাসমূহ একরূপ বিস্তৃতি লাভ করে, তাহার হৃদয়বৃত্তিসমূহ একরূপ উদার হয়, এবং তাহার সমগ্র আত্মা এতখানি উন্নত হয় যে এই নূতন অবস্থার অপব্যবহারের ফলে, যে-অবস্থা হইতে সে উপরে উঠিয়াছে অনেক সময়ে তাহারও নীচে যদি তাহার অধোগতি না হইত, তবে যে শুভমূহুর্তে ঐ আদিম অবস্থা হইতে চিরদিনের জন্য সে উদ্ধার পাইয়াছে এবং নির্বুদ্ধি ও সংকীর্ণমনা পশু হইতে বুদ্ধিমান জীব ও মানুষে উন্নীত হইয়াছে সেই মুহূর্তকে সর্বদা আশীর্বাদ করিত।

সহজে তুলনা করা চলে এইরূপ ভাষায় সমস্ত বিষয়টির হিসাব নিকাশ করা যাউক। সামাজিক সন্ধির ফলে মানুষ হারাইতেছে তাহার স্বাভাবিক স্বাধীনতা এবং যাহা-কিছু তাহার লোভ উদ্রেক করে ও সে পাইতে সমর্থ তাহা পাইবার

অবাধ অধিকার ; লাভ করিতেছে পৌর স্বাধীনতা এবং যাহা-কিছু তাহার আছে তাহার উপর স্বামীত্ব । যাহাতে এই লাভ লোকসানের হিসাবে ভুল না হয় সে জন্ম স্বাভাবিক স্বাধীনতা হইতে পৌর স্বাধীনতার পার্থক্য বুঝা দরকার । স্বাভাবিক স্বাধীনতা কেবল ব্যক্তি বিশেষের সামর্থ্যের দ্বারা সীমাবদ্ধ, পৌর স্বাধীনতা সীমাবদ্ধ সাধারণের ইচ্ছা দ্বারা । এবং দখল ও স্বামীত্ব, এ দুইটির পার্থক্যও বুঝা দরকার । দখল গায়ের জোর বা প্রথম দখলিকারের অধিকারের ফল ; স্বামীত্ব কেবল যথার্থ স্বত্বের উপর প্রতিষ্ঠিত হইতে পারে ।

ইহার ছাড়াও সমাজবদ্ধ অবস্থায় লাভের হিসাবে যোগ করা যাইতে পারে নৈতিক স্বাধীনতা যাহা মানুষকে প্রকৃত প্রস্তাবে আপনার কর্তা করিয়া থাকে ; কারণ, প্রবৃত্তি মাত্রের তাড়নার বশ হওয়া দাসত্ব এবং স্বয়ংকৃত নিয়মের অনুবর্তিতাই স্বাধীনতা । কিন্তু এ বিষয়ে আমার যথেষ্ট বলা হইয়া গিয়াছে, এবং এখানে স্বাধীনতা কথাটির দার্শনিক ব্যাখ্যা করা আমার বক্তব্য বিষয়ের অন্তর্ভুক্ত নহে ।

নবম অধ্যায়

স্বাবর সম্পত্তি

সমাজভুক্ত প্রত্যেক ব্যক্তি সমাজ গঠিত হইবামাত্র, যে ভাবেই সে থাকুক, আপনাকে ও আপনার সকল সামর্থ্য সমাজের হাতে দান করে ; তাহার নিজস্ব সকল বিষয়সম্পত্তিও উল্লিখিত সামর্থ্যের এক অংশ । এই কাজের দ্বারা দখলী বিষয় হস্তান্তরিত হওয়ার ফলে যে তাহার প্রকৃতি বদলায় এবং রাজ-শক্তির হাতে গিয়া স্বত্ববিশিষ্ট সম্পত্তি হইয়া দাঁড়ায় তাহা নহে ; কিন্তু যেমন নগরের সামর্থ্য ব্যক্তিবিশেষের সামর্থ্য অপেক্ষা অতুলনীয়রূপে বেশী, সাধারণের দখলী-অধিকার প্রকৃত প্রস্তাবে তেমনি আরও বেশী দৃঢ়, বেশী করিয়া অপরিবর্তনীয় ; যদিও, অন্ততঃ- বিদেশীর কাছে, তাহা বেশী ঞায়সঙ্গত না হইতে পারে ; কারণ, সামাজিক চুক্তির ফলে রাষ্ট্র সভ্যগণেরই সকল সম্পত্তির প্রভু হয় এবং রাষ্ট্রের ভিতরে এই চুক্তিই হইল সকল বিষয়সম্পত্তির অধিকারের ভিত্তিস্বরূপ ; কিন্তু অপরাপর শক্তির কাছে কেবল প্রথম দখলিকারের অধিকারেই রাষ্ট্র এইরূপ প্রভু হইয়াছে এবং উক্ত অধিকার রাষ্ট্র আপনার সভ্যগণের কাছে পাইয়াছে ।

প্রথম দখলিকারের অধিকার বেশী গায়ের জোরের অধিকারের চাইতে বেশী সত্য হইলেও স্বত্ববিশিষ্ট-সম্পত্তির অধিকার মানিয়া লইবার পরে তবে ইহা যথার্থ অধিকার

বলিয়া গণ্য হইতে পারে। প্রত্যেক মানুষেরই তাহার যাহা দরকার তাহার উপর স্বাভাবিক দাবী আছে; কিন্তু যে সাক্ষাৎ কার্যের (l'acte positif) ফলে সে কোন একটি বস্তুর স্বামী হয় তাহাই আর সকল বস্তু তাহার হাত ছাড়া করিয়া দেয়। তাহার প্রাপ্য পাইবার পর ঐখানেই তাহার থামা উচিত এবং সমাজের কাছে তাহার আর কোন দাবী-দাওয়া থাকে না। এই কারণে, প্রথম দখলিকারের অধিকার, যাহা সহজ প্রাকৃতিক অবস্থায় তখনই দুর্বল থাকে, প্রত্যেক সমাজ-বদ্ধ মানুষের কাছে বড় হইয়া উঠে। লোকে এই অধিকারের মধ্যে অপরের যাহা আছে তাহা অপেক্ষা নিজের যাহা নাই তাহাই বেশী মানে।

সাধারণতঃ কোন এক খণ্ড জমিতে প্রথম দখলিকারের অধিকার সাব্যস্ত করিতে হইলে নিম্নের সৰ্ত্তগুলি পালিত হওয়া চাই : প্রথমতঃ, ঐ ভূমিখণ্ডে ঐ সময় পর্য্যন্ত কেহ বাস করে নাই; দ্বিতীয়তঃ, জীবন ধারণের জন্য কাহারও যতখানি ভূমি প্রয়োজন কেবল ততখানি সে অধিকার করিবে; তৃতীয়তঃ, ভূমির দখল লইতে হইবে মেহানৎ ও আবাদের দ্বারা, কেবল একটা ফাঁকা অনুষ্ঠানের দ্বারা নয়; কারণ, অন্য কোন আইনসঙ্গত স্বত্বের অভাবে উহাই হইল স্বামীত্বের একমাত্র চিহ্ন যাহা আর সকলের মানিয়া চলা উচিত।

বাস্তবিক পক্ষে, প্রথম দখলিকারের অধিকারটি যদি যাহার প্রয়োজন ও মেহানৎ আছে তাহাকে দেওয়া হয়

## সাায়াজিক চুক্তি

তাহা হইলে ঐ অধিকারকে কি শেষ পর্য্যন্ত ঠেলিয়া দেওয়া হয় না ? এ অধিকারেরর কি সীমা নির্দেশ করিয়া দেওয়া চলে না ? সাধারণের কোন জমিতে পা দিলেই কি তখন তখনই ঐ জমির মালিক হইবার দাবী করা চলে ? এক মুহূর্তের জন্তু অপর সকলকে বাহির করিয়া দিয়া তাহাদের কোন কালে ফিরিয়া আসিবার অধিকার কাড়িয়া লইবার মত গায়ের জোর থাকিলেই কি যথেষ্ট ? অণ্যায় জবর দখল করা ছাড়া কোন ব্যক্তি বা কোন জাতি কি করিয়া এক বিশাল ভূখণ্ড মানব জাতির আর সকলকে বঞ্চিত করিয়া নিজের হস্তগত করিতে পারে ? কারণ, ঐ কর্মের দ্বারা সে আর সকলের বাসস্থান এবং আহাৰ সংস্থানের উপায়, যাহা প্রকৃতি সকলকে সমানভাবে দিয়াছে, তাহা কাড়িয়া লইতেছে। মুঞেথ বালবাণ্ড যখন তীরে দাঁড়াইয়াই দক্ষিণ সমুদ্র এবং সমস্ত দক্ষিণ আমেরিকা কাষ্টিলের রাজার নামে দখল করে তখন উহাই কি তথাকার সমস্ত অধিবাসীদিগকে অধিকারচ্যুত ও পৃথিবীর আর সকল রাজাকে বাদ দিবার পক্ষে পর্য্যাপ্ত ছিল ? এই নজিরে চলিলে অনুষ্ঠানের ধুম অনর্থক বাড়িয়াই চলে ; ক্যাথলিক রাজা ( ফ্রান্সের রাজা ) এক চোটেই সমস্ত সৌর-জগতের দখল লইতে পারেন, শুধু নিজের সাম্রাজ্য হইতে যেটুকু পূর্বে অণ্ড রাজাদের দখলে ছিল সেইটুকু তিনি ফিরাইয়া দিবেন।



পৃথক পৃথক ব্যক্তির দখলী জমি যেখানে পরস্পর সংলগ্ন ছিল একত্র হইয়া তাহা কেমন করিয়া সাধারণের অধিকারভুক্ত জমি হইল ও রাজশক্তির অধিকার প্রজাগণ হইতে তাহাদেব দখলী জমির উপর বর্তাইয়া কেমন করিয়া একই কালে বাস্তব ও ব্যক্তিগত অধিকারের সামিল হইয়া উঠিল তাহা বুঝা যায় ; ইহার ফলে জমির অধিকারিগণ বেশী করিয়া অধীনতায় আবদ্ধ হইয়া পড়িল এবং তাহাদের হস্তস্থিত শক্তিই তাহাদের বিশ্বস্ততার জামিন হইল । প্রাচীন কালের রাজারা এই সুবিধাটুকু হৃদয়ঙ্গম করিতে পারেন নাই মনে হয়, কারণ, তাহারা আপনাদিগকে কেবল পারসীকগণের রাজা, শকগণের রাজা, মাসিডনীয়গণের রাজা, এইরূপে অভিহিত করিতেন । এবং আপনাদিগকে দেশের মালিক অপেক্ষা মানুষের মধ্যে প্রধান বলিয়াই বেশী বিবেচনা করিতেন । আধুনিক রাজাগণ অধিক বুদ্ধির সহিত আপনাদিগকে ফ্রান্সের, স্পেনের, ইংলণ্ডের রাজা ইত্যাদি বলিয়া অভিহিত করেন ; এই উপায়ে জমি দখলে রাখিবার ফলে দেশবাসী লোককে হাতে রাখা বিষয়েও তাহারা নিশ্চিত থাকেন ।

এই হস্তান্তরকরণ ব্যাপারের মধ্যে বিশেষত্ব এই যে সমাজ প্রত্যেক ব্যক্তির সম্পত্তি গ্রহণ করিয়া তাহাকে বঞ্চিত করা দূরে থাকুক বরং উহাতে তাহার বৈধ দখলী-স্বত্ব প্রতিষ্ঠিত করিয়া দেয়, জবরদখলকে বাস্তব অধিকারে এবং ভোগদখলের

## সামাজিক চুক্তি

অধিকার মাত্রকে স্বত্বস্বামীত্বে পরিণত করে। দখলিকার-গণকে এইরূপে সাধারণের সম্পত্তির অভিভাবক হিসাবে দেখা হয় বলিয়া তাহাদের সকল অধিকার রাষ্ট্রের সকল সভ্য মানিয়া চলে ও রাষ্ট্রের সমস্ত শক্তি বিদেশীর বিরুদ্ধে সেগুলি রক্ষা করে; ফলে, সাধারণের পক্ষে সুবিধাজনক ও তাহাদের আপনপক্ষে তদপেক্ষা সুবিধাজনক এই হস্তান্তর কার্যের ফলে তাহারা যাহা দিয়াছিল তাহা সমস্তই ফিরিয়া পায়; একই সম্পত্তির উপর রাজশক্তি ও উহার মালিকের যে আলাদা অধিকার আছে তাহা বুঝিলেই এই হেঁয়ালি সহজে পরিষ্কার হইয়া যায়। ইহা আমরা পরে দেখিতে পাইব।

ইহাও সম্ভবপর যে কোনরূপ সম্পত্তি থাকিবার পূর্বেই মানুষ পরস্পরের সঙ্গে একতাবদ্ধ হইতে আরম্ভ করে এবং পরে সকলের জন্য পর্যাপ্ত একখানি ভূখণ্ড দখল করিয়া সকলে একসঙ্গে মিলিয়া বা পরস্পরের মধ্যে উহা সমানভাবেই হউক বা রাজশক্তির দ্বারা নির্দ্ধারিত অংশ মোতাবেকই হউক, ভাগ বাটোয়ারা করিয়া ভোগ করে। যে উপায়েই এই সম্পত্তি অর্জিত হউক না কেন প্রত্যেক ব্যক্তির স্বীয় সম্পত্তির উপর যে অধিকার আছে তাহা সব সময়েই সকল বস্তুর উপর সমাজের যে অধিকার আছে তাহার অধীন। ইহা ছাড়া সামাজিক বন্ধনের ভিতরে কোন দৃঢ়তা থাকে না, রাজশক্তির কার্য পরিচালনার মধ্যে কোন বাস্তব শক্তি থাকে না।

একটি কথা বলিয়া আমি এই অধ্যায় এবং এই খণ্ড শেষ করিব ; কথাটি সমস্ত সমাজ-ব্যবস্থার ভিত্তি বলিয়া বিবেচিত হইতে পারে ; সেটি এই যে গোড়ার চুক্তি জিনিসটি মানুষের স্বাভাবিক সাম্য (égalité) নষ্ট করাই না, বরং প্রকৃতির হাতে মানুষের মধ্যে যে দৈহিক বৈষম্য হওয়া সম্ভব, তাহার জায়গায় একটি নৈতিক ও বৈধ সাম্য প্রতিষ্ঠিত করে, এবং যাহারা বলে বা বুদ্ধিতে পরস্পরের সমান নয় তাহারা সকলেই প্রথা এবং আইনের বলে পরস্পরের সমান হইয়া উঠে। (১)

\* ১। কু-শাসনতন্ত্রের অধীনে এই সাম্য কেবল কথার কথা ও ফাঁকি হইয়া দাঁড়ায় ; ইহা কেবল দরিদ্রকে তাহার দারিদ্র্যের ভিতর চাপিয়া রাখে এবং ধনীকে তাহার জবর দখল করিয়া লওয়া স্থানে ঠিক রাখে। খাঁটি কথা এই যে যাহাদের বিস্তর আছে আইন সর্বদা তাহাদের উপকারে আসে আর যাহাদের কিছুই নাই তাহাদের চিরকাল অনিষ্ট করে ; ইহা হইতে বুঝা যায় যে যখন সকলেরই কিছু কিছু থাকে এবং কাহারও প্রয়োজনের পরিমাণ অপেক্ষা অনেক বেশী থাকে না এমন অবস্থা হয়, কেবল তখনই সমাজবদ্ধ অবস্থা দ্বারা মানুষের সুবিধা হয়।

## দ্বিতীয় খণ্ড

### ১ম অধ্যায়

রাজশক্তি হস্তান্তরের অযোগ্য কেন

ইতিপূর্বে যে সকল মূলনীতি প্রমাণ করা হইয়াছে তাহা হইতে প্রথম ও সর্বাপেক্ষা প্রয়োজনীয় এই সিদ্ধান্ত করা যায় যে কেবল সাধারণের ইচ্ছাই রাষ্ট্রের সকল শক্তি রাষ্ট্র-প্রতিষ্ঠার উদ্দেশ্য সিদ্ধির জন্য ব্যবহার করিতে পারে ; এই উদ্দেশ্য হইতেছে জনসাধারণের কল্যাণ সাধন । কারণ, ব্যক্তিগত স্বার্থের পরস্পর-বিরোধিতাই যদি সমাজ প্রতিষ্ঠাকে আবশ্যিক করিয়া তুলিয়া থাকে তাহা হইলে বুঝিতে হইবে যে ঐ সকল স্বার্থের সামঞ্জস্যের ফলেই সমাজের প্রতিষ্ঠা সম্ভব হইয়াছে । এই সকল বিরোধী স্বার্থের ভিতরে একটা জায়গায় যে মিল আছে তাহাই সমাজ বন্ধনের সূত্র ; আর যদি সমস্ত স্বার্থ যেখানে এক হইয়া যায় এমন একটি বিষয় না থাকিত তাহা হইলে কোনরূপ সমাজই টিকিতে পারিত না । তাহা হইলে প্রত্যেক সমাজের কেবল এই সার্বজনীন স্বার্থের দ্বারাই শাসিত হওয়া উচিত ।

এখন আমার বক্তব্য এই যে যখন দেখা যায় যে রাজশক্তি সাধারণের ইচ্ছার পরিচালনা ছাড়া আর কিছু নয় তখন

দাঁড়ায় যে ইহা কখনও হস্তান্তর করা চলে না ; আর রাজশক্তি সমষ্টিগত ব্যক্তিত্ব মাত্র ; কাজেই উহার প্রতিনিধি কেবল উহা নিজে হইতে পারে । ক্ষমতা অবশ্য হস্তান্তর করা চলে, কিন্তু ইচ্ছা হস্তান্তর করা চলে না :

বাস্তবিক পক্ষে ব্যক্তির ইচ্ছা যে-কোন একটা বিষয়ে সাধারণের ইচ্ছার সঙ্গে মিলিয়া যাইতে পারে ইহা অসম্ভব না হইলেও, অন্ততঃপক্ষে এটা অসম্ভব যে এই মিল স্থায়ী এবং নিত্য হইবে ; কারণ, ব্যক্তির ইচ্ছা স্ব-প্রকৃতি ক্রমেই পক্ষপাতের দিকে ছুটিবে এবং সাধারণের ইচ্ছা চলিবে সাম্যের দিকে । এই মিল যে থাকিবে এসম্বন্ধে কোন নিশ্চয়তা দেওয়া আরও অসম্ভব ; কারণ, সব সময়ে এই মিল থাকিবে এরূপ ধরিয়া লইলেও সে মিল বুদ্ধিপূর্বক চেষ্টার ফল হইবে না. হইবে আকস্মিক ঘটনার ফল মাত্র । রাজশক্তি এরূপ বলিতে পারে. —“অমুক লোকটি যাহা ইচ্ছা করে বা অন্ততঃপক্ষে বলে যে সে ইচ্ছা করে আমি আজ ঠিক তাহাই ইচ্ছা করি”; কিন্তু উহা এরূপ বলিতে পারে না —“ঐ লোকটি কাল যাহা ইচ্ছা করিবে আমিও ঠিক তাহাই ইচ্ছা করিব”, কারণ মানুষের ইচ্ছা যে ভবিষ্যতের জন্য অঙ্গীকারবদ্ধ হইবে এ কথাই কোন অর্থ হয় না ; অধিকন্তু, কাহারও ইচ্ছা তাহার পক্ষে অনিষ্টকর এমন কিছু মানিয়া লইতে বাধ্য নহে তাহা হইলে কোন জাতি কেবল আদেশ পালন করিবে যদি এই রকম প্রতিজ্ঞা করে, ঐ কাজের দ্বারা সে আপন ঐক্য নষ্ট করে,

## সাধারণ চুক্তি

আপনার জাতীয়তাই হারাইয়া ফেলে ; যে মুহূর্তে প্রভুর আবির্ভাব হয় তখন হইতে রাজশক্তি আর থাকে না এবং তখন হইতে রাষ্ট্রীয় সমবায় বিলুপ্ত হইয়া যায় ।

ইহার অর্থ এই নয় যে শাসনকর্তাগণের (chefs) আদেশ সাধারণের ইচ্ছা বলিয়া চলিয়া যাইতে পারে না ; যতক্ষণ পর্য্যন্ত বাধা দিতে সক্ষম রাজশক্তি বাধা দিতে বিরত থাকে ততক্ষণ উহা ঐরূপে চলিতে পারে । এরকম ক্ষেত্রে সকলের নীরবতা হইতে ধরিয়া লওয়া যাইতে পারে লোকের এ বিষয়ে সম্মতি আছে । বিষয়টি পরে আরও পরিষ্কার হইবে ।

## ২য় অধ্যায়

### রাজশক্তি অবিভাজ্য কেন

যে কারণে রাজশক্তি হস্তান্তরের অযোগ্য ঠিক সেই কারণেই উহা অবিভাজ্য ; কারণ, ইচ্ছা হয় সাধারণের ইচ্ছা(১) অথবা সাধারণের ইচ্ছা নয় ; হয় উহা জনসমষ্টির ইচ্ছা অথবা ব্যক্তিবর্গের কতকের ইচ্ছা । প্রথম ক্ষেত্রে এই ইচ্ছা ব্যক্ত হইলে উহা হয় রাজশক্তির কৃত ব্যবস্থা এবং আইন রূপে গণ্য

---

১ । সাধারণ ইচ্ছা বলিয়া গণ্য হইতে হইলে উক্ত ইচ্ছা সব সময়ে সর্ব-বাদীসম্মত হইবার কোন প্রয়োজন হয় না, কিন্তু প্রত্যেকটি ভোট গণনা করিতে হইবে ; কোনটি বাদ পড়িলেই সাধারণতার ব্যত্যয় হয় ।

হয় ; দ্বিতীয় ক্ষেত্রে ইহা ব্যক্তিগত ইচ্ছা মাত্র, কিংবা ম্যাজিষ্ট্রেটকৃত ব্যবস্থা অথবা নেহাৎ পক্ষে আদেশ মাত্র ।

আমাদের রাষ্ট্রনীতিবিদগণ রাজশক্তিত্বের মূলনীতিকে কাটা-ছেঁড়া না করিতে পারিয়া উদ্দেশ্য বিচার করিয়া উহাকে ভাগ করেন; তাঁহারা ইহাকে দুই ভাগ করেন—বল এবং ইচ্ছা ; ব্যবস্থাপক ক্ষমতা এবং কার্যকরী ক্ষমতা ; কর আদায়ের, বিচার করিবার এবং যুদ্ধ করিবার অধিকার ; আভ্যন্তরীণ শাসনের এবং বিদেশীর সঙ্গে সন্ধি করিবার অধিকার । কখন তাঁহারা এই সকল অংশের মধ্যে গোলমাল করিয়া ফেলেন কখন বা এইগুলিকে পৃথক ভাবে দেখেন । তাঁহারা রাজশক্তিকে কতকগুলি একত্র সংলগ্ন অংশে গঠিত একটা অদ্ভুতাকার জীব করিয়া তুলেন ; ঠিক যেন কতকগুলি অঙ্গ-প্রত্যঙ্গ লইয়া তাঁহারা মানুষ গড়েন,—কাহার চোখ আছে, কাহার আছে হাত, কাহার বা পা আছে এবং আর কিছুই নাই । শুনা যায় জাপানের বাজীকরগণ নাকি দর্শকগণের চোখের উপর একটু ছেলের হাত পা সব কাটিয়া ফেলে ; তারপর সেই কাটা অংশগুলি তাহারা একটির পর একটি শূণ্ণে ছুড়িয়া দেয় এবং সমস্ত জোড়া-লাগা ও জীবিত অবস্থায় ছেলেটি মাটিতে পড়ে । আমাদের রাষ্ট্রনীতিবিদগণের বাজীর কৌশল কতকটা এই রকমের । তাঁহারাও সমাজ দেহকে আগে খণ্ড খণ্ড করেন এবং মেলায় দেখাইবার উপযুক্ত

## সাংসাজিক চুক্তি

যাহুবলে, এক অজ্ঞাত উপায়ে সেই কাটা অংশগুলি আবার জোড়া লাগাইয়া দেন ।

এই ভুল হয় রাজশক্তির কর্তৃত্ব সম্বন্ধে নিশ্চিত ধারণা না থাকায় এবং যে সকল জিনিষ ঐ কর্তৃত্বের বহিঃপ্রকাশ মাত্র সেইগুলিকে উহার অংশ বলিয়া গ্রহণ করার দরুণ । উদাহরণ স্বরূপে বলা যায়,—লোকে যুদ্ধ ঘোষণা করা ও সন্ধি স্থাপন করা এই দুই ব্যাপারকে রাজশক্তিকৃত কার্য বলিয়া বিবেচনা করে; কিন্তু উহারা মোটেই সেরূপ নয়, কারণ এই দুইটি কাজের একটিও আইনের নির্দেশ করে না, ইহা আইনের প্রয়োগ মাত্র, একটি বিশেষ কাজ যাহা আইন প্রয়োগের নজিররূপে গণ্য হইতে পারে ; ‘আইন’ কথাটির সঙ্গে যে ধারণা বর্তমান সেটি পরিস্ফুট করিলে ইহা স্পষ্ট বুঝা যাইবে ।

অন্যান্য যে সকল ভাগ করা হয় সেগুলি পরীক্ষা করিলেও দেখা যাইবে যে যখনই রাজশক্তিকে এই রকম খণ্ডিত বলিয়া বোধ হয় তখনই লোকে ভুল করে ; যে সকল অধিকারকে রাজশক্তির অংশ বলিয়া ধরা হয় সেগুলি সমস্তই উহার অধীন এবং সর্বোচ্চ ইচ্ছার ছোতক এবং তদনুযায়ী কাজ করিবার মঞ্জুরী ।

র দ্বীয় অধিকার সম্বন্ধে লেখকগণ যখন তাঁহাদের নির্ণীত সিদ্ধান্ত সমূহের বলে রাজা ও প্রজা উভয়ের অধিকার সম্বন্ধে রায় দিতে বসিয়াছেন তখন পরিষ্কার ধারণার অভাবে তাঁহাদের সিদ্ধান্তের ভিতর যে কত অস্পষ্টতা, ঢুকিয়াছে তাহা বলা যায়



না। গ্রোটিয়ুসের পুস্তকের প্রথম খণ্ডের ৩য় ও ৪র্থ অধ্যায় হইতে প্রত্যেকেই দেখিতে পারেন যে এই পণ্ডিত ও তাঁহার অনুবাদক বারবেরাক (Barbeyrac) কেমন করিয়া উক্ত বিষয়ে আপনাদের মত সম্বন্ধে খুব বেশী বা একেবারে কম বলিবার ফলে যে সকল শ্রেণীকে সন্তুষ্ট করিবার কথা তাহাদের অসন্তুষ্ট করিয়া তুলেন এই ভয়ে আপনাদের কুতর্কজালে আপনাই জড়াইয়া পালটাইয়া ধরা পড়িয়াছেন। গ্রোটিয়ুস ছিলেন স্বদেশের প্রতি বিরক্ত ও ফ্রান্সের আশ্রিত ব্যক্তি, তাঁহার বই ত্রয়োদশ লুইয়ের নামে উৎসর্গ করা এবং তাঁহাকে তুষ্ট করিতে যাইয়া তিনি প্রজার সমস্ত অধিকার হরণ করিয়া তদ্বারা সর্বপ্রকার সম্ভব কৌশলে রাজাকে ভূষিত করিবার প্রচেষ্টার কোন ক্রটি করেন নাই। এইরূপ করিবার দিকে বারবেরাকেরও যথেষ্ট ঝোঁক ছিল, তিনি তাঁহার তর্জমা উৎসর্গ করিয়াছিলেন ইংলণ্ডের রাজা প্রথম জর্জকে। কিন্তু দুর্ভাগ্যক্রমে দ্বিতীয় জেম্‌সের বিতাড়নের ফলে তাঁহার কথায় স্বেচ্ছায় সিংহাসন ত্যাগ করিবার ফলে, বাকসংঘম করিতে, রাখিয়া ঢাকিয়া বলিতে ও কথার মারপেঁচ দেখাইতে বাধ্য হন, —এই উদ্দেশ্যে যে উইলিয়াম জবরদখলিকার বলিয়া সাব স্ত হইয়া না পড়েন। এই দুইজন গ্রন্থকার যদি প্রকৃত মত গ্রহণ করিতেন তবে সকল গণ্ডগোল দূর হইত এবং তাঁহাদের বক্তব্যের ভিতরেও সঙ্গতি থাকিত; কিন্তু সে সত্য তাঁহাদের বড় ছুঃখের সঙ্গে প্রকাশ করিতে হইত এবং

## সামাজিক চুক্তি

তদ্বারা খালি প্রজাকেই তুষ্ট করা হইত। কিন্তু সত্য ত ধর্মনৈশ্বর্যের পথে লইয়া যায় না, আর প্রজাও রাজদূতের কর্ম, অধ্যাপকের পদ বা পেনসন দিতে পারে না।

## ৩য় অধ্যায়

সাধারণ ইচ্ছা ভুল করিতে পারে না

উপরে যাহা বলা হইয়াছে তদ্বারা ইহাই প্রমাণিত হয় যে সাধারণ ইচ্ছা সব সময়েই ঠিক এবং সব সময়েই জনসাধারণের মঙ্গলাভিমুখী ; কিন্তু তাই বলিয়া একথা প্রমাণিত হয় না যে জনগণের সিদ্ধান্তগুলি সব সময়ে একই ভাবে নিভুল হইবে। লোকে সব সময়ে আপনাদের কল্যাণ চায় কিন্তু কিসে কল্যাণ হইবে সেটা সব সময়ে ধরিতে পারে না ; জনসাধারণকে কেহ কখন দূষিত (corrompt le peuple) করিতে পারে না কিন্তু প্রায়ই ঠকাইয়া থাকে, এবং কেবল তখনই যাহা খারাপ তাহাদের তাহাই চাহিতে দেখা যায়।

সকলের ইচ্ছা ও সাধারণ ইচ্ছার ভিতরে প্রায়ই বিস্তর প্রভেদ থাকে ; শেষটি দেখে সার্বজনীন স্বার্থ ; অপরটি দেখে ব্যক্তিগত স্বার্থ এবং ইহা ব্যক্তিগত স্বার্থের সমষ্টি মাত্র ; এই সকল ইচ্ছার মধ্য হইতে যতগুলি যোগবিশেষের

অঙ্কে কাটা কাটি হয় (১) সেগুলি বাদ দেও, তাহা হইলে দেখা যাইবে যে সাধারণ ইচ্ছা বিয়োগফলের সমষ্টি মাত্র।

যখন জনসাধারণ যথোপযুক্ত খবরাদি পাইয়া সিদ্ধান্ত করিতে বসে তখন যদি নাগরিকগণ পরস্পরের মধ্যে কোন সংবাদ আদান প্রদান করিতে না পারে তবে তাহাদের ভিন্ন মতগুলি একত্র যোগ করিলে সব সময়ে তাহার যোগফল হইতেই সাধারণ ইচ্ছা পাওয়া যাইবে এবং সিদ্ধান্তও সব সময়ে ভাল হইবে।

কিন্তু যখন নানা দল গঠিত হয়, বৃহৎ সমষ্টির স্থানে ছোট ছোট সমষ্টির উদ্ভব হয়, তখন ঐ সকল সমষ্টিভুক্ত সভ্যবৃন্দের কাছে প্রত্যেকটি সমষ্টির ইচ্ছাই সাধারণ ইচ্ছা হইয়া উঠে এবং রাষ্ট্রের কাছে উহা ব্যক্তিগত ইচ্ছাই থাকে ; এরূপ ক্ষেত্রে বলা যায় যে তখন আর যত মানুষ তত ভোট থাকে না, যতগুলি

১। le marquis d' Argenson বলিতেছেন, “প্রত্যেক ভিন্ন স্বার্থ-বিশিষ্ট শ্রেণীর আলাদা আলাদা নীতি আছে। তৃতীয় একটি শ্রেণীর বিরুদ্ধাচরণ কালে এইরূপ দুইটি শ্রেণীর মিলন হয়” (Considerations sur le gouvernement de la France, ২য় অধ্যায় দেখ — Editor)। তিনি বলিতে পারিতেন যে সকল শ্রেণীর মিলন হয় প্রত্যেকের অপরের স্বার্থের সহিত বিরোধের দ্বারা। বিভিন্ন প্রকারের স্বার্থ না থাকিলে সার্বজনীন স্বার্থ যে কি তাহা জানাই যাইত না কারণ উহাকে কোন বাধা বিপত্তির সম্মুখীন হইতেই হইত না ; সব যেমন চাওয়া যায় তেমন চলিয়া যাইত এবং রাষ্ট্রনীতি আর আর্ট বলিয়া গণ্য হইত না।

## সামাজিক চুক্তি

সমষ্টি ততগুলি ভোটই থাকে। ভিন্ন মতগুলি সংখ্যায় কম হয় এবং মোট যোগফলও কম সর্বজনীন হয়। শেষকালে যখন এই সকল সমষ্টির একটি একটি এত বড় হইয়া উঠে যে উহা আর সকল সমষ্টি অপেক্ষা প্রবল হয় তখন তুমি যে মোটফল পাইতেছে তাহা আর ছোট ছোট ভিন্ন মতের যোগফল নয় একটা ভিন্ন মত ; এক্ষেত্রে সাধারণ ইচ্ছার অস্তিত্ব আর থাকে না এবং যে মতটি প্রবল দাঁড়ায় উহা ব্যক্তিবিশেষের মত মাত্র।

তাহা হইলে সাধারণ ইচ্ছা যাহাতে ব্যক্ত হয় সেজন্য আবশ্যিক যে রাষ্ট্রের ভিতরে কোন সংকীর্ণ স্বার্থ-বিশিষ্ট দল থাকিবে না এবং প্রত্যেক নাগরিকই স্বীয় মত ব্যক্ত করিবে। (:) প্রসিদ্ধ লাইকারগাসের (Lycurgus) অদ্বিতীয় ও উন্নত প্রণালীও এই ধরনের ছিল। আর দলাদলি যেখানে থাকিবেই সেখানে দলের সংখ্যা বৃদ্ধি করা ও তাহাদের মধ্যে বৈষম্য

---

১। ম্যাকিয়াভেলী বলেন, “সত্য কথা এই যে কতকগুলি মতবিরোধ সাধারণ-তন্ত্রের অনিষ্ট করে, এবং কতকগুলি তাহার সাহায্য করে ; যেগুলি সম্প্রদায় ও দলাদলি টানিয়া আনে সেগুলি অনিষ্ট করে ; যেগুলি সম্প্রদায় বা দল ব্যতিরেকে চলে সেগুলি ইষ্ট করে। তাহা হইলে যখন দেখা যায় যে সাধারণতন্ত্রের প্রতিষ্ঠাতার হাতে বিদ্বेष ভাবের উৎপত্তি নিবারণের উপায় নাই তখন নেহাৎপক্ষে তাহার দেখা উচিত যে ঐ সঙ্গে সম্প্রদায়ের উৎপত্তিও না হইতে পারে। (Hist Florent. Lib vii) রুসো ম্যাকিয়াভেলীর মূল ইটালী ভাষা হইতে উদ্ধৃত করিয়াছেন—অনুবাদক।

## সামাজিক চুক্তি

নিবারণ করা আবশ্যিক, সোলোন, নুমা (Solon, Numa) এবং সেরভিয়ুস (Servius) এইরূপ কবিতেন। কেবল এইরূপ সতর্কতা অবলম্বন করিতে পারিলেই আশা করিতে পারা যায় যে সাধারণ ইচ্ছা সব সময়ে ওয়াকিবহাল (éclairée) হইবে এবং জনসাধারণ আপনাদিগকে প্রতারণিত করিতে পারিবে না।

## ৪র্থ অধ্যায়

### রাজশক্তির ক্ষমতার সীমা

যদি রাষ্ট্র বা নগরকে নৈতিকসত্তা-সম্পন্ন বলিয়া ধরা যায়, যাহার জীবন সভ্যবৃন্দের মিলনের উপর প্রতিষ্ঠিত, এবং আত্ম-সংরক্ষণই যদি তাহার সর্বাপেক্ষা বড় কাজ হয় তাহা হইলে নিজের প্রত্যেক অংশকে সকলের যথাসম্ভব সুবিধা মত চালনা ও ব্যবহার করিবার অপ্রতিদ্বন্দ্বী ও অপ্রতিহত ক্ষমতা তাহার থাকা দরকার। প্রকৃতি যেমন মানুষকে তাহার দেহের সকল অংশের উপর পূর্ণ ক্ষমতা দেয় সামাজিক সন্ধিও তেমনি রাষ্ট্রীয় সমবায়কে তাহার সকল সভ্যের উপর পূর্ণ ক্ষমতা দেয়; এবং আমি যেমন বলিয়াছি, এই ক্ষমতাই সাধারণ ইচ্ছার দ্বারা চালিত হইলে রাজশক্তি নাম বহন করে।

কিন্তু জনসমষ্টি ছাড়াও যে সকল ব্যক্তি (personnes privées) লইয়া জনসমষ্টি গঠিত হয় তাহাদের দিকটাও

## সামাজিক চুক্তি

দেখিতে হইবে ; কারণ, জনসমষ্টির সঙ্গে সম্বন্ধের অতিরিক্ত একটা জীবন ও ব্যক্তিগত স্বাধীনতা তাহাদের স্বভাবতঃ আছে । এ অবস্থায় নাগরিকগণের ও রাজশক্তির (১) বিভিন্ন অধিকার, এবং প্রজা হিসাবে নাগরিকগণের যে সকল কর্তব্য পালন করিতে হইবে এবং মানুষ হিসাবে যে সকল স্বাভাবিক অধিকার তাহাদের ভোগ করা উচিত তাহা পরিষ্কার করিয়া নির্দেশ করা নিতান্ত দরকার ।

ইহা স্বীকার্য যে সামাজিক সন্ধির দ্বারা প্রত্যেক মানুষ সমাজের কাজের জন্ত যতখানি আবশ্যিক আপন শক্তি, ধন ও স্বাধীনতার কেবল ততখানি হস্তান্তর করে ; কিন্তু ঐ সঙ্গে ইহাও স্বীকার করিতে হইবে যে রাজশক্তিই কি আবশ্যিক তাহার একমাত্র বিচারক ।

রাষ্ট্রের উপকারার্থ নাগরিক যে সকল কাজ করিতে পারেন রাজ শক্তি চাহিবামাত্র তিনি তাহা করিবেন ; কিন্তু অপর পক্ষে রাজশক্তি সমাজের পক্ষে যাহা অনাবশ্যক এরূপ কোন শৃঙ্খল তাহার ঘাড়ে চাপাইতে পারে না ; এমন কি এরূপ করিবার ইচ্ছাও তাহার হওয়া উচিত না ; কারণ, যুক্তির নিয়মে

---

১। মনোযোগী পাঠকগণ, আমি প্রার্থনা করি, আপনারা তাড়া-তাড়ি আমাকে এখানে স্ববিরোধী উক্তি করিবার দোষে অভিযুক্ত করিবেন না । ভাষার দারিদ্র্য হেতু নাম দিবার বেলায় আমি ইহা ছাড়িতে পারি নাই ; একটু ধৈর্য ধরুন ।

এবং প্রকৃতির নিয়মেও বটে, বিনা কারণে কিছু হয় ন।

যে সকল কর্তব্যপালনের অঙ্গীকার দ্বারা আমরা সমাজের সঙ্গে আবদ্ধ সে সকল উভয় পক্ষকে পালন করিতে হয়, এজন্য অবশ্য করণীয়, এবং সেগুলি এরূপ প্রকৃতির যে তাহা পালন করিতে যাইয়া লোকে পরের কাজ করিবার সঙ্গে সঙ্গে নিজের কাজও উদ্ধার করিয়া থাকে। এমন লোক নাই যে “প্রত্যেকের” এই কথাটি নিজের উপর প্রয়োগ করে না এবং সকলের জন্য ভোট দিতে যাইয়া আপনাকেও তাহাদের মধ্যে ধরে না; এরূপ না হইলে আর সাধারণ ইচ্ছা কি করিয়া সব সময়ে ঠিক হইতে পারে আর কি করিয়াই বা সকলে সর্বদা আপনাদের প্রত্যেকের মঙ্গল কামনা করিতে পারে? ইহা হইতে প্রমাণ হয় যে সমান অধিকার এবং উহা হইতে উদ্ভূত ন্যায়বিচারের ধারণার গোড়ায় আছে প্রত্যেক মানুষের আপনাকে সকলের আগে দেখিবার প্রবৃত্তি; কাজে কাজেই ইহার প্রতিষ্ঠা মানুষের প্রকৃতির উপর; আরও প্রমাণ হয় যে ইহাকে যথার্থ সর্বজনীন হইতে হইলে উদ্দেশ্য এবং প্রবৃত্তি দুইটিরই ঐরূপ হইতে হইবে; ইহার উৎপত্তি হইবে সকল হইতে এবং ইহার লক্ষ্য হইবে সকলে; এবং কোন বিশেষ ও নির্দিষ্ট উদ্দেশ্যের দিকে ইহা চালিত হইলে ইহার স্বাভাবিক নিভুল প্রকৃতি নষ্ট হইয়া যায়; কারণ সে

## সামাজিক চুক্তি

ক্ষেত্রে যাহা আমাদের বাহিরে আমরা তাহার বিচার করিতে বসি, কাজেই পথ দেখাইবার জন্য ন্যায়পরতার কোন খাঁটি মূলমূল্য আমাদের থাকে না।

বাস্তবিক পক্ষে যখনই এমন কোন বিশেষ অধিকার বা ঘটনার প্রশ্ন উঠে স্বাহার সম্বন্ধে পূর্বেই সাধারণ মত অনুসারে কোনরূপ ব্যবস্থা করা হয় নাই তখনই বিষয়টি মতানৈক্যের কারণ হইয়া দাঁড়ায় ; এ মামলায় এক পক্ষ স্বার্থ বিশিষ্ট ব্যক্তিগণ এবং অপর পক্ষ জনসাধারণ ; কিন্তু এক্ষেত্রে কোন আইন যে মানিতে হইবে এবং কোন বিচারক যে রায় দিবে কিছুই আমি স্থির করিতে পারিতেছি না। এ অবস্থায় ইহার একটা সত্য সত্য মীমাংসার জন্য সাধারণ ইচ্ছার উপর বরাং দিবার প্রস্তাব আহ্বান্যকী হইবে ; সে সিদ্ধান্ত কেবল দুই পক্ষের একটির সিদ্ধান্ত হইবে এবং কাজে কাজেই অপর পক্ষের কাছে উহা নিতান্ত বাহিরের ও বিশেষ ইচ্ছা বলিয়াই গণ্য হইবে ; উপস্থিত ক্ষেত্রে উহার অবিচার করিবার দিকেই বেশী ঝোক থাকিবে ও ভুল করিবার সম্ভাবনা থাকিবে। এখন দেখা যায় যে বিশেষ ইচ্ছা যেমন সাধারণ ইচ্ছার স্থান অধিকার করিতে পারে না তেমনি অপরপক্ষে বিশেষ বিষয় সাধারণ ইচ্ছার লক্ষ্য হইলে উহার স্বভাব পরিবর্তিত হয় এবং ঐ ইচ্ছা সাধারণ ইচ্ছা বলিয়া কোন একজন লোক বা কোন একটি ঘটনার সম্বন্ধে বিচার করিতে পারে না। উদাহরণ



স্বরূপ বলা যায় যে যখন এথেন্সবাসিগণ আপনাদের শাসনকর্তা নির্বাচন ও পদচ্যুত করিত, একজনের জন্য সম্মান অপরের জন্য শাস্তির ব্যবস্থা করিত এবং হাজার রকমের বিশেষ আদেশ জারি করিয়া শাসনশক্তির সব রকমের কাজই বাদবিচার না করিয়া করিত তখন জাতির প্রকৃত সাধারণ ইচ্ছা ছিল না ; তখন জাতি আর রাজশক্তি হিসাবে কাজ করিত না, ম্যাজিষ্ট্রেট রূপে কাজ করিত। একথা প্রচলিত ধারণার বিরোধী বলিয়া মনে হইবে ; কিন্তু আমার ধারণা ব্যাখ্যা করিবার জন্য আমাকে সময় দিতে হইবে।

উপরে যাহা বলা হইয়াছে তাহা হইতে বুঝিতে হইবে যে ভোটের সংখ্যা অপেক্ষা ভোটদাতাগণ যে সাধারণ স্বার্থের খাতিরে মিলিত হয় তাহাব উপরেই ইচ্ছার সর্বজনীন হওয়া বেশী করিয়া নির্ভর করে ; কারণ, এই ব্যবস্থামতে প্রত্যেকে অপব সকলকে যে সব সর্ত্তে আবদ্ধ করে নিজেও বাধ্য হইয়া সেই সব সর্ত্তে আবদ্ধ হয় ; স্বার্থ ও ন্যায়ের এই চম কার মিলন সম্মিলিত আলোচনাকে অপক্ষপাতী করিয়া তুলে ; কিন্তু প্রত্যেক বিশেষ ব্যাপারের আলোচনা কালে দেখা যায় যে এই সমদর্শিতা অন্তর্হিত হইয়াছে ; কারণ, তখন এমন কোন প্রকার সর্বজনীন স্বার্থ চোখের সম্মুখে থাকে না যাহা বিচারকের সিদ্ধান্ত ও স্বার্থবিশিষ্ট পক্ষের সিদ্ধান্তের মধ্যে মিলন ও ঐক্য ঘটাইতে পারে।

যেদিক দিয়াই এই মূলনীতির দিকে অগ্রসর হওয়া

## সামাজিক চুক্তি

যাউক না কেন সর্বদা সেই একই সিদ্ধান্তে আসিতে হইবে ; যথা, সামাজিক সন্ধি নাগরিকগণের মধ্যে এমন একটা সাম্যের প্রতিষ্ঠা করে যে সকলে একই প্রকারের সর্ভে আবদ্ধ হয় এবং সেহেতু সকলে একই প্রকারের অধিকার ভোগ করে। এই প্রকারে সন্ধির প্রকৃতি অনুসারেই রাজশক্তির প্রত্যেক কাজ অর্থাৎ সাধারণ ইচ্ছার প্রত্যেক যথার্থ কাজ সকল নাগরিককে সমান ভাবে বাধ্য করে বা অনুগ্রহ করে ; এতদ্বারা দেখা যাইতেছে যে রাজশক্তি কেবল সমগ্র জাতিকে দেখে, যাহাদের দ্বারা উহা গঠিত তাহাদিগকে আলাদা করিয়া দেখে না। এখন জিজ্ঞাস্য এই যে রাজশক্তির কাজ বলিতে ঠিক কি বুঝায় ? এই কাজ উপরওয়ালার সঙ্গে অধীনস্থ লোকের একরারনামার ফল নয়, দেহের সঙ্গে উহার প্রত্যেক অংশের একরারনামার ফল ; ইহা বৈধ, কারণ ইহার ভিত্তি সামাজিক চুক্তি ; অপক্ষপাতী, কারণ ইহা সর্বজনীন ; প্রয়োজনীয়, কারণ ইহার উদ্দেশ্য সাধারণের কল্যাণ ছাড়া আর কিছু হইতে পারে না ; এবং স্থায়ী, কারণ জনসাধারণের শক্তি এবং সর্বোচ্চ ক্ষমতা ইহার জামিনদার। যে পর্য্যন্ত প্রজাগণকে কেবল এই ধরণের একরারনামা মানিতে হয় তাহারা বাহিরের কাহারও আদেশ পালন করে না আপনাদের ইচ্ছাই মানিয়া চলে ; এবং রাজশক্তি ও প্রজাগণের উভয়ের অধিকার কতদূর পর্য্যন্ত যাইতে পারে জিজ্ঞাসা করিবার

অর্থ এই যে প্রজাগণ কতদূর পর্য্যন্ত আপনাদের পরস্পরের মধ্যে চুক্তিবদ্ধ হইতে পারে- প্রত্যেকে সকলের সঙ্গে এবং সকলে প্রত্যেকের সঙ্গে ।

ইহা হইতে দেখা যাইতেছে যে রাজশক্তির ক্ষমতা অপ্রতিহত, পবিত্র ও অলঙ্ঘনীয় হইলেও ইহা সাধারণ চুক্তির সর্বসমূহ অতিক্রম করে না ও করিতে পারে না এবং প্রত্যেক ব্যক্তি ঐ সকল সর্বের এলাকার বাহিরে যে ধন ও যতখানি স্বাধীনতা তাহার থাকে সমস্তই ইচ্ছামত ব্যবহার করিতে পারে ; তাহা হইলে কোন এক জন প্রজার কাছে অপরের অপেক্ষা বেশী দাবী করিবার ক্ষমতা রাজশক্তির নাই, কারণ, সেক্ষেত্রে সেটি বিশেষ ব্যাপার হইয়া দাঁড়ায় এবং কাজেই তাহার হাতের বাহিরে চলিয়া যায় ।

এই সকল পার্থক্য একবার স্বীকার করিয়া লইলে দেখা যায় যে সামাজিক চুক্তির ফলে ব্যক্তিবর্গ কোন প্রকার প্রকৃত ত্যাগ স্বীকার করে একথা কিরূপ মিথ্যা ; বরং এই চুক্তির ফলে তাহারা আপনাদিগকে যে অবস্থায় দেখিতে পায় তাহা পূর্বেকার অবস্থা অপেক্ষা বাস্তবিক ভাল ; কোনরূপ ত্যাগ স্বীকারের পরিবর্তে তাহারা একটা সুবিধাজনক লেনদেনের বন্দোবস্ত করিয়াছে, যাহার ফলে অনিশ্চিত ও বিপজ্জনক জীবনের পরিবর্তে জীবনযাত্রা উন্নত ও নিশ্চিত হইয়াছে, স্বাভাবিক যথেষ্টচার ক্ষমতার ( l'indépendance naturelle ) পরিবর্তে স্বাধীনতা

## সামাজিক চুক্তি

পাওয়া গিয়াছে, অপরের অনিষ্ট করিবার ক্ষমতার পরিবর্তে আত্মরক্ষার ব্যবস্থা হইয়াছে এবং অপরে যখন তখন অভিভূত করিতে পারে এরূপ শক্তির পরিবর্তে এমন একটা অধিকার পাওয়া গিয়াছে যাহা সামাজিক একতার ফলে একেবারে অজেয়। তাহারা রাষ্ট্রের সেবায় যে জীবন নিয়োগ করিয়াছে সেই জীবন পর্যন্ত রাষ্ট্রের দ্বারা সর্বদা সুরক্ষিত হইতেছে; আর যখন তাহারা রাষ্ট্রের রক্ষার জন্য এই জীবন বিপদের মুখে আগাইয়া দেয় তখন রাষ্ট্রের কাছে যাহা পাইয়াছে তাহাই ফিরাইয়া দেওয়া ছাড়া আর কি করে? স্বাভাবিক অবস্থায় যাহা ঘন ঘন ও আরও বিপদসঙ্কুল অবস্থার ভিতরে করিতে হইত, যখন জীবন ধারণের প্রয়োজনীয় বস্তু রক্ষা করিবার জন্য জীবন সঙ্কটাপন্ন করিয়া লড়াই করা অপরিহার্য ছিল, তদপেক্ষা আর বেশী তাহারা কি করিতেছে? সকলকেই জন্মভূমির প্রয়োজনে লড়াই করিতে হইবে, ইহা সত্য; কিন্তু নিজের জন্য কাহাকেও কখন লড়াই করিতে হইবে না। রাষ্ট্র আমাদিগকে আশ্রয় দেয় এবং ঐ আশ্রয় সরাইয়া লওয়া মাত্র আমাদিগকে আত্মরক্ষার জন্য বহুবিপদের সম্মুখীন হইতে হইবে; রাষ্ট্রের জন্ত এ সকল বিপদের কোন কোনটির সম্মুখীন হওয়াতে কি কিছুই লাভ হয় না?

## ৩ম অধ্যায়

### জীবন এবং মৃত্যুর অধিকার

লোকে জিজ্ঞাসা করিয়া থাকে যে ব্যক্তিবর্গের যখন আপনাদের জীবনের উপর কোন অধিকার নাই তখন যে অধিকার তাহাদের নাই কি করিয়া সেই অধিকার রাজশক্তির নিকট তাহারা হস্তান্তর করিতে পারে? এই প্রশ্ন কঠিন বলিয়া মনে হইবার কারণ এইমাত্র যে উহা ঠিক করিয়া জিজ্ঞাসা করা হয় না। প্রত্যেক মানুষেরই নিজের জীবন রক্ষা করিবার জন্য উহা বিপদাপন্ন করিবার অধিকার আছে। কেহ কি কখনও বলিয়াছে যে যে-ব্যক্তি অগ্নি হইতে উদ্ধার পাইবার জন্য জানালা দিয়া লাফাইয়া পড়ে সে আত্মহত্যার অপরাধ করে? যে ব্যক্তি ঝড়ের সম্ভাবনা বিষয়ে অজ্ঞ না থাকিয়াও জাহাজে চড়ে এবং ঝড়ে মারা পড়ে তাহার ঘাড়ে কি কেহ এই অপরাধের দায়িত্ব চাপায়?

সামাজিক সন্ধির উদ্দেশ্য চুক্তিকারী দুই পক্ষের সংরক্ষণের ব্যবস্থা করা। যে এই উদ্দেশ্য সিদ্ধ করিতে চায় সে তাহার উপায়ও চায়, এবং এই উপায়ের সঙ্গে কতকটা বিপদ, এমন কি কিছু ক্ষতির সম্ভাবনা অপরিহার্য। যে আর সকলের সাহায্যে নিজের জীবন রক্ষা করিতে ইচ্ছা করে, প্রয়োজন হইলে তাহাকেও তাহাদের জন্য নিজের জীবন দিতে হইবে। কিন্তু আইন কোন একজন নাগরিককে যে বিপদের সম্মুখীন হইতে বলে সে আর তাহার সম্পর্কে বিচারকের স্থান গ্রহণ করিবার

## সামাজিক চুক্তি

দাবী করিতে পারে না ; এবং শাসনকর্তা যখন তাহাকে বলেন,—“তোমার মৃত্যু রাষ্ট্রের পক্ষে সুবিধাজনক হইবে” তখন তাহার মরা উচিত, কারণ এই সর্বের জোরেই সে তৎকাল পর্যন্ত নির্বিঘ্ন অবস্থায় বাস করিতে পারিয়াছে, অধিকন্তু তাহার জীবন তখন আর প্রকৃতির অনুগ্রহমাত্র নয়, উহা রাষ্ট্রের একটা সর্বস্বত্রে-দেওয়া দান ।

অপরাধীকে যে মৃত্যুদণ্ড দেওয়া হয় তাহাও কতকটা এই ভাবে দেখা চলে ; যাহাতে কেহ হত্যাকারীর শিকার না হয় এই উদ্দেশ্যেই কোন ব্যক্তি নিজে হত্যাকারী হইয়া দাঁড়াইলে মৃত্যুদণ্ড স্বীকার করিয়া লয় । এই সন্ধির ফলে আপনার জীবন বিলাইয়া দেওয়া দূরে থাকুক লোকে কেবল উহা নিরাপদে রাখিবার কথাই ভাবে এবং ইহা মনে করিবার হেতু নাই যে চুক্তিকারী কোন ব্যক্তি তখন আগে হইতে আপনাকে ফাঁসিকাঠে ঝুলিতে দেখিবার কথা ভাবিয়া রাখে ।

অধিকন্তু, প্রত্যেক দুষ্কৃতকারী সামাজিক অধিকারে হস্তক্ষেপ করিবার চেষ্টায় তাহার দুষ্কার্যের দ্বারা স্বদেশের বিরুদ্ধে বিদ্রোহী ও বিশ্বাসঘাতক হইয়া দাঁড়ায় ; স্বদেশের আইন লঙ্ঘন করিবার ফলে সে আর উহার সভ্য থাকে না ; এমন কি সে উহার বিরুদ্ধে যুদ্ধ ঘোষণা করে । এমন অবস্থায় রাষ্ট্রের সংরক্ষণের সঙ্গে তাহার সংরক্ষণের বিরোধ ঘটে, দুইটির মধ্যে একটির বিলোপ হওয়া আবশ্যিক হইয়া উঠে ; এবং

অপরাধীকে যখন মৃত্যুদণ্ড দেওয়া হয় তখন নাগরিক বলিয়া নয় শত্রু হিসাবেই তাহাকে শাস্তি দেওয়া হয়। মামলা এবং রায় প্রমাণ ও ঘোষণা করে যে সে সামাজিক সন্ধি ভঙ্গ করিয়াছে, কাজেই সে আর রাষ্ট্রের সভ্য নহে। তাহা হইলে দেখা যাইতেছে যে অন্ততঃপক্ষে সেখানে বাস করিয়া সে যখন এইরূপে আপনার পরিচয় দিয়াছে তখন তাহাকে হয় চুক্তি ভঙ্গকারী বলিয়া নির্বাসন দণ্ড দ্বারা দূর করিতে হইবে অথবা সাধারণের শত্রু বলিয়া মৃত্যুদণ্ডে দণ্ডিত করিতে হইবে ; কারণ, এইরূপ শত্রু আর নৈতিকসত্তাসম্পন্ন-পুরুষ নয়, সে মানুষ মাত্র এবং সেক্ষেত্রে যুদ্ধের অধিকারে আইনমতে বিজিত শত্রু হত্যা করা যায়।

কিন্তু বলা হইবে যে অপরাধীকে দণ্ড দেওয়া একটি বিশেষ কাজ। মানিয়া লইলাম, কিন্তু এরূপ দণ্ড দেওয়া রাজশক্তির কর্তব্যের মধ্যেই নয় ; এই অধিকার সে দিতে পারে, নিজে ইহা ব্যবহার করিবার ক্ষমতা তাহার নাই। আমার ধারণা গুলির মধ্যে কোনরূপ অসঙ্গতি নাই, কিন্তু এক কালেই আমি সবগুলি ব্যাখ্যা করিতে পারি না।

কিন্তু ইহাতে বলা চলে যে ঘন ঘন শাস্তি দেওয়া শাসনশক্তির দুর্বলতা বা কর্তব্যে অনবহিত হইবার একটি লক্ষণ। এমন কোন অপকর্ম নাই যাহাকে কোন না কোন ভাল কাজে লাগান যায় না। যাহাকে বাঁচিতে দিলে বিপদের সম্ভাবনা নাই এমন ব্যক্তিকে মৃত্যুদণ্ডে

## স্বাধীন চুক্তি

দণ্ডিত করিবার অধিকার কাহারও নাই, এমন কি অপরাধীর  
কিছুপা শাস্তি হইবে আর সকলকে তাহা দেখাইবার জন্যও  
নয়।

আর ক্ষমা করিবার বা অপরাধীকে আইনে উল্লিখিত  
ও বিচারকের নির্দ্ধারিত শাস্তি হইতে অব্যাহতি দিবার  
অধিকার শুধু যে বিচারক ও আইনের উপরে তাহারই  
থাকিতে পারে, অর্থাৎ রাজশক্তির; কিন্তু এবিষয়ে রাজ-  
শক্তির অধিকারও বিশেষ স্পষ্ট নয় এবং ইহা ব্যবহার করিবার  
উপলক্ষও খুবই কম ঘটে। সুশাসিত-রাষ্ট্রে শাস্তির সংখ্যা  
কম হইয়া থাকে; ইহার কারণ এই নয় যে খুব বেশী  
ব্যাপারেই ক্ষমা করা হয়, ইহার কারণ এই যে অপরাধীর  
সংখ্যাই কম হইয়া থাকে; রাষ্ট্র যখন অবনতির দিকে  
যায় তখনই অপরাধের সংখ্যাশ্রিক্য শাস্তি হইতে নিষ্কৃতি  
পাইবার কারণ হইয়া থাকে। রোমে সাধারণতন্ত্রের  
আমলে সেনেট বা কন্সালগণ কেহই ক্ষমা করিবার চেষ্টা  
করিতেন না; এমন কি জনসাধারণও ক্ষমা করিত না  
যদিও সময়ে সময়ে উহা আপন সিদ্ধান্ত কাঁচিয়া দিত। ঘন  
ঘন ক্ষমা করায় বুঝায় যে শীঘ্রই অপরাধী বলিয়া গণ্য  
হইবার প্রয়োজন আর কাহারও হইবে না এবং প্রত্যেকেই  
দেখিতে পান যে ইহার শেষ কোথায়। কিন্তু আমি  
বুঝিতেছি যে আমার হৃদয় আপত্তি করিতেছে ও আমার  
লেখনী টানিয়া রাখিতেছে; যে ন্যায়পরায়ণ ব্যক্তি কখনও



দোষ করেন নাঈ এবং নিজের জন্য যাঁহার ক্ষমা চাহিবার  
আবশ্যক করিবে না তাঁহার হাতেই এ প্রশ্নের আলোচনার  
ভার ছাড়িয়া দেওয়া যাউক।

### ৩ষ্ঠ অধ্যায়

#### ব্যবস্থা বা আইন বিধি

সামাজিক চুক্তিদ্বারা আমরা রাষ্ট্রীয় সমবায়কে সত্তা  
ও জীবন দিয়াছি; এখন আইন বা ব্যবস্থাবিধির দ্বারা  
ইহাফে গতি এবং ইচ্ছা দেওয়া আবশ্যিক। কারণ গোড়াতে  
যে কার্যদ্বারা এই সমবায় গঠিত ও ঐক্য-বদ্ধ হয় তাহা  
হইতে এ পর্য্যন্ত জানা যায় নাঈ আত্মসংরক্ষণের জন্য উহার  
কি করা উচিত।

যাহা ভাল ও শৃঙ্খলাসুগামী স্বাভাবিক নিয়মানুসারে  
এবং মানুষের গড়া রীতিনীতির (conventions) অপেক্ষা  
না রাখিয়াই তাহা ঐরূপ হইয়া থাকে। ন্যায়বিধান  
ভগবানের দেওয়া, তিনিই উহার একমাত্র মূল; কিন্তু  
তাঁহার দান যদি আমরা যথার্থ রূপে গ্রহণ করিতে জানিতাম  
তাহা হইলে শাসনব্যবস্থা বা ব্যবস্থাবিধির দরকার আশ্বাস  
হইত না। ইহাতে সন্দেহ নাই যে একটি বিশ্বজনীন

## সাংসাজিক চুক্তি

ন্যায়বিধান আছে যাহার উদ্ভব হইয়াছে মাত্র শুভবুদ্ধি (raison) হইতে, কিন্তু এই ন্যায়বিধান আমাদের মধ্যে চল করিতে হলে উহা পারম্পরিক হওয়া উচিত। মানুষের দিক দিয়া দেখিলে বলা যায় যে প্রকৃতিগত সংস্কারের উপর ভিত্তি না থাকিলে ন্যায়ের বিধানাদি (les lois de la justice) মানুষ সমাজে ব্যর্থ হইয়া যায়, ঐগুলিতে কেবল দুইলোকের সুবিধা হয় ও সংলোকের অনিষ্ট হয়; কারণ, সংলোক সকলের সহিত ব্যবহারে ঐগুলি মানিয়া চলেন কিন্তু তাঁহার সঙ্গে ব্যবহারে অপরে ঐগুলি মানেন না। এই কারণে অধিকারের সঙ্গে কর্তব্যের মিলন করিতে হইলে এবং ন্যায়কে উহার উদ্দেশ্যের অনুগামী করিতে হইলে রীতিনীতি ও ব্যবস্থাবিধির প্রয়োজন। স্বাভাবিক অবস্থায় যখন সকল জিনিসে সকলের সমান অধিকার থাকে তখন আমি কাহারও কাছে কোন অঙ্গীকার করি না এবং কাহাকেও কিছু দিবার থাকে না, আমার যাহা অনাবশ্যক কেবল তাহাই আমি অপরের বলিয়া স্বীকার করি। সমাজবদ্ধ অবস্থায় এরূপ চলিতে পারে না, তখন সকল অধিকারই আইনের দ্বারা নির্দ্ধারিত হইয়া থাকে।

কিন্তু জিজ্ঞাসা করা যাইতে পারে আইন জিনিসটা কি বস্তু? যতক্ষণ এই কথাটির সঙ্গে লোকে কেবল দার্শনিক অর্থ জুড়িয়াই তুষ্ট থাকিবে ততক্ষণ পর্য্যন্ত কেহ কাহার কথা না বুঝিয়া তর্ক করা চলিতে থাকিবে; আর প্রকৃতির

কোন একটি আইন কি বস্তু কেহ বলিতে পারিলেও রাষ্ট্রের আইন যে কি বস্তু সেটি তখনও বড় বেশী স্পষ্ট হইবে না ।

আমি ইহার আগেই বলিয়াছি যে কোন বিশেষ ব্যাপারে সাধারণ ইচ্ছার প্রয়োগ হইতে পারে না । আসলে এই বিশেষ ব্যাপার হয় রাষ্ট্রের ভিতরের ব্যাপার না হয় বাহিরের । ইহা রাষ্ট্রের বাহিরের ব্যাপার হইলে, যে ইচ্ছা রাষ্ট্রের বাহিরের কাহারও তাহা রাষ্ট্রের নিজের সম্পর্কে কখনও সাধারণ বলিয়া গণ্য হইতে পারে না ; আর রাষ্ট্রের ভিতরের ব্যাপার হইলে রাষ্ট্র উহার সম্পর্কে দুই পক্ষের এক পক্ষ হইয়া দাঁড়ায় ; তখন সমষ্টি ও তাহার অংশের মধ্যে যে সম্বন্ধ ঘটে তাহার ফলে দুইটি পৃথক সত্তার সৃষ্টি হয় ; এই দুইয়ের একটি হইতেছে অংশ এবং অপরটি হইতেছে ঐ অংশ বাদে সমষ্টি । কিন্তু অংশ বাদে সমষ্টি সমষ্টিই নয় ; এবং যতক্ষণ এই সম্বন্ধ থাকে ততক্ষণ আর সমষ্টি থাকে না, দুইটি অসম অংশ থাকে ; ইহার ফলে দাঁড়ায় যে একের ইচ্ছা আর কোন মতেই অপরের সম্পর্কে সাধারণ হইয়া উঠে না ।

কিন্তু যখন সমগ্র জাতি সমগ্র জাতির সম্বন্ধে কোন বিধান দেয় তখন উহা কেবল নিজের কথাই ধরে ; তখন কোন সম্বন্ধ স্থাপিত হইলে তাহা একটি অখণ্ড বস্তুকে এক দিক হইতে দেখিলে যে রূপ দেখা যায় তাহার সঙ্গে একটি অখণ্ড বস্তুকে আরেক দিক হইতে দেখিলে যে রূপ দেখা

## সাধারণ চুক্তি

যায় তাহার সঙ্গে হইয়া থাকে এবং তখন সমষ্টির ভিতরে আর কোন ভাগ হয় না। তখন যে বিষয়ে বিধান দেওয়া হয় তাহা যেমন সাধারণ, যে ইচ্ছা বিধান দেয় তাহাও তেমনি সাধারণ। এই রকমের কাজকে আমি আইন বা ব্যবস্থাবিধি বলি।

যখন আমি বলি যে আইনের উদ্দেশ্য সব সময়েই সাধারণ আমার কথার অর্থ এই যে আইন প্রজাগণকে সমষ্টি হিসাবে এবং কাজকে বস্তু-নিরপেক্ষ ভাবে দেখে, বিশেষ কোন একজন ব্যক্তি বা বিশেষ একটি কাজ বিবেচনাধীনে আনে না। আইন এ ব্যবস্থা অবশ্য করিতে পারে যে কতকগুলি বিশেষ অধিকার থাকিবে কিন্তু নাম করিয়া কোন ব্যক্তিকে ঐ সকল অধিকার আইন কখনও দিতে পারে না; আইন নাগরিকগণের মধ্যে শ্রেণীবিভাগ করিতে পারে, এমন কি কোন শ্রেণীভুক্ত হইতে হইলে কি কি গুণের প্রয়োজন তাহাও নির্ধারিত করিতে পারে, কিন্তু অমুক অমুক ব্যক্তি এই এই শ্রেণীভুক্ত একরূপ নাম করিয়া বলিতে পারে না; আইন রাজতান্ত্রিক শাসনের এবং পুরুষানুক্রমিক উত্তরাধিকারের ব্যবস্থা করিতে পারে কিন্তু কাহাকেও রাজা নির্বাচিত বা কোন রাজপরিবারের নাম করিতে পারে না; এক কথায়, কোন একটি বিশেষ উদ্দেশ্য সম্পর্কে যাহা-কিছু করিতে হয় তাহার সমস্তই আইনের এলাকার বাহিরে।

এই কথা মনে রাখিলে দৃষ্টিপাতমাত্রেই দেখা যাইবে

যে আইন বা ব্যবস্থাবিধি প্রণয়ন করা কাহার কর্তব্য তাহা জিজ্ঞাসা করা বাহুল্য ; কারণ, আমরা জানি 'যে ব্যবস্থাবিধি প্রণয়ন করা সাধারণ ইচ্ছার কাজ ; একথাও জিজ্ঞাসা করা আবশ্যিক হয় না যে শাসনকর্তা ( Prince ) আইনের উপরে কিনা ; কারণ, আমরা জানি যে তিনি রাষ্ট্রের একজন সভ্যমাত্র ; একথাও জিজ্ঞাসা করা আবশ্যিক হয় না যে আইন অন্যায় হইতে পারে কিনা ; কারণ, আমরা জানি যে নিজের প্রতি কোন ব্যক্তি অন্যায় করিতে পারে না ; এবং ইহাও জিজ্ঞাসা করা আবশ্যিক হয় না যে কি প্রকারে লোকে একই কালে স্বাধীন ও আইনের অধীন হইতে পারে কারণ, আমরা জানি যে আইন আমাদের ইচ্ছার রেজিষ্টারী বহি মাত্র ।

আরও দেখা যায় যে ব্যবস্থাবিধি বা আইন বিশ্বজনীন ইচ্ছা ও বিশ্বজনীন উদ্দেশ্য এই দুইয়ের সমন্বয় করে ; কোন ব্যক্তি, সে যে কেহই হউক না কেন, আপনার দায়িত্বে যাহা আদেশ করে তাহাই আইন নয় ; এমন কি রাজশক্তি নিজেও কোন একটি নির্দিষ্ট বিষয় সম্পর্কে কোন আদেশ করিলে তাহা আর আইন বলিয়া গণ্য হয় না আদেশ (dcret) বলিয়াই গণ্য হয় , এবং এরূপ কাজ প্রকৃত প্রস্তাবে রাজশক্তির কর্তব্যের মধ্যে নহে, উহা মাজিষ্ট্রেটের কর্তব্যের মধ্যে ।

তাহা হইলে. প্রত্যেক আইনদ্বারা-শাসিত রাষ্ট্রকে আমি

## সাধারণতন্ত্র

সাধারণতন্ত্র নামে অভিহিত করিব, তাহার শাসনতন্ত্র যে প্রকারেরই হউক না কেন ; কারণ, শুধু সেক্ষেত্রেই সাধারণ স্বার্থ প্রবল হইতে পারে এবং “সাধারণ” এই সংজ্ঞা দ্বারা বাচিত জিনিসটি বাস্তব হইতে পারে। প্রত্যেক বৈধ শাসনই সাধারণতান্ত্রিক ; (১) শাসন জিনিসটা কি আমি পরে ব্যাখ্যা করিব।

প্রকৃতপ্রস্তাবে, আইন সমাজবদ্ধ হইয়া একত্র বাস করিবার সর্বমাত্র। আইন জনসাধারণকে মানিতে হয় কাজেই জনসাধারণের আইন প্রণয়ন করা উচিত। যাহারা এক সঙ্গে বাস করিয়া সমাজ গঠন করে সমাজের সর্ভাদি নিয়ন্ত্রিত করা কেবল তাহাদের কর্তব্য। কিন্তু কি উপায়ে তাহারা সর্ভাদি নিয়ন্ত্রিত করিবে? সেকাজ কি সকলে একমত হইবার ফলে আকস্মিক প্রেরণা বলে হইবে? নিজের অভিপ্রায় ঘোষণা করিবার জন্য রাষ্ট্রীয়সমবায়ের কি কোন মুখপাত্র আছে? আগে হইতে কাজের তালিকা করা ও তাহা

---

(২) এই কথা দ্বারা আমি শুধু অভিজাততন্ত্র বা গণতন্ত্র নয়, সাধারণ ইচ্ছাদ্বারা চালিত হয় মোটামুটি এমন যে-কোন প্রকারের শাসনশক্তি বুঝি ; কারণ, এই সাধারণ ইচ্ছাই আইন। বৈধ হইতে হইলে শাসন শক্তির রাজশক্তির সঙ্গে মিশিয়া যাওয়া নিস্প্রয়োজন, উহাকে রাজশক্তির সহায় হইতে হইবে ; এক্ষণ হইলে রাজতন্ত্রও সাধারণতন্ত্র হইয়া পড়ে। পরের খণ্ডে এইটি বিশদ হইবে।

ঘোষণা করিবার জন্য প্রয়োজনীয় দূরদৃষ্টি কে তাহাকে দিবে ? আর প্রয়োজনের মুহূর্তেই বা সে উহা কি করিয়া ঘোষণা করিবে ? একটা অন্ধ জনসংঘ অনেক সময়েই যাহা নিজে কি চায় তাহা জানে না, কারণ কিসে নিজের ভাল হইবে তাহা সে কদাচ বুঝিতে পারে, সে কি করিয়া আপনা আপনি ব্যবস্থাবিধি প্রণয়নের মত এত বড়, এত কঠিন একটা কাজ করিবে ? নিজে হইতে জনসাধারণ সব সময়ে ভালই চায়, কিন্তু কিসে ভাল হইবে নিজে হইতে সেটা সব সময়ে দেখিতে পায় না । সাধারণ ইচ্ছা সব সময়েই সঠিক হইয়া থাকে কিন্তু যে বিচারবুদ্ধি দ্বারা উহা চালিত হয় তাহা সব সময়ে ওয়াকিবহাল নয় । বস্তুসমূহের বাস্তব প্রকৃতির সঙ্গে তাহার পরিচয় করিয়া দিতে হইবে, সময়ে সময়ে সেগুলি তাহার পক্ষে যে ধরনে দেখা উচিত সেই ধরনে দেখাইতে হইবে ; যে উত্তম পথ সে অনুসন্ধান করিতেছে তাহা দেখাইয়া দিতে হইবে এবং বিশেষ ইচ্ছার প্রলোভন হইতে তাহার রক্ষা পাইবার বিধান করিতে হইবে ; স্থান ও কালের পূর্বাপর সম্বন্ধ বিচার করিতে শিখাইতে হইবে, বর্তমান ও যুক্তিযুক্ত লাভের প্রলোভনের সঙ্গে ভবিষ্যৎ ও অদৃশ্য অনিষ্টের বিপদের তুলনা করিতে শিখাইতে হইবে । ব্যক্তিহিসাবে লোকে যে ইষ্ট প্রত্যাখান করে সে তাহা দেখিতে পায় ; জনসাধারণ যে ইষ্ট দেখিতে পায় না তাহাই চায় । উভয়েরই পথপ্রদর্শকের সমান দরকার । একজনকে তাহার ইচ্ছাকে

## সামাজিক চুক্তি

বুদ্ধির অমুগামী করিতে বাধ্য করা আবশ্যিক, অপরকে জানিতে শিখাইতে হইবে সে কি চায়। ইহা করিতে পারিলে জনসাধারণের শিক্ষার ফলে সমাজে বিচারবুদ্ধি ও ইচ্ছা একত্র মিলিত হইবে; তাহার ফলে সমস্ত অংশ পরস্পরের সঙ্গে ঠিক ঠিক মিলিয়া কাজ করিবে ও সমষ্টিব শক্তি অত্যন্ত বৃদ্ধি পাইবে। এইখানেই ব্যবস্থা-কর্তার আবশ্যিক হইয়া পড়ে।

## ৭ম অধ্যায়

### ব্যবস্থা-কর্তা

সকল জাতির পক্ষে উপযোগী হয় সমাজ সম্বন্ধে এমন উত্তম নিয়মকানুন আবিষ্কার করিতে হইলে প্রয়োজন হয় উৎকৃষ্ট বুদ্ধিশক্তির যাহা মানবমনের সমস্ত ধর্মবৃত্তি (passions) সম্বন্ধে অভিজ্ঞ হইবে কিন্তু নিজে কোনটির অধীন হইবে না; যাহার আমাদের প্রকৃতির সঙ্গে কোন সম্বন্ধ থাকিবে না কিন্তু উহার অন্তঃস্থলের সঙ্গে পর্য্যন্ত পরিচয় থাকিবে; যাহার সুখের সঙ্গে আমাদের কোন সম্পর্ক থাকিবে না তথাপি যে আমাদের সুখের নিমিত্ত ভাবিতে প্রস্তুত, এবং শেষতঃ, যে কালের গতির সঙ্গে সঙ্গে ভবিষ্যৎ গৌরবের দিকে চাহিয়া এক শতাব্দীতে কাজ করিতে এবং পর শতাব্দীতে তাহার ফলভোগ করিতে



পারিবে (১)। বাস্তবিক মানুষের জন্ম আইন তৈয়ারীর কাজে দেবতার দরকার।

যে তর্ক কালিগুলা তথ্যের সাহায্যে করিয়াছেন সেই তর্কই প্লেটো আপনার “রাজনীতি” (Du Règne) (২) গ্রন্থে সামাজিক বা রাজকীয় মানুষের (l’homme civil ou royal) সংজ্ঞা নির্দেশ করিতে যাইয়া অধিকারবাদের সাহায্যে করিয়াছেন। কিন্তু একথা যদি সত্য হয় যে বড়দের শাসনকর্তা কদাচ দেখা যায় তাহা হইলে বড়দের ব্যবস্থাকর্তা আরও কত ছলভ? প্রথম ব্যক্তিকে খালি অপবে যে আদর্শ স্থাপন করিয়া থাকে তাহাই অনুসরণ করিতে হয়। শেষোক্ত ব্যক্তি হইতেছেন যন্ত্রী যিনি যন্ত্র উদ্ভাবন করেন; প্রথম ব্যক্তি মিস্ত্রী মাত্র যিনি যন্ত্র সাজাইয়া উহা চালাইয়া দেন। মন্টেসকিও (Montesquieu) বলেন, “সমাজের জন্মের সময়ে সাধারণতন্ত্রের প্রধানগণই ব্যবস্থাবিধি (l’institution) তৈয়ারী করেন এবং পরে ব্যবস্থাবিধিই সাধারণতন্ত্রের শাসক গড়িয়া তুলে।” (৩)

(১) যখন কোন জাতির আইনের অবনতি হইতে আরম্ভ করে কেবল তখনই সেই জাতি প্রসিদ্ধি লাভ করে। লা. কারগাসের ব্যবস্থাবিধির ফলে স্পার্টানগণ কত শতাব্দী ধরিয়া সুখভোগ করিবার পরে যে গ্রীসের বাকী অংশে ঐ সম্বন্ধে প্রশ্ন উঠে তাহা কেহ জানে না।

(২) ল্যাটিন ভাষায় প্লেটোর ঐ কথোপকথনের নাম Politicus বা Vir civilis; কেহ কেহ উহার নাম দিয়াছেন de Regno (Ed.)

(৩) Montesquieu, Grandeur et décadence des Romains, cp. i (Ed.)

## সাংস্কৃতিক চুক্তি

যিনি একটি জাতির ব্যবস্থাবিধি রচনা করিবার কাজে হাত দিতে সাহস করেন তাঁহার উপলব্ধি করা চাই যে বলিতে গেলে তিনি মানুষের স্বভাব পরিবর্তন করিবার সামর্থ্য রাখেন ; নিজেই সম্পূর্ণ ও একাই একটি সমষ্টি স্বরূপ প্রত্যেক ব্যক্তিকে একটি বৃহত্তর সমষ্টি যাহা হইতে সে প্রকৃতপ্রস্তাবে জীবন ও সত্তা লাভ করে তাহারই অংশে রূপান্তরিত করিবার সামর্থ্য তিনি রাখেন ; মানুষের ধাত বদলাইয়া তাহাতে নব বল বিধান করিবার সামর্থ্য রাখেন । এবং প্রকৃতি হইতে প্রাপ্ত আমাদের দেহধর্ম-প্রবল ও স্বাধীন জীবনের পরিবর্তে নৈতিক ও আংশিক জীবন যাপনের ব্যবস্থা করিবার সামর্থ্য রাখেন । এক কথায় তাঁহাকে মানুষের আপন শক্তিসামর্থ্য (les forces propres) কাড়িয়া লইয়া তৎপরিবর্তে তাহাকে দিতে হইবে অন্য শক্তিসামর্থ্য যাহা সে অপরের সাহায্য ব্যতিরেকে ব্যবহার করিতে পারিবে না । এই প্রকৃতিদত্ত শক্তিসামর্থ্য যতই মৃত ও বিলুপ্ত হইবে নবপ্রাপ্ত শক্তিসামর্থ্য ততই বেশী ও স্থায়ী হইবে, এবং ব্যবস্থাবিধিও ততই দৃঢ় ও সম্পূর্ণ হইবে ; এরূপ অবস্থায়, যদি প্রত্যেক নাগরিকের কোন শক্তিই না থাকে এবং আর সকলের সাহায্য বিনা সে কিছুই করিতে না পারে এবং যদি সমবেত সকলের নবলব্ধ শক্তিসামর্থ্য সকল ব্যক্তির আলাদা প্রকৃতিদত্ত শক্তিসামর্থ্যের সমষ্টির সমান বা বেশী হয় তাহা হইলে বলা যাইতে পারে যে ব্যবস্থাবিধি সম্পূর্ণতার যত উচ্চ শিখরে উঠিতে পারে তাহা উঠিয়াছে ।

রাষ্ট্রের ভিতর ব্যবস্থাকর্তার স্থান সব হিসাবেই আর পাঁচজনের হইতে আলাদা ! যদি তিনি প্রতিভার বলেই ঐ বিশিষ্ট স্থান অধিকার করেন তবু তিনি যে কর্মে নিযুক্ত তাহার দাবীও উহাতে বড় কম নয় । এই কর্ম মাজিষ্ট্রেটের বা রাজ-শক্তির কর্ম নয় । এই কর্মের ফলে সাধারণতন্ত্রের প্রতিষ্ঠা হয় কিন্তু সাধারণতন্ত্রের আভ্যন্তরীণ কাঠামোতে ব্যবস্থাকর্তার কোন স্থান নাই ; তাঁহার কার্য একটি বিশেষ ও অসাধারণ শ্রেণীর কার্য যাহার সঙ্গে মানুষের দৈনন্দিন কর্ম-জগতের কোনই মিল নাই ; কারণ, যদি যে ব্যক্তি মানুষের উপর প্রভুত্ব করে তাহার আইন রচনায় হাত দেওয়া উচিত নয় এই হয়, তাহাই হলে যে আইন গড়ে তাহারও আর মানুষের উপর প্রভুত্ব করিতে আসা উচিত নয় ; তাহা না হইলে তাঁহার গড়া আইন তাঁহার প্রবৃত্তির সহায় হইয়া প্রায়ই তাঁহার অনুষ্ঠিত অন্যায়কে স্থায়ী করিবে ; এবং ব্যক্তিগত লক্ষ্যের দ্বারা তাঁহার কাজের বিশুদ্ধতার হানি হওয়া তিনি কখনও নিবারণ করিতে পারিবেন না ।

লাইকারগাস যখন স্বদেশের জন্য ব্যবস্থাবিধি প্রণয়ন করিতে বসেন তখন আরম্ভেই তিনি সিংহাসন ত্যাগ করেন । অধিকাংশ গ্রীক নগরেই তাহাদের ব্যবস্থাবিধি প্রণয়ন করিবার ভার বিদেশী লোকের হাতে দিবার প্রথা ছিল । ইটালীর আধুনিক সাধারণতন্ত্রসমূহ প্রায়ই এই প্রথার অনুকরণ করে, জেনেভার সাধারণতন্ত্রও ঐরূপ করিয়াছে এবং ফলে তাহার

## সামাজিক চুক্তি

ভালই হইয়াছে (১)। রোমে একই ব্যক্তির হাতে রাজশক্তির ক্ষমতা ও ব্যবস্থাপক-ক্ষমতা দেওয়া হয় ; ফলে রোমের সর্বাঙ্গিক সৌভাগ্যের কালে তাহার বৃকের উপর স্বেচ্ছাচারের সর্ববিধ দোষ পুনরাবির্ভূত হয় এবং সে ধ্বংসের মুখে উপনীত হয়।

কিন্তু দেখা যায় যে ডিসেম্বরগণও (Decemvirs শুধু আশ্রমাদের কর্তৃত্বে কোন প্রকারের আইন বিধিবদ্ধ করিবার দাবী করেন নাই। তাঁহারা জনসাধারণকে বলিতেন, “আমরা তোমাদের কাছে যাহা প্রস্তাব করিতেছি তাহার কিছুই তোমাদের বিনা সম্মতিতে আইনে পরিণত হইতে পারে না। রোমকগণ, যে প্রকার আইন তোমাদের সুখের কারণ হইবে তাহা তোমরাই প্রণয়ন কর।”

তাহাহইলে যে ব্যক্তি ব্যবস্থাবিধিসমূহ রচনা করেন তাঁহার উহা বিধিবদ্ধ করিবার কোন অধিকার নাই বা থাকিতে পারে না, এবং জাতি ইচ্ছা করিলেও এই হস্তান্তরের অযোগ্য

---

(১) তাঁহার ক্যান্টিনকে (Calvin) শুধু ধর্ম সংস্কারপদেষ্টা বলিয়া জানেন তাঁহার তাঁহার প্রতিভার বিশালতা কিরূপ ভাল করিয়া জানেন না। আমাদের সমস্ত উত্তম বিধিনির্দেশ (édits) আইনবদ্ধ করায় তাঁহার যথেষ্ট হাত ছিল এবং Institute এর দরুণ যতখানি প্রশংসা তাঁহার প্রাপ্য উহার দরুণও ততখানিই প্রাপ্য। সময়ের পরিবর্তনে আমাদের ধর্মবিশ্বাসে যে কোন বিপ্লব আসুক না কেন, যতদিন আমাদের মধ্যে স্বদেশপ্রেম এবং স্বাধীনতাপ্রিয়তা লুপ্ত না হইবে ততদিন পর্যন্ত এই মহাপুরুষের স্মৃতি ভক্তি আকর্ষণ করিতে বিরত থাকিবে না।

অধিকার আপনাদের হস্তচ্যুত করিতে পারে না। কারণ, প্রাথমিক সন্ধি অনুসারে কেবল সাধারণ ইচ্ছা ব্যক্তিগতকে বাধ্য করিবার ক্ষমতা রাখে এবং জাতির স্বাধীন ভোটের দ্বারা পরাক্রান্ত না হইলে কেহই নিশ্চিতরূপে জানিতে পারে না যে কোন বিশেষ ইচ্ছা সাধারণ ইচ্ছার অনুযায়ী কিনা; একথা আমি পূর্বেই বলিয়াছি; কিন্তু পুনরাবৃত্তি করা এ ক্ষেত্রে অনাবশ্যক না হইতেও পারে।

এখন দেখা যাইতেছে যে ব্যবস্থাবিধি প্রণয়নের কাজে একই কালে দুইটি পরস্পর-বিরোধী বস্তুর সমাবেশ হইয়াছে; যথা, মানুষের ক্ষমতায় করা দুষ্কর এমন একটা কাজ এবং তাহা করিবার জন্য একটা প্রভুত্বশক্তি যাহার কোন প্রভুত্ব নাই।

আরও উল্লেখযোগ্য প্রতিবন্ধক আছে। যে সকল পণ্ডিত ইতরসাধারণের কাছে তাহাদের ভাষায় না বলিয়া নিজেদের ভাষাতে বক্তব্য বিষয় বলিতে চাহেন তাঁহারা আপনাদিগকে বোধগম্য করাইতে সক্ষম হন না। এমন হাজার রকমের ভাব আছে যাহা জনসাধারণের ভাষায় তর্জমা করা অসম্ভব। অতি ব্যাপক ভাব এবং অতি সূক্ষ্ম তত্ত্ব দুইটিই তাহাদের মনের নাগালের বাহিরে; প্রত্যেক ব্যক্তির নিজ ব্যক্তিগত স্বার্থের সহিত অসম্পর্কিত কোন প্রকার শাসনপ্রণালীর প্রতি রুচি না থাকায় উত্তম আইনের দরুণ সর্বদাই যে ত্যাগ স্বীকার করিতে হয় তাহা হইতে কি সুবিধা যে তাহার

## সামাজিক চুক্তি

হইতে পারে সেটি সহজে হৃদয়ঙ্গম করিতে পারে না। কোন মবীর জাতিকে রাষ্ট্রবিজ্ঞানের প্রগাঢ় সত্যগুলির প্রতি রুচি-সম্পন্ন ও রাষ্ট্রশাসন বিদ্যার মৌলিক নিয়মকানুন অনুসরণ করাইতে হইলে কার্যের ফল কার্যের কারণরূপে দেখান আবশ্যিক ; ব্যবস্থাবিধির ফলে যে সামাজিক চেতনার উদ্ভব হয় তাহাই ব্যবস্থাবিধি প্রণয়নের মূলে বর্তমান থাকা আবশ্যিক এবং আইনের প্রভাবে মানুষের যেরূপ হওয়া উচিত আইনের পূর্বেই মানুষের তদ্রূপ হওয়া আবশ্যিক। এইরূপ অবস্থায় ব্যবস্থা-কর্তা বল বা যুক্তিতর্ক কোনটাই ব্যবহার করিতে না পারিয়া বাধ্য হইয়া একটি শিল্প শ্রেণীর কর্তৃত্বের সাহায্য লইয়া থাকেন যাহা বল প্রকাশ না করিয়া লোককে চালাইতে ও প্রতায় না জন্মাইয়াও লোককে প্ররোচিত করিতে সক্ষম।

এই কারণেই সকল জাতির মধ্যে পিতৃস্থানীয় ব্যক্তিগণকে সর্বকালে ভগবানের মধ্যস্থতার উপর নির্ভর করিতে হইয়াছে এবং নিজেদের জ্ঞানবিবেচনা দেবগণের উপর আরোপ করিতে হইয়াছে, এই উদ্দেশ্যে যে জাতিসমূহ যেভাবে প্রকৃতির আইন-বিধি মানে সেইভাবে রাষ্ট্রের আইনবিধি মানিয়া চলে এবং মানুষের সৃষ্টির এবং নগরের সৃষ্টির ভিতর একই শক্তির ক্রিয়া দেখিতে পাইয়া স্বাধীনভাবেই আইন মান্য করে এবং বেশ শান্তভাবেই সাধারণের জোয়াল বহন করে।

ইতর সাধারণের নাগালের বাহিরে এই যে পরমবুদ্ধি (raison sublime) ইহারই সিদ্ধান্তসমূহ ব্যবস্থাকর্তা

দেবগণের মুখ দিয়া যাহাদের মানবীয় বিজ্ঞতার নজিরদ্বারা নড়ান সম্ভব নয় তাহাদের ঐশ্বরিক নজিরের দোহাই দিয়া চালিত করিবার উদ্দেশ্যে বাহির করিয়া থাকেন। (১) কিন্তু দেবগণকে কথা বলিতে বাধা করা কোন মানুষের ক্ষমতায় নাই এবং আপনাকে তাহাদের ব্যাখ্যাতা বলিয়া প্রচার করিয়া বিশ্বাস উৎপাদন করাও তাহার সাধ্য নয়। বাবস্থাকর্তার মহৎ প্রাণই একমাত্র যাহু যাহা তাহার কর্তব্য সুসম্পন্ন করিতে পারে। যে-কেহ ইচ্ছা করিলে পাথরের গায়ে লিপি খোদিত করিতে পারেন, পয়সা দিয়া ভবিষ্যদ্বক্তা রাখিতে পারেন, কোন দেবতার সঙ্গে গোপন আলাপ আছে বলিয়া ফাঁকি চালাইতে পারেন, কানে কানে কথা বলিতে পারে এমন করিয়া পাখীকে শিখাইতে পারেন অথবা জনসাধারণকে ঠকাইবার এমনি আর কোন ইতর উপায় অবলম্বন করিতে পারেন। যাহার জ্ঞান ইহার বেশী আর যায় না সে বড় জোর কোন উপায়ে

---

(১) মাকিয়াভেল্লী বলেন, “কোন জাতির ভিতরে এমন কোন অসাধারণ ব্যবস্থাকর্তা হয় নাই যিনি ভগবানের দোহাই দেন নাই; কারণ, তাহা না হইলে তাহার ব্যবস্থা গৃহীত হইত না। দেখা যায় যে কোন একজন বিজ্ঞব্যক্তির অনেক ভাল কথাই জানা থাকে কিন্তু কি করিয়া যে তিনি তদ্বারা সকলের প্রত্যয় জন্মাইতে সক্ষম হন তাহার কোন স্পষ্ট হেতুই উহার মধ্য হইতে প্রকাশ হয় না। (Discorsi sopra Tito Livio lib, I cp. xi) রুসো মূল ইতালীয়ান উদ্ধৃত করিয়াছেন—অনুবাদক।

## গামাভিক চুক্তি

আপনার চারিপাশে একদল বেকুব জড় করিতে পারে ; কিন্তু সে আর রাজ্য স্থাপন করিতে পারে না এবং তাহার বাড়াবাড়ির ফল অতি শীঘ্র তাহার সঙ্গে সঙ্গেই ধ্বংস হইয়া যায় । ফাঁকা চালে ক্ষণিক জোট বাঁধা চলে ; কেবল জ্ঞানের বন্ধনই স্থায়ী হয় । জুডাইক ব্যবস্থা যাহা এখনও প্রচলিত এবং ইসমেইল বংশধরের ব্যবস্থা দশ শতাব্দী ধরিয়া যাহা অর্ধেক পৃথিবীতে আধিপত্য করিয়াছে তাহা আজ পর্যন্ত তাহাদের স্রষ্টাগণের মহত্ব ঘোষণা করিতেছে ; যেখানে অহঙ্কারী দার্শনিকের চোখ বা অন্ধ সাম্প্রদায়িক ভাব তাহাদের কৃতী ফাঁকিবাজ ছাড়া আর কিছু মনে করে না সেখানে প্রকৃত রাষ্ট্রনীতিবিদ তাহাদের প্রতিষ্ঠিত ব্যবস্থাবিধির ভিতরে সকল স্থায়ী কার্যের মূলে যে বিরাট ও শক্তিশালী প্রতিভা থাকে তাহারই পরিচয় পাইয়া প্রশংসা করেন ।

ইহা হইতে ওয়ারবার্টনের (Warburton) (২) ন্যায় সিদ্ধান্ত করিবার প্রয়োজন নাই যে আমাদের মধ্যে রাষ্ট্রনীতি ও ধর্মের উদ্দেশ্য এক ; বরং বলা যায় যে জাতিসমূহের প্রথম অবস্থায় একটি অপরটির যন্ত্রস্বরূপে ব্যবহৃত হয় ।

(২) প্রসিদ্ধ ইংরাজ পণ্ডিত, ১৭৭৯ খৃষ্টাব্দে মৃত্যু । (Ed.)



৮ম অধ্যায়

জনসাধারণ

স্বপতি-শিল্পী যেমন ইমারত তুলিবার আগে জমির স্থান ও ভিতরকার অবস্থা পরীক্ষা করিয়া দেখেন যে উহা ভার বহন করিতে পারিবে কিনা বিজ্ঞ ব্যবস্থাকর্তাও সেইরূপ প্রথমেই ব্যবস্থা উৎকৃষ্ট বলিয়াই তাহা বিধিবদ্ধ করিতে বসেন না ; প্রথমে তিনি পরীক্ষা করিয়া দেখেন যে জাতির জন্ত উহা হইতেছে সে জাতি উহা পালন কবিবার উপযুক্ত কিনা । এই কারণেই প্লেটো আরকাডিয়েন ( Arcadian ) এবং সিরেনিয়েনদের ( Cyrenæan ) জন্ত ব্যবস্থাবিধি প্রণয়ন করিতে অস্বীকার করেন ; কারণ, তাঁহার জানা ছিল যে এই দুই জাতি ধনী এবং উহারা সাম্যবাদ স্বীকার করিয়া লইতে পারিবে না ; এবং এই কারণেই ক্রীটদ্বীপে উৎকৃষ্ট ব্যবস্থাবিধি ও অপকৃষ্ট শ্রেণীর মানুষ এক সঙ্গে দেখা যাইত, কারণ মিনো (Minos) অসদাচার-পরায়ণ একটা জাতিকে শুধু আইনের বশত স্বীকার করিতে বাধ্য করিয়াছিলেন ।

এই পৃথিবীতে এমন হাজার জাতি খ্যাতি লাভ করিয়াছে যাহাদের উৎকৃষ্ট ব্যবস্থাবিধি কখন সহ হইত না ; উহাদের ভিতর যাহাদের সহ হইত তাহারা পর্য্যন্ত আপনাদের সমস্ত জীবনকালের মধ্যে অত্যন্ত অল্প সময়ের জন্তই তাহা সহ করিতে পারিত । অধিকাংশ জাতি, অধিকাংশ মানুষের মতই, শুধু যৌবনকালেই শিক্ষাপ্রবণ থাকে ; বয়সের সঙ্গে সঙ্গে তাহারা

## সাংস্কৃতিক চুক্তি

সংশোধনের বাহিরে যায়। আগের অভ্যাস একবার স্থায়ী এবং কুসংস্কারসমূহ বন্ধমূল হইয়া গেলে সেগুলি সংশোধনের ইচ্ছা নিরর্থক এবং বিপজ্জনক প্রয়াস; নিরুদ্ভি এবং ভীকু রোগীগণ যেমন চিকিৎসককে দেখা মাত্র কাঁপিতে থাকে তেমনি কোন কোন জাতি, কেহ যে দূর করিবার জগুও তাহাদের অনাচার গুলিতে হাত দিবে, তাহাও সহ করিতে পারে না।

যেমন দেখা যায় যে কোন কোন ব্যাধিতে লোকের মাথা খারাপ হইয়া যায় এবং অতীতের কথা তাহার মন হইতে মুছিয়া যায় তেমনি সময়ে সময়ে রাষ্ট্রের জীবনেও ঝারামারি কাটাকাটির ব্যাপার বা বিপ্লব দেখা যায় যাহা ব্যক্তিগণের উপর কতকগুলি বিপদপাতে যেরূপ কাজ করে জাতিসমূহের উপর সেইরূপ কাজ করে; অতীতের ভীতি এরূপস্থলে স্মৃতিলোপের গায় কাজ করে এবং ফলে রাষ্ট্র গৃহযুদ্ধের অগ্নিতে দগু হইয়া ঐ ভস্মসূপ হইতে একরকম পুনর্জন্ম গ্রহণ করে এবং মৃত্যুর কবল হইতে প্রত্যাগমন করিয়া যৌবনের সজীবতা পুনঃপ্রাপ্ত হয়। লাইকারগানের সময়ে স্পার্টা এইরূপ করিয়াছিল, টারকুইনদের (Tarquins) পরে রোম এইরূপ করিয়াছিল, এবং আধাদের কালে স্বেচ্ছাচরী শাসকদের দূর করিয়া দিবার পর হলাও এবং সুইস দেশ এইরূপ করিয়াছে।

কিন্তু এরূপ ঘটনা বিরল; এ সমস্তই নিয়মের ব্যতিক্রম, উহার হেতু যে রাষ্ট্রে এইরূপ ব্যতিক্রম ঘটে তাহার বিধানের

মধ্যেই নিহিত থাকে। এমন কি এই জাতির জীবনে উহা ছুইবার ঘটে না; কারণ, জাতি যতদিন বর্করের অবস্থায় থাকে ততদিন সে আপনাকে মুক্ত করিবার চেষ্টা করিতে পারে কিন্তু তাহার সামাজিক স্থিতি-স্থাপকতা (le ressort civil) হ্রাস পাইলে আর চেষ্টা করিতে পারে না। তখন বিপদপাতে জাতি ধ্বংস হইতে পারে কিন্তু বিপ্লবদ্বারা উহার সংশোধন হওয়া কঠিন; তাহার বন্ধন শৃঙ্খল একবার ভাঙ্গিয়া পড়িলে পুনঃ পুনঃ হইয়া জাতি ছড়াইয়া পড়ে ও লুপ্ত হইয় যায়; তখন তাহার পক্ষে দরকার হয় শত্রুর, উদ্ধারকর্তার নয়। স্বাধীন জাতিগণ এই সত্য তোমার মনে রাখিও—“স্বাধীনতা অর্জন করা যায় কিন্তু উহা পুনঃপ্রাপ্ত হওয়া যায় না”। (On peut acquérir la liberté, mais on ne la recouvre jamais).

যৌবন শৈশব নয়। যেমন মানুষের পক্ষে তেমনই জাতির পক্ষে একটা যৌবনের কাল, অথবা বলা যায়, বয়ঃপ্রাপ্তির কাল আছে, যাহা তাহাকে আইনের অধীন করিবার পূর্বে তাহার প্রাপ্ত হওয়া দরকার; কিন্তু একটা জাতির সাধারণতঃ সব সময়ে জানিতে পারা সহজ নয়; অকালে উহা সাব্যস্ত করিয়া লইলে সমস্ত কাজ পণ্ড হইয়া যাইবে। কোন জাতি প্রথম হইতে নিয়মপদ্ধিপাতী হয় কোনটি আবার হাজার বছর পরেও সেরূপ হয় না। রুশীয়গণ কখনও যথার্থ সভ্য হইবে না, কারণ তাহারা অত্যন্ত তাড়াতাড়ি সভ্য হইয়া

## সামাজিক চুক্তি

উঠিয়াছে। পিটারের অনুকরণের প্রতিভা ছিল; তাঁহার সেই প্রকৃত প্রতিভা ছিল না যাহা সৃষ্টি করে এবং যেখানে কিছু থাকে না সেখানে সমস্ত গড়িয়া তুলে। তিনি যে সকল কাজ করিয়াছিলেন তাহার কতক ভাল ছিল কিন্তু অধিকাংশই অস্থানে প্রযুক্ত হইয়া পড়িয়াছিল। তাঁহার চোখে পড়িয়াছিল যে তাঁহার প্রজাগণ ছিল অসভ্য কিন্তু তাহারা যে সভা-শাসন পাইবার উপযুক্ত হয় নাই সেটি তাঁহার দৃষ্টিতে পড়ে নাই। যেখানে তাহাদের শুধু যুদ্ধের কঠোরতা অভ্যাস করান দরকার ছিল সেখানে তিনি তাহাদের সভ্য বানাতে চাহিয়াছিলেন। যেখানে প্রথমেই তাহাদের রুণ করিয়া গড়া দরকার ছিল, সেখানে তিনি চাহিয়াছিলেন কতক জাৰ্মান; কতক ইংরাজ গড়িতে; তাঁহার প্রজাগণ যাহা নয় তাহারা তাহাই এইরূপ তাহাদের বুঝাইয়া দিয়া তাহারা যেরূপ হইতে পারিত সেরূপ হইবার পথ তিনি বন্ধ করিয়া দেন; আর এইরকমেই ফরাসী শিক্ষকও তাঁহার ছাত্র গড়িয়া তুলেন; ফলে সে ছেলেবেলায় একটু সময়ের জন্য জুলিয়া উঠে তারপর একদম নিবিয়া যায়। রুশসাম্রাজ্য যুরোপ জয় করিতে চায়, কিন্তু উহা নিজেই বিজিত হইবে। উহার প্রজা বা প্রতিবানী তাতারগণ উহার এবং আমাদের প্রভু হইবে; আমার কাছে এই বিপ্লব অনিবার্য বলিয়া মনে হয়। যুরোপের সকল রাজা ইহা আগাইয়া আনিবার জন্য একযোগে কাজ করিতেছেন।

৯ম অধ্যায়

জনসাধারণ ( পূর্বানুবৃত্তি )

যেমন প্রকৃতি সৃষ্টিত মানবদেহের দৈর্ঘ্যের একটা নির্দিষ্ট মাপ ঠিক করিয়া দিয়াছে যাহার বাহিরে সে কেবল দৈত্য বা বামন সৃষ্টি করে তেমনি রাষ্ট্রের পক্ষে শ্রেষ্ঠ ব্যবস্থাবিধির প্রতি দৃষ্টি রাখিয়া উহার সম্বন্ধে কতকগুলি সীমা নির্দিষ্ট করিয়া দেওয়া চলে যাহাতে উহা সুশাসনের পক্ষে অত্যন্ত বেশী বড় না হইয়া পড়ে অথবা আত্মরক্ষার পক্ষে অত্যন্ত বেশী ছোট<sup>খা</sup> না হইয়া যায়। প্রত্যেক রাষ্ট্রীয়সমবায়েরই বলের একটা সর্বোচ্চ পরিমাণ থাকে যাহার উপরে উহা আর উঠিতে পারে না, এবং আপনার আয়তন বৃদ্ধি ফরিবার ফলে উহার ঐ বল কমিলে থাকে। সামাজিকবন্ধন যতই বিস্তৃত হয় ততই আলাগা হইয়া পড়ে; এবং সাধারণভাবে বলা যায় যে আয়তনহিসাবে ক্ষুদ্রায়তন রাষ্ট্র বৃহদায়তন রাষ্ট্র হইতে বেশী শক্তিমান।

এক হাজার যুক্তিতর্কদ্বারা এই সত্য প্রমাণ করা যায়। প্রথমতঃ, আয়তন বৃহৎ হইলে অধিক দূরত্বের ফলে শাসনকার্য্য চালান বেশী কষ্টকর হয়, ঠিক যেমন বেশী পদ্ম ভারোত্তলন দণ্ডের মাথায় যে ভার চাপান হয় তাহা বেশী ভারী হয়। একত্র দূরত্ব যত বেশী হয় শাসনকার্য্যও ততই গুরুভার হইয়া উঠে; কারণ প্রত্যেক সহরের নিজের শাসন আছে এবং সে

শাসন কার্য্যের জন্য যত বেশী দূরত্ব তত বেশী শাসন কার্য্যের জন্য

## সামাজিক চুক্তি

প্রদেশ, বড় বড় শাসনব্যবস্থা প্রাদেশিক শাসন, ভাইস-রয়ালটি ইত্যাদি যত উপরে যাওয়া যাইবে ততই খরচ বেশী এবং এই সকলের খরচই দুর্ভাগ্য জনসাধারণকে দিতে হইবে ; সকলের পরে আসে সর্বোচ্চ শাসনশক্তি যাহা সকলকে পিষিয়া ফেলে । এই সকলের অতিরিক্ত খরচের দায়ে প্রজাগণ অনবরত শুকাইতে থাকে ; এতগুলি আলাদা শাসনব্যবস্থার পরিচালনায় বেশী সুশাসিত হওয়া দূরে থাকুক বরং তাহাদের উপরে একটিমাত্র শাসনকর্তৃত্ব থাকিলে প্রজাগণ যেরূপ সুশাসিত হইত তাহার চাইতে অনেকখানি কমই হয় । আর এ অবস্থায় আকস্মিক খরচের জন্ম তাহাদের হাতে কম তহবিলই থাকে ; এই রকম তহবিলের যখন দরকার হইয়া পড়ে তখন দেখা যায় যে রাষ্ট্র ধ্বংসের মুখে উপনীত হইয়াছে ।

এই সব নয় ; লোকে যাহাতে আইনানুসারে চলে তাহার ব্যবস্থা করিবার, উৎপাত বন্ধ করিবার, কুপ্রথা সংশোধন করিবার, দূরবর্তীস্থানে যে সকল রাজদ্রোহ মূলক প্রচেষ্টা চলিতে পারে তাহার উপর আগে হইতে দৃষ্টি রাখিবার ক্ষমতা ও ক্ষিপ্তকারিতা যে শাসনশক্তির শুধু কম হইয়া যায় তাহা নহে অধিকন্তু শাসকগণকে না দেখিবার ফলে তাহাদের প্রতি জনসাধারণের স্নেহ কম হয়, স্বদেশের প্রতি স্নেহ কম হয়, কারণ তাহাদের চোখে স্বদেশ পৃথিবীর মতই বিশাল বলিয়া মনে হয় এবং অধিকাংশ সহ-নাগরিকের সহিত অপরিচয়

থাকিয়া যাওয়ার দরুণ তাহাদের প্রতি স্নেহও কম হয়। একই আইন এতগুলি বিভিন্ন প্রদেশের পক্ষে উপযোগী হয় না, কারণ, তাহাদের মধ্যে আচারব্যবহারের বিভিন্নতা আছে, আবহাওয়ারও মিল নাই, একই শাসনতন্ত্র সকলে সহ্য না করিতেও পারে। যেসকল জাতি একই শাসক গণের অধীনে বাস করে, তাহাদের পরস্পরের মধ্যে সদা-সর্বদা যাতায়াত এবং বিবাহের আদানপ্রদান আছে তাহাদের ভিতরে বিভিন্ন আইন কেবল উৎপাত ও গোলযোগের উৎপত্তি করে; তাহাদিগকে নূতন নূতন আচার-বিধির অধীন করাতে তাহারা স্থির করিতেই পারে না যে তাহাদের দেশ তাহাদের নিজের কি না। সকলের উপরের শাসনশক্তি আপন অবস্থানে পরস্পরের সহিত অপরিচিত যে জনসংঘ একজায়গায় জড় করে তাহাদের মধ্যে মানসিক গুণসমূহ চাপা পড়ে, সদগুণরাজি উপেক্ষিত হয় এবং দোষীরা সাজা পায় না। শাসকগণ কাজের চাপে বিভ্রত হইয়া নিজেরা কিছু দেখিতে পারেন না; ফলে, রাষ্ট্র কেরাণীবৃন্দের দ্বারা শাসিত হইতে থাকে। শেষতঃ, কেন্দ্রীয় শাসনশক্তির কর্তৃত্ব বজায় রাখিতে হইলে যে সকল ব্যবস্থা করা প্রয়োজন দূরবর্তী কর্মচারীরা সে সকলের কতখানি করিতে বা এড়াইতে চেষ্টা করেন তাহার উপর দৃষ্টি রাখিবার কাজেই সমস্ত মন ব্যাপ্ত থাকে; ফলে জাতির সুখ-স্বাচ্ছন্দ্য বিধানের জগু আর বিশেষ উচ্চম অবশিষ্ট থাকে না;

## সামাজিক চুক্তি

প্রয়োজন-কালে জাতির রক্ষার জন্তও একরকম কিছুই থাকে না; এই রকমে আপনার শাসনপ্রণালীর পক্ষে খুব বেশী বড় রাষ্ট্রদেহ ফাঁসিয়া যায় এবং আপনার ভারে ভাঙিয়া পড়ে।

অপরপক্ষে, দৃঢ়সংস্থিতি পাইতে হইলে, নিশ্চিত আঘাতসমূহকে প্রতিহত করিতে হইলে এবং আত্মসংরক্ষণের জন্ত বাধ্য হইয়া যে চেষ্টা তাহাকে করিতে হইবে তাহার জন্ত রাষ্ট্রের একটি স্থায়ী ভিত্তির উপর আপনাকে প্রতিষ্ঠিত করিতে হইবে; কারণ সকল জাতির একটা কেন্দ্রাপসারিণী শক্তি আছে যাহার জন্ত তাহারা অবিরাম পরস্পরের বিরুদ্ধে কাজ করে এবং ডেকার্টের (Descartes) কথিত আবর্তের (tourbillons) মত প্রতিবাসীকে হটাইয়া আপনাকে বড় করিতে চেষ্টা পায়। এ অবস্থায় যাহারা দুর্বল তাহাদের অপরের কবলিত হইবার ভয় থাকে; এবং চাপ তাহাতে সকল দিকে কতকটা সমান হয় এজন্য আপনাকে সকলের সহিত সমান অবস্থায় না আনিলে কাহারও আত্মরক্ষা করা প্রায় অসম্ভব।

ইহা হইতে দেখা যায় যে বিস্তারের সপক্ষেও যুক্তি আছে, সংকোচের সপক্ষেও কতক যুক্তি আছে; এবং এই দুইয়ের মধ্যে এমন একটি পরিমাণ যাহা রাষ্ট্রের আত্মসংরক্ষণের পক্ষে সর্বাপেক্ষা সুবিধাজনক তাহা ঠিক করা রাষ্ট্রনীতিজ্ঞের পক্ষে বড় কঠোর প্রতিভার কথা নয়। মোটামুটি বলা যায় যে বিস্তারের সপক্ষের যুক্তি কেবল বাহিরের এবং অন্য সম্বন্ধ



সাপেক্ষ বলিয়া সঙ্কোচের সপক্ষেৰ যুক্তির পরে বিবেচিত হওয়া উচিত ; কারণ উহা ভিতরের এবং অন্য সম্বন্ধ সাপেক্ষ নয় । সকলের আগে দরকার দৃঢ় ও উদ্ভম শাসন-ব্যবস্থার ; এবং বৃহৎ রাজ্য হইতে যে সম্পদ ও সুবিধা লাভ হয় তদপেক্ষা শাসনের ফলে যে শক্তিসামর্থ্য জন্মায় তার উপরেই লোকের বেশী নির্ভর করা উচিত ।

অধিকন্তু, এমন রাষ্ট্রও দেখা গিয়াছে যে রাজ্য জয়ের প্রয়োজন তাহার শাসনব্যবস্থার উপরে পর্যন্ত প্রভাব বিস্তার করিয়াছে এবং আত্মসংরক্ষণের নিমিত্ত উহা অবিরাম যুদ্ধ বিগ্রহ করিতে বাধ্য হইয়াছে । সম্ভবতঃ একপ রাষ্ট্রগুলি এই লাভজনক কর্তব্যের দায়ে পড়িয়া আপনাদের সৌভাগ্যে অত্যন্ত আনন্দ প্রকাশই করিত, কিন্তু ঐ দায়ই তাহাদের সমৃদ্ধির সীমা নিদিষ্ট করিবার সঙ্গে সঙ্গে তাহাদের পতনের অনিবার্য মুহূর্ত্ত নিদিষ্ট করিয়া দিয়াছে ।

১০ম অধ্যায়

জনসাধারণ (পূর্বানুভূতি)

কোন রাষ্ট্রীয়সমবায়ের মাপ দুইটি উপায়ে লওয়া যায় ; যথা, তাহার অধিকারের বিস্তার হিসাবে এবং লোকসংখ্যার হিসাবে ; এবং এই দুইটির ভিতরে এমন একটি বিশিষ্ট সম্বন্ধ আছে যাহার ফলে রাষ্ট্রের যথার্থ সমৃদ্ধি লাভ হয়। মানুষে রাষ্ট্র গড়ে এবং মাটি মানুষকে পোষণ করে ; তাহা হইলে সম্বন্ধটি দাঁড়ায় এই যে অধিবাসিগণের ভরণপোষণের জন্য যথেষ্ট জমি থাকিবে এবং অধিবাসীর সংখ্যাও জমির ভরণপোষণ করিবার শক্তির অনুযায়ী হইবে। উভয়ের পরিমাণ এইরূপ হইলে কোন নির্দিষ্ট লোকসংখ্যা হইতে অধিকতম সম্ভব শক্তি পাওয়া যাইবে ; কারণ, জমি যদি খুব বেশী থাকে তাহার রক্ষণ কষ্টসাধ্য হইয়া উঠে, উহার আবাদ উপযুক্তরূপ হয় না এবং উৎপন্ন ফসল প্রয়োজনাতিরিক্ত হয় ; ইহা আত্মরক্ষার্থ যুদ্ধবিগ্রহেরও সাক্ষাৎ কারণ হইয়া দাঁড়ায়। অপর পক্ষে, জমি প্রয়োজনানুরূপ না হইলে ষতখানির অভাব হয় তাহা পূরণের জন্য রাষ্ট্রকে প্রতিবাসিগণের উপর নির্ভর করিতে হইবে ; এবং ইহা পররাজ্য জয়ার্থ যুদ্ধের সাক্ষাৎকারণ হইয়া দাঁড়ায়। যে জাতিকে আপনাদের অবস্থার প্রয়োজনে যুদ্ধ বা ব্যবসায়ের একটি অবলম্বন করিতে হয় সে ভিতরে ভিতরে অত্যন্ত দুর্বল না হইয়া পারে না ; তাহাকে প্রতিবাসিগণের উপর নির্ভর

করিতে হয়, বাহিরের ঘটনার উপর নির্ভর করিতে হয়, তাহার অস্তিত্ব সর্বদা অনিশ্চিত ও সংক্ষিপ্ত হইয়া পড়ে। সে হয় পররাজ্য জয় করে এবং আপন অবস্থার পরিবর্তন করে, না হয় অপরের দ্বারা বিজিত হয় এবং বিলুপ্ত হইয়া যায়। শুধু নগণ্যতা বা বিশেষ সমৃদ্ধি দ্বারাই সে নিজকে স্বাধীন রাখিতে পারে।

রাজ্যের আয়তন ও লোক সংখ্যার ভিতরে এমন কোন বাঁধাধরা পরিমাণের হিসাব দেওয়া যায় না যাহা পরস্পরের পক্ষে পর্যাপ্ত হইবে; তাহার কারণ মাটির গুণের ভিতর বিস্তর তারতম্য আছে; তাহার উর্বরা শক্তির কমবেশ আছে, উৎপন্ন ফসলের প্রকারভেদ আছে, জলবায়ুর প্রভাবেও পার্থক্য আছে; সেই রকম অধিবাসিগণের ভিতরেও বিভিন্ন প্রকৃতির লোক আছে; কোন কোন উর্বরা দেশের লোকে কম খায় এবং কোন কোন অনুর্বরা দেশে আবার লোকে বেশী খায়। ইহা ছাড়াও স্থ্রীলোকের সন্তানোৎপাদিকা শক্তির কমবেশ, প্রতি দেশে লোকসংখ্যা বৃদ্ধির অনুকূল অবস্থার কমবেশ, এবং ব্যবস্থাকর্তা তাহার ব্যবস্থা সমূহ দ্বারা জনসাধারণকে কতখানি বশে আনিতে পারেন তাহার প্রতিও দৃষ্টি রাখিতে হইবে; কাজেই ব্যবস্থাকর্তা চাক্ষুষ যাহা দেখেন শুধু তাহাই লইয়া বিচার না করিয়া দূরদৃষ্টিদ্বারা যাহা দেখিতে পান তদ্বারা বিচার করিবেন, লোকসংখ্যার উপস্থিত অবস্থা যেক্রম দেখেন

## সামাজিক চুক্তি

তাহার উপরেই নির্ভর না করিয়া তাহা ভবিষ্যতে যেরূপ হইবে তাহার উপর নির্ভর করিবেন। অবশেষে বলা যায় যে এমন বহুক্ষেত্র থাকিতে পারে যেখানে স্থানীয় অবস্থা বিবেচনায় কাহারও যতখানি রাজ্য বিস্তার করা আবশ্যিক বলিয়া মনে হয় তদপেক্ষা বেশী বিস্তার করা প্রয়োজন বা বাঞ্ছনীয় হইয়া পড়ে। পার্বত্য অঞ্চল হইলে বেশী স্থানের প্রয়োজন হয়; সেখানে স্বভাবজাত উৎপন্নদ্রব্য, যথা কাষ্ঠাদি ও পশুচরণের জন্য ঘাস কম পরিশ্রমে পাওয়া যায়; অভিজ্ঞতা হইতে জানা যায় যে সেখানে স্ত্রীলোকগণের সম্ভান ধারণ করিবার শক্তি সমভূমির স্ত্রীলোকগণ হইতে বেশী এবং সেখানে বিস্তৃত, ঢালু ভূখণ্ড হইতে চাষআবাদের উপযোগী অতি সামান্য পরিমাণ সমভূমিই পাওয়া যায়। অপরপক্ষে, সমুদ্রতীরবর্তী অঞ্চলে, উহা পর্বতপূর্ণ ও একরকম উর্বরাশাক্তহীন, বালুকাপূর্ণ হইলেও অল্প বিস্তারেই চলিতে পারে; কারণ, সেখানে মাছ ধরাই কতক পরিমাণে ভূমিজ ফসলের স্থানাধিকার করে; জলদস্যুর আক্রমণ প্রতিহত করিবার জন্য সেখানে ঘনবসতি দরকার; অধিকন্তু, সেখানে বাড়তি লোকসংখ্যার ভার উপনিবেশ ইত্যাদিতে চালান দিয়া কমাইয়া ফেলিবার সুবিধাও অধিক।

কোন জাতির জন্য ব্যবস্থাবিধি প্রণয়নকালে যে সকল অবস্থা বিবেচনা করিতে হইবে বলা হইয়াছে তাহাব সম্বন্ধে অধিক যোগ করিতে হইবে

চলে না কিন্তু উহার অভাবে আর সমস্তই বৃথা হইয়া পড়ে : সেটি হইতেছে যাহাতে সকলে সচ্ছলতা ও শান্তি ভোগ করিতে পারে তাহার ব্যবস্থা ; কারণ, যেমন সৈন্যদলের সংগঠনের মুহূর্ত্তে, সেইরূপ রাষ্ট্রের সুব্যবস্থিত হইবার মুহূর্ত্তেই উহা আক্রমণ প্রতিরোধ করিতে সর্বাপেক্ষা কম পারগ হয় এবং তখন উহাকে ধ্বংস করা সর্বাপেক্ষা সহজ । চাঞ্চল্যের সময় অপেক্ষা পূর্ণ বিশৃঙ্খলার সময়েও লোকের আক্রমণ প্রতিরোধ করিবার শক্তি বেশী থাকে ; কারণ, চাঞ্চল্যের সময়ে প্রত্যেকেই নিজের বিষয় লইয়াই ব্যস্ত থাকে, বিপদের কথা ভাবে না । ঐ দুঃসময়ে যুদ্ধ, দুর্ভিক্ষ, রাজদ্রোহ কোন একটা ঘটিলেই রাষ্ট্র একেবারে বিপর্যাস্ত হইয়া যায় ।

এরকম ঝড়ঝাপটার কালেও যে অনেক শাসনশক্তি প্রতিষ্ঠিত হয় নাই তাহা নয় ; কিন্তু এই সব শাসনশক্তিই আবার রাষ্ট্র ধ্বংস করিয়াছে । জবরদখলকারী ব্যক্তিগণ (les usurpateurs) সাধারণের ভীতি উপলক্ষ করিয়া নানা অনিষ্টকর আইন, যাহা লোকে ঠাণ্ডামাথায় কখনও স্বীকার করে না, তাহাই পাশ করিয়া লইবার জন্য এইরকম গোলযোগের সৃষ্টি করিয়া তুলে বা এরকম সময় বাছিয়া লয় । আইন বিধিবদ্ধ করিবার জন্য যে সময় পছন্দ করা হয় তাহাই স্বেচ্ছাচারী শাসক ও ব্যবস্থাকর্তার কাজের প্রভেদ লক্ষ্য করিবার একটি অব্যর্থ উপায় ।

তাহা হইলে কি রকম জাতির জন্য ব্যবস্থাবিধি প্রণয়ন

## সামাজিক চুক্তি

করিতে হইবে ? ব্যবস্থা প্রণয়ন করা প্রয়োজন যে-জাতির জন্মগত, স্বার্থের বা আচারব্যবহারের যে-কোনপ্রকার ঐক্য থাকা সত্ত্বেও উহা এপর্যন্ত আইনের যথার্থ জোয়াল কাঁধে লয় নাই ; যাহার কোন দৃঢ়বন্ধমূল আচার, অভ্যাস বা কুসংস্কার নাই ; যাহার কোন অতর্কিত আক্রমণদ্বারা অভিভূত হইবার ভয় নাই ; যে প্রতিবাসিগণের কলহে যোগদান না করিয়াও একাকী তাহাদের প্রত্যেককে পৃথক ভাবে প্রতিরোধ করিতে পারে বা একের সাহায্য লইয়া অপরকে প্রতিহত করিতে পারে ; যাহার সভ্যবৃন্দ পরস্পরের পরিচিত এবং যেখানে কোন ব্যক্তি যতখানি ভার বহিতে পারে তদপেক্ষা বেশী ভার তাহার উপর চাপাইবার প্রয়োজন হয় না ; যে জাতি অন্য সকল জাতির সাহায্য না লইয়া চলিতে পারে এবং যাহার সাহায্য না লইয়া অন্য সকল জাতিও চলিতে পারে ; (১) যে জাতি ধনীও নয় গরীবও নয় কিন্তু মধ্যবিত্ত অবস্থা-

১। যদি এমন দুইটি প্রতিবেশী জাতি থাকে যে একটি অপরটির সাহায্য ব্যতিরেকে চলিতে পারে না, তাহা হইলে ঐ ব্যবস্থা দ্বিতীয়টির পক্ষে যেমন দুর্বল প্রথমটির পক্ষে তেমনি বিপজ্জনক হইবে। এরূপক্ষেত্রে প্রত্যেক দূরদৃষ্টিসম্পন্ন জাতি যতশীঘ্র সম্ভব প্রথমটিকে দ্বিতীয়টির অধীনতা পাশ হইতে মুক্ত করিবার চেষ্টা করিবে। থুাস্‌কালার (Thlascala) সাধারণতঃ মেক্সিকানসাম্রাজ্যের অন্তর্ভুক্ত ছিল ; কিন্তু তবুও উহা মেক্সিকানদের নিকট হইতে কিনিবার এমন কি বিনামূল্যে দানহিসাবে গ্রহণ করা অপেক্ষা বিনা লবণে চালাইবার পক্ষপাতী ছিল। এই

সম্পন্ন এবং শেষতঃ, যাহার মধ্যে প্রাচীন জাতির স্থৈর্য্য ও নূতন জাতির শিক্ষাপ্রবণতা একত্র মিলিত হইয়াছে। গড়িবার কাজের চাইতে ভাঙ্গিবার কাজই ব্যবস্থাপ্রণয়নের ব্যাপারকে বেশী শক্ত করিয়া তুলে; এবং ঐ ব্যাপারে কৃতকার্য্যতা লাভ করিবার দৃষ্টান্ত যে এত দুর্লভ তাহার কারণ সমাজের পক্ষে যাহা প্রয়োজন তাহার সহিত প্রকৃতির সরলতার (la simplicité de la nature) সামঞ্জস্য বিধান দেখিতে পাওয়া প্রায় দুর্ঘট; কিন্তু সুব্যবস্থিত রাষ্ট্র পাওয়াও সেই রকম দুর্ঘট।

যুরোপে এখনও ব্যবস্থাবিধি পাইবার উপযুক্ত একটি দেশ আছে; সে দেশ কর্সিকা দ্বীপ। যেরূপ সাহস ও অধ্যবসায় দেখাইয়া ঐ বীর জাতি স্বাধীনতা উদ্ধার ও রক্ষা করিয়াছে তাহাতে প্রমাণ হয় যে বাস্তবিকই কোন বিজ্ঞ লোকের নিকটে কি উপায়ে উহা স্থায়ীভাবে রক্ষা করা যায় সে সম্বন্ধে শিক্ষা পাইবার দাবী তাহার আছে। আমার মনে হয় এই ক্ষুদ্র দ্বীপটি একদিন সমস্ত যুরোপকে আশ্চর্য্য করিয়া দিবে।

উদারতার ভিতরে যে বিপদের ফাঁদ প্রচ্ছন্ন ছিল দূরদৃষ্টিসম্পন্ন থুাস্-কালানগণ সেটি বেশ দেখিতে পাইয়াছিল। তাহারা আপনাদের স্বাধীনতা অব্যাহত রাখে; আর অত বড় সাম্রাজ্যের কুক্ষিগত এই ক্ষুদ্র রাষ্ট্রটি শেষ কালে তাহার ধ্বংসের কারণ হইয়া দাঁড়ায়।

## ১১শ অধ্যায়

### বিভিন্ন শ্রেণীর ব্যবস্থাবিধি

যদি অনুসন্ধান করা যায় যে সকলের শ্রেষ্ঠ কল্যাণ, যাহা প্রত্যেক প্রকারের ব্যবস্থাবিধির লক্ষ্য হওয়া উচিত, তাহা কিম্বে হয় তাহা হইলে দেখা যাইবে যে উহা দুইটি স্থূল কথায় দাঁড়ায়, স্বাধীনতা ও সাম্য; সমস্ত বিশেষ অধীনতাই রাষ্ট্রদেহ হইতে ঐ পরিমাণ বলক্ষয়ে কারণ হয়, এইজন্য স্বাধীনতার প্রয়োজন; এবং সাম্যের দরকার এইজন্য যে উহা না থাকিলে স্বাধীনতা থাকিতে পারে না।

সামাজিক স্বাধীনতা কিরূপ তাহা পূর্বেই বলিয়াছি; সাম্য সম্বন্ধে বক্তব্য এই যে ঐ কথার দ্বারা বুঝায় না যে ক্ষমতা ও ধনের পরিমাণ সকলেরই একেবারে সমান হইবে; ইহাদ্বারা বুঝিতে হইবে যে ক্ষমতা কাহারও এত বেশী হইবে না যে তাহাতে অত্যাচার করা চলে এবং উহা সর্বদা পদমর্ধ্যাদা অনুযায়ী ও আইনসঙ্গত উপায়ে ব্যবহার করা হইবে; আর ধন কাহারও এতবেশী থাকিবে না যে সে অপরকে ক্রয় করিতে সমর্থ হয়; এবং কেহ এত দরিদ্র হইবে না যে সে আপনাকে বিক্রয় করিতে বাধ্য হয় (১)। ইহাতে বুঝায় যে

---

১। যদি তোমার রাষ্ট্রকে পূর্বাগর সঙ্গতি দিবার ইচ্ছা থাকে তবে ধনশালিতা ও দারিদ্র্য এই দুই বিপরীত কোণকে যতদূর সম্ভব নিকটে আন; ধনী বা ভিক্ষুক কাহাকেও থাকিতে দিবে না। এই দুইটি অবস্থা



বড়লোকের সম্পত্তি ও উচ্চপদের নির্দিষ্ট সীমা থাকিবে এবং দরিদ্রেরও ধনলিপ্সা ও লোভের নির্দিষ্ট সীমা থাকিবে ।

লোকে বলিয়া থাকে যে এই সাম্য অলীক কল্পনা মাত্র, ইহা কার্যক্ষেত্রে কখনও দেখা যায় না । ইহার অপব্যবহার নিবারণ করা অসাধ্য ; কিন্তু তাহাতে কি প্রমাণ হয় যে এ বিষয়ে অন্ততঃপক্ষে নিয়ম বিধিবদ্ধ করাও অনাবশ্যক ? সমস্ত ঘটনাপরম্পরার গতি এই সাম্য নষ্ট করিবার দিকে চলিয়া থাকে, এই কারণে সব সময়েই উহা রক্ষা করিবার জন্য আইনের শক্তি নিয়োজিত হওয়া উচিত ।

কিন্তু সমস্ত উত্তম ব্যবস্থাবিধির এই যে সাধারণ উদ্দেশ্য প্রত্যেক দেশে স্থানীয় অবস্থা ও অধিবাসিগণের প্রকৃতি মিলিয়া যে বিশেষ অবস্থার সৃষ্টি হয় তাহা বিবেচনা করিয়া ইহার পরিবর্তন করিতে হয় । ঐ বিশেষ অবস্থার উপর ভিত্তি করিয়া প্রত্যেক দেশের জন্য বিশেষ ব্যবস্থাবিধি গড়িয়া তুলিতে হইবে ; এবং এই ব্যবস্থাবিধি নিজে যেরূপই হউক যে রাষ্ট্রের জন্য গড়া হয় তাহার পক্ষে উহা সর্বোৎকৃষ্ট হওয়া উচিত । উদাহরণ স্বরূপ বলা যাইতে পারে যে জমি নিষ্ফলা ও অনুর্বর হইলে অথবা দেশে ঘনবসতি হইলে ব্যবসায় ও

---

স্বভাবতঃই পরম্পর হইতে অবিভাজ্য এবং দুইটিই সাধারণভাবে কল্যাণের পক্ষে অনিষ্টকর ; একটি হইতে আসে স্বেচ্ছাচারের প্ররোচকগণ এবং অপরটি হইতে আসে স্বেচ্ছাচারী । এই দুই পক্ষের ভিতরে জনসাধারণের স্বাধীনতা নিলামে ডাকা হয় ; একপক্ষ কিনে, অপরপক্ষ বিক্রয় করে ।

## সামাজিক চুক্তি

শিল্পের দিকে মন দিবে ও প্রয়োজনীয় দ্রব্যের পরিবর্তে শিল্পজাত দ্রব্যাদি চালান দিবে। অপরপক্ষে, যদি শস্য-সম্পন্ন সমভূমি ও উর্বরা অধিত্যকা প্রদেশে তোমার বাস হয়, যদি মাটি ভাল হইলেও লোকাভাব হয়, তবে সমস্ত মন কৃষিকার্যের দিকে দিবে ও শিল্পকার্য্য দূর করিয়া দিবে; কারণ, কৃষিকার্য্যে লোকসংখ্যাবৃদ্ধি হয় ও শিল্প রাজ্যের বিশেষ বিশেষ জায়গায় দেশের সমস্ত লোক জড় করিয়া কেবল দেশের লোকসংখ্যা ক্ষয় করিবার দিকে চলে। (১) যদি সুবিস্তৃত ও সুবিধাজনক সমুদ্রোপকূলে বাস হয় তবে জাহাজের দ্বারা সমুদ্র ছাইয়া ফেল, ব্যবসায় ও নৌবিদ্যার চর্চা কর, তোমার জীবনকাল অল্পস্থায়ী কিন্তু সমুজ্জ্বল হইবে। তোমার অধিকৃত উপকূলে সমুদ্র যদি কেবল প্রায়-অগম্য পর্বতমালার পাদদেশেই ধৌত করিয়া যায় তবে অসভ্য মৎস্যজীবী থাকিয়া যাওয়াই ভাল; তুমি বেশী শান্তিতে, হয়ত ভাল অবস্থায় এবং নিঃসন্দেহে বেশী সুখে বাস করিবে। এক কথায়, সর্বসাধারণের উপর খাটে এই রকম নিয়মগুলি

---

১। le marquis d'Argenson বলেন, “ যে-কোন প্রকারের বহির্বাণিজ্য সমগ্র রাজ্যের পক্ষে প্রায়শঃ কেবল একটা মিথ্যা লাভের ব্যাপারে দাঁড়ায়; হয়ত ইহার ফলে কোন কোন ব্যক্তি অর্থবান হয়, এমন কি ইহাতে কোন কোন সহরের সম্পদবৃদ্ধিও ঘটে; কিন্তু সমগ্র জাতির ইহাতে কিছুমাত্র লাভ হয় না এবং লোকের অবস্থাও কিছুমাত্র উন্নত হয় না।

বাদ দিলে প্রত্যেক জাতির ভিতরেই এমন বৈশিষ্ট্য থাকে যাহা ঐ গুলিকে একটা বিশেষ আকার প্রদান করে এবং তাহার নিজের আইন তাহার নিজের উপযোগী করিয়া তুলে। এইরকম পূর্বকালে যিযুদীগণ ও পরবর্তীকালে আরবগণের প্রধান লক্ষ্য ছিল ধর্ম, এথেন্সবাসিগণের বিদ্যাচর্চা, কার্থেজ ও টায়াবেবের ব্যবসায়, রোড্‌সের নৌবিদ্যা, স্পার্টার যুদ্ধ এবং রোমের গুণচর্চা ( vertu )। *L'esprit des Lois* এর গ্রন্থকার প্রভূত উদাহরণের সাহায্যে দেখাইয়াছেন কি উপায়ে ব্যবস্থাকর্তা এই সকল লক্ষ্যের প্রত্যেকটির প্রতি দৃষ্টি রাখিয়া ব্যবস্থাবিধি গড়িয়া তুলিয়াছেন।

যাহা উচিত তাহা যথাযথরূপে মানিয়া চলার ফলেই রাষ্ট্রের শাসনব্যবস্থা প্রকৃত দৃঢ়তা ও স্থায়ীত্ব প্রাপ্ত হয়; সেক্ষেত্রে স্বাভাবিক অবস্থার গতি ও ব্যবস্থাবিধির গতি সর্বদা প্রত্যেকটি বিষয়ে একত্র মিলিত হইবার দিকে যায় এবং প্রকৃতপক্ষে আইন কেবল স্বাভাবিক ব্যাপারগুলিকে স্পষ্ট রূপ দেয়, তাহাদেব সঙ্গে সঙ্গে থাকে এবং দোষ শুধরাইয়া দেয়। কিন্তু ব্যবস্থাকর্তা যদি স্বীয় উদ্দেশ্য নির্বাচনে ভুল করেন, স্বাভাবিক অবস্থার গতি যে মুখে তাহা হইতে ভিন্ন-মুখগামী গতি অবলম্বন করেন, যদি একটির গতি দাসত্বের ও অপরটির গতি স্বাধীনতা, একটির ঐশ্বর্যবৃদ্ধির ও অপরটির লোকসংখ্যাবৃদ্ধির এবং একটির গতি শান্তির ও অপরটির যুদ্ধ-বিগ্রহের দিকে হয় তাহা হইলে দেখা যাইবে যে আইনের শক্তি ধীরে ধীরে ক্ষয় পায়, রাষ্ট্র-গঠনব্যবস্থা পরিবর্তিত হয় এবং ধ্বংস বা সম্পূর্ণ পরিবর্তন ও অপরাজেয় প্রকৃতির প্রভাব পুনঃস্থাপিত না হওয়া পর্যন্ত রাষ্ট্রের ভিতরের বিপ্লবের শাস্তি হয় না।

## ১২শ অধ্যায়

### ব্যবস্থাবিধির বিভাগ

সাধারণতন্ত্রকে সুব্যবস্থিত করিতে বা যথাসম্ভব উৎকৃষ্ট আকার দিতে হইলে অনেকপ্রকার সম্বন্ধের কথা বিবেচনা করিতে হইবে। প্রথমতঃ, সমগ্র সমবায়ের কল্প যাহা আপনার উপরেই ক্রিয়া করে ; অর্থাৎ সমষ্টির সঙ্গে সমষ্টির সম্বন্ধ বা রাজশক্তির সঙ্গে রাষ্ট্রের সম্বন্ধ ; পরে আমরা দেখিব এই সম্বন্ধ মধ্যবর্তী পদসমূহের সম্বন্ধের উপর প্রতিষ্ঠিত। যে ব্যবস্থাবিধির দ্বারা এই সম্বন্ধ নিয়ন্ত্রিত হয় তাহাকে রাষ্ট্রীয় ব্যবস্থাবিধি বলে, এবং উহা মৌলিক ব্যবস্থাবিধি নামেও অভিহিত হয় ; অবশ্য ঐ ব্যবস্থাবিধি যথার্থ সুবিবেচিত হইলে এ নাম নিবর্থক বলা যায় না ; কারণ, প্রত্যেক রাষ্ট্রে একটিমাত্র সু-ব্যবস্থা থাকিলেও যে জাতির হাতে উহা থাকে তাহার উচিত উহাকে আঁকড়াইয়া ধরিয়া থাকা ; কিন্তু প্রচলিত ব্যবস্থা ( l'ordre établi ) উদ্ভূত না হইলে যে ব্যবস্থাবিধি মানুষের ভাল হইবার প্রতিবন্ধক হয় তাহা মৌলিক ব্যবস্থাবিধি বলিয়া লোকে গ্রহণ করিবে কেন ? অধিকন্তু, সকলক্ষেত্রেই নিজের ব্যবস্থাবিধি সর্বোৎকৃষ্ট-শ্রেণীর হইলেও যে-কোন জাতির উহা পরিবর্তন করিবার সম্পূর্ণ ক্ষমতা আছে ; কারণ, যদি নিজের মন্দ করিবার খেয়ালই তাহার হয় তবে কাহার তাহাতে বাধা দিবার অধিকার আছে ?

দ্বিতীয় সম্বন্ধ হইতেছে সভ্যগণের পরস্পরের সহিত বা সমগ্র সমবায়ের সহিত , এবং প্রথমক্ষেত্রে এ সম্বন্ধ যত

ছোট করা ও দ্বিতীয়ক্ষেত্রে যত বড় করা সম্ভব তাহাই করা উচিত ; তাহাতে প্রত্যেক ব্যক্তি অপর সকল হইতে সম্পূর্ণ স্বাধীন ও নগরের একান্ত অধীন হইবে ; একাজ একই উপায়ের দ্বারা সাধিত হইতে পারে ; কারণ, কেবল রাষ্ট্রের বলই সভ্যগণকে স্বাধীনতা দিতে পারে । এই দ্বিতীয় সম্বন্ধ হইতে দেওয়ানী ব্যবস্থাবিধি (les lois civiles) উদ্ভূত হয় ।

আইন ও মানুষের মধ্যে তৃতীয় একটি সম্বন্ধের কথাও ধরা যাইতে পারে ; যথা, আইন লঙ্ঘনের সঙ্গে শাস্তির সম্বন্ধ ; এই সম্বন্ধ হইতে অপরাধবিষয়ক (ফৌজদারী) ব্যবস্থাবিধির (les lois criminelles) উৎপত্তি হয় ; কিন্তু প্রকৃতপক্ষে এই ব্যবস্থাবিধিকে একটা আলাদা বিভাগ অপেক্ষা আর সকল আইন প্রতিপালিত হইবার পক্ষে জামিন (sanction) হিসাবে বেশী গণ্য করা চলে ।

এই তিন প্রকারের ব্যবস্থাবিধির সঙ্গে চতুর্থ একটি থাকিয়া যায় যেটি আর সকলের অপেক্ষা দরকারী ; উহা মার্বেল পাথর বা পিত্তলের গায়ে খোদিত হয় না, মানুষের হৃদয়ে খোদিত হয় ; উহা রাষ্ট্রের প্রকৃত গঠনব্যবস্থা গড়িয়া তুলে, দিন দিন নূতন শক্তি সঞ্চয় করিতে থাকে এবং আর সকল আইন যখন প্রাচীন হইয়া পড়ে বা লুপ্ত হইতে থাকে তখন উহাই সেগুলিকে নবজীবন দেয় বা তাহাদের স্থলে নূতন সৃষ্টি করে, জাতির ভিতরে তাহার আপন আইনের ধারা রক্ষা করে এবং অজ্ঞাতসারে বাহিরের বিষয়ের কর্তৃত্বের

## সামাজিক চুক্তি

স্থানে লোকাচারের সাক্ষ্য প্রামাণ্য বলিয়া গ্রহণ করে। আমি নীতি, চলিত প্রথা ও বিশেষ করিয়া লোকমতের কথা বলিতেছি; ইহার কার্যকারিতা আমাদের রাষ্ট্রতত্ত্ববিদগণের অজ্ঞাত বটে কিন্তু ইহার উপরেই আর সকলের সফলতা নির্ভর করে; বাহিরে বিশেষ বিশেষ বিধান লইয়া আপনাকে ব্যাপ্ত বলিয়া জানাইলেও প্রতিভাশালী ব্যবস্থাকর্তা গোপনে এইটি লইয়াই নিযুক্ত থাকেন; এগুলি খিলানের বৃত্ত (le cintre); নৈতিক ও নৌকিক আচারব্যবহারের কিঞ্চিৎ বিলম্বে উৎপত্তি হয়, সেগুলি সেই খিলানের স্থির মধ্যপ্রস্তর স্বরূপ (l'inébranlable clef)।

এই বিভিন্নশ্রেণীর ব্যবস্থাবিধির মধ্যে রাজনৈতিক ব্যবস্থাবিধিই (les lois politiques) শাসনশক্তির গঠন নির্দেশ করে; আমার বক্তব্য বিষয়ের সহিত কেবল উহারই সম্বন্ধ আছে।

# সামাজিক চুক্তি বা রাষ্ট্রীয় অধিকারের

## মূলকথা ।

### তৃতীয় খণ্ড

বিভিন্ন প্রকারের শাসনতন্ত্রের কথা বলিবার পূর্বে আমরা ঐ কথার প্রকৃত সংজ্ঞা নির্দেশ করিতে চেষ্টা করিব ; কারণ, এ পর্য্যন্ত এই কথাটি বিশেষ পরিষ্কার করিয়া ব্যাখ্যা করা হয় নাই ।

### ১ম অধ্যায়

সাধারণভাবে শাসনতন্ত্র সম্বন্ধে

পাঠককে জানাইতেছি যে এই অধ্যায় অভিনিবেশ সহকারে পড়িতে হইবে ও যে মনোনিবেশ করিতে চাহে না তাহার কাছে বক্তব্য পরিষ্কার করিয়া তুলিবার কৌশল আমার জানা নাই ।

প্রত্যেক স্বাধীন কর্ম দুইটি কারণের সংযোগে ঘটে ; একটি কারণ নৈতিক, যথা, উক্ত কর্ম করিবার ইচ্ছা ; অপরটি দৈহিক, যথা, উক্ত কর্ম সমাধা করিবার শক্তি । যখন আমি কোন জিনিসের দিকে অগ্রসর হই, তখন প্রথমে

## সাংসাদিক চুক্তি

দরকার হয় যাইবার ইচ্ছা ; দ্বিতীয়তঃ দরকার হয় আমার পায়ের আমাকে বহন করিবার কার্য। যদি পক্ষাঘাতের রোগী দৌড়াইতে ইচ্ছা করে এবং গতিশক্তিমান লোক দৌড়াইতে ইচ্ছা না করে তবে উভয়েই একই স্থানে স্থিরভাবে থাকিবে। রাষ্ট্রীয়সমবায়েরও ঐ প্রকারের চালক শক্তি (mobiles) আছে ; তাহার বেলাতেও শক্তি ও ইচ্ছার মধ্যে প্রভেদ দেখান হয় ; প্রথমটির নাম ব্যবস্থাপক ক্ষমতা (puissance législative) অপরটির নাম কার্যকরী ক্ষমতা (puissance exécutive)। এই দুইয়ের সংযোগ ব্যতীত কিছু করা চলে না, চলা উচিতও নয়।

আমরা দেখিয়াছি যে ব্যবস্থাপক ক্ষমতা জাতির হাতে থাকে এবং কেবল তাহার হাতেই থাকিতে পারে। অপর-পক্ষে, উপরে যে সকল তত্ত্ব প্রুতিপাদিত হইয়াছে, তাহা হইতে সহজেই বুঝা যায় যে কার্যকরী ক্ষমতা ব্যবস্থাকর্তা বা রাজশক্তি হিসাবে সাধারণের হাতে থাকিতে পারে না, কারণ, এই ক্ষমতা কেবল বিশেষ কাজ করিতে ব্যবহৃত হয় ; এইরূপ বিশেষ কাজের ব্যবস্থা করা আইনের এলাকার মধ্যে নয়, কাজেই রাজশক্তিরও হাতের বাহিরে, কারণ, রাজ শক্তির সকল কাজই আইনরূপে পরিগণিত হইতে বাধ্য।

তাহা হইলে সাধারণের শক্তির (la force publique) পক্ষে একজন নিজস্ব কার্যকারক থাকা প্রয়োজন যে ঐ শক্তিকে সুসংহত এবং সাধারণ ইচ্ছার নির্দেশ অনুসারে



প্রয়োগ করিবে, বাষ্ট্র ও রাজশক্তির মধ্যে মধ্যবর্তীর কাজ করিবে, এবং দেহ ও আত্মার মিলন মানুষের বেলায় যাহা করে জনসমষ্টির বেলায় কতকটা সেইরূপ করিবে। এইখানেই রাষ্ট্রে শাসনশক্তির যাহা ভিত্তিস্বরূপ তাহা পাওয়া যাইতেছে; ইহা রাজশক্তির কার্যকারক মাত্র হইলেও প্রায়ই ভুল করিয়া ইহাকে রাজশক্তির সঙ্গে গোলমান করিয়া ফেলা হয়।

তাহা হইলে শাসনশক্তি কি? শাসনশক্তি প্রজাগণ এবং রাজশক্তির মধ্যে পরস্পরের আদানপ্রদানের জন্ম স্থাপিত একটি সমবায়, যাহার কর্তব্য আইন সমূহকে কার্যে পরিণত করা এবং রাষ্ট্রীয় ও সামাজিক উভয় প্রকারের স্বাধীনতা বজায় রাখা।

এই সমবায়ের অন্তর্ভুক্ত সভ্যগণকে ম্যাজিষ্ট্রেট বা রাজা, অর্থাৎ শাসনকর্তা বলা হয়, এবং সমগ্র সমবায়টি প্রিন্স নাম বহন কবে (১)। এখানে দেখা যায় যে যাহারা দাবী করেন যে যে-কর্মের দ্বারা কোন জাতি তদীয় প্রধানগণের বশ্যতা স্বীকার করিয়া থাকে তাহা মোটেই চুক্তিমূলক নয়, তাহাদের দাবী যথার্থ বটে। প্রকৃতপক্ষে ইহা নিয়োগ বা চাকুরী মাত্র, যাহার বলে রাজশক্তির কর্মচারীমাত্র হিসাবে ও তাহার

---

১। ঐ প্রকারে, ভিনিসে শাসন-সংসদকে (collège) ডোজের (doge) অনুপস্থিতিও “মহামান্য শাসনাধিপতি” (Sérénissime prince) বলা হয়।

## সামাজিক চুক্তি

নামে তাঁহারা রাজশক্তির প্রদত্ত ক্ষমতা ব্যবহার করেন এবং রাজশক্তি ইচ্ছামাত্র এ ক্ষমতার সংস্কার, পরিবর্তন বা বিলোপ করিতে পারে। এইরূপ অধিকার হস্তান্তর করা সামাজিক সমবায়ের প্রকৃতির বিরোধী এবং সেহেতু উহা সমাজ বন্ধনের উদ্দেশ্যের প্রতিকূল।

তাহা হইলে আমি কার্যকরী ক্ষমতার বৈধ ব্যবহারকে শাসনকর্তৃত্ব বা সর্বোচ্চ শাসন এবং যে ব্যক্তি বা সমবায়ের উপর এই শাসন কার্য্যে ভার থাকে তাহাকে ম্যাজিস্ট্রেট বা প্রিন্স বলি।

যে সকল মধ্যবর্তী শক্তির পরস্পরের সম্বন্ধের দ্বারা সমষ্টির সহিত সমষ্টির বা রাজশক্তির সহিত রাষ্ট্রের সম্বন্ধ গঠিত হয় তাহা শাসনশক্তির মধ্যেই পাওয়া যায়। এই শেষোক্ত সম্বন্ধ একটি ক্রমিক অনুপাতের প্রথম ও শেষ সংখ্যার সম্বন্ধের অনুরূপ বলিয়া ধরা যাইতে পারে এবং উক্ত অনুপাতের মধ্যম সংখ্যা হইতেছে শাসনশক্তি। শাসনশক্তি রাজশক্তির কাছে যে সকল আদেশ পায় সেগুলিই জাতিকে দেয়; এবং, রাষ্ট্রের সমতা যাহাতে উত্তমরূপে রক্ষিত হয় সেজন্য, সমস্ত হিসাব নিকাশ করিবার পর শাসনশক্তির নিজস্ব ফল বা ক্ষমতা নাগরিকগণের ফল বা ক্ষমতার সমান হওয়া আবশ্যিক; কারণ, তাহারা একদিকে রাজশক্তি ও অপরদিকে প্রজা।

অধিকন্তু, সমানুপাত না ভাঙ্গিয়া তিনটি সংখ্যার কোনটি

পরিবর্তন করা চলে না। রাজশক্তি যদি নিজ হাতে শাসন কার্য চালাইতে ইচ্ছা করে, ম্যাজিষ্ট্রেট যদি ব্যবস্থাবিধি প্রণয়ন করিতে ইচ্ছা করে বা প্রজাগণ যদি আদেশ পালন করিতে অস্বীকার করে তাহা হইলে শৃঙ্খলার স্থানে বিশৃঙ্খলা উপস্থিত হয়, শক্তি ও ইচ্ছা আর একযোগে কাজ করিতে পারে না এবং রাষ্ট্র শিথিল হইয়া স্বৈরশাসন বা অরাজকতার প্রাদুর্ভাব হয়। শেষতঃ, একটিমাত্র মাধ্যমিক সংখ্যা প্রত্যেক সম্বন্ধের ভিতরে থাকার দরুণ কোন রাষ্ট্রের ভিতরে কেবল এক প্রকারের শাসন সম্ভবপর; কিন্তু হাজার বহুসংখ্যক ঘটনায় একটি জাতির অবস্থার পরিবর্তন হইতে পারে, কাজেই বিভিন্ন জাতির পক্ষে বিভিন্ন প্রকারের শাসনব্যবস্থা যে ভাল হইবে শুধু তাহা নয়, পরন্তু একই জাতির পক্ষে বিভিন্ন প্রকারের শাসনব্যবস্থা উপযোগী হইতে পারে।

অনুপাতের প্রথম ও শেষ সংখ্যার ভিতরে যে বিভিন্ন সম্বন্ধের উদ্ভব হইতে পারে সে বিষয়ে একটা ধারণা দিবার জন্য আমি দৃষ্টান্ত স্বরূপ লোক সংখ্যার উল্লেখ করিব, কারণ, এই সম্বন্ধটি অতি সহজে প্রকাশ করা যায়।

ধরা যাউক যে রাষ্ট্র দশ হাজার নাগরিক লইয়া গঠিত। রাজশক্তি কেবল সমবেত ভাবে ও সমবায় হিসাবে বিবেচিত হইতে পারে; কিন্তু প্রত্যেক সভ্য প্রজা হিসাবে ব্যক্তি বলিয়া বিবেচিত হইয়া থাকে; তাহা হইলে দাঁড়ায় যে ঐ দশ হাজারের সঙ্গে এক জনের যে সম্বন্ধ রাজশক্তির সঙ্গে

## সামাজিক চুক্তি

প্রজার সেই সম্বন্ধ, অর্থাৎ রাষ্ট্রের প্রত্যেক সভ্য নিজ অংশে কেবল রাজশক্তির ক্ষমতার মাত্র  $\frac{1}{100000}$  অংশ পায়, যদিও সে সম্পূর্ণরূপে উহার অধীন। লোকসংখ্যা একলক্ষ হইলেও প্রজাগণের অবস্থার পরিবর্তন হয় না, প্রত্যেকেই সমান ভাবে সমগ্র ব্যবস্থাবিধির অধীন হয় আর তাহার ভোট  $\frac{1}{100000}$  পরিমাণে দাঁড়ায় বলিয়া ব্যবস্থাবিধি প্রণয়নে তাহার প্রভাব দশগুণ কমিয়া যায়। তাহা হইলে দেখা যায় প্রজার স্থান সব সময়ে একই রূপ থাকে বটে কিন্তু লোক সংখ্যার বৃদ্ধির অনুপাতে প্রজার সহিত রাজশক্তির সম্বন্ধের পরিমাণ বৃদ্ধি পায়। ইহা হইতে এই দাঁড়ায় যে রাষ্ট্র যত বড় হয় স্বাধীনতার পরিমাণ তত কমে।

যখন আমি বলি যে সম্বন্ধের পরিমাণ বৃদ্ধি পায় তখন আমার কথার অর্থ এই যে সম্বন্ধ ক্রমেই অসমান হয়। তাহা হইলে সম্বন্ধ জ্যামিতির হিসাবে যতই বড় হইবে সাধারণ অর্থে উহা ততই কমিতে থাকিবে; প্রথম অর্থে সম্বন্ধ সংখ্যার হিসাবে ধরা হয় ও ভাগফল দ্বারা তাহার পরিমাণ নির্দিষ্ট হয়; এবং অপর অর্থে সম্বন্ধ তাহার প্রকৃতি হিসাবে ধরা হয় ও সাদৃশ্য দ্বারা তাহার মূল্য নিরূপণ করা হয়।

এক্কে সাধারণ ইচ্ছার সঙ্গে বিশেষ ইচ্ছার অর্থাৎ ব্যবস্থা বিধির সঙ্গে আচার ব্যবহারের সম্বন্ধ যত কম হইবে দমনকারী শক্তি তত বৃদ্ধি পাইবে। তাহা হইলে শাসনব্যবস্থা

ভাল হইতে হইলে লোক সংখ্যা বৃদ্ধির অনুপাতক্রমে উহাকে বেশী শক্তিমান হইতে হইবে।

অপরপক্ষে, রাষ্ট্রের বিস্তার ঘটিলে সাধারণের ক্ষমতার শ্রাস-রক্ষকদিগের আপনাপন ক্ষমতাব অপব্যবহার করিবার বেশী প্রলোভন উপস্থিত হয় ও বেশী উপায় হাতে আসে; এইজন্য জাতিকে আয়ত্তে রাখিবার ক্ষমতা শাসনশক্তিকে যত বেশী দিতে হইবে শাসনশক্তিকে আয়ত্তে রাখিবার ক্ষমতা বাজশক্তির নিজেরও তত বেশী হওয়া উচিত। আমি এখানে নিরঙ্কুশ ক্ষমতার কথা বলিতেছি না, রাষ্ট্রের বিভিন্ন অংশের পরস্পরসাপেক্ষ ক্ষমতার কথা বলিতেছি।

এই দ্বৈত সম্বন্ধ হইতে প্রতিপন্ন হয় যে রাজাশক্তি, শাসনকর্তা ( Prince ) ও জাতি এই তিনের ক্রমিক অনুপাত মোটেই খামখেয়ালী ধারণা নয়; ইহা রাষ্ট্রীয় সমবায়ের প্রকৃতির অপরিহার্য ফল। আরও প্রতিপন্ন হয় যে অনুপাতের একটি শেষ সংখ্যা, যথা জাতি, প্রজা হিসাবে একতার দ্বারা নির্দিষ্ট ও প্রতিপাদিত (répresenté) হওয়াতে যখনই দ্বন্দসংখ্যার (raison doubleé) বৃদ্ধি বা কম হয় তখনই অনুরূপভাবে একক সংখ্যারও (raison simple) বৃদ্ধি বা কম হয় এবং ফলে মাধ্যমিক সংখ্যারও (le moyen terme) পরিবর্তন হয়। ইহা হইতে দেখা যাইতেছে যে শাসনতন্ত্রের কোনরূপ একমাত্র এবং অনাপেক্ষিক গঠন প্রণালী নাই, রাষ্ট্রের আয়তনের মধ্যে যত পার্থক্য থাকিতে পারে শাসন

## সামাজিক চুক্তি

ব্যবস্থাও তত বিভিন্ন প্রকারের হইতে পারে।

যদি এই ধরনের ব্যাখ্যাকে উপহাস করিয়া কেহ বলে যে আমার মতানুসারে উক্ত মাধ্যমিক সংখ্যা বাহির ও শাসনপ্রণালী নির্দেশ করিবার জন্ত কেবল লোক সংখ্যার বর্গমূল বাহির করিলেই চলিবে তবে আমার উত্তর এই যে এখানে লোক সংখ্যার কথা শুধু উদাহরণ স্বরূপে উল্লেখ করিয়াছি ; যে সকল সম্বন্ধের কথা আমি বলিয়াছি তাহা কেবল লোক সংখ্যার দ্বারাই নিরূপিত হয় না, সাধারণতঃ কার্যের পরিমাণ, যাহার মূলে বহু সংখ্যক কারণের সমাবেশ থাকে, তদ্বারাও নিরূপিত হয় ; আর, অল্প কথায় বক্তব্য বলিবার উদ্দেশ্যে ক্ষণকালের জন্ত জ্যামিতির পরিভাষা ধার করিলেও ইহাও আমার অজ্ঞাত নহে যে নৈতিক বস্তু বা রাশির পরিমাণ নির্ণয়ে (dans les quantités morales) জ্যামিতির নিভুল সিদ্ধান্তের স্থান নাই।

বড় করিয়া দেখিলে যাহা রাষ্ট্রীয় সমবায় ছোট করিয়া দেখিলে তাহার অন্তর্ভুক্ত শাসনশক্তিও তাহাই দাঁড়ায়। শাসনশক্তি কতকগুলি বৃত্তিসম্পন্ন নৈতিকসত্ত্বায়ুক্ত ব্যক্তি স্বরূপ, রাজশক্তির মতন সক্রিয়, রাষ্ট্রের মত নিষ্ক্রিয় এবং তাহাকে ঐ প্রকার আরও অনেক সম্বন্ধের দ্বারা প্রকাশ করা যাইতে পারে। ইহা হইতে আবার একটা আনুপাতিক সংখ্যার উদ্ভব হয় এবং তাহার ভিতরেই আবার শাসনকর্ত্বের পর্যায় ক্রমে (selon l'ordre des tribu

naux ) আরেকটির উৎপত্তি হয় এবং একটি অবিভাজ্য মাধ্যমিক সংখ্যায় না আসা পর্যন্ত এইরূপ চলিতে পারে ; এই অবিভাজ্য মাধ্যমিক সংখ্যাতে বুঝায় একমাত্র প্রধান বা সর্বোচ্চ ম্যাজিষ্ট্রেট যাহাকে এইরূপ ক্রমবৃদ্ধিশীল অনুপাতের ভিতরে ভগ্নাংশ ও পুরক শ্রেণীর মধ্যে ঐক্যস্থাপক বলিয়া ধরা যাইতে পারে ।

এই প্রকার সংখ্যা বাহুল্য ঘটাইয়া নিজকে বিব্রত করিয়া না তুলিয়া আমাদের পক্ষে এইরূপ মনে করিলে যথেষ্ট হইবে যে শাসনশক্তি রাষ্ট্রের ভিতরে একটা নূতন সমবায় স্বরূপ, জাতি ও রাজশক্তি হইতে আলাদা এবং এই দুইয়ের মধ্যবর্তী ।

রাষ্ট্র ও শাসনশক্তি এই দুই সমবায়ের মধ্যে আসল পার্থক্য এই যে রাষ্ট্রের অস্তিত্ব নিজের জন্মই হইতে পারে কিন্তু শাসনশক্তির অস্তিত্ব রাজশক্তির দরুণ । তাহা হইলে শাসন-কর্তার প্রধান ইচ্ছা কেবল সাধারণ ইচ্ছা বা আইন হইয়া থাকে বা হওয়া উচিত, তাহার শক্তি তাহাতে কেন্দ্রীভূত জন-সাধারণের শক্তি মাত্র ; যে মুহূর্ত্তে সে কোন একটি স্বাধীন এবং অনাপেক্ষিক কাজ আপনা হইতে করিতে যায় সে মুহূর্ত্তে সকলের সংযোগ সূত্র আলাগা হইতে আরম্ভ করে । শেষে যদি এমন দাঁড়ায় যে শাসনকর্তা রাজশক্তির ইচ্ছা অপেক্ষা একটা অধিক সক্রিয় বিশেষ ইচ্ছা পোষণ করিতে থাকে এবং তাহার হাতে ঞ্চস্ত সাধারণের শক্তি উক্ত বিশেষ ইচ্ছার অনুকূলে খাটাইতে যায় তাহা হইলে বলা যাইতে পারে

## সাংসাদিক চুক্তি

যে দুই শাসনকর্তার আবির্ভাব হয়, একজন শাসনসঙ্গত ( de droit ) ও অপর যথার্থ ( de fait ) এবং সেই মুহূর্তে সমাজিক ঐক্য অস্তিত্বিত হয় ও রাষ্ট্রীয়সমবায় ভাঙ্গিয়া যায় ।

যাহা হউক শাসন-সমবায়কে যদি বাস্তব অস্তিত্ব ও জীবন দান করিতে হয়, রাষ্ট্রীয় সমবায় হইতে যাহা তাহাকে স্বাতন্ত্র্য দেয়, যদি তাহার সকল সভ্যকে সমবেত ভাবে কাজ করাইতে ও যে উদ্দেশ্যে উহা প্রতিষ্ঠিত হয় তাহা সিদ্ধ করাইতে হয় তাহা হইলে তাহার পক্ষে বিশেষ ব্যক্তিত্ব, তাহার সকল সভ্যের মধ্যে সাধারণ সহানুভূতি বোধ, শক্তি ও নিজস্ব ইচ্ছা তাহার আত্মসংরক্ষণের জন্য প্রয়োজন । এই বিশেষ অস্তিত্ব অর্থে বুঝায় পরিষদ, কাউন্সিল, বিবেচনা ও সিদ্ধান্ত করিবার ক্ষমতা, অধিকার, খেতাব, শাসনকর্তার নিজস্ব বিশেষ অধিকার যাহাতে ম্যাজিস্ট্রেটের পদ যেমন বিরক্তির কারণ তদনুপাতে সম্মানের বিষয় হইতে পারে । এখানে সমস্যা হইতেছে সমষ্টির ভিতরে এই অধস্তন অবস্থিতির ব্যবস্থা এমন ভাবে করা যাহাতে আপন গঠন-ব্যবস্থা সুদৃঢ় করিতে যাইয়া সাধারণ গঠন-ব্যবস্থার কোন রূপ পরিবর্তন না ঘটে, যাহাতে তাহার আত্মসংরক্ষণের জন্য উদ্দিষ্ট স্বকীয় শক্তি ও রাষ্ট্রের সংরক্ষণের জন্য উদ্দিষ্ট সাধারণ শক্তির ভিতরে পার্থক্য সর্বদা রক্ষিত হয় এবং এক কথায় যাহাতে শাসনশক্তির জন্য জাতিকে বলি না দিয়া জাতির জন্য শাসনশক্তিকে বলি দিতে সর্বদা প্রস্তুত থাকা যায় ।



আরও বলা যায় যে যদিও শাসনশক্তির কৃত্রিম সমবায় আরেকটি কৃত্রিম সমবায়ের কার্য্য মাত্র এবং বলিতে গেলে তাহার জীবন ধার করা ও অধীন জীবন মাত্র, কিন্তু তাহাতে তাহার পক্ষে কমবেশী শক্তির এবং তৎপরতার সহিত কাজ করিবার পক্ষে বাধা জন্মায় না, অথবা বলিতে গেলে তাহার কমবেশী সবল স্বাস্থ্য ভোগ করিবার পক্ষে প্রতিবন্ধক হয় না। শেষতঃ, সোজামুজি আপনার প্রতিষ্ঠার উদ্দেশ্যের বিপরীতগামী না হইয়া, স্বকীয় গঠনব্যবস্থা অনুসারে শাসনশক্তি উক্ত উদ্দেশ্য হইতে কমবেশী এদিক ওদিকে চলিতে পারে।

এই সকল পার্থক্য হইতেই রাষ্ট্রীয়সমবায়ের সঙ্গে, রাষ্ট্র নিজেই যে সকল আকস্মিক ও বিশেষ সম্বন্ধের দ্বারা পরিবর্তিত হয়, তদনুযায়ী শাসনশক্তির যে বিভিন্ন সম্বন্ধ থাকা উচিত তাহাদের উদ্ভব হয়। কারণ, প্রায়শঃ অতি উৎকৃষ্ট শাসনশক্তিও, যে রাষ্ট্রীয়সমবায়ের সে অন্তর্ভুক্ত, তাহার দোষত্রুটি অনুসারে আপন সম্বন্ধ পরিবর্তন না করিলে অতি অনিষ্টকর হইয়া দাঁড়ায়।

## ২য় অধ্যায়

বিভিন্ন প্রকারের শাসনতন্ত্র গঠনের মূলনীতি

এই সকল পাঠক্যের সাধারণ কারণ নির্ণয় করিতে হইলে এখানে মূলনীতি ও শাসনতন্ত্রের পাঠক্য নির্দেশ

## সামাজিক চুক্তি

করা দরকার, যেমন ইতিপূর্বে আমরা রাষ্ট্র ও রাজশক্তির মধ্যের পার্থক্য দেখাইয়াছি।

'শাসক-সমবায় ( le corps du magistrat ) কম বা বেশী সংখ্যক সভ্য লইয়া গঠিত হইতে পারে। আমরা বলিয়াছি জাতির লোক সংখ্যা যতই বেশী হয় তদনুপাতে প্রজার সহিত রাজশক্তির সম্বন্ধের পরিমাণ বৃদ্ধি হয় ; এবং, সাদৃশ্যের যুক্তিতে ম্যাজিষ্ট্রেট বা শাসনকর্তার সহিত শাসন-শক্তির সম্বন্ধের বিষয়েও আমরা ঐ কথা বলিতে পারি।

কিন্তু শাসনকর্তৃপক্ষের মোট শক্তি সব সময়েই রাষ্ট্রের মোট শক্তি হইয়া থাকে ; কাজেই তাহার পরিবর্তন নাই ; ইহা হইতে প্রতিপন্ন হয় যে শাসনকর্তৃপক্ষ এই শক্তি যত বেশী পরিমাণে আপন সভ্যবৃন্দের জন্য ব্যয় করে সমস্ত জাতির জন্য ব্যয় করিবার জন্য তত কম শক্তি তাহার হাতে থাকে।

তাহা হইলে দাঁড়ায় যে ম্যাজিষ্ট্রেটের \* সংখ্যা যত বেশী হয় শাসনশক্তি তত দুর্বল হয়। ইহা একটি মূলনীতি, সে হেতু আমরা ইহা ভাল করিয়া ব্যাখ্যা করিবার চেষ্টা করিব।

আমরা ম্যাজিষ্ট্রেটরূপ ব্যক্তির মধ্যে তিনটি মূলতঃ বিভিন্ন ইচ্ছার অস্তিত্ব নির্ণয় করিতে পারি ; প্রথমতঃ, ব্যক্তির নিজস্ব ইচ্ছা যাহা কেবল ব্যক্তিগত সুবিধাশ্বেষী ; দ্বিতীয়তঃ, ম্যাজিষ্ট্রেটগণের সাধারণ ইচ্ছা যাহা সম্পূর্ণরূপে রাজা বা শাসনকর্তার সুবিধাশ্বেষী এবং যাহাকে সমবায়ের ইচ্ছা বলা

---

\* রুসো city state এর কথা মনে রাখিয়া লিখিতেছেন। ( অনুবাদক )

যাইতে পারে, যাহা শাসনশক্তির সঙ্গে সম্বন্ধের বেলায় সাধারণ ও ঐ শাসনশক্তির যে রাষ্ট্রের অংশ স্বরূপ তাহার সঙ্গে সম্বন্ধের বেলায় বিশেষ ইচ্ছা ; তৃতীয়তঃ, জাতির ইচ্ছা বা রাজশক্তির ইচ্ছা যাহা সমষ্টি হিসাবে দেখিলে রাষ্ট্রের সঙ্গে সম্বন্ধের বেলাতে যেমন, ঐ সমষ্টির অংশ স্বরূপ শাসন-শক্তির সঙ্গে সম্বন্ধের বেলাতেও তেমনি সাধারণ ।

নিখুঁত ব্যবস্থাবিধিতে বিশেষ বা ব্যক্তিগত ইচ্ছার কোনই প্রভাব থাকিবে না ; শাসনশক্তির সমবায়িক ইচ্ছার প্রভাব অতি সামান্য হইবে ; কাজেই সাধারণ বা রাজশক্তির ইচ্ছা সর্বদা প্রবল থাকিবে এবং আর সকল ইচ্ছার একমাত্র নিয়ামক হইবে ।

অপরপক্ষে, স্বাভাবিক নিয়মানুসারে এই সকল বিভিন্ন ইচ্ছা যত কেন্দ্রীভূত হয় তত কার্যকরী হয় । এই প্রকারে সাধারণ ইচ্ছা সবসময়েই সর্বপেক্ষা দুর্বল হয় ; সমবায়িক ইচ্ছা দ্বিতীয় এবং বিশেষ ইচ্ছা সকলের মধ্যে প্রথম স্থানাধিকার করে ; তাহা হইলে দাঁড়ায় যে শাসনতন্ত্রের ক্ষেত্রে প্রত্যেক ব্যক্তি সকলের আগে সে নিজে, তারপর ম্যাজিষ্ট্রেট এবং তারপর নাগরিক ; সমাজ-পদ্ধতির পক্ষে যেরূপ পর্যায় প্রয়োজন এ ঠিক তাহার উল্টা পর্যায় ।

যদি এরূপ স্বীকার করিয়া লওয়া যায় যে শাসনকর্তৃত্বের সমস্ত ভার একজন লোকের হাতে থাকিবে তাহার ফলে বিশেষ ইচ্ছা ও সমবায়িক ইচ্ছা সম্পূর্ণরূপে মিলিত হইবে

## সামাজিক চুক্তি

এবং উক্ত সমবায়িক ইচ্ছা যতদূর সম্ভব হইতে পারে প্রবল হইবে। কিন্তু ইচ্ছার প্রবলতার কমবেশীর উপর শক্তির প্রয়োগ নির্ভর করে বলিয়া এবং শাসনকর্তৃত্বের অনাপেক্ষিক শক্তির পরিবর্তন হয় না বলিয়া এই দাঁড়ায় যে একব্যক্তির দ্বারা চালিত শাসনতন্ত্র সর্বাপেক্ষা সক্রিয় শাসনতন্ত্র।

অপরপক্ষে ধরা যাউক যে আমরা শাসনশক্তির সঙ্গে ব্যবস্থাপক ক্ষমতার সংযোগ করিলাম, শাসনকর্তাকে রাজশক্তি এবং যত নাগরিক সকলকে ম্যাজিষ্ট্রেট রূপে ধরিলাম; ফলে সমবায়িক ইচ্ছা সাধারণ ইচ্ছার সঙ্গে ঘুলাইয়া যাইবে, সাধারণ ইচ্ছা অপেক্ষা তাহার আর অধিক সক্রিয়তা থাকিবে না এবং বিশেষ ইচ্ছা যতদূর হইতে পারে প্রবল হই থাকিবে। তাহা হইলে সেই এক অনাপেক্ষিক শক্তিসম্পন্ন শাসনকর্তৃত্ব তাহার আপেক্ষিক শক্তির বা সক্রিয়তার নিম্নতম সীমায় উপনীত হইবে।

এই সকল সম্বন্ধ অবিসংবাদী এবং অগ্ৰাণ্য বিষয়ের বিবেচনার ফলে এইগুলি আরও সমর্থিত হয়। দৃষ্টান্তস্বরূপ দেখা যায় যে প্রত্যেক ম্যাজিষ্ট্রেট, সে যে সমবায়ভুক্ত তাহার ভিতরে, তাহার নিজ সমবায়ভুক্ত প্রত্যেক নাগরিক অপেক্ষা অধিক সক্রিয় এবং ফলে রাজশক্তির কাজ অপেক্ষা শাসনশক্তির কাজে বিশেষ ইচ্ছার প্রভাব অনেক বেশী; কারণ, প্রায় সব সময়ে প্রত্যেক ম্যাজিষ্ট্রেটের উপর শাসনতন্ত্রের কোন না কোন কাজের ভার হস্ত থাকে; অপরপক্ষে পৃথক ভাবে

ধরিলে কোন নাগরিকের হাতে রাজশক্তির কাজের কোনই ভার থাকে না। অধিকন্তু, কোন রাষ্ট্রের যত বিস্তার হয় তাহার প্রকৃত শক্তিও তত বৃদ্ধি পায়, যদিও একরূপ শক্তি বৃদ্ধি বিস্তারের অনুপাতে কখনও ঘটে না ; কিন্তু রাষ্ট্র একইরূপ থাকিলে ম্যাজিষ্ট্রেটের সংখ্যা যথেষ্ট বৃদ্ধি হইতে পারে কিন্তু ফলে শাসনকর্তৃপক্ষের প্রকৃত শক্তি বিশেষ বাড়ে না ; কারণ, এই শক্তি রাষ্ট্রের শক্তি এবং তাহার পরিমাণ সর্বদা সমান থাকিয়া যায়। এই প্রকারে শাসনকর্তৃপক্ষের অনাপেক্ষিক বা প্রকৃত শক্তি বাড়ে না, কিন্তু তাহার আপেক্ষিক শক্তি বা সক্রিয়তা কমিয়া যায়।

অধিকন্তু, ইহাও ঠিক যে যত বেশী লোকের হাতে কাজের ভার দেওয়া যায় কাজের গতি তত তিলা হয় ; বেশী হিসাবী হইতে গিয়া দৈবের উপর যতখানি ছাড়িয়া দেওয়া প্রয়োজন তাহা দেওয়া হয় না ; উপযুক্ত সময় বহিয়া যাইতে দেওয়া হয় এবং বাদামুবাদের প্রাবল্যে প্রায়ই কাজের ফল হাতছাড়া হইয়া যায়।

আমি এইমাত্র প্রমাণ করিলাম যে ম্যাজিষ্ট্রেটের সংখ্যা যত বৃদ্ধি হয় শাসনশক্তি তত শিথিল হইয়া পড়ে এবং ইতিপূর্বে আমি দেখাইয়াছি যে লোকসংখ্যা যত বৃদ্ধি হয়, নিয়ন্ত্রণের শক্তিও তত বেশী হওয়া উচিত। ইহা হইতে প্রতিপন্ন হয় যে শাসনশক্তির সঙ্গে ম্যাজিষ্ট্রেটগণের সম্বন্ধ, রাজশক্তির সঙ্গে প্রজাগণের সম্বন্ধের ঠিক বিপরীত হওয়া উচিত ; অর্থাৎ

## শাসনাত্মিক চুক্তি

রাষ্ট্রের যত বিস্তার হইবে শাসনশক্তির আপনাকে তত সঙ্কুচিত করিতে হইবে যাহাতে লোকসংখ্যা বৃদ্ধির অনুপাতে শাসনকর্তার (chefs) সংখ্যাও কমিয়া যায়।

অধিকন্তু, আমি এখানে শাসনশক্তির সাধুতার কথা বলিতেছি না, তাহার আপেক্ষিক শক্তির কথাই বলিতেছি ; কারণ, অপরপক্ষে, ম্যাজিষ্ট্রেটের সংখ্যা যত বেশী হইবে সমবায়িক ইচ্ছা তত সাধারণ ইচ্ছার দিকে অগ্রসর হইবে ; কিন্তু আমি পূর্বে বলিয়াছি যে একমাত্র ম্যাজিষ্ট্রেটের অধীনে, এই সমবায়িক ইচ্ছাই বিশেষ ইচ্ছাতে গিয়া দাঁড়ায়। এই প্রকারে একদিকে যাহা লাভ হয় অন্যদিকে তাহা নষ্ট হয়, এবং ব্যবস্থাকর্তার কৌশল এইখানে যে তাঁহাকে বুদ্ধিয়া বাহির করিতে হইবে এমন একটি ক্ষেত্র যেখানে শাসনকর্তৃপক্ষের শক্তি ও ইচ্ছা—যাহাদের মধ্যে বিপরীত অনুপাতের সম্বন্ধ সর্বদা বর্তমান, সেই শক্তি ও ইচ্ছা রাষ্ট্রের পক্ষে যাহা সর্বাপেক্ষা সুবিধাজনক হয় পরস্পরের সঙ্গে এইরূপ সম্বন্ধে মিলিত হইতে পারে।

## ৩য় অধ্যায়

### শাসনতন্ত্রের শ্রেণী বিভাগ

আমরা পূর্বের অধ্যায়ে দেখিয়াছি যে যে পরিমাণ সভ্য লইয়া শাসনশক্তি গঠিত হয় কি কারণে তাহাদের সংখ্যা

অনুসারে শাসনতন্ত্রের বিভিন্ন শ্রেণী বা প্রকারের ভিতরে পাথর্ক্য নির্দেশ করা হয় ; এ অধ্যায়ে দেখিতে হইবে কি ভাবে এই পাথর্ক্য আসিয়াছে ।

প্রথমতঃ, রাজশক্তি শাসনকর্তৃত্বের ভার সমস্ত জাতি বা জাতির অধিকাংশের উপর গুস্ত করিতে পারে ; তাহার ফলে ব্যক্তিমাত্র হিসাবে সাধারণ নাগরিক অপেক্ষা নাগরিক-ম্যাজিষ্ট্রেটের সংখ্যা অধিক হইবে। এই প্রকারের শাসনতন্ত্রকে গণতন্ত্র ( *démocratie* ) নাম দেওয়া হয় ।

অথবা সে শাসনকর্তৃত্বকে গুটাইয়া অল্প সংখ্যক লোকের হাতে দিতে পারে, তাহার ফলে ম্যাজিষ্ট্রেট অপেক্ষা সাধারণ নাগরিকের সংখ্যা অধিক হইবে ; এই প্রকারের শাসনতন্ত্রের নাম অভিজাত-তন্ত্র ( *aristocratie* ) ।

শেষতঃ, সে সমস্ত শাসনকর্তৃত্ব একমাত্র ম্যাজিষ্ট্রেটের হাতে কেন্দ্রীভূত করিতে পারে ; তাহার ফলে তাহার হাত হইতে আর সকলে তাহাদের ক্ষমতা পাইবে । এই তৃতীয় প্রকারের শাসনতন্ত্র অত্যন্ত সাধারণ এবং ইহার নাম রাজতন্ত্র ( *monarchie* ) ।

ইহা বলা প্রয়োজন যে এই কয়েক প্রকার শাসনতন্ত্রেরই অন্ততঃপক্ষে প্রথম দুই প্রকারের শাসনতন্ত্রের ক্রমভেদ হইতে পারে এবং এই ক্রমভেদ অনেকদূর ষাইতে পারে ; কারণ, গণতন্ত্র সমস্ত জাতি লইয়াও হইতে পারে অথবা জাতির অর্ধেকের মধ্যেও সীমাবদ্ধ হইতে পারে । অভিজাত-তন্ত্রের

## সামাজিক চুক্তি

বেলাতেও উহা অর্ধেক জাতি হইতে অনির্দিষ্ট পরিমাণ সর্বাপেক্ষা কম সংখ্যক লোকের মধ্যে সীমাবদ্ধ হইতে পারে। এমন কি রাজতন্ত্রের ভিতরেও ভাগ চলিতে পারে। রাষ্ট্র-গঠনব্যবস্থা অনুসারে স্পার্টায় সব সময়ে দুইজন রাজা ছিল; আর রোমক-সাম্রাজ্যে এককালে আটজন পর্য্যন্ত সম্রাট দেখা গিয়াছে কিন্তু সে জন্ম ফে সাম্রাজ্য বিচ্ছিন্ন হইয়া পড়িয়াছিল একথা বলা চলে না। তাহা হইলে এমন একটি জায়গা আছে যেখানে প্রত্যেক প্রকারের শাসনতন্ত্র পরবর্তী প্রকারের সঙ্গে মিশিয়া যায় এবং দেখা যায় যে তিনটি মাত্র নামের অধীনে শাসনতন্ত্র প্রকৃত প্রস্তাবে রাষ্ট্রের ভিতর যত সংখ্যক নাগরিক আছে তত বিভিন্ন রূপ ধারণ করিতে পারে।

আরও বেশী রূপ ধারণ করিতে পারে; একই শাসনতন্ত্র কতকগুলি বিষয়ে আবার নানা উপবিভাগে পুনর্বিভক্ত হইয়া একটি এক রকমে অপরটি অন্য রকমে শাসিত হইতে পারে; ফলে উক্ত তিনটি শ্রেণী মিলিত হইয়া বহুসংখ্যক মিশ্র শ্রেণীর উৎপত্তি ঘটাইতে পারে যাহাদের প্রত্যেকটিকে সমস্ত অমিশ্র শ্রেণীর দ্বারা গুণ করা চলে।

সকল যুগেই কি প্রকারের শাসনতন্ত্র সর্বোৎকৃষ্ট ইহা লইয়া বিস্তর তর্ক দেখা যায়, কিন্তু একথা বিবেচনা করা হয় না যে কোন কোন ক্ষেত্রে সকল প্রকার শাসনতন্ত্রের প্রত্যেকটি সর্বোৎকৃষ্ট এবং অন্যান্য ক্ষেত্রে তাহাই আবার সর্বনিকৃষ্ট।



যদি ভিন্ন ভিন্ন রাষ্ট্রে সর্বোচ্চ ম্যাজিস্ট্রেটের সংখ্যা নাগরিকগণের বিপরীত অনুপাতে হয় তাহা হইলে মোটামুটি দেখা যাইবে যে ক্ষুদ্র আকারের রাষ্ট্রের পক্ষে গণতান্ত্রিক শাসনতন্ত্র ও মধ্যম আকারের পক্ষে রাজতান্ত্রিক শাসনতন্ত্র উপযোগী হয়। এই নিয়ম মূলনীতি হইতে সাক্ষাৎ প্রতিপন্ন হয়। কিন্তু যে অসংখ্য ঘটনার সমাবেশে ইহার ব্যত্যয় ঘটায় তাহা কি ভাবে নির্ণয় করা যায় ?

## ৪র্থ অধ্যায়

### গণতন্ত্র

যিনি ব্যবস্থাবিধি প্রণয়ন করেন তিনিই কিরূপে উহা ব্যাখ্যা ও কার্যে পরিণত করিতে হইবে অণু লোক অপেক্ষা তাহা ভাল জানেন। ইহা হইতে মনে হইতে পারে যে যে-রাষ্ট্র-গঠনব্যবস্থায় ব্যবস্থাপক ক্ষমতার সঙ্গে কার্যকরী ক্ষমতার সংযোগ আছে তাহা অপেক্ষা ভাল রাষ্ট্র-গঠনব্যবস্থা আর হইতে পারে না ; কিন্তু ঠিক এই কারণেই কতকগুলি বিষয়ে এই প্রকার শাসনতন্ত্রের অভাব থাকিয়া যায় : কারণ, যে সকল বিষয়ে পাথর রাখা দরকার তাহা রাখা হয় না, এবং শাসনকর্ত্তা ও রাজশক্তি একই ব্যক্তি হইয়া দাঁড়ায় বলিয়া, বলা যায় যে উহার ফলে বিনা শাসনতন্ত্রে শাসনতন্ত্রের প্রতিষ্ঠা হয়।

## সামাজিক চুক্তি

যে ব্যবস্থাবিধি প্রণয়ন করে তাহার পক্ষে উহা ব্যবহার করা ভাল নয়, আর জনসাধারণের পক্ষেও তাহাদের মনোযোগ ব্যাপক দৃষ্টির দিক হইতে সরাইয়া বিশেষ বিশেষ উদ্দেশ্যের দিকে দেওয়া ভাল নয়। সাধারণ সংশ্লিষ্ট কাজের ক্ষেত্রে ব্যক্তিগত স্বার্থের প্রভাব অপেক্ষা অনিষ্টজনক আর কিছু নাই ; এবং শাসনশক্তির দ্বারা আইনের অপব্যবহারের দরুণ যে অনিষ্ট হয় তাহা অপেক্ষা বিশেষ দৃষ্টিভঙ্গী হইতে দেখিবার অনিবার্য ফল স্বরূপ ব্যবস্থাকর্তার যে অসাধুতা দোষ ঘটে তাহার ফলে অধিকতর অনিষ্ট হয়। সে ক্ষেত্রে রাষ্ট্রের ভিতরের বস্তুর পরিবর্তন হয় এবং সমস্ত সংস্কার অসম্ভব হইয়া পড়ে। যে জাতি কখনও শাসনকর্তৃত্বের অপব্যবহার কবে না সে কখনও স্বাধীনতারও অপব্যবহার করে না, যে জাতি বরাবর সুশাসন করিতে পারে তাহাকে আর শাসন করিবার দরকার করে না।

কথাটির যথার্থ অর্থ ধরিলে বলা যায় যে প্রকৃত গণতন্ত্র কখনও ছিল না এবং ইহা কখনও হইবে না। \* অধিক সংখ্যক লোক শাসন করিবে ও অল্প সংখ্যক লোক শাসিত হইবে, ইহা স্বাভাবিক ব্যবস্থার বিরোধী। ইহা কল্পনা করা যায় না যে

---

\* মনে রাখিতে হইবে যে রুমো ক্ষুদ্রায়তন রাষ্ট্রের পক্ষে এবং ডেপুটি বা নির্বাচিত প্রতিনিধি লইয়া গঠিত ব্যবস্থাপক পরিষদের দ্বারা রাজশক্তির (sovereign) অধিকার পরিচালনার বিপক্ষে। সাধারণ-তান্ত্রিক শাসন রুমোর অভিমত এই সম্পর্কে দ্রষ্টব্য—২য় খণ্ড ৬ষ্ঠ অধ্যায়। (অনুবাদক)

সমস্ত জাতি সাধারণ কার্যসমূহ নিষ্পন্ন করিবার জন্য সর্বদা দলবদ্ধ হইয়া থাকিবে, এবং ইহা সহজেই বুঝা যায় যে শাসন-তন্ত্রের পবিবর্তন না করিয়া জাতি এজন্য কোন বৈঠক ( Commission ) নিযুক্ত করিতে পারে না।

বাস্তবিক পক্ষে, আমি সাহস করিয়া এই সূত্র প্রতিপাদন করিতে পারি যে কতকগুলি ম্যাজিস্ট্রেটের মধ্যে শাসনশক্তির কার্যগুলি ভাগ করিয়া দিলে শীঘ্র বা বিলম্বে হউক সংখ্যা-লঘিষ্ঠদল সর্বাপেক্ষা অধিক ক্ষমতা হস্তগত করিবে, হয়ত কেবল কাজ তাড়াতাড়ি শেষ করিবার সুবিধা হয় বলিয়াও এরূপ হইতে পারে; এবং এই উপায়ে ক্ষমতা স্বাভাবিক-ভাবেই তাহাদের হাতে আসিয়া পড়িবে।

তাহা ছাড়া এই প্রকারের শাসনতন্ত্রের পক্ষে যেগুলি সম্মিলিত করা কঠিন একপ কত না জিনিষের প্রয়োজন! প্রথমতঃ চাই অতি ক্ষুদ্র রাষ্ট্র যেখানে সমস্ত লোককে সহজেই একত্র করা যায় এবং প্রত্যেক নাগরিক অন্যায়সে অপর সকলকে জানিতে পারে; দ্বিতীয়তঃ, আচারব্যবহারের সারল্য, যাহার ফলে কাজকর্মের সংখ্যা বৃদ্ধি ও জটিল সমস্যার উদ্ভব হওয়া নিবারিত হইতে পারে; তারপর, পদ ও ঐশ্বর্যের ভিতরে অনেকখানি সমতা, যাহার অভাবে অধিকার ও প্রভুত্বের ভিতরে সাম্য বেশীদিন থাকিতে পারে না; শেষতঃ, অতি সামান্য বিলাসিতা বা সব রকম বিলাসিতার অভাব কারণ, হয় বিলাসিতা ঐশ্বর্যের ফল, অথবা বিলাসিতা

## সামাজিক চুক্তি

ঐশ্বর্য্যকে প্রয়োজনীয় করিয়া তুলে ; উহা একই কালে ধনী এবং দরিদ্রকে কলুষিত করে, একজনকে ভোগের দ্বারা অপরকে লোভের দ্বারা ; উহা স্বদেশকে আরামপ্রিয়তা (mollesse) ও আত্মস্তুরিতার নিকট বিক্রয় করে, উহা রাষ্ট্রের নিকট হইতে সমস্ত নাগরিককে সরাইয়া লইয়া তাহাদিগকে পরস্পরের গোলামে এবং সকলকে লোকমতের গোলামে পরিণত করে ।

এই কারণেই জনৈক বিখ্যাত গ্রন্থকার সদগুণকে (vertu) সাধারণ-তন্ত্রের মূলনীতি বলিয়া খাড়া করিয়াছেন (১) ; কারণ, সদগুণ ছাড়া এই সকল জিনিস থাকিতে পারে না ; কিন্তু যে সকল পার্থক্য নির্দেশ করা প্রয়োজন তাহা না করাতে উক্ত প্রতিভাশালী ব্যক্তির বক্তব্যে প্রায়ই বিশুদ্ধতার, কখন কখন স্পষ্টতার অভাব ঘটিয়াছে এবং তিনি ধরিতে পারেন নাই যে শাসনশক্তির প্রভুত্ব সর্বত্র একরূপ বলিয়া প্রত্যেক সুব্যবস্থিত রাষ্ট্রে একই মূলনীতি বলবৎ থাকা উচিত ; তবে ইহা সত্য যে শাসনতন্ত্রের প্রকার ভেদে উহার কম বেশী হইতে পারে ।

এতদ্ব্যতীত আরও বলা যায় যে গণতান্ত্রিক বা প্রজাতান্ত্রিক শাসনতন্ত্রের মত এমন গৃহযুদ্ধ এবং অন্তর্বিপ্লবপ্রবণ আর কোন শাসনতন্ত্রই নয় ; কারণ, এমন আর কোন শাসনতন্ত্র

১। Esprit de Lois liv. III. Chap. III. (Ed.)

নাই যাহা স্বীয় রূপ বদলাইবার জন্য এমন নিরবচ্ছিন্ন ও প্রবল চেষ্টা করে ও যাহাকে স্বরূপে রাখিবার জন্য অধিকতর সতর্কতা ও সাহসের প্রয়োজন হয়। বিশেষ করিয়া এইরূপ রাষ্ট্রগঠন-ব্যবস্থার অধীনে নাগরিককে বল ও একনিষ্ঠার দ্বারা আপনাকে শক্তিসম্পন্ন করিতে হয় এবং জীবনের প্রতিদিন অন্তরে অন্তরে জনৈক ধার্মিক প্যালাটিন (Palatine) (১) পোলাণ্ডের ডিয়েটে (Diète) যেরূপ বলিয়াছিলেন সেইরূপ বলিতে হয়, *Malo periculosam libertatem quam quietum servitium* ( আমি শান্তিপূর্ণ দাসত্ব অপেক্ষা বিপদসঙ্কুল স্বাধীনতা বেশী পছন্দ করি ) ।

যদি দেবগণের দ্বারা গঠিত কোন জাতি থাকিত, সেই জাতি গুণতন্ত্রদ্বারা শাসিত হইতে পারিত। এমন নিখুঁত শাসনতন্ত্র মানুষের পক্ষে খাটে না।

## ৩ম অধ্যায়

### অভিজাত-তন্ত্র

এখানে আমরা হইজন সম্পূর্ণ আলাদা নৈতিকসত্তায়ুক্ত ব্যক্তি দেখিতে পাই, যথা, শাসনশক্তি ও রাজশক্তি ; কাজেই

---

১। Posen-এর Palatine, পোলাণ্ড রাজের পিতা, লোরেনের ডাক্তার।

## সাধারণ চুক্তি

তাইটি সাধারণ ইচ্ছা পাওয়া যাইতেছে, একটি সমস্ত নাগরিকের সঙ্গে সম্বন্ধের দরুণ ও অপরটি শুধু শাসনকর্তৃপক্ষ-গণের জন্ত। তাহা হইলে দাঁড়ায় যে যদিও শাসনশক্তি তাহার আভ্যন্তরীণ নীতি ইচ্ছামত নিয়মিত করিতে পারে, প্রজাগণের সহিত কথা বলিতে হইলে সে রাজশক্তির নামে ছাড়া বলিতে পারে না; অর্থাৎ উক্ত প্রজাগণের নামেই পারে; এই কথা ভুলিলে চলিবে না।

আদিম সমাজসমূহ অভিজাত-তন্ত্রের দ্বারা আপনাদের শাসন কার্য চালাইত, পরিবারের প্রধানগণ আপনাদের মধ্যে সাধারণ ব্যাপার সমূহের আলোচনা করিতেন। যুবকগণ নির্বিবাদে অভিজ্ঞ ব্যক্তিগণের প্রভুত্ব মানিয়া লইত। ইহা হইতে “পুরোহিত”, “প্রাচীনগণ”, “সিনেট” “জেরঁত” (gérontes) \* ইত্যাদি নামের উদ্ভব হয়। উত্তর আমেরিকায় অসভ্যগণ আমাদের কালেও এই প্রকারে আপনাদের শাসন কার্য চালায় এবং ভাল রকমেই চালায়।

কিন্তু যে পরিমাণে ব্যবস্থাবিধিজাত অসাম্য, স্বাভাবিক অসাম্যের উপর প্রবল হইতে লাগিল, সেই পরিমাণে ধন বা ক্ষমতা (১) বয়সের উপরে স্থান পাইতে লাগিল এবং অভিজাত্য নির্বাচন সাপেক্ষ হইয়া দাঁড়াইল। শেষকালে পিতার ক্ষমতা

\* Gérontes—নির্বোধ বৃদ্ধ, স্থবির। (অনুবাদক)

১। ইহা পরিষ্কার বুঝা যায় যে Optimates কথাটি প্রাচীনগণের মধ্যে সর্বোত্তম বুঝাইত না, সর্বাধিক ক্ষমতাপন্ন বুঝাইত।

তাহার সম্পত্তির সঙ্গে সম্মানে বর্জিলে কতকগুলি পাট্রিয়ান পরিবার সৃষ্টি হইয়া শাসনকর্ত্ত্বকে পুরুষানুক্রমিক করিয়া তুলিল এবং কুড়ি বছরের সেনেটরও দেখা যাইতে লাগিল।

তাহা হইলে দেখা যাইতেছে যে তিন শ্রেণীর অভিজাত-তন্ত্র আছে : স্বাভাবিক, নির্বাচিত ও পুরুষানুক্রমিক। প্রথমটি শুধু সরল জাতি সমূহের পক্ষে উপযোগী ; তৃতীয়টি সকল শাসনতন্ত্রের মধ্যে অধম শ্রেণীর, দ্বিতীয়টি সর্বোত্তম ; প্রকৃত প্রস্তাবে ইহাকেই অভিজাত-তন্ত্র নাম দেওয়া যায়।

দুই প্রকারের শক্তির ভিতরে পাথর্য বিচারের সুবিধা ছাড়াও ইহাতে সভ্যগণের মনোনয়নের সুবিধাটিও আছে ; কারণ, গণতান্ত্রিক শাসনতন্ত্রে সকল সভ্যই ম্যাজিষ্ট্রেট হইয়া জন্মে ; কিন্তু ইহাতে অল্প-সংখ্যক ব্যক্তির ভিতরে উক্ত পদ সীমাবদ্ধ থাকে এবং তাহারাও কেবল নির্বাচনের দ্বারা ম্যাজিষ্ট্রেট হইতে পারে (১) ; ইহাতে সাধুতা, বিচারবুদ্ধি,

---

১। ম্যাজিষ্ট্রেটগণের নির্বাচন-পদ্ধতি আইনের দ্বারা নিয়ন্ত্রিত হওয়া অত্যন্ত প্রয়োজন ; কারণ, ইহা শাসনকর্ত্ত্বার স্বাধীন ইচ্ছার উপর ছাড়িয়া দিলে পুরুষানুক্রমিক অভিজাততন্ত্রে পরিণত হওয়া নিবারণ করা অসম্ভব ; ভিনিস ও বার্ণের সাধারণতন্ত্রে প্রকৃতই এইরূপ হইয়াছিল। এহেতু প্রথমটি অনেক দিন হইতেই বিশৃঙ্খল রাষ্ট্রে দাঁড়াইয়াছে কিন্তু দ্বিতীয়টি মিনেটের বিশেষ বিজ্ঞতার ফলে বর্তমান আছে ; ইহা সাধারণ নিয়মের গৌরবজনক কিন্তু অত্যন্ত বিপজ্জনক ব্যতিক্রম স্বরূপ।

## সামাজিক চুক্তি

অভিজ্ঞতা এবং সাধারণের প্রীতি ও শ্রদ্ধা আকর্ষণের জন্ম আর যাহা কিছু প্রয়োজন তাহার সবগুলিই লোকের সুশাসিত হইবার পক্ষে জামিন স্বরূপ হইয়া থাকে।

অধিকন্তু, পরিষদের অধিবেশন বেশী সহজে সম্পন্ন হয়, কাজকর্মের আলোচনা ভাল হয়, অধিক শৃঙ্খলা ও উদ্যমের সঙ্গে উহা নিষ্পন্ন হয়; এবং বহুসংখ্যক অপরিচিত বা উপেক্ষিত ব্যক্তি অপেক্ষা সম্মানিত সেনেটরগণের দ্বারা বিদেশে রাষ্ট্রের সুনাম অধিক সুবক্ষিত হয়।

এক কথায় সর্বাপেক্ষা উৎকৃষ্ট ও স্বাভাবিক নিয়ম এই যে জ্ঞানবুদ্ধগণ জনসাধারণকে শাসন করিবেন; অবশ্য ইহা নিশ্চিতরূপে জানা চাই যে তাঁহারা জনসাধারণের স্বার্থেব জন্মই শাসন কার্য্য পরিচালনা করিবেন, আপনাদের লাভের জন্ম নয়। নিবর্থক কার্য্যনির্বাহকের সংখ্যা বাড়ান বা যে কাজ একশত নির্ব্বাচিত ব্যক্তি অনেক ভাল করিয় করিতে পাবে তাহার জন্ম বিশ হাজার লোকের নিয়োগ অনাবশ্যক। কিন্তু লক্ষ্য করিতে হইবে যে এখানে সমবায়িক স্বার্থ সাধারণের শক্তিকে কম পরিমাণে সাধারণ ইচ্ছার নিয়ন্ত্রণে পরিচালনা করিতে আরম্ভ করে এবং অপর একটি অনিবার্য্য প্রবৃত্তি আইনের কার্য্যকরী ক্ষমতার কতকাংশ হরণ করে।

ব্যক্তিগত সুবিধার দিক হইতে বলা যায় যে রাষ্ট্র একরূপ ক্ষুদ্র হইবে না, বা জাতি এত সরল এবং সৎ হইবে না যে



আইনের প্রয়োগ, যেমন উত্তম গণতন্ত্রে দেখা যায় সেইরূপে, সাক্ষাৎভাবে সাধারণ ইচ্ছার অনুবর্তী হয়। অধবাব 'জাতি এত বৃহৎ হইবে না যে বিক্ষিপ্তভাবে অবস্থিত শাসকগণ ( les chefs ) শাসন করিবার জন্ত নিজ নিজ বিভাগে রাজশক্তি ( souverain ) সাজিয়া বসিতে পারে এবং প্রথমে আপনাদিগকে স্বাধীন করিয়া লইয়া পবে প্রভু হইয়া দাঁড়াইতে পারে।

কিন্তু প্রজাতান্ত্রিক শাসনতন্ত্র অপেক্ষা অভিজাততান্ত্রিক শাসনতন্ত্র চালাইতে কম গুণের আবশ্যক হইলেও উহার জন্ত বিশেষ করিয়া আবশ্যক কতকগুলি গুণের প্রয়োজন হয়, যেমন ধনবানের পক্ষে সংঘম ও দরিদ্রের পক্ষে সন্তোষ ; কারণ, দেখা যায় যে তেমন কঠোর সাম্য স্থাপী হইতে পারে না ; এমন কি স্পার্টাতেও উহা মানা হইত না।

অধিকন্তু, যদিও এই প্রকারের শাসনতন্ত্রের দরুণ ধনের ব্যাপারে কিছু অসাম্য ঘটয়া থাকে তথাপি ইহাকে ভালই বলিতে হইবে এই কারণে যে এতদ্বারা যাহারা সাধারণের কার্যে সমস্ত সময় দিতে অপর সকলের অপেক্ষা অধিক সমর্থ তাহাদের হাতে সাধারণতঃ উহা পরিচালনার ভার দেওয়া যায় ; কিন্তু ঠহার কারণ এই নয় যে ধনীদিগকে সর্বদা সকলের উপরে স্থান দিতে হইবে, যে কথা আরিষ্টটল বলেন (১)।

১। রুসো আরিষ্টটলের যথার্থ মত উদ্ধৃত করেন নাই। আরিষ্টটলের Politique liv. III., chap XIV, এবং liv IV chap. X এবং XI দেখ (Ed.)

## শাসনিক চুক্তি

বরং ইহা প্রয়োজন যে অন্য প্রকার মনোনয়ন হইতে লোকে মাঝে মাঝে এই শিক্ষা পাইবে যে ধনসম্পদ অপেক্ষা মানুষের সদগুণের মধ্যেই মনোনয়নের প্রকৃষ্ট কারণ রহিয়াছে।

## ষষ্ঠ অধ্যায়

### রাজতন্ত্র

এ পর্যন্ত আমরা শাসনকর্তাকে ( প্রিন্স ) ব্যবস্থাবিধির বলে একীকৃত ও রাষ্ট্রের ভিতরে কার্যকরী ক্ষমতার আঙ্গুর-রক্ষক স্বরূপ নৈতিকসত্তায়ুক্ত ও সমষ্টিগত ব্যক্তি হিসাবে বিবেচনা করিয়াছি। এক্ষণে আমাদের বিবেচনা করিতে হইবে এই ক্ষমতার কথা, যখন উহা একজন প্রকৃত ব্যক্তি, একজন বাস্তব মানুষের হস্তগত হয় এবং একমাত্র তাহারই ব্যবস্থাবিধি অনুযায়ী ঐ ক্ষমতা প্রয়োগ করিবার অধিকার থাকে। এই ব্যক্তিকে রাজা বলা হয়।

যেখানে অগ্ৰাণ্য শাসনতন্ত্রে সমষ্টি ব্যক্তির স্থান অধিকার করে সেখানে এই প্রকারের শাসনতন্ত্রে ব্যক্তি বিশেষই সমষ্টির স্থান অধিকার করে। ইহার ফলে যে নৈতিক ঐক্য রাজার উৎপত্তির কারণ তাহা দৈহিক ঐক্যও বটে এবং অপর ক্ষেত্রে ব্যবস্থাবিধিকে চেষ্টা করিয়া যে সকল বৃত্তির সমাবেশ করিতে হয় এক্ষেত্রে সেগুলি স্বাভাবিক ভাবেই মিলিত হয়।

এই প্রকারে জাতির ইচ্ছা ও শাসনকর্তার ( প্রিন্স ) ইচ্ছা, রাষ্ট্রের সাধাবশক্তি ও শাসনকর্তৃত্বের বিশেষ শক্তি সমস্ত একই চালক শক্তির দ্বারা চালিত হয়, যন্ত্রের তাবৎ স্প্রিং একই হাতে থাকে, সমস্ত এক লক্ষ্যের দিকে অগ্রসর হয় ; পরস্পর-ধ্বংসী কোন বিরোধী আন্দোলন থাকে না ; এবং আর কোন প্রকার রাষ্ট্রগঠন-ব্যবস্থার কল্পনা করা যায় না যাহাতে অপেক্ষাকৃত কম চেষ্টা অপেক্ষাকৃত বেশী কার্য করা যাইতে পারে। ধীরচিত্তে তাঁরে উপবিষ্ট হইয়া আর্কেমিডিস (Archimedis) অক্লেশে সমুদ্রে ভাসমান বৃহৎ তরী টানিতেছেন, এই চিত্র আমার কাছে আপন কক্ষে বসিয়া বৃহৎ রাজ্য পরিচালনায় রত ও স্বয়ং স্থির থাকিয়া সকলকে চালাইতে তৎপর বুদ্ধিমান রাজার আদর্শরূপে প্রতীয়মান হয় ।

কিন্তু ইহা অপেক্ষা শক্তিশালী শাসনতন্ত্র যদি নাই থাকে তবে ইহাও সত্য যে আর কোন প্রকারের শাসনতন্ত্রে বিশেষ ইচ্ছা বেশী প্রভুত্ব করিতে ও বেশী সহজে আর সকলের উপর কর্তৃত্ব করিতে পাবে না ; সমস্ত এক লক্ষ্যের অভিমুখে অগ্রসর হয়, ইহা সত্য ; কিন্তু সে লক্ষ্য সাধারণেব সুখ নয় ; আর শাসনের গতিও সর্বদা রাষ্ট্রের অপকারের দিকে চলে ।

রাজন্যবর্গ নিরঙ্কুশ ক্ষমতাসালী হইতে চান এবং দূর হইতে সচীৎকারে তাঁহাদিগকে বলা হয় যে সেরূপ হইবার শ্রেষ্ঠ উপায় আপনাদিগকে জনপ্রিয় করা । এ তথ্যটি অতি

## সামাজিক চুক্তি

চমৎকার এবং কোন কোন দিক দিয়া দেখিলে অতি সত্য বটে ; ছুঃখের বিষয় রাজদরবারে ইহা চিরকাল উপহাসের বিষয় । লোকপ্রীতি হইতে যে ক্ষমতা পাওয়া যায় তাহা নিঃসন্দেহে সর্বাপেক্ষা বেশী ; কিন্তু ইহা অনিশ্চিত ও অবস্থা-সাপেক্ষ, রাজন্যবর্গ ইহা লইয়া কখনও সন্তুষ্ট থাকিবেন না । শ্রেষ্ঠ রাজগণ চাহেন যে খুশী হইলে তাঁহাদের দুর্বৃত্ত হইবার ক্ষমতা থাকিবে কিন্তু প্রভুত্ব হইতে বঞ্চিত হইবেন না । রাষ্ট্রতত্ত্বের উপদেষ্টা যত ইচ্ছা তাঁহাদের বলিতে পারেন যে প্রজার শক্তিতেই যখন তাঁহাদের শক্তি তখন প্রজাগণ যাহাতে সমৃদ্ধিসম্পন্ন, সংখ্যায় বেশী ও শক্তিমান হয় তাহাতেই তাঁহাদের স্বার্থ ; তাঁহারা বিলক্ষণ জানেন যে উহা সত্য নয় । তাঁহাদের ব্যক্তিগত স্বার্থ প্রথমতঃ যাহাতে প্রজাগণ দুর্বল ও দুর্বস্থাগ্রস্ত হয় এবং কখনও তাঁহাদিগকে বাধা দিতে না পারে । আমি মানি যে প্রজাগণ সর্বদা সম্পূর্ণ বশে থাকিলে, প্রজা যাহাতে শক্তিশালী হয় তাহাই রাজার স্বার্থ হইতে পারিত ; কারণ, সে শক্তি তাঁহারই শক্তি বলিয়া প্রতিবেশীদিগের কাছে তিনি দুর্দ্বিষ হইয়া দাঁড়াইতেন ; কিন্তু এ স্বার্থ গৌণ ও অপ্রধান এবং ঐ দুইটি জিনিস একত্র থাকে না ; কাজেই ইহা স্বাভাবিক যে রাজন্যবর্গ চিরকাল যে সত্য সাক্ষাৎভাবে আপনাদের উপকারী তাহার প্রতি সমধিক আদর দেখাইবেন । এই কথাটি সামুয়েল হিক্র-গণকে বিশেষ করিয়া বলিয়াছেন ; মাকিয়াভেলী (Macchia-

velli) ইহা স্পষ্ট দেখাইয়াছেন। রাজ্যবর্গকে উপদেশ দিবার ছলে তিনি প্রজাবর্গকেই পরামর্শ দিয়াছেন। মাকিয়াভেলীর (১) *Le Prince* সাধারণতত্ত্বীগণের জন্য।

আমরা সাধারণ সম্বন্ধের ক্ষেত্রে দেখিয়াছি রাজতন্ত্র কেবল বৃহদাকার রাষ্ট্রের পক্ষেই উপযোগী, এবং উহা পরীক্ষা করিবার কালেও পুনরায় তাহাই দেখিতে পাইব। সাধারণ শাসন-পরিচালক সংখ্যায় যত বেশী হইবে প্রজা ও রাজার মধ্যকার সম্বন্ধের পরিমাণ তত হ্রাস পাইবে ও সাম্যের দিকে তত অগ্রসর হইবে, এই ভাবেই গণতন্ত্রে এই সম্বন্ধ এককে (un) বা সাম্যে দাঁড়াইবে। শাসনকর্তৃত্ব যত গুটান হয় এই সম্বন্ধের পরিমাণ তত বেশী হয় এবং শাসনভার যখন

---

১। মাকিয়াভেলী যোগ্য ব্যক্তি ও যোগ্য নাগরিক ছিলেন ; কিন্তু মেডিচিগণের রাজ সভার সহিত সম্বন্ধ থাকাতে, স্বদেশের ভিতরে অত্যাচারের প্রতি দৃষ্টি রাখিয়া তিনি স্বকীয় স্বাধীনতা-প্রেম প্রচ্ছন্ন রাখিতে বাধ্য হইয়াছিলেন। অতি ঘৃণার ব্যক্তিকে (সিজার বর্জিয়া) নাগরিক রূপে গ্রহণ করাতেই তাঁহার গুণ উদ্দেশ্যের প্রকৃষ্ট প্রমাণ পাওয়া যায় ; তাঁহার *Prince* ও *Discours sur Tite Live* এবং *Histoire de Florence*-এ কথিত তত্ত্বসমূহের মধ্যে পরস্পরের অনৈক্য থাকায় প্রমাণ হয় এই প্রগাঢ় রাষ্ট্রতাত্ত্বিক এ পর্য্যন্ত কেবল পল্লবগ্রাহী বা বিকৃতরুচি পাঠক পাইয়াছেন। রোম-দরবার কঠোরভাবে ইহার প্রচার বন্ধ করিয়া দেয়। কথাটা খুব বিশ্বাস যোগ্য, কারণ ইহাতে অতি স্পষ্টভাবে উক্ত দরবারই চিত্রিত হইয়াছে।

## সামাজিক চুক্তি

এক জনের হাতে আসে তখন উহা সর্বোচ্চ সীমায় পৌঁছায়। সে অবস্থায় রাজা ও প্রজার মধ্যকার ব্যবধান অত্যন্ত বেশী হয় এবং রাষ্ট্রের মধ্যে সংযোগ থাকে না। এই সংযোগের জন্য আবশ্যিক কতকগুলি মধ্যবর্তী শ্রেণী; রাজন্যবর্গ, বড় বড় ব্যক্তি ও অভিজাত সম্প্রদায়ের দ্বারা ঐ সকল শ্রেণী গঠিত হয়। কিন্তু ইহার কিছুই ক্ষুদ্রায়তন রাষ্ট্রের উপযোগী নয়, এবং এই রকম শ্রেণী থাকিলে উহা ধ্বংস হয়।

কিন্তু যদি বৃহদাকার রাষ্ট্র সুশাসন করা কঠিন হয় তবে এক ব্যক্তির দ্বারা উহা সুশাসিত হওয়া আরও কঠিন; এবং সকলেই জানেন যে রাজা আপনার স্থানে অগ্ন্যাগ্ন লোক আনিয়া বসাইলে কি ব্যাপার হয়।

রাজতান্ত্রিক শাসনের একটি মজ্জাগত ও অনিবার্য দোষ, যাহার জন্য উহা চিরকাল গণতান্ত্রিক শাসনের নীচে স্থান পাইবে, এই যে শেষোক্ত প্রকারের শাসনতন্ত্রে জনসাধারণের অভিমত প্রায় সবক্ষেত্রেই ভূয়োদর্শী ও উপযুক্ত ব্যক্তিগণকেই সর্বোচ্চ আসনগুলিতে বসায় এবং তাহারা সেগুলি সগৌরবে পূর্ণ করেন; কিন্তু রাজতান্ত্রিক শাসনে যাহারা এতদূর উঠে তাহারা প্রায় সবক্ষেত্রেই ক্ষুদ্র আহাম্মক, ক্ষুদ্র প্রবঞ্চক এবং ক্ষুদ্র ঘোঁটপ্রিয় ব্যক্তিমাত্র; যে অতি সামান্য প্রতিভার জোরে রাজদরবারে তাহারা সর্বোচ্চ পদগুলিতে আরোহণ করে, ঐরূপ উচ্চপদে আরোহণ করিবার পরেই তাহা কেবল লোকসমক্ষে তাহাদের অনুপযুক্ততা, প্রমাণ করিয়া দেয়।

রাজা অপেক্ষা জনগণ এইরূপ পছন্দ করিবার কাজে প্রায় খুব কম সময়েই ভুল করে, আর মন্ত্রীপদে প্রকৃত যোগ্যতা-সম্পন্ন ব্যক্তির সাক্ষাৎ পাওয়া যেমন দুর্লভ সাধারণতাত্ত্বিক শাসনের শিখরে নির্বোধ ব্যক্তির সাক্ষাৎ পাওয়া তেমনি দুর্লভ। যখন সৌভাগ্যক্রমে ষাঁহার শাসন করিতেই জন্মিয়াছেন এইরূপ কোন ব্যক্তি, সৌখীন শাসনকর্তার (jolis régisseurs) ভিড়ের চাপে অধোগামী রাজ্যের হাল ধরেন তখন লোকে তাঁহার উদ্ভাবনী শক্তি দেখিয়া অবাক হইয়া যায় এবং দেশে একটা নবযুগের প্রবর্তন হয়।

রাজতান্ত্রিক রাষ্ট্রের সুশাসিত হইতে হইলে তাহার আয়তন ও বিস্তৃতি, শাসনভার ষাঁহার হাতে আছে তাঁহার সামর্থ্যের অনুযায়ী হওয়া উচিত। রাজ্য জয় করা রাজ্য শাসন করা অপেক্ষা সহজ। যথেষ্ট লম্বা ভারোত্তোলন দণ্ডের (levier) সাহায্যে একটি আঙ্গুলের দ্বারা সমস্ত ছুনিয়া নড়াইয়া দেওয়া যায়; কিন্তু তাহার ভার বহন করিবার জগু হারকুলেসের (Hercules) মত স্কন্ধ প্রয়োজন। কোন রাষ্ট্র যতই ক্ষুদ্র হউক তাহার রাজা প্রায় সকল ক্ষেত্রেই তাহার পক্ষে খুব ছোট। অপরপক্ষে, যখন কোন রাষ্ট্র তাহার শাসনকর্তার পক্ষে অত্যন্ত ছোট হয়, যদিও সেটা কদাচ দেখা যায়, সেক্ষেত্রেও উহা সুশাসিত হয় না; কারণ, শাসনকর্তা সর্বদা নিজের বড় বড় কল্পনার অনুসরণ করিতে যাইয়া প্রজার স্বার্থ ভুলিয়া যান এবং প্রতিভার অভাব বশতঃ অনেক

## সামাজিক চুক্তি

শাসনকর্তা প্রজাদের যতখানি ছরবস্থা ঘটান, নিজের প্রচুর প্রতিভার অপব্যবহার দ্বারা তিনিও বড় তাহার কম যান না। তাহা হইলে বলা চলে যে কোন রাজ্যের রাজার সামর্থ্যের কমবেশী অনুসারে প্রতি রাজত্বকালে রাজ্যের বিস্তৃত বা সংকুচিত হওয়া দরকার; কিন্তু সিনেটের প্রতিভার পরিমাণ নির্দিষ্ট হওয়াতে রাষ্ট্রের সীমা স্থায়ী হয় এবং শাসন কার্যও মন্দ চলে না।

এক কর্তার শাসনের সর্বাপেক্ষা স্পষ্ট অনুভূত অসুবিধা অবিচ্ছিন্ন উত্তরাধিকারের অভাব; এই অভাব না থাকার দরুণ অন্য দুই প্রকার শাসনতন্ত্রে একটা অব্যাহত ঐক্যের ধারা থাকিয়া যায়। এক রাজার মৃত্যু হইলে আরেকজনের দরকার; নির্বাচন করিয়া লইতে যে সময় প্রয়োজন সেই সময় বিপজ্জনক; তখন অনেক ঝড় ঝাপটার আবির্ভাব হয়; এবং নাগরিকগণের যদি সেরূপ নিঃস্বার্থপরতা ও সাধুতা না থাকে, অবশ্য এই প্রকারের শাসনে তাহার কদাচ সাক্ষাৎ মিলে, তাহা হইলে ঘুষের দরবার ও অনাচার (la brigue) প্রবল হয়। রাষ্ট্র যাহার কাছে আপনাকে বিক্রয় করিয়াছে সে সুযোগ পাইয়া রাষ্ট্রকে বিক্রয় করিবে না ও ক্ষমতাশালী লোকেরা তাহার কাছে যে টাকা বলপূর্বক আদায় করিয়াছে দুর্বলের নিকট তাহা আদায় করিবে না, ইহা হওয়া কঠিন। এরূপ শাসনাধীনে শীঘ্র বা বিলম্বে হউক প্রত্যেকেই অর্থ-লিপ্সু হইয়া উঠে এবং সে অবস্থায় রাজার অধীনে লোকে



যে শান্তি ভোগ করে তাহা রাজাহীন অবস্থার অশান্তি অপেক্ষাও খারাপ।

এই প্রকারের অনাচার নিবারণের জন্য কি করা হইয়াছে? কয়েকটি পরিবারের ভিতরে রাজমুকুট পুরুষানুক্রমে অধিকার করিবার ব্যবস্থা হইয়াছে, এবং রাজার মৃত্যুর পর বিবাদবিসম্বাদ নিবারণের উদ্দেশ্যে উত্তরাধিকারের একটা পর্যায় বাঁধিয়া দেওয়া হইয়াছে; অর্থাৎ, নির্বাচনের অসুবিধার স্থানে রাজপ্রতিনিধির দ্বারা শাসনের অসুবিধা ডাকিয়া আনিয়া লোকে সুশাসনের জায়গায় একটা বাহ্যিক শান্তি মাত্র চাহিয়াছে এবং উত্তম রাজার নির্বাচন লইয়া কলহ না করিয়া শিশু বা রাক্ষস (des monstres) বা নির্বুদ্ধি (imbéciles) যে-কোন প্রকারের রাজা লইয়া সন্তুষ্ট থাকিতে চাহিয়াছে। লোকে এ কথা বিবেচনা করে নাই যে এইভাবে উপায়ান্তর অবলম্বন করিতে গিয়া যে বিপদের ঝুঁকি তাহারা স্বীকার করে তাহার ফলে দৈবকে তাহারা আপনাদিগের প্রতিকূলই করিয়া থাকে। কোন লজ্জাকর কার্যের জন্য পিতা তিরস্কার করিলে পুত্র Dionysius যে উত্তর দেন সেটি ভারী জ্ঞানীর কথা; পিতা বলেন—“আমি কি তোমাকে এরূপ কার্যের দৃষ্টান্ত প্রদর্শন করিয়াছি? পুত্র উত্তর দেন,—না, কিন্তু তোমার পিতা ত রাজা ছিলেন না।” (১)

১। Plutarque *Dicts notables des roys et de grands capitaines* § 22. (Ed).

## সামাজিক চুক্তি

যাহাকে সকলের উপর কর্তৃত্ব করিবার ভার দেওয়া হয়, সব কিছু মিলিয়া তাহার শ্রায়বুদ্ধি ও বিচারশক্তি হরণ করিবার চক্রান্ত করে। বলা হয় যে রাজবংশের যুবকগণকে রাজত্ব করিবার কৌশল শিখাইবার জন্য প্রভূত চেষ্টা করা হয় ; কিন্তু মনে হয় না যে এই শিক্ষা তাহাদের উপকারে আসে। বরং তাহাদিগকে আদেশ পালন করিবার কৌশল শিক্ষা দেওয়া হইতে আরম্ভ করিলে ভাল হইত। ইতিহাস যে সকল শ্রেষ্ঠ রাজাদের কীর্তি ঘোষণা করে তাহাদের কেহই রাজ্যশাসন করিবার জন্য শিক্ষাপ্রাপ্ত হন নাই ; বাজ্যশাসন করা এমন একটি বিজ্ঞান যে লোকে যখন ইহা অতিরিক্ত পরিমাণে শিক্ষা করে তখনই উহা সর্বাপেক্ষা কম আয়ত্ত হয় ; আর আদেশ করিবার অভ্যাস অপেক্ষা আদেশ পালন করিবার অভ্যাসের অনুশীলন দ্বারা ইহাতে বেশী জ্ঞান লাভ করা যায়। “*Nam utilissimus idem ac brevissimus bonarum malarumque rerum delectus, cogitare quid aut nolueris sub alio principe, aut volueris.*” (১)

এই প্রকার সঙ্গতির অভাবের একটি ফল রাজতান্ত্রিক শাসনের চঞ্চলতা ; যখন যে রাজা বা তাহায় স্থলাভিষিক্ত

---

১। *Taoit, Hist. I. XVI.*—

“কোনটা ভাল এবং কোনটা মন্দ ইহা বাহির করিবার শ্রেষ্ঠ ও সর্বাপেক্ষা সংক্ষেপ উপায়, তোমার স্থানে আরেক জন সম্রাট হইলে, তুমি কি হইতে বা না হইতে দেখিতে চাহিতে তাহা বিবেচনা করিয়া দেখা।”

হইয়া যে সকল ব্যক্তি রাজ্য শাসন করেন তাঁহার বা তাঁহাদের স্বভাব অনুসারে, এখন একটা, তখন আরেকটা পরিকল্পনা অনুযায়ী শাসনকার্য্য নিয়মিত হওয়ার দরুণ দীর্ঘকালের জন্য শাসনের একটা নির্দিষ্ট লক্ষ্য থাকে না বা স্থির নীতি থাকে না ; এই পবিবর্তনশীলতার ফলে রাষ্ট্র চিরকাল মত হইতে মতান্তরে, লক্ষ্য হইতে লক্ষ্যান্তরে ভাসিয়া বেড়ায় ইহা অথু যে যে প্রকার শাসনতন্ত্রে রাজার স্থায়ী পবিবর্তন হয় না, সে সব ক্ষেত্রে দেখা যায় না । সাধারণতঃ আরও দেখা যায় যে রাজসভায় যদি ষড়যন্ত্রের বাড়াবাড়ি হয় সেক্ষেত্রে সিনেটে বেশী পরিমাণে বিচারবুদ্ধির পরিচয় পাওয়া যায় এবং সাধারণ তন্ত্রসমূহ অধিকতর স্থির ও জনপ্রিয় মতানুসরণ করিয়া আপনাদিগের লক্ষ্যের দিকে অগ্রসর হয় ; এদিকে মন্ত্রীসভার প্রত্যেক বিপ্লবের ফলে রাষ্ট্রেও একটি করিয়া বিপ্লব উপস্থিত হয় কারণ, সকল মন্ত্রীর ও প্রায় সকল রাজার বেলায় এই একই নীতি খাটিতে দেখা যায় যে তাঁহারা প্রত্যেক বিষয়ে পূর্ববর্তীগণের ঠিক বিপরীত আচরণ করেন ।

এই অসঙ্গতি হইতে রাজতান্ত্রিক রাষ্ট্রতত্ত্ববিদগণের মধ্যে সুপরিচিত একটি কুটতর্কের ব্যাখ্যাও পাওয়া যায় ; এই কুটতর্ক কেবল রাষ্ট্রীয় শাসনকে পারিবারিক শাসনের সঙ্গে ও রাজাকে পরিবারের পিতার সঙ্গে তুলনা করা নয়, এই ভ্রম ইতিপূর্বেই খণ্ডন করা হইয়াছে ; কিন্তু এই শাসনকর্তার যে সকল সদগুণ থাকা প্রয়োজন হুই হাতে তদ্বারা তাঁহাকে

## শাসনাত্মিক চুক্তি

ভূষিত করা হয় ও রাজার যেরূপ হওয়া দরকার সর্বদা তাঁহাকে সেইরূপ করিয়া খাড়া করা হয় ; ইহা মানিয়া লইলে রাজতান্ত্রিক শাসন প্রত্যক্ষভাবে আর সকলপ্রকার শাসন অপেক্ষা বেশী কাম্য হইয়া দাঁড়ায় ; কারণ, দেখা যায় যে উহাই অবিসংবাদী মতে শ্রেষ্ঠ শক্তিসম্পন্ন ; আর সর্বোৎকৃষ্ট হইতে হইলে উহার পক্ষে কেবল সাধারণ ইচ্ছার অধিকার অনুযায়ী সমবায়িক ইচ্ছা (volonté de corps) থাকা প্রয়োজন । কিন্তু প্লেটোর মতানুযায়ী (১) রাজ-প্রকৃতিসম্পন্ন ব্যক্তি (le roi par nature) যদি অত্যন্ত দুর্লভ হয় তাহা হইলে ঐরূপ ব্যক্তিকে রাজমুকুট পরাইবার জন্য প্রকৃতি ও ভাগ্যের মধ্যে কতবারই বা যোগাযোগ ঘটিতে পারে ? আর রাজ্যশাসন বিষয়ে শিক্ষাপ্রাপ্ত ব্যক্তিগণ যদি উক্ত শিক্ষা দ্বারা বিকৃত হইতে পারে তাহা হইলে রাজ্যশাসনের জন্যই যাহারা শিক্ষিত এইরূপ ব্যক্তিপরম্পরা হইতেই বা কি আশা করা যায় ? এক্ষেত্রে রাজতান্ত্রিক শাসনের সহিত উত্তম রাজা কর্তৃক শাসনকে এক বলিয়া মনে করা একান্ত আবশ্যকনা ছাড়া কিছু নয় । এইপ্রকার শাসনের প্রকৃত রূপ কি তাহা দেখিতে হইলে ছুঁট বা ক্ষুদ্রচেতা রাজার অধীনে শাসনের কি অবস্থা হয় সেইটি বিবেচনা করিয়া দেখিতে হইবে ; কারণ, তাঁহারা হয় ঐ স্বভাব লইয়াই সিংহাসনে অধিরূঢ় হন অথবা সিংহাসন তাঁহাদিগকে ঐরূপ করিয়া তুলে ।

---

১। In the *Politics*. (Eng. Translator).

এই সকল অসুবিধা আমাদের লেখকগণের নজর এড়ায় নাই, কিন্তু তাহাতে তাঁহারা মোটেই বিব্রত বোধ করেন নাই। তাঁহাদের মতে ইহার প্রতিকার বিনা বাক্যব্যয়ে আঙ্গাবহ হওয়া : ঈশ্বর ক্রোধের বশে আমাদের ঘাড়ে ছুঁট রাজা চাপাইয়া দেন এবং তাঁহার দেওয়া শাস্তি হিসাবে সে ভার আমাদের বহন করা উচিত। এরূপ তত্ত্বোপদেশ শিক্ষণীয় সন্দেহ নাই, কিন্তু আমি বুঝিতেছি না যে রাষ্ট্রনীতির গ্রন্থ অপেক্ষা ইহা ধর্মোপদেশের আসনে বেশী মানায় কি না। কোন চিকিৎসক যদি আশ্বাস দেন যে তিনি অলৌকিক উপায়ে রোগ ভাল করিতে পারেন ও তাঁহার সমস্ত বিদ্যা যদি রোগীকে ধৈর্য ধরিতে উপদেশ দেওয়াতে পর্যবসিত হয় তাহা হইলে তাঁহাকে কি বলা যাইতে পারে ? অপকৃষ্ট শাসন ঘাড়ে চাপিলে তাহা সহ করিতে হইবে, লোকে তাহা ভালই জানে ; প্রশ্ন এই যে কি উপায়ে উৎকৃষ্ট শাসন পাওয়া যায়।

## ৭ম অধ্যায়

মিশ্র শাসনতন্ত্র।

যথার্থ কথা এই যে অমিশ্র শাসনতন্ত্র হইতে পারে না। একমাত্র শাসনকর্তা হইলেও তাঁহার অধীনে আরও ম্যাজিষ্ট্রেট থাকা আবশ্যিক ; প্রজাতান্ত্রিক শাসন হইলেও

## সামাজিক চুক্তি

একজন প্রধান থাকা আবশ্যিক। সুতরাং কার্যকরী ক্ষমতার বন্টন ব্যাপারে সর্বদা বেশী সংখ্যা হইতে ক্রমে কম সংখ্যা এইরূপ পর্যায় রহিয়াছে, পার্থক্য এই মাত্র যে সময়ে বেশী সংখ্যাকে কম সংখ্যার উপর নির্ভর করিতে হয়, সময়ে কম সংখ্যাকে বেশী সংখ্যার উপর নির্ভর করিতে হয়।

সময়ে সময়ে এই বন্টনের অংশ সমান হইয়া থাকে। তখন বিভিন্ন দলকে পরস্পরের উপর নির্ভর করিতে হয়, যেমন ইংলণ্ডের শাসনতন্ত্রে দেখা যায়; অথবা, যখন প্রত্যেক দলের প্রভুত্ব অনন্যনির্ভবশীল কিন্তু সম্পূর্ণ, যেমন পোলণ্ডে দেখা যায়। শেষের প্রণালীটি ভাল নয়, কারণ, তাহার ফলে শাসনতন্ত্রের ভিতর কোন ঐক্য থাকে না এবং রাষ্ট্রের বন্ধন থাকে না।

অমিশ্র শাসনতন্ত্র ভাল না মিশ্র শাসনতন্ত্র ভাল? রাষ্ট্রতত্ত্ববিদগণের মধ্যে এই প্রশ্ন লইয়া বিস্তর তর্ক হইয়াছে এবং ইহার উত্তরে আমি ইতিপূর্বে সকল প্রকারের শাসন তন্ত্রের আলোচনা কালে যাহা বলিয়াছি তাহাই বলিতে হইবে।

স্বতন্ত্রভাবে ধরিলে অমিশ্র শাসনতন্ত্র অমিশ্র বলিয়াই ভাল। কিন্তু কার্যকরী ক্ষমতা যদি ব্যবস্থাপক ক্ষমতার যথেষ্ট পরিমাণে অধীন না হয়, অর্থাৎ যদি রাজার সঙ্গে রাজ-শক্তির সম্বন্ধ, প্রজার সঙ্গে রাজার সম্বন্ধ অপেক্ষা ঘনিষ্ঠ হয় তাহা হইলে শাসনকর্তৃত্ব বিভাগের দ্বারা এই অসঙ্গতি দোষ

দূর করা কর্তব্য ; কারণ, তাহা হইলে প্রজাগণের উপর সকল অংশের ক্ষমতার কম বেশী হইবে না এবং বিভক্ত হওয়ার ফলে সবগুলি মিলিয়াও রাজশক্তির তুল্য শক্তিমান হইতে পারিবে না ।

ঐ অসুবিধা মধ্যবর্তী ম্যাজিষ্ট্রেট নিয়োগের দ্বারাও নিবারিত হইতে পারে ; তাহার ফলে শাসনের সমগ্রতা অব্যাহত থাকিবে এবং কার্যকরী ও ব্যবস্থাপক ক্ষমতার ভিতরে সামঞ্জস্য বক্ষিত হইয়া উভয়ের অধিকার সুরক্ষিত হইবে । এক্ষেত্রে শাসনতন্ত্রকে অমিশ্র না বলিয়া পরিমিত (tempéré) বলিতে হইবে ।

অন্যদিকের অসুবিধাও ঐ প্রকার উপায়েই দূর করা যাইতে পারে, এবং শাসন বেশী শিথিল হইয়া পড়িলে ট্রিবিউনাল নিযুক্ত করিয়া উহাকে কেন্দ্রীভূত করা যাইতে পারে । সকল গণতন্ত্রে এইরূপ করা হয় । প্রথম ক্ষেত্রে শাসনশক্তিকে দুর্বল করিবার জন্য তাহাকে বিভক্ত করা হয় এবং দ্বিতীয় ক্ষেত্রে করা হয় উহাকে সংহত করিবার জন্য ; কারণ, অমিশ্র শাসনতন্ত্রে শক্তি এবং দুর্বলতার চরম দেখিতে পাওয়া যায়, আর মিশ্র শাসনতন্ত্রের ফলে মধ্যম রকমের শক্তি পাওয়া যায় ।

## ৮ম অধ্যায়

• সকল দেশের পক্ষে সকল রকম শাসনতন্ত্র উপযোগী নয়।

স্বাধীনতার ফল সকল আবহাওয়াতে জন্মে না, কাজেই সকল জাতির পক্ষে সুপ্রাপ্য নয়। মন্টেস্কুইয়ের ( Montesquieu ) এই কথাটি যত চিন্তা করা যায় তত ইহার ষাথার্থ্য উপলব্ধি হয় ; যত ইহার প্রতিবাদ করা হয় তত নূতন নূতন প্রমাণের দ্বারা ইহাকে সুপ্রতিষ্ঠিত করিবার সুযোগ উপস্থিত হয়।

ছনিয়ার সকল রকম শাসনতন্ত্রে সাধারণ ব্যক্তি শুধু গ্রহণ করে, কোন কিছু উৎপাদন করে না। এই গৃহীত বস্তু তাহা হইলে কোথায় হইতে আসে? সভ্যবৃন্দের পরিশ্রমের ফলে। সাধারণের প্রয়োজনীয় বস্তুগুলি উৎপাদিত হয় অতিরিক্ত ব্যক্তিসমূহের দ্বারা। ইহা হইতে প্রতিপন্ন হয় যে যতদিন মানুষ শ্রমের ফলে তাহার প্রয়োজনের অতিরিক্ত কিছু পায় ততদিনই রাষ্ট্রীয়-সমাজ (l'État civil) থাকিতে পারে।

কিন্তু এই প্রয়োজনাতিরিক্ত বস্তু পৃথিবীর সব দেশেই একরকম হইতে পারে না। কোথাও ইহার পরিমাণ বেশী, কোথাও মধ্যম রকমের, কোথাও কিছু নয় আবার কোথাও যাহা প্রয়োজন তাহারই অভাব! প্রয়োজন ও উৎপাদনের ভিতরকার এই সম্বন্ধ নির্ভর করে আবহাওয়ার উর্বরাশক্তির



উপর, জমি বিবেচনায় যেরূপ শ্রমের দরকার, যেরূপ শস্ত্রাদি হয়, দেশবাসিগণের শক্তি, তাহাদের ব্যবহারের জন্য আবশ্যিক বস্তুর সর্ব্বাচ্চ ও সর্ব্বনিম্ন পরিমাণ এবং আরও অন্য যেসকল বিষয় লইয়া এই সম্বন্ধ গঠিত তাহাদের উপর।

অপর পক্ষে সকল শাসন এক প্রকৃতির নয়; কেহ কম কেহ বেশী খায়; এবং তাহাদের মধ্যে পার্থক্যের ভিত্তি আরেকটি মূলনীতির উপর প্রতিষ্ঠিত। সাধারণের প্রদত্ত কর উৎপত্তি স্থল হইতে যত দূরে যাইবে তত তাহা দুর্ব্বহ হইয়া উঠিবে। ধার্য্য করের পরিমাণের দ্বারা ব্যয়ভারের পরিমাপ করিলে চলিবে না, তাহাদের হাত হইতে উহা সংগৃহীত হইয়াছে যে সকল পথে তাহাদের হাতে উহা ফিরিয়া যায় তদ্বারা-উহার পরিমাপ করিতে হইবে। যদি এই সঞ্চালন ক্রিয়া দ্রুত ও সুনির্দিষ্ট হয় তাহা হইলে কম বা বেশী দেওয়ায় আসে যায় না, জাতি সর্ব্বদা স্বচ্ছল অবস্থায় থাকে এবং অর্থনৈতিক অবস্থাও ভালই বলা যায়। অপর পক্ষে জাতি যতই কম দেউক্ না কেন সেটুকু তাহার হাতে ফিরিয়া না আসিলে ক্রমাগত দিতে দিতে নিঃশেষ হইয়া যায়, রাষ্ট্রও কখন বিত্তশালী হইতে পারে না এবং জাতিও চিরকাল ভিক্ষুক থাকিয়া যায়।

ইহা হইতে প্রতিপন্ন হয়—প্রজা এবং শাসনের ভিতরের দূরত্ব যত বেশী হয় করভার তত দুর্ব্বহ হইয়া উঠে; এই প্রকারে গণ-তন্ত্রে প্রজার উপরে করের চাপ সর্ব্বাপেক্ষা কম

## সামাজিক চুক্তি

হইয়া থাকে ; অভিজাততন্ত্রে তদপেক্ষা বেশী হয় এবং রাজ-  
তন্ত্রে উহার ভার সর্বপেক্ষা বেশী হয় । তাহা হইলে বুঝা যায়  
যে রাজতন্ত্র কেবল ঐশ্বর্য্য শালী জাতির পক্ষে, অভিজাত  
তন্ত্র আয়তন ও সম্পদে মধ্যম রকমের জাতির পক্ষে  
এবং গণতন্ত্র ক্ষুদ্র ও দরিদ্র জাতির পক্ষে উপযোগী ।

প্রকৃত প্রস্তাবে এ সম্বন্ধে যত চিন্তা করা যায় ততই দেখা  
যায় যে স্বাধীন ও রাজতান্ত্রিক রাষ্ট্রের পার্থক্য এইখানে ।  
প্রথম শ্রেণীর রাষ্ট্রে সমস্তই সাধারণের কল্যাণের জন্য ব্যবহৃত  
হয় ; অপরগুলিতে সমষ্টি ও ব্যষ্টির শক্তি পরস্পরসাপেক্ষ ;  
একের বলক্ষয় দ্বারা অপরের বলবৃদ্ধি হয় এবং শেষে এই  
দাঁড়ায় যে প্রজাকে সুশাসনের দ্বারা সুখী করিবার পরিবর্তে  
স্বৈরশাসন শাসন করিবার উদ্দেশ্যেই প্রজাকে দুঃস্থগ্রস্ত  
করিয়া তুলে ।

দেখা যাইতেছে যে প্রত্যেক দেশের জল বায়ুর অবস্থার  
ভিতরে এমন কতকগুলি স্বাভাবিক কাবণ থাকে যাহা হইতে  
বলিয়া দেওয়া যায় জল বায়ুর ঐ অবস্থায় কিরূপ শাসন  
উপযোগী হইবে এবং দেশবাসী কিরূপ হইবে তাহাও বলিয়া  
দেওয়া যায় ।

বন্ধুর এবং অনুর্ব্বরা যে সকল ভূমিখণ্ডে উৎপন্ন দ্রব্যের  
দ্বারা মজুরী পোষায় না তাহা অনাবাদী ও পতিত পড়িয়া  
থাকা উচিত অথবা কেবল বন্য জাতির আবাসস্থল হওয়া  
উচিত ; যে সকল স্থানে পরিশ্রমের ফলে কোন প্রকারে

প্রয়োজন মাত্র মিটে সেখানে অসভ্য জাতি বাস করিবে ; সেখানে সমস্ত শাসন প্রণালী ব্যর্থ হইবে ; যে সকল স্থানে উৎপন্ন দ্রব্যের পরিমাণ প্রয়োজন অপেক্ষা সামান্য কিছু বেশী সে সকল স্থান স্বাধীন জাতির পক্ষে উপযোগী ; যেখানে জমি যথেষ্ট ও উর্বরা এবং অল্প পরিশ্রমে প্রচুর দ্রব্য উৎপন্ন হয় সে স্থান রাজতন্ত্র দ্বারা শাসিত হওয়া দরকার যাহাতে প্রজার স্বচ্ছলতার অতিরিক্ত যাহা থাকে, রাজার বিলাসিতায় তাহা নিঃশেষ হইতে পারে ; কারণ, এই বাহুল্য ব্যক্তিবর্গের উড়াইয়া দেওয়া অপেক্ষা শাসনশক্তির শোষণ করিয়া লওয়াই ভাল । ইহার ব্যতিক্রম আছে, আমি জানি ; কিন্তু ব্যতিক্রমের দ্বারাই নিয়মের প্রতিষ্ঠা হয় এই হিসাবে যে শীঘ্র বা বিলম্বে হউক ঐ সকল ব্যতিক্রমের ফলে বিপ্লব উপস্থিত হইয়া সমস্ত কিছু স্বাভাবিক অবস্থায় আনিয়া দেয় ।

সাধারণ ব্যবস্থাবিধি হইতে যে সকল বিশেষ কারণের দ্বারা উহার ফল পরিবর্তিত হইতে পারে তাহাদের পার্থক্য সব সময়ে রক্ষা করা দরকার । সমস্ত দক্ষিণ দেশ সাধারণতন্ত্রে ও সমস্ত উত্তর দেশ স্বৈরশাসন-তন্ত্রে ব্যপ্ত হইলেও, এই সত্যের ব্যত্যয় হইবে না যে জলবায়ুর অবস্থার কথা ধরিলে গরম দেশের পক্ষে স্বৈরশাসন এবং ঠাণ্ডাদেশের পক্ষে অসভ্য-শাসন উপযোগী এবং সভ্যশাসন নাতিশীতোষ্ণ দেশের পক্ষে উপযোগী । আমি বুঝিতেছি যে এই মূলনীতি গৃহীত হইলেও ইহার প্রয়োগ সম্বন্ধে মতদ্বৈত হইতে পারে ;

## সামাজিক চুক্তি

কেহ বলিতে পারেন যে কোন কোন ঠাণ্ডা দেশ বেশ উর্বরা আবার কোন নাতিশীতোষ্ণ দেশ অত্যন্ত নীরস। কিন্তু যাহারা বিষয়টি সব দিক দিয়া দেখেন না কেবল তাহাদের পক্ষেই ইহা সমস্তা বটে। আমি ইতিপূর্বে যে বলিয়াছি, পরিশ্রম, সামর্থ্য ও খরচ এই সবগুলিই হিসাবে ধরিতে হইবে।

দুইটি সমায়তন দেশের কথা ধরা যাউক, যাহাদের প্রথমটির উৎপন্ন দ্রব্যের পরিমাণ পাঁচ ও দ্বিতীয়টির দশ। প্রথমটির দেশবাসীর খরচের পরিমাণ যদি চার ও দ্বিতীয়টির নয় হয়, তাহা হইলে প্রথমটির উৎপন্নের উদ্ভূত  $1/5$  ও দ্বিতীয়টির  $1/10$  হইবে। এই দুই উদ্ভূত অংশের অনুপাত সেক্ষেত্রে উৎপন্ন দ্রব্যের অনুপাতের বিপরীত হইবে এবং যাহার উৎপন্নের পরিমাণ পাঁচ সে দেশ হইতে যাহার উৎপন্নের পরিমাণ দশ সে দেশ অপেক্ষা দ্বিগুণ পরিমাণ উদ্ভূত উৎপন্ন দ্রব্য পাওয়া যাইবে।

কিন্তু এখানে দ্বিগুণ পরিমাণ উৎপন্নের কোন প্রশ্ন উঠিতেছে না এবং আমি মনে করি যে কেহ সাধারণতঃ ঠাণ্ডা দেশের উর্বরতাকে গরম দেশের উর্বরতার সঙ্গে সমান স্থান দিতে সাহস করিবেন না। ধরা যাউক যে উহা সমান ; কেহ যদি ইচ্ছা করেন তাহা হইলে ধরিয়া লইতে পারেন যে ইংলণ্ড ও সিসিলী এক পর্যায়ভুক্ত, পোলাণ্ড ও মিশর এক পর্যায়ভুক্ত ; আরও দক্ষিণে আমরা আফ্রিকা ও পূর্ব

দ্বীপপুঞ্জ পাই, আরও উত্তরে আর কোন দেশ পাওয়া যায় না। উৎপন্নের পরিমাণ সমান হইতে হইলে আবাদের মধ্যে কতটা তারতম্য থাকা দরকার! সিসিলীতে মাটি আঁচড়াইয়া দিলেই চলে, ইংলণ্ডে কত মেহানত করা দরকার! তাহা হইলে দেখা যায় যে যেখানে সমপরিমাণ উৎপন্ন জন্ম বেশী লোকের দরকার সেখানে উদ্ভূতের পরিমাণ কাজে কাজেই কম হইবে।

আরও বিবেচনা করিতে হইবে যে ঐ পরিমাণ লোকই গরম দেশে অনেক কম খরচ করিবে। জল বায়ুর অবস্থা হেতু সুস্থদেহে থাকিবার জন্ম তাহাদের মিতাচারী হওয়া দরকার; যুরোপীয়গণ গরম দেশেও নিজেদের দেশের মত বাস করিতে গিয়া আমাশয় ও অজীর্ণ রোগে মারা পড়ে। সারডা ( Chardin ) বলেন,—“এসিয়াবাসীর তুলনায় আমরা আমিষাশী জন্ত, নেক্‌ডেবাঘের মত। কেহ কেহ পারসীক গণের মিতাচারের কারণ উক্ত দেশে আবাদের স্বল্প পরিমাণ বলিয়া নির্দেশ করেন, কিন্তু অপর পক্ষে আমার বিশ্বাস যে উক্ত দেশে উৎপন্ন দ্রব্যজাত অল্প হইবার কারণ দেশের লোকের প্রয়োজন কম।” তিনি আরও বলেন,—“দেশের অভাবই যদি মিতাচারের কারণ হইত তাহা হইলে কেবল দরিদ্র ব্যক্তিগণই কম খাইত, সকলেই কম খাইত না; আর প্রত্যেক প্রদেশের উর্বরতার তারতম্য অনুসারে লোক কম বেশী খাইত, কিন্তু এখানে সমস্ত রাজ্যের ভিতরে সেই একই মিতাচার দেখা যায়। তাহারা আপন জীবনযাত্রা

## সামাজিক চুক্তি

প্রণালীর অত্যন্ত প্রশংসা করে এই বলিয়া যে তাহাদের রঙের প্রতি দৃষ্টিপাত করিলেই সে প্রণালী খৃষ্টানগণের অপেক্ষা কত ভাল জানিতে পারা যায়। প্রকৃতই পায়সীকগণের সকলের রং এক ; তাহাদের চামড়া শাদা, পাংলা ও মসৃণ ; আর তাহাদের প্রজা, এবং যুরোপীয় ধরণে বাস করিতে অভ্যস্ত আরমাণীগণের রং করুকরে ও দাগ দাগ ও তাহাদের দেহ মোটা এবং ভারী।”

বিষুবরেখার যত নিকটে হয় লোকে তত কম খায়। মাংস তাহারা প্রায় একরকম খায় না ; ধান, ভুট্টা, বাজরা, প্রভৃতি তাহাদের সাধারণ খাদ্য। পূর্ব দ্বীপপুঞ্জে লক্ষ লক্ষ লোক আছে যাহাদের আহারের খরচ দিন এক “সু” লাগে না। আমরা যুরোপেও উত্তর ও দক্ষিণ দেশের জাতিসমূহের মধ্যে ক্ষুধার স্পষ্ট তারতম্য দেখিতে পাই। একজন স্পেনীয় একজন জার্মান ডিনারে যাহা খায় তাহাতে আট দিন চালাইতে পারে। যে সব দেশে লোকে পেটুক সেখানে বিলাসিতাও খাওয়ার দিকেই যায় ; ইংলেণ্ডে বিলাসিতা দেখা দেয় সুসজ্জিত ডিনার টেবিলে ; ইটালীতে তোমাকে চিনি ও ফুল দ্বারা পরিতুষ্ট করিবে।

পোষাকের বিলাসিতায়ও অনুরূপ পার্থক্য দেখা যায়। যেখানে ঋতুর পরিবর্তন দ্রুত ও প্রচণ্ড সেখানে লোকের পোষাক বেশী ভাল ও সাদাসিধা হয় ; যেখানে কেবল দেখাইবার জন্য পোষাক করা হয় সেখানে প্রয়োজন অপেক্ষা আড়ম্বরের দিকেই দৃষ্টি পড়ে ; সেখানে পোষাকই একটা

বিলাসিতা। নাপল্‌সে দেখিবে পসিলিপ্পেউমে ( Pausilippum ) সারাদিন লোকে কেবল জরিদার কোর্ট পরিয়া ঘুরিতেছে, অবশিষ্ট পোষাক বিশেষ কিছু নয়। ঘর বাড়ীর অবস্থাও ঐরূপ ; ঝড় বাতাস হইতে কোন অনিষ্টের আশঙ্কা না থাকিলে লোকে কেবল আড়ম্বরের দিকে যায়। পারী ও লগুনে লোকে চায় বাড়ী বেশ গরম ও বাসের সুবিধা অনুযায়ী হয় ; মাদ্রিদে দেখিবে জমকাল সালোঁ। কিন্তু একটা জানালাও বন্ধ করা যায় না, আর শয়নঘর ইন্দুরের গর্ভ-বিশেষ।

গরম দেশে আহাৰ্য্য বেশী পুষ্টিকর ও রসাল ; এবং পার্থক্যের এই তৃতীয় অঙ্কটি দ্বিতীয়টিকে প্রভাবান্বিত না করিয়া পারে না। ইটালীতে লোকে অত শাকসব্জী খায় কেন ? কারণ, সেখানে শাকসব্জী ভাল, পুষ্টিকর ও সুস্বাদু। ফ্রান্সে কেবল জলের জোরে শাকসব্জী জন্মাইতে হয়, কাজেই উহা মোটে পুষ্টিকর নয় এবং টেবিলে উহাকে আহাৰ্য্যের উপকরণ হিসাবেই ধরা হয় না ; কিন্তু শাক সব্জী উৎপাদন করিতে জমিও কিছু কম লাগে না, চাষের মেহানত কিছু কম হয় না। এটি পরীক্ষিত তথ্য যে অগ্ৰাণ্য বিষয়ে ফ্রান্সের গম বারবারি প্রদেশের গম অপেক্ষা উৎকৃষ্ট হইলেও ময়দা কম দেয় এবং অগ্ৰাদিকে আবার উত্তর দেশের গম অপেক্ষা ফ্রান্সের গমে বেশী ময়দা হয়। ইহা হইতে বলা চলে যে বিষুব রেখা হইতে মেরুমগুলের দিকে যত অগ্রসর হওয়া যাইবে সাধারণতঃ এই রকমের ক্রম (gradation) চোখে

## সামাজিক চুক্তি

পাড়াবে। একি একটা স্পষ্ট অসুবিধা নয় যে সমান পরিমাণ উৎপন্ন দ্রব্য হইতে খাচ-বস্তুর পরিমাণ কম হইবে ?

এই সমস্ত বিভিন্ন বিষয়ের সঙ্গে আরেকটি যোগ করা যাইতে পারে যাহার উৎপত্তি ঐ গুলি হইতেই এবং যাহা ঐ গুলিকে আরও সুপ্রতিষ্ঠিত করে ; সেটি এই যে গরম দেশের ঠাণ্ডা দেশ অপেক্ষা কম লোকের দরকার হয় এবং উহা বেশী লোক পোষণ করিতে পারে ; ইহার ফলে পাওয়া যায় দ্বিগুণ পরিমাণ উৎপন্ন যাহা স্বৈরশাসনের পক্ষে চিরকাল অনুকূল। কোন নির্দিষ্ট লোক সংখ্যা যত বেশী পরিমাণ ভূভাগে ছড়াইয়া থাকে বিদ্রোহ করা তত কঠিন হয়, কারণ তাহারা তাড়াতাড়ি বা গোপনে সংঘবদ্ধ হইতে পারে না এবং শাসনকর্তৃপক্ষের পক্ষে তাহাদেব ষড়যন্ত্র প্রকাশ করিয়া দেওয়া ও সংবাদ আদান-প্রদান বন্ধ করিয়া দেওয়া সহজ। কিন্তু বহু সংখ্যক লোকের কোন জাতি যত ঘন বসতি করে তত শাসনকর্তৃপক্ষের পক্ষে রাজশক্তির ক্ষমতা জববদখল করা শক্ত হইয়া দাঁড়ায় ; রাজা তাহার সভায় যেমন নিশ্চিন্ত পরামর্শ করিয়া থাকেন জন-নায়কগণও তেমনি আপনাদেব ঘবে বসিয়া করিতে পাবেন এবং সৈন্যগণ যত তাড়াতাড়ি আপনাদের বাসস্থানে উপস্থিত হয় জনতাও সেইরূপ তাড়াতাড়ি সাধাবণ-স্থানগুলিতে জড় হইতে পাবে। দেখা যাইতেছে যে স্বৈরাচারী শাসনতন্ত্রের সুবিধা এই যে উহা দূরে থাকিয়া কাজ করিতে পারে। স্বপ্রতিষ্ঠিত সাহায্য কেন্দ্রসমূহের সহায়তায় ইহার শক্তি ভারোত্তোলন দণ্ডের মত



যতদূরে সরান যায় তত বৃদ্ধি হয় (১)। অপর পক্ষে প্রজার শক্তি সংহত না হইলে কাজ করিতে পারে না ; ছড়াইয়া পড়িলেই উহা উবিয়া যায় ও লুপ্ত হয় যেমন মাটিতে ছড়াইয়া দেওয়া বারুদের বেলায় ঘটে ; আশুণ দিলে উহার প্রত্যেকটি দানা পর পর জ্বলিতে থাকে। তাহা হইলে দাঁড়াইল যে জন বিরল দেশই স্বৈরশাসনের পক্ষে সর্বাপেক্ষা উপযুক্ত ; হিংস্র পশু কেবল মরুভূমিতেই রাজত্ব করে।

## ৯ম অধ্যায়

### স্বশাসনের চিহ্ন

কেহ যদি প্রশ্ন করে যে সর্বোৎকৃষ্ট শাসন ঠিক কি প্রকার সে প্রশ্নের যেমন কোন উত্তর নাই তেমনি কোন নির্দিষ্ট মান নাই ; অথবা বলা যায় যে প্রজার সম্পূর্ণ স্বাধীন ও আপেক্ষিক অবস্থার মধ্যে যত প্রকারের সংযোগ সম্ভব উক্ত প্রশ্নের ততগুলি সম্বন্ধে হইতে পারে।

১। বৃহদায়তন বাষ্ট্রের অস্থবিধা সম্বন্ধে আমি ইতিপূর্বে ( ২য় খণ্ড নবম অধ্যায় ) যাহা বলিয়াছি ইহা তাহার বিরোধী হইতেছে না ; কারণ সেক্ষেত্রে আমাদের বক্তব্য ছিল সভ্যগণের উপর শাসনশক্তির প্রভুত্ব, আর এখানে আমাদের বিষয় প্রজার বিরুদ্ধগামী শাসনতন্ত্রের শক্তি ; প্রজার বিরল বসতি হইলে তাহাতে দূর হইতে প্রজার বিরুদ্ধে শক্তি চালনা করিতে শাসনশক্তির স্থবিধা হয় কিন্তু নান্যভাবে প্রজার উপর শক্তি প্রয়োগের কিছু স্থবিধা হয় না। তাহা হইলে একক্ষেত্রে ভারোত্তোলন দণ্ডের দৈর্ঘ্য তাহার দুর্বলতা কারণ ও অপরক্ষেত্রে উহা শক্তির কারণ হইয়া দাঁড়ায়।

## সাায়াজিক চুক্তি

কিন্তু যদি জিজ্ঞাসা করা হয় কি চিহ্ন দ্বারা কোন এক জাতি স্ত্র বা কুশাসিত হইতেছে বুঝা যাইবে তাহা হইলে সে কথা আলাদা এবং প্রশ্নটি তথ্য সাপেক্ষ হওয়াতে উহার উত্তর দেওয়া চলিতে পারে।

কিন্তু দেখা যায় যে প্রত্যেকে নিজ মতানুসারে উত্তর দিবার চেষ্টা করায় ইহার বাস্তবিক উত্তর পাওয়া যায় না। প্রজা প্রশংসা করে রাজ্যের শাস্তি, নাগরিক প্রশংসা করে ব্যক্তিগত স্বাধীনতা; একজন চাহে সম্পত্তির নিরাপত্তা এবং অপরে চাহে ব্যক্তিগত নিরাপত্তা; একজন চাহে যে সর্বোৎকৃষ্ট শাসন সর্বাপেক্ষা কঠোর হইবে অপরের মতে উহা সর্বাপেক্ষা মৃদু হওয়া চাই; একজন চাহে যে অপরাধ করিলে শাস্তি হইবে, অপরে চাহে যে অপরাধ নিবারণ করা হইবে; একজন ভালবাসে যে প্রতিবেশীগণ তাহাকে ভয় করুক, অপরে পছন্দ করে তাহারা বরং তাহাকে ভুলিয়া যাউক; একজন টাকা হাতে হাতে ঘুবিয়া বেড়াইলে খুশী হয়, অপরের দাবী এই যে সকলে খাতি পাঠাইবে। এই বিষয়গুলি ও এই রকম আর যাহা থাকিতে পারে তাহার সবগুলি মানিয়া লইলেও কি বেশী দূর অগ্রসর হইতে পারা যাইবে? নৈতিক গুণের নির্দিষ্ট পরিমাপ যেখানে চলে না সেখানে মুশাসনের বাহু চিহ্ন বিষয়ে একমত হইলেও ঐ চিহ্নের মূল্য নির্ধারণ বিষয়ে কি করিয়া সকলে একমত হইবে?

আমার নিজের কথা এই যে আমি ভাবিয়া নিয়ত অবাক হই যে এত সহজ চিহ্নকেও লোকে ভুল করিতে পারে অথবা

লোকের এত মত বিকার ঘটিতে পারে যে সেই ভুল অস্বীকার করে। রাষ্ট্রীয় সম্মেলনের উদ্দেশ্য কি? উদ্দেশ্য, সম্মেলনের সভ্যগণের রক্ষণ ও সমৃদ্ধি লাভ। এবং তাহাদের রক্ষণ ও সমৃদ্ধি লাভ যে হইতেছে তাহার সর্বাপেক্ষা ধ্রুব চিহ্ন কি? তাহাদের সংখ্যা ও জন সংখ্যা। তাহা হইলে এই বিসংবাদী চিহ্ন খুঁজিবার জন্ম বাহিরে কোথায় যাইও না। আর সকল বিষয় সমান থাকিলে যে শাসনের অধীনে বাহিরের সাহায্য ছাড়া, বিদেশীয়কে দেশভুক্ত না করিয়া ও বিনা উপনিবেশে নাগরিকগণ সর্বাপেক্ষা বৃদ্ধি পায় ও বেশী সংখ্যক হয় সেই শাসন শ্রেষ্ঠ তাহার অধীনে জাতি কমিতে থাকে ও নষ্ট হয় সেই শাসন সর্বাপেক্ষা নিকৃষ্ট। হিসাব পরীক্ষক-গণ, এটা তোমাংদের কাজ; গণনা কর, মাপ কর, তুলনা কর (১)।

১। এই নীতির সাহায্যে কোন্ কোন্ শতাব্দীতে মানুষের সমৃদ্ধি সকলের উপরে উঠিয়াছিল তাহা বিচার করিয়া দেখিতে হইবে। যে সকল শতাব্দীতে সাহিত্য ও শিল্পকলার বিশেষ বিকাশ হইয়াছিল তাহাদের চর্চার গুণ উদ্দেশ্য ধরিতে না পারিয়া ও তাহার ফলে যে বিষময় ফল ফলিাছিল তাহা না দেখিয়াই লোকে সে সকলের অত্যধিক প্রশংসা করিয়াছে :—“Idque apud imperitos humanitas vocabatur, quum pars servitutis esset.” (Tacit. Agric. xxxi) তাহা-গোলামির অংশ মাত্র নির্কোষগণ তাহাকে বলিত মানবতা।” লেখকগণ যে কি হীন স্বার্থে প্রণোদিত হইয়া স্ব স্ব গ্রন্থনিহিত উপদেশাদি লিপিবদ্ধ কবিয়াছেন কখন কি আমরা তাহা বুঝিতে পারিব না? লোকে এ বিষয়ে যাহাই বলুক না কেন, দেশের লোক সংখ্যা যখন কমিতে থাকে, তখন বাহিরটা হাজার জমকাল হইলেও বৃদ্ধিতে হইবে যে ব্যাপার যথার্থ সুবিধার নয়। আর তখন নিজের শতাব্দী যাহাতে সর্বশ্রেষ্ঠ হয় তদুদ্দেশ্যে কবিকে একলক্ষ লিভরের আয়ের সম্পত্তি দিলেই তাহার প্রতিকার

## শাসনাত্মিক চুক্তি

হয় না। শাসকগণের প্রত্যক্ষ আরাম ও শান্তি অপেক্ষা সমগ্র জাতির স্বাচ্ছন্দ্যের প্রতি ও বিশেষরূপে সর্বাধিক জনবহুল বাস্তুগুলির প্রতি লক্ষ্য করিতে হইবে। ঝড় ও শিলাপাতে দুই একটা কান্টনে (cantons) লোক বিনষ্ট হইতে পারে, তাহার ফলে দুর্ভিক্ষ কদাচ হয়। দাঙ্গাহাঙ্গামা ও গৃহযুদ্ধ শাসকগণকে রীতিমত ভড়কাইয়া দেয় কিন্তু প্রজার দুর্দশার মূল সে সব নহে ; বরং কে তাহাদের উপর অত্যাচার করিবে ইহা লইয়া ঝগড়া বাধিলে তাহারা ঐ ফাঁকে একটু রেহাই পায়। তাহাদের প্রকৃত সমৃদ্ধি বা ছরবস্তার উৎপত্তি হয় স্থায়ী অবস্থা হইতে ; সকলে যখন জোয়ারের ভায়ে পিষ্ট হইয়া পড়ে তখনই অবনতিব সূত্রপাত হয় ; তখনই শাসকগণ খোশখেয়ালে তাহাদিগকে নষ্ট করেন এথং “Ubi solitudinem faciunt pacem appellant” (Tacit. Agric. xxxi.) “কোন স্থানকে জনশূণ্য করিয়া বলেন যে শান্তি স্থাপন করিয়া হইল”। বড় লোকদের মধ্যে খোঁচাখুঁচি ফলে ফবাসীরাজ্য যখন বিদ্রুস্ত, পরীর কো-আড্‌জুটর (Co-Adjutor) যখন পকেটে ছোঁরা লুকাইয়া পার্লামেন্ট গৃহে যাইতেন তখনও কিন্তু ফবাসী জাতিব সমৃদ্ধ, স্বাধীন এবং সংভাবে ও স্বাচ্ছন্দ্যের সঙ্গে বাস করিয়া সংখ্যায় বৃদ্ধি ও সমৃদ্ধি লাভ করিবার পক্ষে বাধা জন্মায় নাই। প্রাচীনকালে গ্রীস নির্ভুর যুদ্ধবিগ্রহের মধ্যে দিয়াই সমৃদ্ধ হইয়া উঠিয়াছিল দেশের উপর দিয়া রক্তের ঢেউ বহিয়া যাইত কিন্তু দেশের সর্বত্র লোকাকৌর্গ ছিল। মাকিয়াভেলী বলেন, দেখিয়া মনে হইত যে আমাদের সাধারণতঃ খুনখারাবি, নির্কাসন, গৃহযুদ্ধের ভিতরেই বেশী শক্তিশালী হইয়া উঠিত, নাগরিকগণের সাহস, নৈতিকতা ও তেজস্বিতার ফলে রাষ্ট্রের নানাবিধ অন্তর্বিপ্লবের দ্বারা ষতগুণি শক্তিক্রয় হইত তদপেক্ষা বেশী পরিমাণে শক্তিলাভ হইত। এক আধটু নাড়াচাড়া না পাইলে মনের শক্তি খোলে না ; এবং মানুষের প্রকৃত সমৃদ্ধিলাভের জন্য শান্তি অপেক্ষা স্বাধীনতার দরকার বেশী।

## ১০ম অধ্যায়

শাসনের অপব্যবহার ও উহার নিম্নমুখী গতি

যেমন বিশেষ ইচ্ছা সাধারণ ইচ্ছার বিরুদ্ধে যাইবার অবিরাম চেষ্টা করে তেমনি শাসনশক্তি রাজশক্তিকে লঙ্ঘন করিবার জন্য ক্রমাগত চেষ্টা পায়। এই চেষ্টা যত বেশী হইতে থাকে রাষ্ট্রের গঠন-ব্যবস্থা তত বদলাইতে থাকে ; এবং এক্ষেত্রে অপর কোন সমষ্টির ইচ্ছা যাহা রাজার ইচ্ছার প্রতিরোধ করিয়া উভয়ের মধ্যে সমতা রক্ষা করিতে পারে না থাকার ফলে শীঘ্র বা বিলম্বে হউক অবশেষে এই দাঁড়ায় যে শাসনকর্তা রাজশক্তিকে দমন করেন ও সামাজিক সন্ধি ভঙ্গ করেন। রাষ্ট্রীয় সমবায়ের এই অন্তর্নিহিত অপরিহার্য্য দোষ উহার জন্মমূর্ত্ত হইতে উহাকে ধ্বংস করিবার জন্য নিরবচ্ছিন্ন চেষ্টা পায় যেভাবে বার্কিক্য ও মৃত্যু মানব দেহকে শেষটায় ধ্বংস করিয়া ফেলে।

শাসনতন্ত্রের অবনতির পথে নামিবার দুইটি মোটামুটি পথ আছে ; যথা, যখন শাসনকর্তৃত্বের বেশী সংকোচন হয় অথবা যখন রাষ্ট্র শিথিল হইয়া পড়ে।

শাসনকর্তৃত্বের সংকোচন হয় যখন বেশী লোকের হাত হইতে উহা কম লোকের হাতে যায়, অর্থাৎ গণতন্ত্র হইতে অভিজাততন্ত্র, এবং অভিজাত হইতে রাজতন্ত্রে উপনীত হয়। তাহার স্বাভাবিক গতিমুখ এইরূপ : (১) যদি উহা কম লোকের

---

১। খাল বিলে ভরা ভিনিসের সাধারণতন্ত্রের মন্দ গতিতে সংগঠন ও উন্নতি এই পারম্পর্য্যের একটি বিশেষ উদাহরণ স্থল ; এবং ইহা

## সামাজিক চুক্তি

খুবই আশ্চর্যের বিষয় যে বারশত বৎসরের পরেও ভিনিসীয়গণ ১১৯৮ খৃষ্টাব্দে *Serrar di consiglio* দ্বারা যে দ্বিতীয় ধাপে উপনীত হয় সেখানেই রহিয়া গিয়াছে। প্রাচীন ড্যাক্‌গণের কথা তুলিয়া ভিনিসকে যে অপবাদ দেওয়া হয় সে সম্বন্ধে, *Squittinio della liberta veneta* (১৬১২ খৃষ্টাব্দে প্রকাশিত কোন অনামা-গ্রন্থকার রচিত একখানি পুস্তকের নাম, যাহার উদ্দেশ্য ছিল ভিনিসীয় সাধারণতন্ত্রের উপর সম্রাটগণের (Holy Roman Empire) তথাকথিত স্বত্বাধিকার প্রমাণ করা—Ed.) তাঁহাদের বিষয়ে যাহা বলিয়াছে তাহা সঙ্কে প্রমাণ হয় যে তাঁহারা সাধারণতন্ত্রের একচ্ছত্র প্রভু ছিলেন না।

লোকে আমার কথার প্রতিবাদ করিবে রোমীয় সাধারণতন্ত্রের উল্লেখ করিয়া, যাহা তাহাদের মতে বিপরীত পর্যায়ক্রমে রাজতন্ত্র হইতে অভিজাততন্ত্র ও অভিজাততন্ত্র হইতে সাধারণতন্ত্রে উপনীত হইয়াছিল। এ বিষয়ে আমার মত সম্পূর্ণ অন্তরকমের।

রোমুলুসের প্রথম শাসনবাবস্থা ছিল মিশ্র 'শাসনতন্ত্রের' পর্যায়ভুক্ত, যাহা দ্রুত অধোগতি প্রাপ্ত হইয়া স্বৈরশাসনে আসিয়া দাঁড়ায়। কতকগুলি কারণ বশতঃ রাষ্ট্র অকালে ধ্বংস হইয়া যায় যেমন দেখা যায় যে কোন নবজাত শিশু বয়ঃপ্রাপ্ত হইবার পূর্বেই মারা যায়। টারকুইন বংশের নির্বাসনের সময়ই ছিল সাধারণতন্ত্রের জন্মের শুভমুহূর্ত্ত। কিন্তু প্রথমটায় সাধারণতন্ত্র কোনরূপ স্থায়ী রূপ পরিগ্রহ করিতে পারে নাই; কারণ, অভিজাত সম্প্রদায়কে উচ্ছেদ না করায় কাজের কেবল অর্ধেক করা হয়। অধিকন্তু, এই উপায়ে সকল প্রকার বৈধ শাসনতন্ত্রের ভিতরে যেটি সর্বনিকৃষ্ট শ্রেণীর সেই বংশগত অভিজাততন্ত্রের সঙ্গে সাধারণতন্ত্রের সংঘর্ষ ঘটিতে থাকায় মাকিয়াভেলী যেমন দেখাইয়াছেন, ট্রিবিউনগণের প্রতিষ্ঠা না হওয়া পর্য্যন্ত অনিশ্চিত ও নিম্নত চঞ্চল শাসনতন্ত্র কোন রূপ

## সামাজিক চুক্তি

ধারণা করিতে পারে নাই ; কেবল ইহার পরে প্রকৃত শাসনতন্ত্র ও যথার্থ সাধারণতন্ত্রের প্রতিষ্ঠা হয়। বাস্তবিকপক্ষে প্রজাগণ তখন কেবল শাসনশক্তি নহে পরন্তু মাজিষ্ট্রেট ও বিচারকও হইয়া ঠাড়াইয়া ; সেনেট ছিল শাসনশক্তিকে সংযত ও সংহত করিবার অধীনস্থ টি বিউন-সভা মাত্র, এবং কন্সালগণ পর্যন্ত, অভিজাত বংশীয়, প্রধান মাজিষ্ট্রেট ও যুদ্ধক্ষেত্রে সম্পূর্ণ নিরঙ্কুশ সেনাপতি হইলেও রোমে প্রজাগণের সভাপতি মাত্র ছিলেন।

তারপর হইতে দেখা যায় যে শাসনতন্ত্র স্বাভাবিক গতির অনুসরণ করে ও অভিজাততন্ত্রের দিকে অত্যন্ত ঝুঁকিয়া পড়ে। পাট্রিসিয়ান সম্প্রদায় আপনাই হইতে লোপ পাওয়াতে অভিজাত্য আর ভিনিস ও জোনোয়ার মত পাট্রিসিয়ান সম্প্রদায়ে আবদ্ধ না থাকিয়া পাট্রিসিয়ান ও প্লিবিয়ান দ্বারা সংগঠিত সেনেট সভায় আরোপিত হয় এবং টি বিউনগণ যখন কার্যকারী ক্ষমতা জবরদখল করিতে আরম্ভ করেন তখন তাঁহাদের উপরেও আরোপিত হব। নামে কাজের প্রকৃতি বদলায় না ; এবং প্রজাগণ যেক্ষেত্রে শাসকগণের দ্বারা শাসিত হয় সেক্ষেত্রে উক্ত শাসকগণের নাম যাহাই হউক না কেন শাসনতন্ত্র প্রকৃত প্রস্তাবে অভিজাততন্ত্র মাত্র।

অভিজাততন্ত্রের অনাচারের ফলে গৃহযুদ্ধের এবং ত্রয়ীর (triumvirate) উদ্ভব হয়। কার্যতঃ সেল্লা, জুলেস সেজার ও অগষ্টুস (Sulla, Julius Caesar, Augustus) খাঁটি রাজা হইয়া দাঁড়ান, এবং শেষটার টিবেরিউসের (Tiberius) স্বৈরশাসনে রাষ্ট্র বিনষ্ট হয়। তাহা হইলে দেখা যাইতেছে যে রোম-ইতিহাস আমার কথা অপ্রমাণ করে না, বরং উহা প্রতিপন্ন করে।

## সামাজিক চুক্তি

হাত হইতে পুনরায় বেশী লোকের হাতে আসে তাহা হইলে বলা যায় শাসন শিথিল হইতেছে ; কিন্তু এইরূপ বিপরীত মুখী গতি সম্ভব নহে ।

কিন্তু প্রকৃত প্রস্তাবে যখন শাসনতন্ত্রের শক্তি ব্যয় হইয়া যাওয়াতে উহা এত দুর্বল হইয়া পড়ে যে অবশিষ্টাংশও রক্ষা করিতে অসমর্থ হয় কেবল তখনই শাসনতন্ত্র পরিবর্তিত হয় । অপর পক্ষে, শাসন বেশী হাতে যাইবার সঙ্গে সঙ্গে যদি শিথিল হইতেও থাকে তবে তাহার শক্তি সম্পূর্ণরূপে অস্তহিত হয় এবং উহাও বেশী দিন বাঁচিতে পারে না । কাজেই স্থিতি যত আলগা হয় তত তাহা ঘুরাইয়া দেওয়া ও চাপিয়া ধরা দরকার ; তাহা না করিলে শাসনতন্ত্র যে রাষ্ট্রকে রক্ষা করে তাহা ভাঙ্গিয়া চূর্ণ হইয়া যাইবে ।

রাষ্ট্র ভাঙ্গিয়া যাইতে পারে দুই প্রকারে ।

প্রথমতঃ, রাজা রাষ্ট্রের ব্যবস্থাবিধি অনুসারে রাষ্ট্র শাসন না করিলে ও রাজশক্তির ক্ষমতা জবর দখল করিলে ; এরূপ ঘটিলে একটা আশ্চর্য্য পরিবর্তন দেখা যায় ; এক্ষেত্রে শাসন-ব্যবস্থার পরিবর্তে রাষ্ট্রের সংকোচন হয় । আমার বক্তব্য এই যে এক্ষেত্রে বৃহৎ রাষ্ট্রটি ভাঙ্গিয়া যায় এবং তাহার মধ্যে আরেকটি রাষ্ট্রের উদ্ভব হয় যাহা কেবল শাসন-কর্তৃপক্ষ লইয়া গঠিত হয় এবং বাকী আর সকলের সঙ্গে যাহার প্রভু ও যথেষ্টাচারী শাসকের ( tyran ) সম্বন্ধ ছাড়া আর কোন রকমের সম্বন্ধ থাকে না । এই প্রকারে যে মুহূর্তে শাসন-কর্তৃপক্ষ রাজশক্তির স্থান জবরদখল করে সেই মুহূর্তে



## সামাজিক চুক্তি

সামাজিক চুক্তি ভঙ্গ হয় এবং সাধারণ নাগরিক বর্গ অধিকার-সূত্রে আপনাদিগের স্বাভাবিক স্বাধীনতা ফিরিয়া পায় : তখন তাহারা আদেশ পালনে বাধ্য হইতে পারে . কিন্তু আদেশ পালন করা আর তাহাদের কর্তব্য থাকে না ।

যখন শাসনকর্তৃপক্ষগণ, যে ক্ষমতা তাহাদের সকলের একযোগে ব্যবহার করা কর্তব্য প্রত্যেকে পৃথগ্ভাবে তাহা জবরদখল করেন তখনও ঐরূপ অবস্থা ঘটে ; ইহাও কিছু কম গুরুতর আইন লঙ্ঘনের ব্যাপার নহে এবং ইহার ফলে আরও বেশী পরিমাণে বিশৃঙ্খলা ঘটে । তখন বলিতে গেলে যতগুলি ম্যাজিষ্ট্রেট ততগুলি রাজার উদ্ভব হয়, এবং রাষ্ট্র, শাসন-ব্যবস্থার মত খণ্ডিত হইবার ফলে বিনষ্ট হয়, অথবা রূপ পরিবর্তন করে ।

যখন রাষ্ট্র ভাঙ্গিয়া যায় তখন শাসনতন্ত্রের অপব্যবহার, তাহা যাহাই হউক না কেন, “নৈরাজ্যতা” ( anarchie ) এই সাধারণ নামে অভিহিত হয় ; প্রত্যেকের পৃথক সংজ্ঞা দিতে হইলে বলা যায় যে গণতন্ত্র জনতান্ত্রে ( ochlocratie ) ও অভিজাততন্ত্র দলতন্ত্রে ( oligarchie ) পরিণত হয় ; আমি আরও বলিতে পারি যে রাজতন্ত্র যথেচ্ছাচারতন্ত্রে ( tyrannie ) পরিণত হয় ; কিন্তু এই শেষ কথাটির অর্থ সুস্পষ্ট নয়, ইহার ব্যাখ্যা করা প্রয়োজন ।

সাধারণ অর্থে যথেচ্ছাচারী শাসক মানে কোন রাজা যিনি ঋায় বিচার ও আইনের প্রতি দৃষ্টিপাত না করিয়া প্রচণ্ডভাবে ( avec violence ) শাসন করেন । প্রকৃত

## সামাজিক চুক্তি

অর্থে যথেষ্টাচারী-শাসক মানে কোন ব্যক্তি যিনি বিনা অধিকারে রাজকীয় ক্ষমতা নিজের উপর আরোপিত করেন। গ্রীকগণ এই অর্থে যথেষ্টাচারী-শাসক কথাটি বুঝিত; তাহারা ভালমন্দ নির্বিচারে যে সকল রাজার প্রভুত্ব অবৈধ উপায়ে স্থাপিত হইত তাহাদের সকলকেই এই নামে অভিহিত করিত। (১) তাহা হইলে দাঁড়ায় যে যথেষ্টাচারী শাসক ( tyran ) ও জবরদখলকারী-শাসক ( usurpateur ) শব্দ দুইট সম্পূর্ণ একার্থ-বোধক।

আলাদা আলাদা জিনিসকে পৃথক পৃথক নাম দিবার জন্য আমি জবরদখলকারী-শাসক বলিব তাঁহাকে যিনি বলপূর্বক রাজকীয় ক্ষমতা অধিকার করেন ও স্বৈরশাসক ( dsbote ) বলিব তাঁহাকে যিনি বলপূর্বক রাজশক্তির ক্ষমতা অধিকার করেন। যিনি ব্যবস্থাবিধি অনুযায়ী শাসন

---

১। “তাঁহারাই জবরদখলকারী শাসক বলিয়া বিবেচিত ও অভিহিত হন যাহারা যে রাষ্ট্র পূর্বে স্বাধীন ছিল সেই রাষ্ট্রে স্থায়ীভাবে ক্ষমতা হাতে রাখেন।” ( *Corn Nep. in Miltiad Cap. viii* ) ইহা সত্য যে আরিষ্টটল ( *Mor. Nicom libro viii Cap. x* ) জবরদখলকারী শাসক ও রাজার মধ্যে এই বলিয়া পার্থক্য দেখান যে প্রথম ব্যক্তি আত্মস্বার্থে শাসন করেন এবং দ্বিতীয় ব্যক্তি কেবল প্রজার মঙ্গলের জন্য শাসন করেন; কিন্তু সাধারণতঃ সকল গ্রীক লেখক tyran কথাটি অন্য অর্থে ব্যবহার করিয়াছেন, জেনোফোনের *Hiero* হইতে তাহা বেশ পরিষ্কার প্রমাণ হয়; একথা ছাড়িয়া দিলেও আরিষ্টটল প্রদর্শিত পার্থক্য অনুসারে এই দাঁড়ায় যে পৃথিবীর আদিমকাল হইতে এ পর্যন্ত একজন রাজাও জন্মেন নাই।

করিবার জন্য ব্যবস্থাবিধিতে হস্তক্ষেপ করেন তিনি জ্বর দখলকারী-শাসক, ব্যবস্থাবিধিবও উপরে যিনি স্বীয় স্থান নির্দেশ করেন তিনি স্বৈরশাসক। তাহা হইলে দেখা যায় যে জ্বরদখলকারী-শাসক স্বৈরচারী নহেন কিন্তু স্বৈরশাসক আগাগোড়াই জ্বরদখলকারী-শাসক বটেন।

## ১১শ অধ্যায়

### রাষ্ট্রদেহের মৃত্যু

সর্বোৎকৃষ্ট-ব্যবস্থিত শাসনেবও স্বাভাবিক ও অনিবার্য ঝাঁক এই দিকে। স্পার্টা ও রোম যদি বিনষ্ট হইয়া থাকে কোন রাষ্ট্র তবে চিরস্থায়ী হইবার আশা করিতে পারে? আমরা যদি একটি স্থায়ী প্রতিষ্ঠান গড়িয়া তুলিতে ইচ্ছা কবি তাহা হইলে স্বপ্নেও যেন সেটিকে চিবস্থায়ী করিবার কথা না ভাবি। কৃতকার্য হইতে হইলে অসম্ভবের প্রতি লোভ করা উচিত নয়, মানুষের কোন জিনিষের যে স্থায়ী হইতে পারে না আমাদের হাতের কাজকে সেই স্থায়ী হইতে ভাবিয়া উৎফুল্ল হওয়াও উচিত নয়।

রাষ্ট্র দেহ এবং ঐ প্রকারে মানুষের দেহও জন্মের মুহূর্ত হইতে মৃত্যুর দিকে অগ্রসর হইতে থাকে এবং নিজের ভিতরেই ধ্বংসের বীজ বহন করে। কিন্তু উভয়েরই কম বেশী সবল দেহ থাকিতে পারে যাহা তাহাদের কম বা বেশী দিন বাঁচাইয়া রাখিতে সক্ষম। মানুষের দেহ প্রকৃতির গড়া

## সাংসাজিক চুক্তি

কাজ, রাষ্ট্র শিল্পের কাজ। নিজের জীবন সুদীর্ঘ করা মানুষের হাতে নয়, কিন্তু যথা সম্ভব সর্বোৎকৃষ্ট শাসনব্যবস্থার দ্বারা রাষ্ট্রকে যতটা পারা যায় দীর্ঘ জীবন দেওয়া তাহার হাতে। সর্বোৎকৃষ্ট-ব্যবস্থিত রাষ্ট্রও নষ্ট হইবে কিন্তু অপরের অপেক্ষা বিলম্বে, যদি কোন রূপ আকস্মিক বিপৎপাতে অকালেই উহা বিনষ্ট না হয়।

রাজশক্তির প্রভুত্বের ভিতরে রাষ্ট্রীয় জীবনের মূল নিহিত। ব্যবস্থাপক ক্ষমতা রাষ্ট্রের হৃদয় এবং কার্যকারী ক্ষমতা তাহার মস্তিষ্ক যাহা বিভিন্ন অংশগুলিকে চলৎশক্তি প্রদান করে। মস্তিষ্ক পক্ষাঘাতগ্রস্ত হইলেও কোন ব্যক্তি জীবিত থাকিতে পারে। জড় বুদ্ধি হইয়াও মানুষ বাঁচিয়া থাকে; কিন্তু যে মুহূর্ত্তে হৃদয়ের ক্রিয়া বন্ধ হয় সেই মুহূর্ত্তে তাহার মৃত্যু ঘটে।

রাষ্ট্র আইনের সাহায্যে বাঁচিয়া থাকে না, ব্যবস্থাপক শক্তির বলে বাঁচিয়া থাকে। কল্যকার আইন অচল পালনীয় নহে; কিন্তু মৌনতা সন্মতির লক্ষণ স্বরূপ গ্রাহ্য হয় এবং ইহা ধরিয়া লওয়া হয় যে রাজশক্তি বাতিল করিতে সক্ষম হইলেও যে সকল আইন বাতিল করে না সেগুলি সে বরাবরই বহাল রাখে। যে সকল জিনিস একবার সে করণীয় বলিয়া ঘোষণা করিয়াছে, সেই ঘোষণা প্রত্যাহার না করা পর্য্যন্ত বৃদ্ধিতে হইবে যে তাহা বরাবর করণীয়।

তাহা হইলে পুৰাতন ব্যবস্থাধর্মের প্রতি এত ভক্তি দেখান হয় কেন? ঠিক ঐ কারণেই। সহজে বিশ্বাস করা

যায় যে প্রাচীন যুগের এই সকল অভিপ্রায়ের উৎকর্ষতাই এতকাল তাহাদিগকে বাঁচাইয়া রাখিতে পারিয়াছে ; যদি রাজশক্তি বরাবর সেগুলি কল্যাণকর বলিয়া স্বীকার না করিত তাহা হইলে হাজারবার সেগুলি রদ করা হইত । এই কারণে দুর্বল হওয়া দূরের থাকুক, প্রত্যেক সু-ব্যবস্থিত রাষ্ট্রে সেগুলি নিরবচ্ছিন্ন ভাবে নব শক্তি সংগ্রহ করে ; প্রাচীনত্ব প্রতিদিন সেগুলিকে বেশী শ্রদ্ধার সামগ্রী করিয়া তুলে , অপর পক্ষে, কোন জায়গায় ব্যবস্থাবিধি বয়সের সঙ্গে সঙ্গে দুর্বল হইয়া পড়িলে সেক্ষেত্রে প্রমাণ হয় যে ব্যবস্থাপক-ক্ষমতা লুপ্ত হইয়াছে এবং রাষ্ট্রও মৃত ।

## ১২শ অধ্যায়

রাজশক্তি কি উপায়ে স্বীয় প্রভুত্ব রক্ষা করে

রাজশক্তির হাতে কেবল ব্যবস্থাপক ক্ষমতা থাকে বলিয়া উহা কেবল ব্যবস্থাবিধি দ্বারাই কাজ করে ; এবং যেহেতু ব্যবস্থাবিধি সাধারণ ইচ্ছার প্রকৃত ক্রিয়া মাত্র (des actes authentiques de la volonté générale) সেহেতু সমস্ত প্রজা সমবেত হইলে তবে রাজশক্তি উক্ত কৰ্ম করিতে পারে । লোকে বলিবে সমস্ত প্রজার সমাবেশ একটা মিথ্যা কল্পনা মাত্র । আজ ইহা কল্পনা বটে, কিন্তু দুই হাজার বৎসর পূর্বে ইহা কল্পনা ছিল না । তাহা হইলে কি মানুষ নিজের স্বভাব পরিবর্তন করিয়াছে ?

নৈতিক ক্ষেত্রে সম্ভাব্যতার সীমা আমরা যাহা মনে করিয়া

## সাংসাজিক চুক্তি

কাজ, রাষ্ট্র শিল্পের কাজ। নিজের জীবন সুদীর্ঘ করা মানুষের হাতে নয়, কিন্তু যথা সম্ভব সর্বোৎকৃষ্ট শাসনব্যবস্থার দ্বারা রাষ্ট্রকে যতটা পারা যায় দীর্ঘ জীবন দেওয়া তাহার হাতে। সর্বোৎকৃষ্ট-ব্যবস্থিত রাষ্ট্রও নষ্ট হইবে কিন্তু অপরের অপেক্ষা বিলম্বে, যদি কোন রূপ আকস্মিক বিপৎপাতে অকালেই উহা বিনষ্ট না হয়।

রাজশক্তির প্রভুত্বের ভিতরে রাষ্ট্রীয় জীবনের মূল নিহিত। ব্যবস্থাপক ক্ষমতা রাষ্ট্রের হৃদয় এবং কার্যকারী ক্ষমতা তাহার মস্তিষ্ক যাহা বিভিন্ন অংশগুলিকে চলৎশক্তি প্রদান করে। মস্তিষ্ক পক্ষাঘাতগ্রস্ত হইলেও কোন ব্যক্তি জীবিত থাকিতে পারে। জড় বুদ্ধি হইয়াও মানুষে বাঁচিয়া থাকে; কিন্তু যে মুহূর্তে হৃদয়ের ক্রিয়া বন্ধ হয় সেই মুহূর্তে তাহার মৃত্যু ঘটে।

রাষ্ট্র আইনের সাহায্যে বাঁচিয়া থাকে না, ব্যবস্থাপক শক্তির বলে বাঁচিয়া থাকে। কল্যকার আইন অচল পালনীয় নহে; কিন্তু মৌনতা সম্মতির লক্ষণ স্বরূপ গ্রাহ্য হয় এবং ইহা ধরিয়া লওয়া হয় যে রাজশক্তি বাতিল করিতে সক্ষম হইলেও যে সকল আইন বাতিল করে না সেগুলি সে বরাবরই বহাল রাখে। যে সকল জিনিস একবার সে করণীয় বলিয়া ঘোষণা করিয়াছে, সেই ঘোষণা প্রত্যাহার না করা পর্যন্ত বৃদ্ধিতে হইবে যে তাহা বরাবর করণীয়।

তাহা হইলে পুৰাতন ব্যবস্থাবিধির প্রতি এত ভক্তি দেখান হয় কেন? ঠিক ঐ কারণেই। সহজে বিশ্বাস করা

## সামাজিক চুক্তি

যায় যে প্রাচীন যুগের এই সকল অভিপ্রায়ের উৎকর্ষতাই এতকাল তাহাদিগকে বাঁচাইয়া রাখিতে পারিয়াছে ; যদি রাজশক্তি বরাবর সেগুলি কল্যাণকর বলিয়া স্বীকার না করিত তাহা হইলে হাজারবার সেগুলি রদ করা হইত । এই কারণে দুর্বল হওয়া দূরের থাকুক, প্রত্যেক সু-ব্যবস্থিত রাষ্ট্রে সেগুলি নিরবচ্ছিন্ন ভাবে নব শক্তি সংগ্রহ করে ; প্রাচীনত্ব প্রতিদিন সেগুলিকে বেশী শ্রদ্ধার সামগ্রী করিয়া তুলে ; অপর পক্ষে, কোন জায়গায় ব্যবস্থাবিধি বয়সের সঙ্গে সঙ্গে দুর্বল হইয়া পড়িলে সেক্ষেত্রে প্রমাণ হয় যে ব্যবস্থাপক-ক্ষমতা লুপ্ত হইয়াছে এবং রাষ্ট্রও মৃত ।

### ১২শ অধ্যায়

রাজশক্তি কি উপায়ে স্বীয় প্রভুত্ব রক্ষা করে

রাজশক্তির হাতে কেবল ব্যবস্থাপক ক্ষমতা থাকে বলিয়া উহা কেবল ব্যবস্থাবিধি দ্বারাই কাজ করে ; এবং যেহেতু ব্যবস্থাবিধি সাধারণ ইচ্ছার প্রকৃত ক্রিয়া মাত্র (des actes authentiques de la volonté générale) সেহেতু সমস্ত প্রজা সমবেত হইলে তবে রাজশক্তি উক্ত কৰ্ম করিতে পারে । লোকে বলিবে সমস্ত প্রজার সমাবেশ একটা মিথ্যা কল্পনা মাত্র । আজ ইহা কল্পনা বটে, কিন্তু দুই হাজার বৎসর পূর্বে ইহা কল্পনা ছিল না । তাহা হইলে কি মানুষ নিজের স্বভাব পরিবর্তন করিয়াছে ?

নৈতিক ক্ষেত্রে সম্ভাব্যতার সীমা আমরা যাহা মনে করিয়া

## সামাজিক চুক্তি

থাকি তাহা অপেক্ষা বেশী ; আমাদের দুর্বলতা, কু-অভ্যাস, কুসংস্কার উহার পরিসরকে সঙ্কুচিত করে। নীচমনা ব্যক্তি মহৎ ব্যক্তিকে বিশ্বাস করে না ; নীচ গোলামের দল “স্বাধীনতা” এই কথা শুনিয়া উপহাসেব হাসি হাসে।

যাহা করা হইয়াছে তাহার দাবা কি কবা যাইতে পারে তাহার বিচার করা যাউক। আমি গ্রীসের প্রাচীন সাধারণ-তন্ত্রগুলির কথা বলিব না ; আমার মতে রোমীয় সাধারণ-তন্ত্র ছিল একটি বৃহৎ রাষ্ট্র এবং রোম শহর ছিল একটি মস্ত বড় শহর। লোক সংখ্যার হিসাবে দেখা যায় যে বোম্বে অস্রধারণক্ষম চার লক্ষ নাগরিক ছিল এবং রোম-সাম্রাজ্যের শেষ লোক সংখ্যার হিসাবে দেখা যায় যে প্রজা, বিদেশী, স্ত্রীলোক ও শিশু ছাড়া চল্লিশ লক্ষের উপর নাগরিক ছিল।

মনে হইতে পারে এই রাজধানী ও তাহার চতুষ্পার্শ্বের বিরাট জনসংখ্যাকে প্রায়ই একত্র সমবেত করা কতখানি শক্ত ছিল ; কিন্তু এমন সপ্তাহ কমই যাইতে যখন বোম্বেয় জনগণ সমবেত না হইত, এমন কি এক সপ্তাহেই অনেকবার এরূপ হইত। তাহারা কেবল রাজশক্তির অধিকারই পরিচালনা করিত না, পরন্তু শাসনকর্তৃপক্ষের অধিকারের খানিকটাও পরিচালনা করিত। তাহারা কতকগুলি বিষয়ের আলোচনা করিত, কতকগুলি ব্যাপারের নিষ্পত্তি করিত, এবং এই সমগ্র জনসংখ্যাকেই সভাক্ষেত্রে নাগরিকরূপে যতবার, মাজিষ্ট্রেট রূপে প্রায় ততবারই, উপস্থিত হইতে দেখা যাইত।



জাতিসমূহের জীবনের গোড়ার দিকে ফিরিয়া দেখিলে দেখা যাইবে যে পুরাতন শাসনতন্ত্রগুলির অধিকাংশের বেলাতে, এমন কি মাসিডোনীয় ও ফ্রাঙ্কিশ রাজতন্ত্রের মত রাজতন্ত্রেও, উক্তরূপ সভা ছিল। সে যাহা হউক, যত প্রকারের বিপ্লবের কথা বলা যাইতে পারে এই অবিসংবাদী তথ্যটি হইতে সব গুলির উত্তর পওয়া যাইবে ; যাহা হইয়াছে তাহা হইতে কতখানি সম্ভবপর তাহা নির্দেশ করিবার চেষ্টা আমার কাছে সূচু যুক্তি-প্রণালী বলিয়া মনে হয়।

## ১৩শ অধ্যায়

### পূর্বানুবৃত্তি

সমস্ত জাতি সমবেত হইয়া এক সময়ে কতকগুলি ব্যবস্থা বিধি অনুমোদন করিয়া রাষ্ট্রের গঠন-ব্যবস্থা নির্দিষ্ট করিয়া দিলেই যথেষ্ট হইল না ; চিরস্থায়ী শাসন-ব্যবস্থা প্রতিষ্ঠা করিয়া অথবা চিরকালের জন্য মাজিষ্ট্রেট নির্বাচনের প্রণালী বাঁধিয়া দিলেও যথেষ্ট হইল না ; আকস্মিক ঘটনাক্ষেত্রে যে বিশেষ অধিবেশনের প্রয়োজন হইবে তাহা ছাড়াও নির্দিষ্ট সাময়িক অধিবেশনের এমন ব্যবস্থা থাকা দরকার যে কোন কারণেই ঐ অধিবেশন বন্ধ বা স্থগিত করা হইবে না, নির্দিষ্ট দিনে জাতি বৈধভাবে আইনানুযায়ী সমবেত হইবে, তজ্জন্ম অণু কোন প্রকার সভা আহ্বান রীতির প্রয়োজন হইবে না।

কিন্তু, এই ধরনের অধিবেশন যাহা কেবল নির্দিষ্ট দিনে

## সামাজিক চুক্তি

হইলেই বৈধ গণ্য হইবে, তাহা ছাড়া, বিশেষভাবে উক্ত উদ্দেশ্যের জন্য নিযুক্ত মাজিস্ট্রেট দ্বারা ও নির্দ্ধারিত প্রণালী মতে আত্মত না হইলে প্রজার অন্ত সকল অধিবেশনই অবৈধ গণ্য হইবে এবং সে সকল অধিবেশনে যাহা করা হইবে তাহা বেআইনী গণ্য হইবে ; কারণ, সভা আহ্বানের আদেশও আইনের হাত হইতে আসিবে ।

কত বেশী বা কম সময় অন্তর এইরূপ বৈধ অধিবেশন হইবে তাহা স্থির করা এত অধিক বিষয়ের বিবেচনার উপর নির্ভর করে যে সে সম্বন্ধে কোন প্রকার বাঁধাধরা নিয়ম বলিয়া দেওয়া যায় না । কেবল সাধারণ ভাবে বলা যায় শাসন-কর্তৃপক্ষ যত বেশী শক্তিশালী হইবে তত ঘন ঘন রাজশক্তির আত্মপ্রকাশ করা প্রয়োজন ।

এখানে আমাকে বলা হইবে, একটি শহরের পক্ষে ইহা ভাল হইতে পারে ; কিন্তু রাষ্ট্রের ভিতরে বহু শহর থাকিলে কি করা হইবে ? রাজশক্তির কর্তৃত্ব কি ভাগ করিয়া দেওয়া হইবে ? কিংবা কর্তৃত্ব কি এক শহরেই কেন্দ্রীভূত করিয়া অন্তগুলিকে তাহার অধীন করা হইবে ?

আমার উত্তর এই যে ইহার কোনটিই করা উচিত নয় । প্রথমতঃ, রাজশক্তির কর্তৃত্ব এক এবং সরল এবং ধ্বংস না করিয়া তাহা ভাগ করা চলে না । দ্বিতীয়তঃ, কোন শহর, কোন জাতির মতই নিয়মমতে অপরের অধীন হইতে পারে না ; কারণ রাষ্ট্রীয়-সমবায়ের আসল বস্তু হইল আদেশানুবর্তিতা ও স্বাধীনতার মিলন, এবং 'প্রজা ও

রাজশক্তি” এই দুইটি কথা পরস্পর সম্বন্ধবাচক, যাহার ভাব “নাগরিক” এই একটি কথায় প্রকাশ হয়।

আমি আরও বলি যে বিভিন্ন শহর লইয়া একটি নগর গঠন সব সময়েই খারাপ এবং ঐরূপ ঐক্যের ফলে স্বাভাবিক অসুবিধা গুলি দূর করা যাইবে আশা করা উচিত নয়। যে কেবল ক্ষুদ্র রাষ্ট্র চাহে তাহার বিরুদ্ধে বৃহৎ রাষ্ট্রের দোষগুলি খাড়া করা ঠিক নহে; কিন্তু যে ভাবে প্রাচীন কালে গ্রীক নগর গুলি বড় রাজাকে (১) এবং আধুনিক সময়ে ওলন্দাজ ও সুইসদিগের দেশ অষ্ট্রীয়ার রাজবংশকে বাধা দিয়াছে সেইভাবে ক্ষুদ্র ক্ষুদ্র রাষ্ট্রকে বড় বড় রাষ্ট্রের আক্রমণে বাধা দিবার মত শক্তি কি উপায়ে দেওয়া যায়?

রাষ্ট্রকে উপযুক্ত আয়তনের মধ্যে আনিতে না পারিলে আরেকটি উপায় হাতে থাকে, সে উপায় হইতেছে কোন রাজধানী না থাকিতে দেওয়া ও পর পর প্রত্যেক শহরে শাসনকর্তৃপক্ষের ঘুরিয়া বেড়ান, এবং পালাক্রমে প্রত্যেক শহরে দেশের প্রাদেশিক সভাগুলির অধিবেশন করা।

রাজ্যের সর্বত্র সমান হিসাবে লোক বসতি করাও, সর্বত্র এক অধিকার দেও, সর্বত্র প্রাচুর্য ও সম্পদ তুল্য হইবার ব্যবস্থা কর, এই উপায়ে রাষ্ট্র একই কালে যতদূর সম্ভব শ্রেষ্ঠ শক্তিসম্পন্ন ও সু-শাসিত হইবে। মনে রাখিও শহরগুলির প্রাচীর পল্লীর গৃহসমূহের ধ্বংসাবশেষ দ্বারা

---

১। Au grand roi—to the great king অর্থাৎ পারশ্বেব সম্রাট।

সামাজিক চুক্তি

নিশ্চিত হয়। রাজধানীতে যে অট্টালিকা নিশ্চিত হয়, আমার চোখে পড়ে যে তাহার প্রত্যেকটি একটা সমগ্র অঞ্চলকে ধ্বংসস্থূপে পরিণত করিয়াছে।

## ১৪শ অধ্যায়

### পূর্বানুবৃত্তি

যে মুহূর্তে জাতি বৈধভাবে সমবেত হইয়া রাজশক্তিতে অধিষ্ঠিত হয় সেই মুহূর্তে শাসনতন্ত্রের সমস্ত ক্ষমতা লোপ হয়, কার্যকারী ক্ষমতার ব্যবহার স্থগিত থাকে এবং নিম্নতম নাগরিকের জীবন পর্যন্ত প্রধান মাজিষ্ট্রেটের জীবনের গ্ৰায় পবিত্র ও অলঙ্ঘ্য হয়; কারণ, প্রতিনিধি নির্বাচনের কর্তার উপস্থিতিতে প্রতিনিধির কোন অস্তিত্ব থাকে না। রোমে প্রজা সভায় যত গোলযোগ উপস্থিত হইত তাহার বেশীর ভাগ এই নিয়ম না জানা বা অবজ্ঞা করার দরুণ। তাহাতে কন্সালগণ হইতেন শুধু জাতির সভাপতি; ট্রিবিউনগণ শুধু বক্তা মাত্র (১); সেনেটের কোন স্থানই ছিল না।

মাঝে মাঝে এই উপায়ে যখন ক্ষমতার সাময়িক বিলোপ হয় তখন রাজা একজন প্রকৃত উপরওয়ালা আছে স্বীকার

---

১। ইংলণ্ডে পার্লামেন্ট এই নাম যে অর্থে দেওয়া হয় কতকটা সেই অর্থে। উভয়ের কর্তব্যের ভিতর এই সাদৃশ্য থাকতে, যখন সমস্ত ক্ষমতার ব্যবহার স্থগিত থাকিত সে অবস্থাতেও, কন্সাল ও ট্রিবিউন গণের মধ্যে বিবাদ উপস্থিত হইত।

করিয়া লন বা তাঁহার স্বীকার করা উচিত বলিয়া ধরা হয়, এবং এই সময়ে তিনি চিরকাল ভয় করিয়া থাকেন ; জাতির এইরূপ সমাবেশ রাষ্ট্রীয়সমবায়ের আত্মরক্ষার ঢাল এবং শাসনকর্তৃত্বের লাগাম এবং শাসনকর্তাগণ চিরকাল ইহাকে ভয় করিয়া থাকেন ও নাগরিকগণকে ইহা হইতে বিরত করিবার উদ্দেশ্যে কখন চেষ্টা, আপত্তি, অসুবিধা উপস্থিত ও প্রতিজ্ঞা করিবার ক্রটি করেন না। যেখানে নাগরিকগণ অর্থগৃধু, অলস, ভীকু এবং স্বাধীনতা অপেক্ষা শান্তির বেশী পক্ষপাতী সেখানে তাহারা শাসনশক্তির পুনঃপুনঃ চেষ্টার সম্মুখে বেশী দিন আত্মরক্ষা করিতে পারে না ; এই ভাবে বিরোধী শক্তি ক্রমাগত বাড়িয়া চলে, রাজশক্তির কর্তৃত্ব অবশেষে অন্তর্হিত হয় এবং অধিকাংশ নগরেরই পতন হয় ও অকালে বিনষ্ট হইয়া যায়।

কিন্তু কখন কখন রাজশক্তির কর্তৃত্ব ও শাসনকর্তৃত্বের মাঝখানে একটি মধ্যবর্তী শক্তির উদ্ভব হইতে দেখা যায় ; ইহার সম্বন্ধে কিছু বলা প্রয়োজন।

## ১৬শ অধ্যায়

### ডেপুটি বা প্রতিনিধি

যে মুহূর্ত্ত হইতে দেশের সেবা ( le service public ) আর নাগরিকগণের প্রধান কাজ বলিয়া বিবেচিত হয় না এবং তাহারা শরীরের বদলে অর্থ দ্বারাই সে কর্তব্য পালন করিতে

## সামাজিক চুক্তি

বেশী পছন্দ করে বৃষ্টিতে হইবে রাষ্ট্র ধ্বংসের নিকটবর্তী। যুদ্ধক্ষেত্রে যাইবার প্রয়োজন হইলে তাহারা সৈন্যদের টাকা দেয় ও আপনারা ঘরে বসিয়া থাকে ; মন্ত্রণাসভায় উপস্থিত হইতে হইলে তাহারা প্রতিনিধি নির্বাচন করে ও আপনারা ঘরে বসিয়া থাকে। টাকা ও আলস্যের প্রসাদে শেষে এই হয় যে তাহারা কতকগুলি সৈন্য পোষণ করে মাতৃভূমি পরাধীন করিয়া দিবার জন্য ও প্রতিনিধি খাড়া উহাকে বেচিয়া খাইবার জন্য।

শিল্প ও ব্যবসায়ের কাড়াকাড়ি, লাভের লোলুপ প্রত্যাশা, আরাম ও স্বাচ্ছন্দ্য প্রিয়তার দরুণ শরীর দ্বারা কর্তব্য পালনের পরিবর্তে অর্থের দ্বারা উহা করিবার অভ্যাস হয়। অবসর মত লাভের পরিমাণ বৃদ্ধি করিবার জন্য লোকে উহার এক অংশ ছাড়িয়া দেয়। এই রকমে টাকা দেও, বেশী দিন আর শৃঙ্খল এড়াইয়া থাকিতে হইবে না। ‘ফিনান্স’ (finance) কথাটি গোলামের কথা, নগরে ইহা অজ্ঞাত। প্রকৃত স্বাধীন দেশে নাগরিকগণ সমস্ত নিজের বাহুর সাহায্যে করিয়া থাকে, টাকার সাহায্যে কিছু করে না ; টাকা দিয়া কর্তব্য হইতে রেহাই পাইবার চেষ্টা করা দূরে থাকুক নিজের হাতে উহা সম্পাদন করিবার জন্য তাহারা টাকা দেয়। এ বিষয়ে সাধারণ মত হইতে আমার ধারণা সম্পূর্ণ বিভিন্ন ; আমার বিশ্বাস ট্যাক্স অপেক্ষা বাধ্যতামূলক শ্রম (les corvées)—স্বাধীনতার কম প্রতিকূল।

রাষ্ট্র যত বেশী সুব্যবস্থিত হইবে, নাগরিকগণের মনে,

## সামাজিক চুক্তি

সাধারণ কর্তব্যের দাবী ব্যক্তিগত কর্তব্য অপেক্ষা তত বেশী প্রবল মনে হইবে। ব্যক্তিগত কর্তব্যের সংখ্যাও অনেক কম হইয়া যাইবে, কারণ সাধারণ সুখের মোট পরিমাণ হইতেই প্রত্যেক ব্যক্তির সুখের একটা মোটা অংশ পাওয়া যাইবে ও তাহার ফলে তাহার কেবল নিজের জন্ম চেষ্টা করিয়া পাইবার জিনিষের সংখ্যাও কম হইবে। সুনিয়ন্ত্রিত নগরে প্রত্যেকে সভাক্ষেত্রে দৌড়ায় ; কু-শাসনব্যবস্থার অধীনে কেহ সেদিকে এক পা নড়িতে চাহে না ; কারণ, সেখানে কি হইতেছে সেদিকে কাহার মন আকৃষ্ট হয় না, সকলেই জানে যে সাধারণ ইচ্ছা সেখানে প্রবল হইতে পারিবে না এবং পারিবারিক কাজ কর্ম চিত্র অধিকার করিয়া রাখে। আইন ভাল হইলে উহা আরও ভাল আইনের সৃষ্টি করে, খারাপ হইলে আরও কু-আইন সৃষ্টি করে। যে মুহূর্তে কোন ব্যক্তি রাষ্ট্রের কাজ কর্মের বিষয়ে বলে, আমার কি আসে যায় ?—সে মুহূর্ত হইতে ধরিতে হইবে যে রাষ্ট্র বিনষ্ট হইয়াছে।

দেশপ্রেমের শীতলতা, ব্যক্তিগত স্বার্থের ক্রিয়া, রাষ্ট্রের আয়তন বৃদ্ধি, দেশ জয় ও শাসন ক্ষমতার অপব্যবহার, এই সমস্তই জাতীয় সভাতে ডেপুটি বা প্রতিনিধি পাঠাইবার কথা লোকের মনে আনিয়া দিয়াছে। কোন কোন দেশের লোকে ইহাদেরই “তৃতীয় এষ্টেট” (le tiers état) নাম দিতে কুণ্ঠিত হয় নাই। এই প্রকারে দুই প্রকারের বিশেষ স্বার্থকে প্রথম ও দ্বিতীয় স্থান দেওয়া হয় ; সাধারণ স্বার্থ সকলের নীচে, তৃতীয় স্থান পায়।

## স্বাধীনতা চুক্তি

যে কারণে রাজশক্তির হস্তান্তর হইতে পারে না, ঠিক সেই কারণে ইহাও প্রতিনিধি নিয়োগ করা যাইতে পারে না ; আসলে ইহা সাধারণ ইচ্ছার ভিত্তিতে নিহিত থাকে এবং ইচ্ছার কোনরূপ প্রতিনিধি নির্বাচন চলে না , হয় ইচ্ছা যাহা তাহাই না হয় সম্পূর্ণ আলাদা, এই দুইয়ের মাঝামাঝি কিছু নাই । তাহা হইলে জাতির ডেপুটিগণ কোন কালে তাহার প্রতিনিধি ছিল না, হইতেও পারে না, তাহাও উহার কার্য-কাৰক মাত্র ( commissaires ) ; নিজে হইতে তাহাও কোন বিষয়ে চূড়ান্ত সিদ্ধান্ত কবিত্তে পারে না । যে কোন আইন জাতি নিজে হাতে ( en personne ) অনুমোদন করে নাই, তাহা বাতিল, কোন আইনই নয় । ইংবেজ জাতি মনে করে তাহাও স্বাধীন, সেটা তাহাদের প্রকাণ্ড ভুল ; পার্লামেন্টে সভ্য নির্বাচনের সময়ে মাত্র তাহাও স্বাধীন থাকে , সভ্য নির্বাচিত হইয়া গেলে তাহাও আবার গোলামে পরিণত হয়, তাহারা ক্ষমতা শূন্য হয় । ক্ষণস্থায়ী স্বাধীনতা পাইয়া তাহাও উহার যে ব্যবহার করে, সে স্বাধীনতা যাওয়াই তাব উপযুক্ত পুরস্কার ।

প্রতিনিধি নির্বাচনের ধারণাটি আধুনিক ; উহা আসিয়াছে সামন্ততান্ত্রিক শাসনব্যবস্থা হইতে, যে অযৌক্তিক, ও ন্যায়বিরুদ্ধ শাসনব্যবস্থা মানবজাতির অধোগতি ঘটায় ও মানুষের নাম কলঙ্কিত করে । প্রাচীন কালে সাধারণতন্ত্রের আমলে, এমন কি রাজতন্ত্রের অধীনেও জনগণের কোন রূপ প্রতিনিধি থাকিত না , কথাটি পর্য্যন্ত লোকেব অজ্ঞাত ছিল ।



এটা খুব আশ্চর্য্য ব্যাপার যে রোমে ট্রিবিউনগণকে দেবতার মত বিবেচনা করা হইলেও এ কল্পনা লোকের মনে উদয় হইত না যে তাঁহারা কখনও জাতির অধিকার সমূহ জবরদখল করিতে পারেন এবং তাঁহারাও ঐরূপ বিশাল জনসংঘের মধ্যে নিজেদের ক্ষমতায় একটি ব্যাপারেও জনমতের সিদ্ধান্ত ( plebiscite ) চালাইয়া দিতে চেষ্টা করেন নাই। গ্রাকুই ( gracques ) ভ্রাতৃদ্বয়ের সময়ে যাহা ঘটয়াছিল তাহা হইতে আমরা ধারণা করিতে পারি যে জনগণের এই রূপ সংখ্যাধিক্য হওয়াতে সময়ে সময়ে কিরূপ অসুবিধা হইত ; কারণ ঐ সময়ে নাগরিকগণের কতক অংশকে ঘরের ছাদে উঠিয়া ভোট দিতে হইয়াছিল।

যেখানে অধিকার ও স্বাধীনতাই সর্বস্ব সেখানে অসুবিধার কথা উঠে না। উক্ত বিচক্ষণ জাতির মধ্যে প্রত্যেক জিনিসেরই ঋণ্য দাবী স্বীকৃত হইত, ট্রিবিউনগণ পর্যন্ত যাহা করিতে সাহসী হইতেন না তাঁহারা লিকটরগণকে (licteurs) তাহা করিতে দিতেন ; ইহারা তাঁহাদের প্রতিনিধির স্থানে বসিবার চেষ্টা করিবে এ ভয় তাঁহাদের কখনও হইত না।

শাসনশক্তি কিভাবে সময়ে সময়ে রাজশক্তির প্রতিনিধিত্ব করিত তাহা বুঝিতে পারিলেই ট্রিবিউনগণ কি ভাবে সময়ে সময়ে জাতির প্রতিনিধির স্থানে বসিতেন তাহা পরিষ্কার বুঝা যাইবে। আইন সাধারণ ইচ্ছার প্রকাশ ; এ হেতু ব্যবস্থাপক ক্ষমতার ব্যবহারে জাতির কোনরূপ প্রতিনিধি

## সামাজিক চুক্তি

থাকিতে পারে না ; কিন্তু যে শক্তিতে এই আইন প্রয়োগ হয়, অর্থাৎ কার্যকরী ক্ষমতাব্যবহারে জাতির প্রতিনিধি থাকে ও থাকা উচিত। তাহা হইলে দেখা যাইতেছে যে একটু গভীরভাবে বিষয়টি পরীক্ষা করিলে দেখিতে পাওয়া যাইবে যে ব্যবস্থাবিধি খুব কম জাতিরই আছে। সে যাহাই হউক, এটা নিশ্চিত বুঝা যাইতেছে যে কার্যকরী ক্ষমতা তাঁহাদের হাতে না থাকিতে ট্রিবিউনগণ বখনও তাঁহাদের পদের অধিকার বলে রোমকগণের প্রতিনিধির আসনে বসিতে পারিতেন না, কেবল সেনেটের অধিকার জবর দখল করিয়া লইতে পারিতেন।

গ্রীকগণের মধ্যে জাতির সমস্ত কর্তব্য তাহারা নিজেরা করিত ; সর্বদাই তাহারা সাধারণ স্থানে ( la place publique ) সমবেত হইত। নাতিশীতোষ্ণ দেশ, লোকেও অতি লোভী নয় ; কাজ কর্ম দাসগণই করিত ; কাজেই স্বাধীনতা লইয়া জাতি ব্যাপ্ত থাকিত। তাহাদের মত এতগুলি সুবিধা না থাকিলে ঐ সকল অধিকার কি করিয়া বজাইয়া রাখা সম্ভব ? তোমাদের দেশের জলবায়ু উগ্রতর, কাজেই তোমাদের অভাব অভিযোগও \* বেশী ; বছরের মধ্যে ছয় মাস সাধারণ স্থানগুলি বাসের অনুপযুক্ত থাকে ;

---

\* শীত প্রধান দেশে প্রাচীর মত বিলাসিতা ও আরাম প্রিয়তা অভ্যাস করিবার অর্থ তাহার মতই শিকলে বাঁধা পড়িবার ইচ্ছা, আমাদের পক্ষে তাহার বন্ধন প্রাচীর অপেক্ষাও অপরিহার্য হইয়া দাঁড়াইবে।

তোমাদের জবরজং ভাষা খোলা বাতাসে শোনা যায় না ; স্বাধীনতা অপেক্ষা লাভের জগু তোমরা বেশী ত্যাগ স্বীকার কর, এবং গোলামি অপেক্ষা দারিদ্র্যকে বেশী ভয় কর ।

তাহা হইলে ? কেবল গোলামির সাহায্যেই কি স্বাধীনতা রক্ষা হয় ? হয়ত তাই । চরম সুখ ও দুঃখের অনুভূতি এক (les deux excés touchent) । যাহা কিছু প্রকৃতির অনুযায়ী নয় তাহারই নানা অসুবিধা আছে, এবং সাধারণ সমাজ-ব্যবস্থার পক্ষে এ কথা বেশী করিয়া খাটে । মাঝে মাঝে এমন দুঃসময়ও পড়ে যে তখন আরেক জনের স্বাধীনতা বলি দিয়া নিজের স্বাধীনতা রক্ষা করিতে হয়, এবং দাসকে কঠোরতর শৃঙ্খলে বাঁধিলে তবে নাগরিক সম্পূর্ণ স্বাধীন হইতে পারে । স্পার্টায় এইরূপ অবস্থা ঘটিয়াছিল । আর আধুনিক জাতিগণ, তোমাদের কোন গোলাম নাই, কিন্তু তোমরাই গোলাম ; নিজের স্বাধীনতার মূল্যে তোমরা তাহাদের স্বাধীনতা ক্রয় কর । এইরূপ ব্যবস্থা তোমাদের পছন্দ বলিয়া তোমরা অনেকখানি গর্ব কর বটে কিন্তু আমি ইহার মধ্যে মানবতা অপেক্ষা বেশী ভীকৃতাই দেখিতে পাই ।

এতদ্বারা আমি বলিতে চাই না যে দাস রাখা আবশ্যিক অথবা দাসত্বের অধিকার ঞায়সঙ্গত, কারণ, ইহার বিপরীত কথাই আমি পূর্বে প্রমাণ করিরাছি ; আমি শুধু আধুনিক জাতিসমূহ যাহারা নিজেদের স্বাধীনতায় বিশ্বাসী তাহাদের প্রতিনিধি থাকিবার ও প্রাচীন জাতিসমূহের কোনরূপ

## সাংসাজিক চুক্তি

প্রতিনিধি না থাকিবার কারণ নির্দেশ করিতে চাই। সে যাহাই হউক, যে মুহূর্তে কোন জাতি প্রতিনিধির উপর ভারার্পণ করে, তখন হইতে তাহার স্বাধীনতা অন্তর্হিত হয় ; তাহার অস্তিত্ব লুপ্ত হয়।

সমস্ত বিবেচনা কারয়া আমি দেখিতছি যে নগর অতি ক্ষুদ্রায়তনেব না হইলে অতঃপর আমাদের মধ্যে রাজশক্তির পক্ষে তাহার অধিকার ব্যবহার করা সম্ভবপর হইবে না। কিন্তু অতি ক্ষুদ্রায়তনের হইলে ইহা বিজিত হইবে না ? না। আমি ইহার পরে দেখাইব কি উপায়ে বৃহৎ জাতির বাহ্য শক্তির সঙ্গে ক্ষুদ্রায়তন রাষ্ট্রের সুবিধাজনক শাসনব্যবস্থা ও সুশৃঙ্খলার সংযোগ সাধন করা যায়।

## ১৬শ অধ্যায়

শাসন প্রতিষ্ঠান কোনরূপ চুক্তির ফল নয়

ব্যবস্থাপক ক্ষমতা সুপ্রতিষ্ঠিত হইলে কার্যকারী ক্ষমতাও সেইরূপ প্রতিষ্ঠিত করা আবশ্যিক হয় ; কারণ শেষোক্ত ক্ষমতা ক্রিয়া করে বিশেষ বিশেষ কর্মের দ্বারা এবং ব্যবস্থাপক ক্ষমতার সঙ্গে উহার কোন মূলগত ঐক্য নাই বলিয়া উহা স্বভাবতঃই সম্পূর্ণ পৃথক শ্রেণীর। যদি রাজশক্তির রাজশক্তি হিসাবে কার্যকারী ক্ষমতা থাকা সম্ভবপর হইত তাহা হইলে অধিকার ও ঘটনা (le fait) \* এই দুইয়ের মধ্যে এমন গোল

---

\* বর্তমান গ্রন্থের পরিশিষ্টে আমার এই প্রস্তাবানুযায়ী কাজ করিবার ইচ্ছা ছিল ; কারণ, রাষ্ট্রের বর্হিসম্বন্ধের আলোচনা কালে রাষ্ট্র

বাধিত যে কোনটা আইন এবং কোনটা আইন নয় তাহা নির্দেশ করা কাহারও পক্ষে আর সম্ভবপর হইত না ; এবং রাষ্ট্রীয়সমবায় এইরূপে নিজ বৈশিষ্ট্য হারাওয়া যে হিংসা (violence) হইতে রক্ষা পাইবার নিমিত্ত প্রতিষ্ঠিত হইয়াছিল তাহার আক্রমণের মুখে পড়িত ।

সামাজিক চুক্তি অনুসারে সকল নাগরিক সমান এবং সকলের কি করা কর্তব্য তাহা সকলে নির্দেশ করিতে পারে কিন্তু কেহ নিজে যাহা করে না অপরকে তাহা করিতে বলিবার কোন অধিকার নাই শাসনকর্তৃত্বের স্থাপনা করিয়া রাজশক্তি ঠিক এই অধিকারটিই, রাষ্ট্রীয়সমবায়কে বাঁচাইবার ও চালাইবার জন্য যাহা অত্যাৱশ্যক, রাজাকে দেয় ।

অনেকে বলিয়া থাকেন যে এইরূপে শাসনকর্তৃত্বের স্থাপনা দ্বারা জাতি নিজের ও নির্বাচিত শাসকগণের মধ্যেও একটা চুক্তির করে, যাহার দ্বারা দুইপক্ষের ভিতরে বোঝা-পড়া হইয়া যায় কি কি সত্ত্বে এক পক্ষ শুধু আজ্ঞাকারী ও অপর পক্ষ শুধু আজ্ঞাবহ হইবে । আমাব বিশ্বাস সকলেই স্বীকার করিবে যে ইহা এক অদ্ভুত ধরণের চুক্তি বটে । দেখা যাউক এ কথা টিকে কি না ।

প্রথমতঃ, সর্বোচ্চ কর্তৃত্ব যেমন হস্তান্তরিত হইতে

---

সংঘের কথা ( confédérations ) স্বতঃই উপস্থিত হইত । এ বিষয়টি একেবারে নূতন, এবং ইহার মূল নীতিসমূহ এ পর্যন্ত প্রতিষ্ঠিত হয় নাই ।

## সামাজিক চুক্তি

পারে না তেমনি পরিবর্তিত হইতে পারে না ; উহা সীমাবদ্ধ করিবার অর্থ উহা নষ্ট করা । রাজশক্তি নিজের উপরে একজন উপরওয়ালার বসাইবে ইহা অর্থোক্তিক ও স্ববিরোধী ; তাহার পক্ষে কোন প্রভুব আজ্ঞাবহ হইতে স্বীকার করিবার অর্থ পূর্বেকার অনিয়ন্ত্রিত স্বাধীন অবস্থায় প্রত্যাবর্তন করা ।

অধিকন্তু ইহা পরিষ্কার বুঝা যাইতেছে যে এইরূপ কোন কোন ব্যক্তি ও জাতির মধ্যে চুক্তি একটি বিশেষ কাজ ; ইহা হইতে প্রতিপন্ন হয় যে উহাকে আইন বা রাজশক্তির কাজ বলিয়া গণ্য করা যায় না, কাজে কাজেই উক্ত চুক্তি অবৈধ ।

আরও দেখা যাইতে ছ যে চুক্তিকারী দুই পক্ষ পরস্পরের সঙ্গে সম্বন্ধে কেবল প্রকৃতির আইনের অধীন হইবে এবং নিজ নিজ সত্ত্ব যথাযথ পালন করিবার পক্ষে কোন বৃকম প্রতিভূ থাকিতেছে না ; এরূপ চুক্তি সমাজ-ব্যবস্থার সম্পূর্ণ বিবোধী । শক্তি যাহার হাতে থাকে কার্য্য করা সব সময়ে তাহার কর্তৃত্বাধীন ; কাজেই, এইরূপ চুক্তি, কোন ব্যক্তি যদি অপকে বলে,—“তোমাকে আমি আমার সমস্ত সম্পত্তি দিতেছি এই সত্ত্ব যে তোমার যতটুকু খুশী আমাকে তাহা ফিরাইয়া দিবে,” তবে তাহার কাজকে “চুক্তি” নাম দেওয়ার মত হইবে ।

রাষ্ট্রে কেবল একটি চুক্তি হইতে পারে, তাহা সম্মেলনের চুক্তি ; ইহার ফলে আর কোন প্রকারের চুক্তির স্থান থাকে না । এই প্রথম চুক্তি লঙ্ঘন করে না এরূপ আর কোন প্রকার সাধারণ (public) চুক্তির কল্পনা করা যায় না ।

## ১৭শ অধ্যায়

### শাসন প্রতিষ্ঠান

তাহা হইলে যে কর্মের ফলে শাসনকর্ত্বের স্থাপনা হয় কোন সংস্কার ভিতরে উহা পড়ে বলিয়া মনে করিতে হইবে ? প্রথমেই বলিয়া রাখি যে উক্ত কর্মটি জটিল অথবা আর দুইটি কর্মের যোগফল ; যথা, আইনের প্রতিষ্ঠা ও আইনের প্রয়োগ ।

প্রথমটির দ্বারা রাজশক্তি বিধান দেয় যে এই বা এই প্রকারের শাসকসমবায় প্রতিষ্ঠিত হইবে ; এই কর্মটি যে আইন বলিয়া গণ্য হইবে তাহা স্পষ্ট বুঝা যায় ।

দ্বিতীয়টির দ্বারা জাতি প্রধান প্রধান ব্যক্তিকে নির্বাচন করে যাহাদের হাতে নির্দিষ্ট শাসনতন্ত্র চালাইবার ভার দেওয়া হয় । এখন, এই যে নির্বাচন ক্রিয়া, ইহা বিশেষ একটি কাজ মাত্র এবং ইহাকে প্রথমটির মত আইন বলিয়া গণ্য করা যায় না ; ইহা কেবল প্রথমটির একটি ফল এবং শাসন-কর্ত্বপক্ষের করণীয় ।

এখানে বুঝা শক্ত হইয়া দাঁড়াইতেছে যে শাসনকর্ত্বপক্ষ যখন অবিদ্যমান তখন কিরূপে শাসনকর্ত্বপক্ষ কর্ম করিতে পারে এবং যে জাতি রাজশক্তি বা প্রজা মাত্র তাহাই বা স্থলবিশেষে কিরূপে রাজা বা মার্জিষ্ট্রেট হইতে পারে ।

এখানে রাষ্ট্রীয়সমবায়ের নানা বিস্ময়কর গুণের মধ্যে একটি প্রকাশ পাইতেছে ; ঐ সকল গুণের বলে বাহ্যতঃ পরস্পর

## সাংসদিক চুক্তি

বিরোধী ক্রিয়ার ভিতরে সামঞ্জস্য রক্ষিত হয় ; রাজশক্তি আকস্মিকভাবে গণতন্ত্রে পরিণত হইবার ফলে ইহা হয় ; এইভাবে কোনরূপ স্পষ্ট পরিবর্তন ব্যতিরেকে কেবল সমষ্টির সহিত সমষ্টির একটা নূতন সম্বন্ধের জোরে নাগরিকগণ মাজিষ্ট্রেট হইয়া দাঁড়ায়, সাধারণ কাজ ছাড়িয়া বিশেষ কাজে এবং ব্যবস্থাবিধি প্রণয়ন করা ছাড়িয়া উহার প্রয়োগে হাত দেয় ।

এইরূপ সম্বন্ধ পরিবর্তন অনুমানের চাতুর্য্য মাত্র নয়, ব্যবহারিক জগতে ইহার দৃষ্টান্ত আছে ; ইংলণ্ডের পার্লামেন্টে ইহা রোজ দেখা যায় , সেখানে নিম্নতর সভা, কোন কোন উপলক্ষে কার্যাদি উত্তমরূপে পর্যালোচনা করিবার জন্য, আপনার মধ্য হইতে গ্র্যাণ্ড কমিটি গঠন করে এবং এইরূপে এক মুহূর্ত্ত পূর্বে উহা যে রাজশক্তির পরিষদ ( cour souve raine ) পদে ছিল তাহা হইতে নামিয়া সামান্য আলোচনা সভার পরিণত হয় ; তার পরে কমিটির আলোচনা ফল আবার গণসভা ( House of Commons ) হিসাবে নিজের কাছেই পেশ করে এবং এক নাম গ্রহণ করিয়া যাহা সে স্থির করিয়াছে, আরেক নাম গ্রহণ করিয়া পুনরায় তাহাই আলোচনা করে ।

এই গণতান্ত্রিক শাসনের বিশেষ সুবিধা এই যে ইহা কার্যতঃ সাধারণ ইচ্ছার একটি সহজ বিধান দ্বারা প্রতিষ্ঠিত হইতে পারে । তার পরে, এইরূপ শাসনব্যবস্থা গৃহীত হইলে উক্ত অস্থায়ী শাসনশক্তি 'কর্তৃত্ব পরিচালনা করিতে



থাকে অথবা আইনে যে প্রকারের শাসন নির্দেশ করা হয় রাজশক্তির নামে সেই প্রকার শাসনের প্রতিষ্ঠা করে এবং সমস্ত কার্যটি এইরূপে আইনসঙ্গত হয়। আর কোন উপায়ে বৈধভাবে এবং ইতিপূর্বে প্রতিষ্ঠিত মূল নীতিসমূহ লঙ্ঘন না করিয়া শাসনকর্তৃত্বের প্রতিষ্ঠা করা অসম্ভব।

### ১৮শ অধ্যায়

শাসনকর্তৃত্ব জবরদখল হওয়া কি উপায়ে নিবারণ করা যায়

এই সকল ব্যাখ্যা ১৬শ অধ্যায়ে লিখিত বিষয় সুপ্রমাণিত করিতেছে এবং তাহা হইতে দেখা যাইতেছে যে যে কর্মের দ্বারা শাসনকর্তৃত্ব প্রতিষ্ঠিত হয় তাহা চুক্তি নয়, তাহা আইন ; তাহার কার্যকারী ক্ষমতার আশ্রয়ক তাহার জাতির কর্মচারী মাত্র, প্রভু নয় ; জাতির ইচ্ছা মাত্র তাহার প্রতিষ্ঠিত এবং অপসৃত হইতে পারে ; তাহাদের সঙ্গে কথা আদেশ পালন করিবে, চুক্তি-বন্ধ হইবার কোন কথা উঠে না ; এবং রাষ্ট্র যে সকল কর্তব্যের ভার তাহাদের উপর অর্পণ করে তাহা বহন করিয়া তাহার নাগরিক হিসাবে তাহাদের কর্তব্য পালন করে মাত্র এবং ঐ সকল কর্তব্যের সর্ব সম্বন্ধে তর্ক করিবার কিছুমাত্র অধিকার তাহাদের থাকে না।

তাহা হইলে দাঁড়ায় যে জাতি যখন কোন পুরুষানুক্রমিক শাসনকর্তৃত্ব প্রতিষ্ঠিত করে, তাহা নির্দিষ্ট পরিবারে আবদ্ধ রাজতন্ত্র হউক বা নাগরিকগণের নির্দিষ্ট শ্রেণীতে আবদ্ধ

## সামাজিক চুক্তি

অভিজ্ঞাততন্ত্র হউক, তখন তাহাবা কোন চুক্তিতে আবদ্ধ হয় না, শাসনব্যবস্থাকে তাহাবা একটা অস্থায়ী রূপ দেয়, যতদিন পর্য্যন্ত তাহা পবিবর্তন কবিবাব ইচ্ছা তাহাদের না হয়।

এ কথা সত্য যে একরূপ পবিবর্তন চেষ্টা সর্বদা বিশজনক হইয়া থাকে এবং সাধাণের কল্যাণের প্রতিকূল না হইলে প্রতিষ্ঠিত শাসনক তে কখনও হাত দেওয়া উচিত নয়; কিন্তু এই সতর্কতার বাণী বাজনীতি এটি উপদেশ মাত্র, ইহা অধিকারের দাবী নয়; বাস্তব যেমন নাশক্তিগণের হাতে সামরিক কর্তৃত্ব, তেমনি শাসনকর্তাগণের হাতে বে সামরিক বিষয়ের কর্তৃত্ব ছাড়িয়া দিতে বাধ্য নয়।

ইহাও সত্য যে একরূপ ক্ষেত্রে বাস্তবজোহমূলক গণগোল হইতে নিয়মানুগ এবং বৈধ কর্মের, এবং দল বিশেষের চীৎকার হইতে সমগ্র জাতির ইচ্ছার পার্থক্য নির্ণয় কবিবাব জন্ত আবশ্যকীয় রীতিগুলি বিশেষ সতর্কতার সহিত পালন করিতে পারা যায় না। বিশেষ কবিয়া এইরূপ অশ্রীতিকর ক্ষেত্রে নিতান্ত দায়ে পড়িয়া যতটুকু ছাড়িতে অস্বীকার করা যায় না, মাত্র ততটুকু ছাড়িতে হইবে, এবং এই দায়সূত্রে রাজ্য জাতির অনিচ্ছা সত্ত্বেও আপনার ক্ষমতা বজাইয়া রাখিবার মস্ত সুবিধা পাইয়া যান, এবং তিনি ক্ষমতা জবর-দখল কবিয়াছেন তাহা বলিবার পথও থাকে না; কারণ, নিজ অধিকারসমূহই পবিচালনা করিতেছেন এইরূপ দেখাইয়া ঐ সুযোগে সেই সকল অধিকার যদৃচ্ছা বাড়াইয়া

লওয়া খুব সহজ এবং সাধারণ শাস্তি রক্ষার অজুহাতে, শৃঙ্খলা পুনরুদ্ধার করিবার উদ্দেশ্যে সে সকল সভা সমিতি হয় তাহা বন্ধ করিয়া দেওয়াও সহজ। এইরূপে যে নিস্তরতা ভাঙ্গিবার তিনি প্রতিবন্ধকতা করেন,\* অথবা যে সকল অনাচার (irrégularités) তিনি অনুষ্ঠিত করান, তাহার সুবিধা লইয়া তিনি ধরিয়া লন যে ভয়ে যাহারা নির্বাক থাকে তিনি তাহাদের সম্মতি লাভ করিয়াছেন এবং যাহা কথা বলিতে সাহস করে তাহাদিগকে শাস্তি প্রদান করেন। ডিসেম্ভিরগণ \* (les decemvirs) প্রথমে এক বৎসরের জন্য নির্বাচিত হইয়া ও পরে আরেক বৎসর তাহাদের কার্যকাল বাড়াইয়া দেওয়া হইলে, এই উপায়ে কমিসিয়ার \* অধিবেশন না হইতে দিয়া ক্ষমতা চিরস্থায়ী করিবার প্রয়াস পান, এবং এই সহজ উপায়েই পৃথিবীর সমস্ত শাসনকর্তৃপক্ষ একবার জাতীয় শক্তি হাতে পাওয়া শীঘ্র হউক বা বিলম্বে হউক, রাজশক্তির কর্তৃত্ব জবরদখল করিয়া লন।

পূর্বে আমি যে সাময়িক অধিবেশনের কথা বলিয়াছি তাহা এইরূপ দুর্বিপাক নিবারণ বা স্থগিত করিবার পক্ষে উপযোগী, বিশেষতঃ যখন আনুষ্ঠানিক অধিবেশন আহ্বান করিবার প্রয়োজন হয় না; কারণ, সেক্ষেত্রে আপনাকে

---

\* Decemviri—(10 men), a college of officials at Rome, with various functions, legal and religious.

\* \* Comitium—Comitium, a space in Rome originally used for meetings of the Assembly and for courts of Law. Later on it was incorporated in the Forum. (অনুবাদক)।

## সামাজিক চুক্তি

প্রকাশ্যভাবে আইনভঙ্গকারী এবং রাষ্ট্রের শত্রুরূপে পরিচয় না দিয়া রাজা ঐ অধিবেশন বন্ধ করিতে পারেন না।

এই সকল অধিবেশন, যাহাদের একমাত্র উদ্দেশ্য সামাজিক চুক্তির সংরক্ষণ, বরাবর দুইটি প্রস্তাব লইয়া আরম্ভ হইবে ; এই প্রস্তাব দুইটি কেহ কখন অগ্রাহ্য করিতে পারিবে না এবং তাহাদের উপরে পৃথকভাবে ভোট লইতে হইবে।

প্রথম “বর্তমানে যে প্রকারের শাসনতন্ত্র আছে তাহা রক্ষা কবাই রাজশক্তির ইচ্ছা কিনা।”

দ্বিতীয়টি—“বর্তমানে যাহাদের হাতে শাসনভার গৃহীত আছে তাহাদের হাতে উহা বাখাই প্রজাগণের ইচ্ছা কিনা ?”

যাহা প্রমাণ করিয়াছি বলিয়া আমার বিশ্বাস এখানে আমি তাহাই ধরিয়া লইতেছি ; অর্থাৎ, রাষ্ট্রের ভিতরে এমন কোন মৌলিক আইন নাই যাহা প্রত্যাহার করা যায় না, এমন কি সামাজিক চুক্তি পর্য্যন্ত বাদ পড়ে না, কারণ, সকল নাগরিক যদি এই চুক্তি ভাঙ্গিবার জন্য একমত হইয়া সমবেত হয় সেক্ষেত্রে সন্দেহ করিবার কারণ থাকে না যে উহা অত্যন্ত বৈধ-ভাবেই ভাঙ্গা হইয়াছে। গ্রোটিয়ুস এমনও মনে করেন যে প্রত্যেক লোক দেশ হইতে বাহিরে গেলে সে যে রাষ্ট্রের সভ্য তাহার সহিত সম্বন্ধ বিচ্ছেদ করিতে ও স্বীয় স্বাভাবিক স্বাধীনতা ও সম্পত্তি পুনঃপ্রাপ্ত হইতে পারে (১)। তাহা

---

১। কিন্তু ইহা দেখিতে হইবে যে সে কর্তব্য এড়াইবার অথবা যখন আমাদের সেবা দেশের পক্ষে প্রয়োজন তখন পলাইয়া নিষ্কৃতি পাইবার জন্য বাহিরে না যায়। সে অবস্থায় পলায়ন করা অপরাধ

## সামাজিক চুক্তি

হইলে যাহা নাগরিকগণের প্রত্যেকে পৃথক ভাবে করিতে পারে, সকলে মিলিত ভাবে তাহা করিতে পারিবে না, ইহা অযৌক্তিক ।

---

বলিয়া গণ্য ও শাস্তির যোগ্য হইবে ; উহা স্বৈচ্ছাকৃত মত বিচ্ছেদ করা নয়, সামরিক কার্য বিনামুমতিতে পরিত্যাগ করা ।



# পরিশিষ্ট

l'état	রাষ্ট্র	state
{ gouvernement corps du gouver- nement membres du gouvernement l' institution du gouvernement	{ শাসন, শাসনশক্তি শাসনতন্ত্র, শাসন- ব্যবস্থা শাসনকর্তৃপক্ষ, শাসনকর্তৃত্ব শাসন প্রতিষ্ঠান	{ government ; administration ; system of government ; members of government etc.
constitution souverain	রাষ্ট্রীয় গঠন-ব্যবস্থা রাজশক্তি	constitution sovereign, sovereignty
{ le peuple corps du peuple corps de la nation	{ জাতি, প্রজা, সাধারণ জনসমষ্টি জাতীয় সমবায়	{ people ; body of the people ; body of the nation.
loi	ব্যবস্থাবিধি, আইন	law
législation	ব্যবস্থাবিধি প্রণয়ন	legislation
puissance législative	ব্যবস্থাপক ক্ষমতা	legislative power
pouvoir exécutif	কার্যকারী ক্ষমতা	executive power
pouvoir absolu	অনাপেক্ষিক ক্ষমতা	absolute power
personne publique	জনসমষ্টি, সাধারণ	public person
volonté générale	সাধারণ ইচ্ছা	general will

volonté particulière	বিশেষ ইচ্ছা	particular or individual will
volonté de corps	সমষ্টির ইচ্ছা	corporate will
corps social	সমাজ	social body
corps politique	রাষ্ট্রীয় সমবায়	body politic
l'inte'rést de corps	সাধারণ স্বার্থ, সমবায়িক স্বার্থ	corporate interest
l'ordre civil	সমাজ ; সামাজিক শৃঙ্খলা	civil order
droit civil	নাগরিক অধিকার	civil right
liberté civile	পৌর স্বাধীনতা ; ব্যক্তি স্বাধীনতা	civil liberty
l'association civile	সমাজ-বন্ধন	civil association
l'home civil	সামাজিক মানুষ	civil man
la société civile	সাধারণ সমাজ-ব্যবস্থা	civil society
l'e'tat civil	সমাজবদ্ধ অবস্থা	civil state







